





MAR 18 187



JOANNIS DEVOTI

DEI ET APOSTOLICAE SEDIS GRATIA
ARCHIEPISCOPI CARTHAGINIENSIS

JUS CANONICUM UNVERSUM
PUBLICUM ET PRIVATUM

NOVA ROMANA EDITIO ACCURATIO

TOMUS III.

QUI CONTINET LIBRUM II. DECRETALIVM GREGORII IX.



— o o o o — **ROMÆ** — o o o o —

APUD JOANNEM FERRETUM

M.DCCC.XXXVII

Superiorum facultate

LIBER I.

DECRETALIUM

GREGORII IX.

TITULUS I.

De Judiciis,

- | | |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>I. In omni hominum societate necessariae sunt leges, et qui earum executionem curent.</p> <p>II. Ecclesia interioris habet, et exterioris fori jurisdictionem.</p> <p>III. Apostoli utramque exercuerunt.</p> <p>IV. Et V. Utramque etiam Apostolorum successores Episcopi.</p> <p>VI. Eam civiles quoque leges semper integram esse voluerunt.</p> <p>VII. Haec exterior Ecclesiae jurisdictionis semper efficax, et actiosa fuit.</p> <p>VIII. Eamque exercuit Ecclesia non per arbitros, sed per veros iudices.</p> | <p>IX. Judicium ecclesiasticum, acculare, et utrumque possessorium, ac petitorium.</p> <p>X. Ordinarium, et summarium.</p> <p>XI. Stricti joris, ac bonae fidei.</p> <p>XII. Simplex, et duplex.</p> <p>XIII. Spirituale, ac temporale.</p> <p>XIV. Quid iudicium, et quibus constet?</p> <p>XV. Mixtum imperium.</p> <p>XVI. Qui iudex competens?</p> <p>XVII. Qui stare in iudicio, et qui ad hoc vocari nequeant?</p> <p>XVIII. Ordo iudicii.</p> |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

Agitur de his in Sexto, Clementinis, et Extravag. commun.
h. t. in Decreto 2. q. 1., 5. q. 4., et 14. q. 1. 15. q. 7. 16. q. 6. 30. q. ult. can. si quis in Trident. sess. 7. c. 14. sess. 24. c. 20., et sess. 25. c. 10. de reform., et sess. 13. c. 5. de reform., ubi de iudicio summario. In Institutionibus lib. 4. tit. 6. de action. cum seqq., in Pandectis lib. 5. tit. 1., in Codice lib. 1. tit. 4. lib. 3. tit. 1. 5. 6. 7.

§. I.

*P*arum est, inquit Pomponius I. C. (1); *jus in Civitate esse, nisi sint qui jura reddere possint. Cum enim jus imperet, praescribatque leges, quibus respublica regenda est, sed imperata, et praescripta exequi per se ipsum nequeat, sui*
Tom. III, A

vindices habere debet, et curatores, effectoresque eorum, quae sunt constituta. Id vero praestant Magistratus huic muneri praepositi, quorum est explicare potestatem, qua praediti sunt, ut legum praescriptiones vim, et exitum consequantur. Super Ecclesiae jus est, uti suum est Civili Reipublicae, neque illud ab hac vim accipit, et auctoritatem (2); cum *sacrarum literarum monumentis, duplicem a Deo institutam esse potestatem constet, saecularem nimirum, et ecclesiasticam, et jurisdictio ecclesiastica sejuncta sit a potestate saeculari* (3). Itaque ut civilis respublica suos habet Rectores, et Magistratus, qui civilium legum mandata exequuntur, ita et Ecclesia suos habere debet Magistratus, et Rectores, qui in rebus ecclesiasticis pari fungantur munere. Et hos quidem Rectores, et Praepositos habere oportet potestatem, qua opus est, ut omnes observare cogantur quicquid lex aut jubendo, aut vetando scripto sancivit.

(1) Pomponius in *L. necessarium* 2. §. ita in civitate ff. de origin. jur.

(2) Confer S. Athanasium *Histor. Arian. ad Monach.* n. 52 opp. tom. 1. pag. 297. ed. Patav. 1777.

(3) Concilium Bardigalese an. 1581. tit. 31. tom. 21. col. 785. collect. Labbæi edit. Coleti: Vide etiam Concilium Rothomagensis de jurisd. eccl. col. 160. et Rhemensis tit. de jurisd. col. 711. eod. tom., S. Thomam 2. 2. q. 33. art. 6. Recte Ivo Carnotensis ep. 9 opp. tom. 2. pag. 5. edit. Paris. 1647. Sicut est, inquit, Regiae potestatis civilia jura servare, et eorum transgressores debita poena mulciare, sic episcopalis officii est ecclesiasticas institutiones subditis servandas imponere, et transgressores earum paterna severitate ad debitum ordinem revocare.

§. II. Christus Ecclesiae dedit Rectores, et Praepositos, Petrum scilicet, ejusque successores Romanos Pontifices, et Apostolos, quique ipsis succedunt, Episcopos, eisque attribuit omnem potestatem, qua eos praeditos esse oportebat pro recta divinarum, sacrarumque rerum administratione, quam ipsis totam credidit. Hi curare debent, quod semper curaverunt, ut omnes obediant legibus, quae jure divino, et ecclesiastico comprehenduntur. Atque huc spectat jurisdictio, quae fori exterioris dicitur (1), quaeque alia est a jurisdictione fori interioris, quae in foro poenitentiae exercetur. Neque enim astringi potest, quin Christus utramque Ecclesiae dederit, et illam sane, quam primum memoravimus, et de qua nobis hoc loco agendum est, testatissimam faciunt Sacrae Literae,

et consensus Patrum, atque Conciliorum, et constans, atque perpetua consuetudo; et ipsi saeculares Principes, et eorum laudatores, defensoresque potestatis. Ac sane in Apostolos Christus contulit non tantum potestatem remittendi peccata, quae quis in tribunali poenitentiae confiteretur, sed etiam ad Ecclesiam deferri voluit reus criminum, qui fraternae correctioni resistunt, eosque non audientes ipsam Ecclesiam haberi iussit tanquam ethnicos, et publicanos. hoc est extrudi, atque ejici e Fidelium communione: *si autem Ecclesiam non audierit, sit tibi sicut ethnicus et publicanus* (2). Idem Apostolis non tantum dixit: *quorum retinueritis peccata retenta sunt, sed illud quoque addidit: quaecunque alligaveritis super terram, erunt ligata et in Coelo, et quaecunque solveritis super terram erunt soluta et in Coelo* (3). Atqui in omnis reipublicae administratione Potestas imperat, atque imperans subditos ligat praeceptis, quae tradit, et vinculis; quae imponit. Fideles etiam, suosque ministros ligat Ecclesia, cum eos vult esse expertos bonorum suorum, aut cum eos exercere vetat quae suorum sunt propria munera. Ita duplici vinculo, et praesentis poenae, et futuri supplicii provisorum est, ut homines ab omni scelere arceantur (4). Ac quomodo rectae administrationis officio satisfacere Ecclesia posset, esseque impedimento suis ministris, ne populos scelere pervertant, nisi eorum potestatem coercere, eosque repellere a sanctuario posset?

(1) *Nihil dubitandum est*, inquit Synodus Cameracensis tit. 14. c. 1. tom. 20. Concil. collect. Labbari col. 1411. edit. Coloni, duplex esse forum ecclesiasticum a Christo nomine clavium nobis insinuatum; alterum sacramenti poenitentiae, quod ad conscientiam spectat, in quo reus non nisi ex propria confessione solvitur, et ligatur; alterum vero jurisdictionis, et regiminis externi, in quo reus non solum, ex propria confessione, sed etiam per testes convincitur, et judicatur. Errorem M. Antonii de Dominis, et aliorum, qui Ecclesiam verum habere negant jurisdictionem, hoc est vim coactivam, et subjectionem externam Universitas Parisiensis die 15. Decembris an. 1617. condemnavit his verbis: *hæc propositio qua parte veram jurisdictionem, idest vim coactivam, et subjectionem externam Ecclesiae denegat, est hæretica, et totius Ordinis Hierarchici perturbativa, et confusionem Babylonice in Ecclesia generans etc.* apud Argentanum Collect. judic. Eccles. tom. 1. par. 2. pag. 105. Similem Marsilii Patavini, et Jandoini errorem jam antea proscripserat Joannes XXII. in Bulla dogmatica apud Raynaldum ad an. 1327. num 35. Consule *Alteserram eccles. jurisdict. vindic. lib. 1. cap. 1. seqq. pag. 1. seqq. edit.*

Paris. 1703. Bertium de theolog. disciplin. lib. 20. cap. 16. prop. 3. tom. 4. pag. 135. seqq. edit. Romae 1740. Mamachium del diritto libero della Chiesa di acquistare etc. lib. 2. tom. 2. par. 2. cap. 3. pag. 126. seq. Librum de l' autorité de deux puissances chap. 5. §. 3. tom. 3. pag. 197. seqq. a Strasburg. 1780. itemque liberium rendete a Cesare cioè, che è di Cesare etc. §. 2. pag. 40. seq. in Faenza 1788. Jo. Antonium Bianchium della potestà, e della polizia della Chiesa lib. 1. cap. 5 §. 6. tom. 3. et lib. 2. cap. 4. §. 9. num. 6. et 9. tom. 4. Nostras Institutiones Juris Canonici lib. 3. tit. 1. tom. 3. pag. 2. et seq. et lib. 4. tit. 1. §. 2. et seq. tom. 4. pag. 3. et seq. edit. Romae 1792. Van-Espenius jur. eccles. univers. par 3. tit. 11: exteriorem jurisdictionem, et vim coactivam ad vindictam publicam, et aliorum exemplum Ecclesiam, adhibere coepisse arbitratur circa saeculum XII. Sed ne omnia colligam, quae prope innumera sunt, haec sententiae adversaria ecclesiastica monimenta, Van-Espenium refellit vel unus Gregorius M. ep. 71. lib. 11. opp. tom. 2. col. 1172. edit. Paris. 1705., cujus verba sunt: Quid ergo tantae nequitiae malum sine digna non debet ultione transire, suprascriptum fratrem nostrum Paschalem volumus admoneri, ut eundem Hilarium prius Subdiaconatum, quo indignus fuit, prius officio, atque verberibus publice castigatum faciat in exilium deportari; ut unius poena multorum possit esse correctio.

(2) Mattheus XVIII. 17. quem locum ita explicat S. Joannes Chrysostomus Hom. in Matth. 60. num. 2. pag. 607. opp. tom. 7. edit. Venet. 1734: *die Ecclesiae, id est Praesidibus: non dixit Ecclesiae Praesuli, alliga illum sed si alligaveris etc.*

(3) Mattheus XVIII. 18.

(4) S. Jo. Chrysostomus cit. hom. 60. num. 2. pag. 608. *vides, inquit, quomodo hunc duplici necessitate vinceret et praesenti poena, et futuro supplicio. Haec porro comminatus est, ne isthaec acciderent, sed metuent et minas, et ejectionem ab Ecclesia, et periculum ex vinculo partum; nec non illud in coelis vineulum, moderator ait:*

§. III. Acceptam a Christo potestatem semper Apostoli exercuerunt, et Paulus quidem tum incestum Corinthi sese Sata-nae tradidisse scribit *in interitum carnis, ut spiritus salvus sit* (1), tum Hymenaeum, et Alexandrum; *ut discant non blasphemare* (2); virgam minatur Corinthiis (3); profitetur habere se *in promptu ulcisci omnem inobedientiam ex potestate, quam dedit*, ait, *nobis Dominus*, ac ne eos denunciatione potestatis frustra per epistolas terrere videretur, *quales sumus, inquit, verbo tales, et praesentes in facto* (4); se veniam daturum nemini affirmat (5); hortatur, *ne praesens durius agat secundum potestatem, quam Dominus dedit mihi* (6); eandem in Ephesi Episcopo agnovit potestatem, dum ei methodum proponit, quam in Presbyteri accusatione servare oportet (7); Thessalonicensibus imperat, ut sibi obediant, et si quis non obediat, cum

notari, et a Christianorum societate exterminari jubet (8). Quin ne sola severitate jus sacrae potestatis exercere videretur, Corinthi postea resipiscentem Christianae communioni restituit (9). Joannes quoque Apostolus Diotrephi minatur (10), et gradu movet Asiae presbyterum, qui Pauli, et Theclae nomine falsum opus ediderat (11). Mitto cetera, quae a Petro, aliisque Apostolis gestae sunt.

(1) Paulus I. ad Corinti. I^o. 5.

(2) I. ad Timot. I. 20.

(3) I. ad Corinti. II^o. 21.

(4) II. ad Corinti. X. 11.

(5) II. ad Corinti. XIII. 2.

(6) Ibid. 10.

(7) I. ad Timot. V^o. 19.

(8) II. ad Thessalonic. III. 14.

(9) II. ad Corinti. II.

(10) Joannes III. 9. et 10.

(11) Tertullianus de Baptismo cap. 17. pag. 251. edit. Vetus 1746.

§. IV. Vita sanctis Apostolis, eorum successores Episcopi similem explicarunt exteriorem potestatem; cujus repletae sunt historiarum monumenta. Ejectus a clero Marcion propter admissa scelera Apostolicam Sedem appellat, quae eum minime restituendum judicat (1). Antiochenum Concilium de gradu dejicit Paulum Samosatenum, eumque deinceps anathematis poena mulctat (2); communionis vult esse expertes Felicissimum, ejusque socios, quae sententia a Cornelio Summo Pontifice confirmatur, eandemque poenam et aliis irrogat (3); Novatus schisma facit, ut se ab judicio Episcoporum eripiat (4); Marcianus Arelatensis gradu movetur, quod se addiderat Novatiani partibus (5). Basilides Emeritensis, et Martialis Asturicensis deponuntur, quod Idolis sacrificium fecerant (6). Tertullianus (7), et Origines (8), judicia memorant acta ab Ecclesia, poenasque ab ea constitutas. Optatus Donatistis ostendit, Macarium neque accusari, neque condemnari potuisse, quoniam accusator, et iudex idem esse nequit (9); Concilium Eliberitanum excommunicatione animadvertit adversus eos, qui non probato crimine Episcopum, aut Presbyterum, aut Diaconum accusant, ac distinguunt poenitentiam imponendam ei, qui suum crimen sponte confitetur, ab illa, quae ab Episcopo indicenda est, et

ad ejus tribunal crimen deferatur (10). Concilium Carthaginense III. majores, minoresque memorat ecclesiasticos iudices, et ab his ad illos appellationem (11); Concilium IV. Carthaginense praescribit methodum ab Episcopo observandam in ferendo iudicio (12). „Episcopus, inquit, nullius causam audiat absque praesentia clericorum suorum; alioquin „irrita erit sententia Episcopi, nisi clericorum praesentia „confirmetur. „

(1) Epiphanius *haeres.* 22. vel 42. *opp. tom. 1. pag. 302. edit. Patavii Coloniae 1682.*

(2) Eusebius *Histôr. lib. 7. cap. 30. pag. 314. et seqq. edit. Vales. Taurin.* 1746.

(3) Cyprianus *ep. 2. 34. 41. 42. 52. 59. pag. 171. 217. 225. 227. 237. 259. edit. Felli Amstelod.* 1700.

(4) Idem *ep. 47. pag. 233.*

(5) Idem *ep. 68. pag. 291.*

(6) Idem *ep. 67. pag. 287.*

(7) Tertullianus *Apolog. cap. 39. pag. 81.*

Coimas, inquit, ad literarum divinarum commemorationem . . . *ibid. etiam exhortationes, castigations, et censura divina. Nam et judicatur magno cum pondere, ut apud certos Dei conspectu, summumque futuri iudicii praepjudicium est, si quis ita deliquerit, ut a communione orationis, et conventus, et omnis sancti commercii religetur.*

(8) Origenes *Hom. 14. in Levitic. tom. 2. opp. pag. 258. edit. Maurin Paris.* 1733.

(9) Optatus *de schism. Donatist. lib. 3 pag. 85. edit. Paris. 1676. Dicamus, inquit, et nos, quos dicitis, reum fuisse Macarium: quod si quis accusatore silente, a nobis non licuit abstinere; scriptum est enim, ante cognitam causam neminem esse damnandum. Dicite quis eum accusavit, et auditus non est. Dicite Macarium confessum esse culpam, et nostram similuisse sententiam. . . Non enim potest quis in una causa eodem momento duas portare personas, ut in eodem iudicio et accusator posuit esse, et iudex. . . Quare cum vos minime probare possitis ab aliquo apud nos accusatum esse Macarium, nostrum non potestis damnare iudicium*

(10) Concilium Eliberitanum *can. 75. et 76. tom. 1. Concil. collect. Labbaci col. 1001.*

(11) Concilium Carthaginense III. *can. 10. tom. 2. col. 1401. collect et edit. cit.*

(12) Concilium Carthaginense IV. *can. 23. col. 1439. ibid.*

S. V. Apostolici quoque Canones, (1), et Constitutiones (2), quae certe quarto saeculo antiquiores sunt, diserte memorant ecclesiastica iudicia, eorum agendorum potestatem, quam habet Episcopus, adhibendum in iis studium, ac diligentiam in omnibus, quae ad accusatorem, atque ad accusatum pertinent, poenam calumniatori irrogandam; quin etiam

certos constituit habendi iudicii dies, ac methodum, poenasque varias, et multiplices ad unumquodque crimen accommodatas (3). Concinnunt Patres (4), et Concilia (5), ipsi Principes saeculares, eorumque potestatis fautores (6), quorum omnium una, et eadem sententia est, habuisse semper Ecclesiam, praeter internum illum forum, qui pertinet ad Sacramentum Poenitentiae, etiam externum, in quo egit iudicia, potestatemque exteriorem exercuit.

(1) Canon Apostol. 66. apud Cotelerium *PP. Apost. tom. 1. pag. 446. edit. Antwerp. 1698.* Episcopum, inquit, de aliquo ab omnibus fide dignis, ac fidelibus aduersatum oportet vocari ab Episcopis, et si quidem occurrerit, ac responderis, cum furrerit convictus, poena destituatur; si vero vocatus non paruerit, vocetur iterum; missis ad eum duobus Episcopis; si autem vel sic non paruerit, vocetur etiam tertio, duobus rursum Episcopis ad eum missis, quod si etiam sic aspernatus non aduenerit, Synodus aduersus eum pronunciat, quae videbuntur, ne iudicium detrectans videatur lucrum facere. Habes hic explicate propositum totum ordinem iudiciarium, vocationem in jus, tres terminos monitorios, tres citationes, ac denique sententiam latam aduersus contumacem.

(2) Constitutiones Apostolicae lib. 2. cap. 11. 37. 42. edit. Cotelerii pag. 220. 247. 251. tom. 1. Antwerp. 1698.

(3) Ibidem cap. 47. pag. 254.

(4) Cyprianus aduersus eos, qui perperam Apostolicam Sedem appellauerant, ep. 53. pag. 266. Amstelod. 1701. agere illic causas suas omnes oportere, ubi et accusatores habere, et testes sui criminis possent et iam causam eorum cognitam, iam de iis dictam sententiam mouet. Quibus verbis siue dabitur exterioris furi iudicium designatur. Eodem spectant Tertullianus in *Apolog.* cap. 39. pag. 31. edit. Venet. 1744. Augustinus serm. 151. de poenit. num. 10. opp. tom. 7. par. 2. col. 1359. et in *Psalm.* 119. serm. 24. tom. 6. col. 708., ubi hinc ab Apostolo praecceptum scribit, ut Episcopi Christianorum causas iudicent: maligni... inquit, infirmos premunt, et causas suas ad nos ferre compellunt, quibus dicere non audemus: dic homo quis te constituit iudicem, aut divisorem inter vos? Constituit enim talibus causis ecclesiasticas Apostolus cognitores in foro prohibens fargare Christianos. Ex de oper. Monach. cap. 29. num. 37. col. 1843. tom. 7. par. 2. Mallem, inquit, manibus aliquot operari... quam tumultuosissimas perplexitates causarum alienarum pati de negotiis saecularibus vel iudicando dirimendas, vel interueniendo praecidendis. Quibus nos molestia item affligit Apostolus, non utique suo, sed eius, qui per eum loquebatur, arbitrio. Idem habet Ambrosius ep. 82. ad Marcellum num. 3. pag. 1206. opp. tom. 3. edit. Venet. 1751., Athanasius *Histor. Arian. ad Monach. n.* 152. tom. 1. opp. par. 1. pag. 297. edit. Paris. 1777. Lucifer Calaritanus pro S. Athanasio lib. 1. pag. 61. seqq. edit. Venet. 1778. Gregorius M. ep. 63. lib. 9. et ep. 45. lib. 13. opp. tom. 2. col. 979. et col. 1250. edit. Paris. 1703. Gregorius Taroneus *Histor. Franc. lib. 10. c.* 15. col. 505. edit. Paris. 1699. memorat Ecclesiam tribunal, et Sacerdotes in eo residentes, ut iudicium ferant.

(5) Concilium Eliberitanum can. 74. et 75., ubi agitur de accusationibus, quae contra Clericos proponuntur, grauesque contra accusatores indicantur.

tor poepae, ac eade re tota agitur in conventu Clericorum. Duo hi canonae sine dubio pertinent ad judicia ecclesiastica, ut observat Albaspinaeus in not. opp. pag. 185. edit. Neapol. 1770. Vide etiam Concilium Antiochenum I. can. 5. 14. 15. t. 2. conc. Labbani col. 587. et 591. Aveniquense cap. 8. tom. 14. col. 621. Palentinum cap. 3. col. 245. tom. 15. Frisingense cap. 3. col. 4. tom. 19. Cameracense de potest. et jurisd. eccles. cap. 1. tom. 20. col. 1411. Mechliniense tit. 25. cap. 1. tom. 21. col. 1471. Tridentinum sess. 25. de reform. cap. 3. censuras ab Episcopis infligi jubet rebus diligentissime cognitis, nulla habita ratione saecularium hominum, et Magistratum, atque ait: nefas autem sit saeculari Magistratui prohibere ecclesiastico judici, ne quem excommunicet, aut mandare, ut latam excommunicationem revocet... cum non ad saeculares, sed ad ecclesiasticos haec cognitio pertineat.

(6) Confer librum de l' autorité des deux puissances par. 3. chap. 3. §. 2. seqq. pag. 174. ed. Strassbourg 1780.

§. VI. Civiles quoque leges illud firmum, ratumque esse voluerunt (1), ut in ecclesiasticis negotiis nullae sint partes, et nulla auctoritas iudicium saecularium. Horum quidem est omnem ferre opem Ecclesiae, ut quae ab ea constituta sunt facilius exitum consequantur, sed ipsorum in hoc toto negotio mera, simplexque executio est Ecclesiae praescriptorum (2). Atque adeo verum est, omnibus semper sanctam, atque inviolatam fuisse ecclesiasticam jurisdictionem, ut etiam Principes, quibus summa potestas est, si quem clericum gravioris criminis, atque etiam laesae majestatis reum suo dignam scelere poenam subire vellent, non eam suo iudicio persequerentur, sed ecclesiasticum iudicem rogarent, ut eandem constitueret, poenisque asperioribus animadverteretur in clericum, qui relicto proprio, hoc est ecclesiastico iudice, laico se submitteret (4).

(1) Consule L. 1. Cod. Theod. de Relig. L. Clericos et L. manus studii de Episc. Cod. ejusd. de Episc. Eccles. et Cler. Theodosium, et Valentinianum III. in literis ad Concilium Ephesinum tom. 3. Concil. collect. Labbaei col. 930. Concilium Romanum III. habitum Symmaco Pontifice tom. 5. Concil. ejusd. collectionis col. 466., ubi Theodoricus Italiae Rex professus est: suum non esse de ecclesiasticis aliquid censere negotiis. Vide etiam quae scripsimus in prolegomenis tom. 1. cap. 12. pag. 233.

(2) Confer Capitalaria Caroli M. lib. cap. 381. et lib. 7. cap. 444. edit. Baluzii tom. 1. col. 664. et 751. Fenes. 1772. Bochellum lib. 4. decret. Eccles. Gallic. Ordonance de Melun art. 24.

(3) Vide Gregorium Turonensem Histor. Franc. lib. 5. cap. 19. pag. 222. edit. Paris. 1699. Concilium Tullense apud Saponarias an. 859. Concil. tom. 10. col. 114. cit. collect.

(4) Concilium Aurelianense IV. cap. 20. col. 1367. t. 5. collect. ejusd. Matisconense I. can. 8. col. 660. tom. 6. Vernense can. 18. tom. 8. col. 421., cujus Concilii decretum sumptum est ex Concilio Carthaginiensi III. cap.

9. Agathense *can.* 8. *tom.* 5. *col.* 523. Nugaroliense *can.* 5. *col.* 1361. *tom.* 14. praeterea Concilio Rothomagensi, Burdigalensi, Rhemense, quorum paulo ante facta mentio est. Confer etiam capitularia Caroli M. *lib.* 7. *cap.* 139. *tom.* 1. *col.* 702., et tractatum d. juris l. *eccles. in act. Clari Galliean.* *tom.* 6. *pag.* 3. *seqq.* edit. Paris. 1764. Mito cetera, quae describuntur loc. cit. *pag.* 78. *seqq.*

§. VII. Quae cum ita sint, ociosa mihi videtur disputatio, quae ad minuendam Ecclesiae potestatem a quibusdam excogitata est, num ea scilicet vetustiori aetate tribunal haberit, ac forum proprium hoc nomine appellatum, per quod jurisdictionem suam explicarit. Cum enim ei semper fuisse constet numeris omnibus absolutam jurisdictionem, locus esse dubitandi plane nullus potest, quin eam suo arbitratu sive per solemne iudicium, atque tribunal, sive alio quovis modo exercere potuerit. Rei caput est ipsa jurisdictio, eaque non jejuna, et inanis, sed efficax, et actiosa, atque ad parendum cogens, de qua nihil detrahatur, si eam alia, aliave methodo, hoc est per actus judiciales, aut extra iudicium placuit explicare. Si ab ecclesiasticis iudiciis tricas, ambagesque forenses, apparitores, similia abfuisse contendunt, equidem non repugnabo, sed quae perfectum iudicium constituent, actor, reus, iudex, causa, probationes, iudicisque sententia, per quam finitur negotium, numquam certe defuerunt. Illud ipsum iudicium, quod memorat Apostolus, ab Episcopo agendum contra Presbyterum accusatum, nonne verum, ac perfectum iudicium est? In eo habemus accusatum, hoc est reum, accusatorem, sive actorem, Episcopum iudicem, causam, iudicii expediendi modum. Quin etiam in ecclesiasticis iudiciis ne aliae quidem defuere solemnitates, quae in saecularibus iudiciis adhibentur, quaeque in more sunt, ut rebus cognitis diligenter sententia emittatur (1).

(1) Confer, quae in causa Euthychis gesta tradit S. Leo. M. *ep.* 23. *col.* 763. edit. *Fratr. Ballerin.*, praeterea quae scripsimus in *Instit. Jur. Canon.* *tom.* 3. *tit.* 1. §. 12. *seqq.* *pag.* 11. edit. Romae 1792., ubi late hoc argumentum persequuti sumus.

§. VIII. Ex his quoque deprehenditur, quam procul absint a veritate, qui sua iudicia Ecclesiam exercuisse contendunt non per veros iudices, eosque praeditos germana, ac propria

jurisdictione, sed per arbitros, qui scilicet mutuo litigantium consensu eligebantur, ut res amice componerent (1). Ac sane, quæ a nobis data sunt, monumenta evidenter ostendunt, semper Ecclesiam suam veram, ac propriam explicasse jurisdictionem contra invitos, et repugnantes, neque illa, quæ memoravimus, judicia fieri potuisse sine proprio, ac nativo jure, nulla interveniente opera, et consensu litigantium (2). Sic aetate S. Cypriani Basilides, et Martialis judicio convicti, quod se cum ethnicorum superstitionibus comiscuissent, gradu moti sunt; sic Marcianus Arelatensis in Galliis sui facinoris poenam invitus ferre debuit, sic demum ceteri, de quibus actum est, ecclesiastici judicis imperio parere debuerunt. Utrumque munus saepe gessisse Episcopos certum est, uti saepe utrumque gerunt in re civili qui veri sunt judices, propriamque habent, suoque officio affixam jurisdictionem, alterum consensu litigantium, alterum suo jure, et potestate; sed non ideo quod interdum partes sustinent arbitratorum, veri judices esse desinunt. Et Augustinus quidem (3), sese utrumque munus gessisse testatur, cum *tumultuosissimas perplexitates causarum alienarum* (quod certe dici non potest, cum duo inter se contententes amicam arbitri opem implorant) *pati debuit de negotiis saecularibus vel judicando dirimendis, vel interveniendo praecidendis*. Posteriora haec verba ad arbitri officium referri possunt, sed illa superiora sine dubio verum, perfectumque judicium designant, quod Augustinus habuisse testatur *tumultuosissimas perplexitates*, quibus verbis judicii strepitus, cursusque multiplex significatur.

(1) Sic post Dapinium, Giannonium, ceteros ecclesiasticæ Potestati inimicos Van-Expennius *Jus ecclesiast. univer. par. 3. tit. 1.*

(2) Consule Bianchini *della potestà e della polizia della Chiesa lib. 1. cap. 5. §. 4. tom. 3. pag. 473. seqq. et lib. 2. cap. 4. §. 3. tom. 4. pag. 658. seqq.* Mamachium *degli acquisti delle mani morte lib. 1. cap. 1. §. 3. tom. 1. pag. 37. et seqq. et lib. 2. cap. 4. pag. 131. seqq. tom. 2. par. 1.* Nicolaum Petitpied *du droit et des prerogatives des ecclesiastiques dans l'administration de la justice seculière par. 1. pag. 81. seqq. edit. Paris 1705.* Acta Cleri Gallicani *de la jurisdiction ecclesiastique par. 2. tom. 6. pag. 30. seqq. edit. Paris. 1769.* Vide etiam, quæ de Eustathii judicio narrat Theodoretus *Histor. Eccles. lib. 1. cap. 21. pag. 47. edit. Taurin. 1743.*, a quo certe vel levisimam arbitrii conjecturam, aut suspitionem abfuisse, omnes fateantur necesse est.

(3) S. Augustinus *de oper. monach., loc. cit.*

§. IX. Jamvero duplex est judicium, saeculare, quod a sae-

enlari iudice de rebus profanis, et ecclesiasticum, quod a iudice ecclesiastico de rebus divinis, et ecclesiasticis exercetur: quae summa iudiciorum divisio est, unde et aliae oriuntur utriusque iudicii divisiones. Nam aliud possessorium, aliud petitorium iudicium est. Possessorium iudicium vocamus, in quo inter litigantes contentio est de sola rei, vel juris possessione, aut quasi possessione adipiscenda, retinenda, vel recuperanda, cum scilicet tantum actor petit, vel ut adipiscatur, retineatve possessionem rei, nec in ea turbetur, vel ut amissam possessionem recuperet. Possessio est rerum corporalium, quasi possessio incorporalium. Petitorium iudicium, quod domini litem Jurisconsultus (1) appellat, est, in quo seorsim a possessione quaeritur de dominio, ac proprietate ex. gr. praedii, domus, beneficii ecclesiastici, patronatus dominio, vel quasi dominio, vel super jure in re, aut ad rem, puta de jure pignoris, servitutis, hereditatis etc., petitque actor se rei controversae dominum, vel quasi dominum declarari, aut se jus in re, vel ad rem habere, ut si res vindicetur, hereditas, actio empti, depositi, commodati, aliave similis realis aut personalis actio instituitur. Disceptatio autem de sola possessione a proprietate discreta facit, ut qui possessorio iudicio victus fuit, omne onus probandi suscipere debeat in petitorio, quod nisi praestiterit, res controversa possessori relinquitur (2).

(1) L. 18. ff. de. usur.

(2) §. 4. Instit. de interdict.

§. X. Est item iudicium ordinarium, quod et plenarium, ac solemne, et summarium, quod et extraordinarium vocatur. Ordinarium est, in quo sunt diligenter observanda acta omnia, et solemnia, quae leges in iudiciis observari voluerunt tum in iis, quae intimam iudicii naturam respiciunt, tum in iis, quae pertinent ad solemnitates. Summarium est, in quo multiplices illae solemnitates omittuntur, eaque tantum servantur, quae sunt ad iudicii naturam, hoc est ad noscendam veritatem necessaria (1) Itaque in hoc etiam iudicio quamquam impune negligantur quae ejus retardant celeritatem, requiritur citatio et aliqua petitio loco libelli, et probatio, et defensio, et definitiva sententia, cetera similia, quibus est opus, ut verum iudicium habeatur (2).

(1) Haec a Jure civili, et canonico divisio traditur judiciorum. Sed Pragmatici in foro judicia dividunt in ordinaria, summaria, summarissima, executiva. Et summaria quidem, atque ordinaria judicia in iis quae ad ordinem pertinent, apud nos fori usu fore inter se conveniunt.

(2) *Clem. 2. de judic. et Clem. 2. de verb. signific.*

§. XI. Dividitur quoque iudicium in reale, in quo omnis in rem actio est, puta dominium, servitutem, pignus, possessionem, similia; et in personale, in quo actio in personam instituitur, nempe ex contractu, aut quasi contractu, delicto vel quasi delicto, et similibus, quorum causa praesto est actio personalis, qualis est actio empti, depositi, commodati, ceterae generis ejusdem. Est etiam iudicium ordinarium, quod coram ordinario iudice, et delegatum quod coram delegato expeditur. Qui propriam habet, in suoque officio inhaerentem jurisdictionem, ordinarius, qui non propriam, sed ab alio commissam, et mandatam, iudex delegatus appellatur.

§. XII. Est et iudicium stricti juris ac bonae fidei. Iudicium bonae fidei est, in quo iudex liberam habet potestatem sibi a lege datam aestimandi ex aequo, et bono quantum auctori restitui debeat, ideoque adjudicare aliquid potest, de quo inter litigantes non est conventum, et quod minime petitiu libello est (1). Stricti juris iudicium est, in quo ita lege obstrictus tenetur Iudex, ut sententia sua progredi nequeat ultra id, quod vel nominatim inter litigantes actum est, vel speciatim legibus de negotio constitutum (2). Iudicium autem seu bonae fidei, seu stricti juris discriminat actiones, quae natura sua omne respiciunt iudicis arbitrium, interdum huic subijciuntur propter externam aliquam, et adventitiam causam, puta ob adjectum locum, ob poenam impositam, ob contemptum iudicem, cuncta intervenientia; et tunc ut arbitraria actio, sic arbitrium iudicium evadit (3). Unde oritur tertium genus judiciorum, quae arbitraria appellantur.

(1) Confer titulum *Instit. de action. §. actione autem 28. et seq.* ubi §. 28. bonae fidei judicia enumerantur, cetera, quae non referuntur, stricti juris sunt. Vide etiam Harprechtum in *Instit. cod. loco*, et Donellum in eundem tit. *Instit. opp. tom. 6. col. 751. edit. Lucae 1764.*

(2) *L. cum quid 3. de reb. credit. et L. quidquid 99. de verb. oblig.*

(3) §. praeterea 31. *Instit. de action.* Videndus Donellus in eund. loc. col. 757. d. tom. 6.

§. XIII. Nec prætereunda divisio judicii simplicis, et duplicis. Simplex judicium, est, in quo alter locum actoris tenet, alter rei partes sustinet, ut in actione mutui, in actione ex empto, in rei vindicatione, ceteris generis ejusdem. Duplex dicitur, in quo uterque litigantium actor, ac reus est, et uterque ab altero aliquid vicissim petit, uti fit in judiciis familiaræ, et cunctarum, communi dividundo, finium regundorum, uti possidetis, utrobi; atque hæc quinque numero sunt judicia, quæ duplicia (1); cetera simplicia appellantur. Verum ne confusio, perturbatioque rerum in judicio exoriat, propter ambiguitatem rei, et actoris, sapienter constitutum est, ut is habeatur actor, qui ad judicium provocavit; quod si uterque simul hoc fecit, sorte res dirimenda est (2).

(1) Priora tria duplicia judicia memorantur in *L. nihil* 2. ff. *commun. divid.*; duo reliqua in *L. actionis* 36. ff. *de action. et oblig.*

(2) *L. in tribus* §. 13. *L. seq. cum* 14. ff. *de judic.* *L. Nihil* ff. 2. *commun. divid.*

§. XIV. Sed et dignum memoratu est judicium spirituale, in quo causa spiritualis, vel spirituali annexa tractatur, ac temporale, in quo omnis de re mere temporali, ac profana disceptatio est. Ecclesiasticum judicium exercetur etiam in causis civilibus clericorum; ac temporale convenit etiam judici ecclesiastico, cum causa temporalis est. Denique cum omnia judicia vel dirimendarum litium, vel malefactorum puniendorum causa inventa sint, alia oritur divisio judiciorum, civilem, et criminalium. Horum autem quædam sunt publica, in quibus agitur de publico crimine, quod cuivis e populo accusare licet; quædam privata, in quibus non cuivis e populo, sed iis tantum, ad quos ea res, vel injuria pertinet, accusatio permittitur.

§. XV. Judicium autem vocamus ipsam causæ disceptationem, quæ in jure fit, quæque, ut illud efficiatur, constare debet quatuor præsertim rebus, actore, reo, judice, et causa. Actor ille est, qui prior in judicium venit aliquid petiturus; reus, qui ab actore in jus vocatur, et a quo petitur; causa est ipsum, quod petitur, et quod materiam judicio præbet; judex autem ille est, coram quo disputamus, et cujus decreto res absolvenda, ac definienda est. Sine his qua-

tuor rebns nullum constare judicium potest. Sns quoque habent in iudicio partes aliae personae, uti sunt Advocati, Procuratores, Testes, Assessores, Consilarii, Tabelliones; seu Notarii, Apparitores, Nuntii, seu Cursores, Exequutores. Sed hi adhibentur, ut litigantes opera, aut consilio iudicem adjuvent, aut iudicii acta conscribant, aut quod a iudice mandatum est, exequantur.

§. XVI. Praeter iudicandae, finiendaeque litis potestatem, quoniam habet iudex, inest etiam in eo iurisdictio, et ius modicae coercitionis, per quam sui muneris officii exequi, ac tueri possit, atque in eos, qui parere recusant, animadvertat. Jus hoc modicae coercitionis mixtum imperium dicitur, quod a micro imperio, hoc est a jure graviter animadvertendi, coercendi, verberandi, uno verbo a jure gladii distinguitur (1). Mixtum illud imperium semper cum iurisditione (2), sed non semper cum iudicandi facultate conjunctum est (4). Sunt enim iudices, qui solam habent notionem, non item iurisditionem; et hi tantum rem controversam cognoscunt, atque definiunt, imperium, quo sententiam exequantur, adjunctum non habent, ac proprie non ius dicere, sed iudicare dicuntur (4).

(1) Consule Cujacium in lib. 2. tit. 1. l. 1. et 3. ff. de iurisd. opp. tom. 7. col. 54. seq. et col. 76. seq. edit. Mutinae 1779.

(2) Nulla enim esset iurisdictio, nullaque auctoritas iudicia, ac via iudicati, si ipse iudex sententiam exequi, sique parere recusantes coercere non posset, quod rectissime animadvertit Paulus in l. ult. ff. de offic. ejus cui mand. est iurisd. Itaque a iurisditione separari non potest modica coercitio, hoc est mixtum imperium l. 1. in fin. ff. de offic. ejus cui mand. est iurisd. l. 3. ff. de iurisd., per quod eadem iurisdictio expeditur, atque explicatur: et huc spectat Innocentius III. in cap. 28. de offic. et potestat. delegat. Confer Averanum Interpr. jur. lib. 1. cap. 4. tom. 1. pag. 23. edit. Lugdun. Batav. 1753. Donellum de jur. civil. lib. 17. cap. 6. §. 6. opp. tom. 4. pag. 1088. edit. Lucae, et Scipionem Gentilem de iurisd. lib. 1. cap. 4. et 5. opp. tom. 3. pag. 7. et seq. edit. Neapol. 1764. Est autem modicae coercitionis genus multiplex, quod praeter ceteras diligenter explicat Scipio Gentilis loc. cit. cap. 6. et seq. pag. 11. et seq.

(3) l. 5. ff. de re judic.

(4) l. 4. §. ult. ff. de interrog. action. l. 57. ff. de re judic. Vide Averanum loc. cit. cap. 5. Scipionem Gentilem de iurisd. lib. 1. cap. 28. opp. tom. 3. pag. 82. edit. cit. et Janum a Costa in Decret. Gregor. IX. lib. 2. tit. 5. pag. 400. edit. Neapol. 1770.

§. XVII. Omnis judex, antequam de causa sententiam dicat, diligenter considerare debet, num ejus judicandae habeat potestatem. Quae consideratio duplex est, generalis et specialis. Generalis eo spectat, ut videat, num causa sui sit fori, suaeque obnoxia jurisdictioni; nimirum num profana sit, ac mere saecularis, an potius ecclesiastica. Non enim potest laicus judex de causis, quae vel ob naturam rei, de qua quaeritur, vel ob qualitatem litigantium ecclesiasticae sunt, neque judex ecclesiasticus in causis mere profanis, quae ad laicos pertinent, judicare debet. Specialis consideratio in eo versatur, ut videat judex, num hujusmodi sit causa, ut de ea speciatim judicium ferre prohibeatur. Nam suspectus est, ac merito recusatur judex in causa, cujus antea defensor fuit (1), quique in consimili causa actor, aut reus est (2). Sunt et aliae praesertim graviores causae, in quibus certitantum judices suum recte judicium interponunt; ac de his suo loco opportune disseremus.

(1) Videsis Brunemannum in *Cod. Leg. 6. tit. 6. lib. 2.*

(2) *Cap. causam 18. de judic.*

§. XVIII. Sed nec omnibus in judicio stare permittitur, et horum e numero sunt infantes, furiosi, amentes, pro quibus judicium suscipiunt tutores, et curatores (1); pupilli sine auctoritate tutoris (2); minores annis 25. sine auctoritate curatoris (3), etiam in causis spiritualibus, cum minor impubes est (4); filius familias, qui si agat contra patrem, indiget venia Praetoris (5), patris autem, si contra extraneum querat, nisi patria potestate solutus sit, aut agatur de causa spirituali, vel de peculio castrensi, aut quasi castrensi, cujus ipse habet dominium, et administrationem (6), aut pater longius absit, aut periculum afferat mora diuturnior (7). Honestae mulieres generatim invitae in judicium trahendae non sunt (8); in eoque Regulares sine consensu Praelati, cui sunt subjecti, stare prohibentur. Excommunicatus antem quamquam in judicium vocatus recte excipiat, suumque jus defendat, tamen si vitandus est, actor esse prorsus nequit, si non est vitandus, agendi jure non caret, verum exceptione excommunicationis a judicio repelli potest (9).

- (1) *L. gerere* 1. ff. de admin. et peric. tut. *L. his qui* 12. §. ult. ff. de tutor. et curat. *L. curatores* 1. Cod. de curat. furios.
 (2) *Leg. si cum essent* 1. Cod. qui person. legit. stand. in judic. hab.
 (3) *L. clarum*. 4. Cod. de autor. praest.
 (4) *Cap. ult. de judic.* in 6.
 (5) *L. generaliter* 13. ff. de in jus vocan.
 (6) *L. miles* 4. §. actionem 1. ff. de castren. pecul. *L. verba* 1. §. ult. et *L. seq. ff. de S. C. Macedon.*
 (7) *L. si longius* 18. §. si filius familias 1. ff. de judic.
 (8) *Cap. mulieres* 1. de judic. in 6.
 (9) *Cap. intelleximus* 7. de judic. cap. a nobis 2. cap. exceptionem 12. de except. cap. decernimus 8. de senten. excom. in 6.

§. XIX. Omne judicium eo spectat, ut finis imponatur liti, et controversiae, ac suum quisque consequatur. Id ut recte fiat, certus est a legibus constitutus ordo, quem judicem ita dirigere, et moderari oportet, ut litigantes firmiter in iustitiae regulis adhaereant (1); qua in re nihil pro arbitrio, sed omnia canonum, legumque auctoritate, et cum praescriptis solemnitatibus (2) agenda sunt. Ordo hic judicium, et passim processus appellatur, per quem cuncta distincta, et ordinate disponuntur, omnisque removetur confusio, quae jura potius obscurat, quam explicat litigantium.

(1) *Cap. 19. de judic. cap. 22. de accusation.*

(2) *Cap. 9. de judic.*

DE FORO COMPETENTE ¹⁷

T I T U L U S II.

- | | |
|---------------------------------------------------------------------------------------|----------------------------------------------------------------|
| I. Forum competens. | XXI. ad XXIII. Forum domicilii, aut quasi. |
| II. Quale sit? | XXIV. Forum contractus. |
| III. ad V. Causae matrimoniales, | XXV. Forum loci rei controversae, |
| VI. Causae beneficiariae. | XXVI. Forum delicti. |
| VII. et VIII. Causae de decimis, et reliquae, quae ad ecclesiasticum forum pertinent. | XXVII. et XXVIII. Speciale forum quibusdam personis concessum. |
| IX. ad XIV. Causae majores a Summo Pontifice cognoscendae, et judicandae sunt. | XXIX. Praeventio. |
| XV. ad XVIII. Causae de fide. | XXX. Continentia causae. |
| XIX. Reliquae causae ecclesiasticae, quarum iudicium pertinet ad Summum Pontificem. | XXXI. Iudicium iactationis, sua difamationis. |
| XX. Causae temporales, ac de privilegio fori. | XXXII. Iudicium ob metum litis. |
| | XXXIII. Prorogatio jurisdictionis. |
| | XXXIV. Forum iudicis delegati, et reconventionis. |

Agitur de hac materia in Sexto et Clemeutin. *h. t.* in Decreto *dist. 96. c. 3. q. 6. c. 9. 3. c. 11. q. 1. c. 21. q. 5.* in Tridentino *sess. 7. cap. 10. sess. 13. c. 6. sess. 24. c. 5. et 20. de reform.* in Pandectis *lib. 5. tit. 1.* in Codice *lib. 3. tit. 13. ad 27.*

§. I.

DUO instituitur iudicium, illud in primis observandum, curandumque est diligenter, ut coram legitimo, proprioque iudice, sive in competente foro exerceatur. Sunt enim irrita quae in foro non competente acta sunt, et impune non paretur iudici, qui aut de negociis, quae sua non sunt, aut de personis iudicat, in quas nullam habet jurisdictionem (1). Forum, seu forus, quem Graeci *δικαστήριον* vocant, locus est, quo homines concurrunt negociandi, rerumque venalium vendendarum, aut emendarum causa, itemque locus, quo iudicia exercentur (2). Nobis de iudiciis agentibus altera haec significatio fori est, locus scilicet, in quo iudex iuri

Tom. III,

G

dicendo praest (3); competens autem forum est, in quo sedet is, cujus jurisdictioni, seu causa, de qua inter se actor, et reus litigant, seu persona, a qua quid praestandum esse contenditur, subjecta est (4).

(1) *L. ult. ff. de jurisdiet. L. ult. C. si a non compet. judic. Can. 7. caus. 2. quest. 3. Can. penult. caus. 11. q. 1.*

(2) Forum, et focus latine dicitur, uti loquitur Isidorus *etymolog. lib. 15. cap. 2. num. 27. et cap. 6. num. 8. opp. tom. 4. pag. 212. et 225. edit. Romae 1801.*, quem immerito reprehendit Poletus *Histor. for. Roman. lib. 1. cap. 1.* nam virile ejus nominis genus praeclaris Latinorum scriptorum testimonio ostendit Cajacius in *lit. Decretalium de For. compet. opp. tom. 6. col. 773. edit. Mutin. 1778.*

(3) Ceteras hujus vocabuli significationes explicant Poletus *loc. cit.*, et Heineccius *de verb. signific. verb. Forum.*

(4) Competens Judex dicitur, ad quem causae cognitio pertinet in *L. 19. ff. de jurisd. L. 28. ff. de re judic. L. 18. Cod. de probat. L. 1. Cod. de aedit. act. L. 1. Cod. rer. amot. locisque aliis sexcentis.* Simili modo intelligitur competens tribunal, hoc est congruens, et proprium in *L. 35. §. non solum ff. de Procurat.* Judex autem non competens incongruus appellatur in *L. 1. Cod. de jurisd. omn. Jud.* Tertullianus, cujus scripta plena sunt verbis, et formulis Jurisconsultorum, eodem sensu utitur hoc vocabulo *de spectaculis*: *competere religioni; competere disciplinae; competere innocenti.* Et in *lib. de anima*: *bonum animalibus competens.* Confer Heineccium *de verb. signific. verb. competens.*

§. II. Ex quo manifestum est, competentem judicem, et forum facere vel naturam causae, quae in disceptatione versatur, vel personam rei, qui in judicium vocatus est. Causae si spirituales sint, vel annexae rebus spiritualibus, propriae sunt unius fori ecclesiastici. Quare ad eum in primis pertinent causae de fide, de religione, cultuque divino, de sacramentis, de sacris ritibus, de Ecclesiae disciplina. Nam eas cognoscendi potestas pendet a jure clavium, quod soli Sacerdotes, Christo acceperunt (1), neque Catholicorum aliquis dubitat, quin earum rerum judicium unius Ecclesiae sit.

(1) Praeclara ea de re sunt Hosii Cordubensis Episcopi verba apud Athanasium in *Histor. Arian. ad monach. num. 44. opp. tom. 1. par. 1. pag. 263. edit. Patav. 1777.* Tibi Deus, inquit, imperium commisit; nobis, quae sunt Ecclesiae, concedidit. Et quemadmodum qui tuum imperium malignis oculis carpit, contradicit ordinationi divinae, ita et ut cave, ne quae sunt Ecclesiae ad te trahens magno crimini obnoxius fias. Sapienter etiam Joannes VIII. in can. 11. dist. 96. Si Imperator, inquit, Catholicus est, filius est, non Praesul Ecclesiae; quod ad religionem competit, discere ei convenit, non docere.... Ad Sacerdotes enim vo-

luit *Dux*, quæ Ecclesiæ disponenda sunt, pertinere, non ad sacri Potestatis, quas, si fideles sunt, ecclesiæ suæ sacerdotibus voluit esse subjectas. Consulte Cabassutium *Theor. et prax. jur. canon. lib. 1. cap. 9. num. 15. et 16.*, ubi multa ea de re Gallicanæ Ecclesiæ testimonia referuntur, Bellarminum de clericis *cap. 28. opp. tom. 2. pag. 160. edit. Venet. 1721.*, Petrum de Marca *concord. Sacrad. et imper. lib. 2. cap. 1. num. 4. et seq. Dudjatum prænot. canon. lib. 2. cap. 2. Bosuetum Politicæ tirée de l'Écriture liv. 7. art. 5. prop. 11. opp. tom. 8. pag. 506. edit. Leodii 1767.* Dans les affaires, inquit, non seulement de la Foi, mais encore de la discipline ecclésiastique à l'Eglise la décision, au Prince la protection, la défense, l'exécution des Canons, et des réglés ecclésiastiques. C'est l'esprit du Christianisme, que l'Eglise soit gouvernée par les Canons. Deinde ea describit, quæ in Concilio Chalcedouensi acta sunt.

§. III. Ex causis sacramentalibus ad forum contentiosum deferuntur maxime matrimoniales, quæ judiciali methodo, atque ordine expediuntur. Cum enim Fidelium matrimonium, licet habeatur contractus civilis, qui revera naturalis est, tamen cum a Christo Domino dignitatem, ac decus acceperit sacramenti, consequens est, ut hujusmodi causa ad ecclesiasticos judices pertineant (1); et vero Synodus Tridentina (2) eas ab Episcopo cognosci, ac definiri voluit. Sed harum causarum distinguendum est triplex genus. Aliæ enim pertinent ad vim intimam, ictique foederis firmitatem, et has in uno ecclesiastico foro tractandas esse, Catholici omnes, repugnante nemine, affirmant (3).

(1) Concilium Tridentinum *sess. 24. can. 12. de matrim. Si quis dixerit*, inquit, *causas matrimoniales non spectare ad judices ecclesiasticos, anathema sit.*

(2) Concilium Tridentinum *sess. 24. cap. 20. de reform. causas matrimoniales*, inquit, *non Decani, Archidiaconi, aut aliorum inferiorum judicio, etiam visitando, sed Episcopi tantum examini, et jurisdictioni relinquuntur.*

(3) Hujusmodi controversias olim ad Episcoporum concilium fuisse delatas, constat ex fragmento epistolæ Alexandri II. apud Ivonem *par. 9. cap. 32.*, et Gratianum *can. 10. c. 35. quæst. 6.*, in qua Pontifex Guillelmo cuidam imperat, ne propriam uxorem propositæ consanguinitatis causa præsumat dimittere, vel aliam ducere, donec Episcoporum religiosorum concilium causas istas examinaverit. In Concilio Aquisgranensi an. 860. et 862., cum inter Lotharium, et Thentibergam de vi matrimonii inter eos initi quaereretur, ea de re actum est apud Labbeum *tom. 10. col. 140. et 200.*, cumque ab ejus sententiæ Thentiberga appellasset Nicolaum I. Summum Pontificem, ipse hanc controversiam minime submittendam respondit *sæculari judicio*, eamque commisit Synodo Metensi *ep. 23. apud Labbeum tom. 10. Concil. col. 1413.* Confer etiam acta Concilii Rhemensis apud Ordericum Vitalem *l. 12. pag. 859. inter Script. antiq. Histor. Norman. Duchesnii edit. Paris. 1619.*, et Alexandram II. *can. 10. cap. 35. q. 6. Mul-*

ta quoque Sammorum Principum, qui Apostolicam sedem rogarunt vel ut certum matrimonium contrahi permitteret, vel ut contractum solveret, exempla. collegit Edmundus Martenius *Anecd. tom. 1. pag. 1027. 1058. 1236. et tom. 2. pag. 124. 537. 1041*, et quae sunt de Theobaldo Navariae Rege, de Carolo Rege Aragonum, de Henrico Regis Navarrae germano, de liberia Caroli Siciliae Regis, et quae aliis. Clemens vero IV. *ep. 232. ibid. tom. 1. pag. 277. negat matrimonii solutionem, quam ab eo petierat Aragoniae Rex, et ep. 258. ibid. pag. 303. renuit lege solvere Castellae, et Legionis Regem, qui ab eo petierat veniam inveniendi connubii inter filiam suam, et Baldvini Imperatoris Constantinopolitani filium. Confer opusculum Assisii editum an. 1784. su Perezione de Regulari etc. e su le cause matrimoniali, praeterea nostras Institutiones Juris Canonici lib. 2. sect. 9. §. 1. 4. seq. not. 1. pag. 185. et seq. edit. Romae 1792. Alia multa de hoc eodem argumenti genere descripsit Laurentius Bertius de Theolog. disciplina lib. 37. cap. 5. tom. 8. pag. 536. edit. Romae 1740., qui ex iis recte concludit ipsi ergo saeculares Principes, et praediti quoque monarchica auctoritate confessi sunt, matrimoniales causas ad forum ecclesiasticum pertinere. Vide etiam acta Cleri Gallicani tom. 5. col. 690. 691. 738. 739. edit. Paris. 1769., et Cabanutum Theor. et Prax. Juris Canon. lib. 1. cap. 19. pag. 71. edit. Lugdun. 1709. ubi multa habes decreta Regum Gallicarum, qui hoc ecclesiasticae jurisdictionis caput semper sanctum, firmumque esse voluerunt. Copiose, graviterque hoc argumentum persequitur Cardinalis Cerdilius *Trattato del Matrimonio Romae 1803.**

§. IV. Aliae sunt causae, quae pertinent ad vim sponsalium atque ad jus instituendi divortii quoad thorum, et mutnam habitationem; atque hae similiter ecclesiastico judicio finiendae sunt (1). Nam respectum habent ad sacramentum matrimonii, quoniam ad illud contrahendum sponsalibus obligamur, ac per divortium jura utrique conjugum matrimonio quaesita relaxantur. Denum aliae sunt causae, quae ad matrimonium quidem referuntur, atque aliquam profecto cum eo habent affinitatem, sed directo spectant res mere politicas, et temporales. Sunt ex eo genere causae de dote, de donatione propter nuptias, de hereditaria successione, alimentis, similibus, et hae quidem saecularis judicis propriae sunt (1).

(1) Consule Bellarminum de sacram. matrim. cap. 32. opp. tom. 3. pag. 687. edit. Venet. 1721., et Tannerum tom. 4. disp. 8. num. 166.

§. V. Verum si qua interim, dum de his agitur in foro laicali, oriatur controversia de vi matrimonii, puta de impedimento dirimente, inchoato iudicio supersedendum est, cunctaque ad ecclesiasticum judicem deferenda sunt (1). At de ecclesiastico iudice non est ita. Ipse enim causas quoque no-



risque generis ejusdem, si qua de his rebus incidat disputatio. cum de vi matrimonii, aut de jure ad divortium quaeritur (2).

(1) Alexander III. in *Cap. lator* 5. et *Cap. causam* 7. qui filii sint legit., et Honorius III. in *Cap. tuam* 3. de ordin. cognit., quam Decretalem integram profert, illustratque Innocentius Cironius in quinta compilat. lib. 2. tit. 5. pag. 112. edit. Vindobon. 1761.

(2) *Cap. 1. qui filii sint legit. Cap. 3. et 7. de donat. int. virum, et uxorem.*

§. VI. Beneficiariae etiam causae, quae inter spirituales locum obtinent, ecclesiastico foro adscribendae sunt, sive agatur de canonica institutione, et collatione, sive de erigendis, aut dividendis beneficiis (1). Quo referendae sunt etiam causae, in quibus inter duos de beneficio contententes quaeritur, uter eorum potior habendus sit, itemque causae, in quibus disputatur, num in Bulla Pontificia, quae collationem continet, vitium insit obreptionis, et subreptionis, aut aliud hujusmodi (2). Idem debet esse judicium de causis jurispatronatus, quippe quae spiritualibus adnexae sunt (3). Verum in locis quibusdam, sive expresso privilegio Sedis Apostolicae, sive diuturna consuetudine ab Ecclesia tolerata inductum est, ut causae beneficiariae, et similes in possessorio judicio cognoscantur a laico iudice, in petitorio ab ecclesiastico definiantur (4).

(1) Alexander III. in *Cap. 21. de jurepatr. et in epist. ad Episcopos Galliae in append. Concil. Later. cap. 33. col. 626. collect. Labbæi, et in Cap. ex frequentibus* 3. de Instit. *Cap. 1. de reg. jur. in 6. Can. omnes Basilicae* 10. c. 16. q. 7.

(2) *Cap. relatum* 21. de jurepatr. Alexander III. ep. ad Episcopos Galliae in append. Concil. Lateran. III. cap. 33. Concil. tom. 13. col. 626. collect. cit.

(3) *Cap. 3. de judic. Cap. consultuit* 15. de jurepatr. Concilium Melitanum an. 1089. can. 8. Concil. tom. 12. col. 781. collect. ejusd.

(4) Confer Thomassinum vet. et nov. Eccles. disciplin. par. 2. lib. 1. cap. 36. num. 13. et Benedictum XIV. de synod. dioceses. lib. 9. cap. 9. num. 7., qui explicat diligenter, quomodo intelligendum sit privilegium, quod ea de re a Martino V. Francorum Regibus concessum est.

§. VII. Haud dissimilis juris disciplina est in causis decimarum, ac maxime ecclesiastici judicis est curare, ut eas ab omnibus integrae persolvantur (1); sed hae quoque causae, eum de nuda possessione quaeritur, alicubi vel ex privilegio,



vel ex vetusta consuetudine a laico iudice cognoscuntur (2). Numeroque eodem sunt causae funerariae, in quibus agitur de concedenda, negandave ecclesiastica sepultura, de ejus electione, de stabiliendo tempore efferendorum, humandorumque cadaverum, de usu crucis parochialis, de tollendis abusuibus, qui forte irrepserunt, de juribus funerariis inter ecclesias, et clericos dividendis (3). Quin etiam, quae dari solent, oblationes jussu fori episcopalis a laicis dandae sunt, nisi eae sponte offerantur (4).

(1) *Cap. 5. de decim.* Concilium Tridentinum *sess. 25. cap. 12. de reform.*

(2) Confer Benedictum XIV. *loc. cit.*

(3) Ab Ecclesia regenda, et stabilienda esse quae ad Fidelium sepulturam pertinent, ab eaque designandum locum, in quo cadavera sepeliuntur, antiqua est regula, de qua vide Concilium Bracarense I., quod aliis est II., *can. 18. tom. 6. col. 522. collect. Labbaei, Arelatense VI. can. 21. tom. 9. col. 321. Moguntium I. can. 18. caus. 13. quaes. 2. Moguntinum II. can. 21. et 50. caus. 13. quaes. 2. Agrippinense, seu Coloniense can. 28. dist. 1. de consecr. item Theodulphum Episcopum Aurelianensem in *Capitulare ad suae Paroch. Sacerdotes cap. 9.* apud Labbaeum *tom. 9. Concil. col. 186. Hincmarum Rhemensem in capitul. an. 852. cap. 12.* apud eundem Labbaeum *tom. 10. col. 3. Attonem Vercellensem in Capitul. canon. cap. 23.* apud Dacherium *Spicileg. tom. 8. pag. 10. edit. Paris. 1668. Decretalium titulum de sepulturis, aliaque monumenta complurima, ex quibus patet, semper ab Ecclesia constitutas fuisse leges de Fidelium sepultura.**

(4) *Cap. 42. de simon.*

§. VIII. Similiter propriae sunt fori ecclesiastici causae, quae ad vitam pertinent, et instituta clericorum, ad res Ecclesiae alienandas, atque ad ejus immunitatem, aliaque similia jura, et privilegia (1). Jus Decretalium ecclesiastico judici adscribit etiam profana negocia, quibus iusjurandum adjunctum est (2). Verum nemini generatim licet adversus iuratum contractum agere, nisi primum ab ecclesiastica Potestate, sublato vinculo sacramenti, agendi potestas data sit (3).

(1) Consule Gagliardum *Instit. Jur. Canon. lib. 7. tit. 7. num. 31. et seq.*

(2) *Cap. 13. de judic. Cap. 3. de for. competen. in 6.* Vide Benedictum XIV. *de Synod. dioec. lib. 9. num. 8.*

(3) Confer Gonzales in *cap. 1. de iur. iur. num. 10.* Olim, et contractus stipulatio, quae saepe coram ecclesiasticis notariis fiebat, plures laicorum lites ad episcopale iudicium deferrebat, Notariorum, quos et *Exceptores* Latini, Graeci autem *ὀφεισματοῦ*, et *ταχυρματοῦ* vocant, quod per notas, et

compendia celeriter scriberent quae eorum officium postulabat, usus ab ipsis Ecclesiae primordiis repetendus est. Auctor *libri Pontificalis tom. 1. pag. 12. edit. Vignoli Rom. 1724.* de S. Clemente P. scribit haec: *fecit VII. regiones, et divisit notariis fidelibus Ecclesiae, qui gesta martyrum sollicito, et curioso unusquisque per regionem suam, ac diligenter perquireret.* Postea Fabianus, qui summus Pontifex creatus est an. 236., septem illas urbis regiones a Clemente divisas Diaconibus VII. adscripsit, atque ut scribit idem Auctor *libri Pontificalis in Fabiano pag. 44. loc. cit. fecit subdiaconos VII. qui septem Notariis imminerent, ut gesta martyrum in integro fideliter colligerent.* Qui notarii *regionarii* dicti sunt, quod Urbis regionibus essent adscripti, erantque e numero minorum Clericorum, cum Subdiaconis subjicerentur. Neque Romanam tantum, sed et reliquas Ecclesias annos habuisse Notarios, quorum erat dicta, et gesta martyrum conscribere, ostendunt acta Iguatii, Polycarpi, ceterorum. Lapis temporum Notarii adhiberi consueverunt, ut Conciliorum acta conscriberent, ut ex Eusebio *Histor. Eccles. lib. 7. cap. 29. pag. 314. edit. Taurin. 1716.* et Socrate *Histor. Eccles. lib. 2. cap. 30. pag. 111 edit. ejusd. aliisque manifestum est.* Plerumque Diaconibus committebatur hoc munus, eisque Presbyter praeficiebatur. Illic in actis Conciliorum Ephesini, et Chalcedonensis act. 1. *Concil. Chalcedon. tom. 4. Concil. collect. Labbaei col. 894. seqq.* mentio est *Dukitii Notarii, et Joannis Presbyteri, et Primiticii Notariorum.* Erant et Notarii, qui celebriorum Oratorum conciones literis consignabant, quo pacto plures Chrysostomi, et Attici ejus successorum conciones conservatas docet Socrates *lib. 6. cap. 4. et lib. 7. cap. 2. pag. 264. et 292.* Denique, et Episcopos suos habuisse privatos Notarios, ostendunt vetusta monumenta, eosque memorant Socrates *lib. 7. cap. 41. pag. 329.* et Sozomenus *lib. 2. cap. 17. pag. 62.* S. Gregorius M. *in sacram. opp. tom. 3. col. 70. edit. Paris. 1703.* S. Hieronymus, atque alii, quos laudat Menardus *in not. ad d. sacram. not. 300. col. 343.* In Capitulare Caroli M. an. 803. *cap. 3. apud Baluzium Capitul. Reg. Franc. tom. 1. col. 295. edit. Venet. 1772.* statutum est, ut *unusquisque Episcopus, et Abbas, et singuli Comites suum Notarium habeant: quod etiam cantum est in Capitul. lib. 6. cap. 256. ibid. col. 645.* Neque unum tantum, sed plures Episcopi habere Notarios, quorum primus Cancellarii, imo et Archicancellarii nomen sibi sumebat, uti ostendunt literae Wifredi Episcopi Virdun., quas laudat Mabillonius *de re diplom. lib. 4. cap. 13. numer. 2. pagin. 121. edit. Paris. 1709* qui de Notariis copiose disputat. Erant autem Episcopales Notarii ex ordine clericorum. quin etiam eos fuisse Subdiaconos, Diaconos, atque etiam Presbyteros plurimis collectis monumentis ostendunt Thomassinus *vet. et nov. Eccles. disciplin. par. 1. lib. 2. cap. 106.* et Muratorius *antiqu. Italic. dissert. 12.* Clericos in sacra ordinibus constitutos Notarii munus exercere vetuit Innocentius III. *ep. 129. lib. 14. tom. 2. pag. 566. edit. Baluzii 1682.*, quod cum dedecore ordinis ecclesiastici saeculari curiae servirent, atque in profanis negotiis versarentur. Verum simplicibus clericis numquam id inuneris interdictum fuisse scribit Thomassinus *loc. cit. num. 8.*, quin et ipsi Presbyteri eodem recte fangebantur, cum de ecclesiasticis negotiis ageretur. Certe in profanis quoque rebus notarii ecclesiastici, quod plus fidei, et peritiae habebant, saepissime adhibebantur, et hinc plures causae, quae propter indolem rei controversae, aut personae ad laicam tribunal pertinebant, ad ecclesiasticum iudicem deferbantur. Synodus Tridentina *cap. 10. sess. 21. de reform.* cum animadverteret, quod ex notariorum imperitia plurima damna, et multarum occasio litium oriantur, statuit, ut e possit

» Episcopus quoscumque notarios, etiamsi apostolica imperiali, aut regia
 » auctoritate creati fuerint, etiam tamquam Delegatus Sedis Apostolicae,
 » examinatione adhibita, eorum sufficientiam scrutari, illisque non idoneis
 » repertiis, aut quodocumque in officio delinquentibus, officii ejus in ne-
 » gociis, litibus, et causis ecclesiasticis, ac spiritualibus exercendi usum
 » perpetuo, aut ad tempus prohibere, neque eorum appellatio interdictionem
 » Ordinarii suspendat. » Quod etiam sancitum est a Benedicto XIV. *Constit.*
ad militantis 48, §. 33. tom. 1. *ejus Bullar. pag. 84. edit. Rom. seu Ve-*
net. 1754.

§. IX. Ex causis spiritualibus, quas ecclesiastico judicio cognoscendas esse diximus, quaedam majores, gravioresque sunt, de quibus Romani Pontificis est judicare. Quod sane annexum est, et iuhaeret Primatui, quem Christus contulit in Petrum, ejusque successores, ut una sit omnium particularium Ecclesiarum fides, et una caritas, qua omnia Ecclesiae membra inter se eodem pacis, et communionis vinculo sub uno omnium Capite, centroque unitatis copulantur (1). Itaque ad hoc caput, et centrum causa pertinet, et sollicitudo particularium Ecclesiarum, quae omnes in se ipsum convenienti necessesse est, ut ex earum sub communi centro copulatione una existat Catholica Ecclesia toto orbe diffusa, eaque cura non ociosa, et inanis, sed actiosa et efficax esse debet, uti fert mandatum Christi, a quo Petrus, ejusque successores et *agnos, et oves* pascere (2), hoc est *regere*, jussi sunt (3). Sui autem muueris divinitus accepti partibus Petri successor Romanus Pontifex satisfacere, non potest, nisi ad eum graviora quaeque negotia particularium Ecclesiarum referantur, ut ipse ea cognoscat, ac statuatur, quid faciendum sit (4).

(1) Universalis Ecclesiae Primatum Petro fuisse commissum, ut unitas inter fideles omnes conservetur, Catholicorum omnium firma, ac certa sententia est. *Unus eligitur*, inquit S. Hieronymus *adv. Jovinian. lib. 1. num. 26. tom. 2. opp. col. 279. edit. Feron, 1735, ut Capite constituta schismatis tollatur occasio.* Idem antea scripserat Cyprianus *ep. 59. ad Cornelianum pag. 261. edit. Amstelod. 1700. Neque aliunde, inquit, haereses obortae sunt, aut nata sunt schismata, quam inde quod Sacerdoti Dei non obtemperetur, nec unus in Ecclesia ad tempus Sacerdos, et ad tempus Iudex vice Christi cogitatur.* Quin ipse Apostolorum aetati proximus S. Irenaeus celebre illud dedit testimonium, quod ad Romanam Ecclesiam tamquam ad unitatis centrum omnes particulares Ecclesiae convenire debent, atque ex ejus traditione novas haereses refutatur *lib. 3. cap. 3. tom. 1. pag. 175. edit. Feron. 1754.* » Maximae, inquit, et antiquissimae, et omnibus cognitae » a gloriosissimis duobus Apostolis Petro, et Paulo Romae fundatae, et constitutae Ecclesiae, eam quam habes ab Apostolis, traditionem, indicantes con-

« nos confundimus omnes eos, qui quocum modo vel per sibi placentiam, vel
 « vanam gloriam, vel per caecitatem, et malam sententiam, praeterquam
 « oportet, colligunt. Ad hanc enim Ecclesiam propter potentiores principa-
 « litatem nascere est omnem convenire Ecclesiam. » Confer *Ballerinium de*
vi, et ratio. Prunat. Rom. Pontif. cap. 10. pag. 45. seqq. edit Aug. Vin-
delic. 1770.

(2) Praeclare ea de re S. Bernardus, cujus locum supra descripsimus
tom. 1. cap. 3. §. 8. not. 4. pag. 35.

(3) Pascere idem plerumque esse in sacris literis ac regere, moderari,
 et administrare rempublicam, supra demonstravimus *d. cap. 3. §. 8. not.*
3. pag. 35.

(4) De hoc jure sedis Apostolicae accipiendi ex tota Ecclesia relationes
 de causis gravioribus copiose disputat contra Petrum de Marca David *des ju-*
gements canoniques des Evêques chap. 9. pag. 490. seqq. editi Paris. 1671.

§. X. Atque hanc referendi majores causas necessitatem, quae
 totius Ecclesiae Primatum in Romano Pontifice ostendit, Ca-
 tholica Ecclesia jam inde ab initio agnovit, seduloque observa-
 vit. Nam in ipso ejus nascentis exordio Corinthii datus ad S. Cle-
 mentem literis, quibus patefactis causis discordiarum, quae in-
 ter sese ortae fuerant, non consilium tantum, sed ejus etiam au-
 xilium implorarunt (1). Saeculo II. S. Polycarpus Romam con-
 tendit ad Anicetum Summum Pontificem, ut cum eo de cele-
 brando die Paschatis conferret (2). Martyres Lugduenses S.
 Irenaeum tunc ejus Ecclesiae Presbyterum ob quasdam Ecclesiae
 quaestiones ad Eleutherium P. miserunt (3). Victor Asianos ipsa
 luna XIV. Hebraeorum more Pascha celebrandum esse contem-
 dentes gravissime reprehendit, eisque minatus est, sese eosdem
 ab Ecclesiae communione segregaturum, nisi ab eo sententia
 discederent (4). Montanistae sententiam exquirunt, et praesi-
 dium implorant Aniceti Pontificis, qui primum deceptus eos in
 antiquum statum restituit, sed postea condemnat, rebus cogni-
 tis, perspectisque diligentius (5).

(1) Eusebius *histor. Eccles. lib. 3. cap. 15. pag. 95. edit. Taurin. 1746.*,
 qui eandem epistolam eximiam prorsus, atque mirabilem vocat, eamque in
 plerisque Ecclesiis et nostra, et superiori memoria palam recitari consuevisse
 testatur.

(2) Eusebius *loc. cit. lib. 4. cap. 14. pag. 137.*

(3) Eusebius *ibid. lib. 3. cap. 4. pag. 181.* S. Hieronymus *de viris*
illustribus cap. 35. opp. tom. 2. col. 859. edit. Vallarsii Veronae 1735.

(4) Eusebius *ibid. lib. 5. cap. 24. pag. 212.* Socrates *Histor. Eccles. lib.*
5. cap. 22. pag. 246. edit. ejusd.

(5) Baronius ea tempestate Summum Pontificem fuisse putat Anicetum,
 Pagini-Victorem. Christianus Lupus Zephyrinum. Ut ut case res habeat, hoc
 Tom. III.

certum est, Montanistas ad Summum Pontificem confugisse, ab eoque decepto fraudibus haeticorum obtinuisse pacificas literas, quibus priores sententiae contra eos latae infirmabantur, sed postea, patefacto dolo, easdem literas e medio fuisse sublatas. Rem omnem narrat Tertullianus *adv. Praxeam cap. 1. pag. 501. edit. Venet. 1744.*, qui posteaquam in eadem Moulani haeresim inciderat, asperius invehitur in Praxeam, qui cuncta detexerat.

§. XI. Tertio saeculo S. Cyprianus suam de lapsis sententiam proponit Clero Romano, a quo ea laudatur, et approbatur (1), eidem per literas scelus nunciat Privati Lambesitani (2), ac Felicissimi, cujus acta Romam transmiserat (3); scribens ad Cornelium P. suam excusat morositatem, quod eum serius certiore fecerit de iis, quae ad Fortunatum pertinent (4), ejusque exquirat sententiam in causa libellaticorum (5); rogat Stephanum P., ut mittat in Gallias literas, per quas gradu moto Marciano Arelatensi, qui Novatiano studebat, alius in ejus locum substituitur Episcopus (6). In controversia de Baptismo haeticorum quamquam Cyprianus minus accurate paruerit legibus reverentiae, et obsequii in Caput Ecclesiae, tamen synodiciis literis, quae ab se, et collegis suis decreta fuerant, Stephano P. significavit (7). Adversatus est huic sententiae Stephanus, et ita adversatus, ut contra Afrorum sententiam veterem traditionem retineri vellet. Ex quo manifesta est suprema Romani Pontificis auctoritas infirmandi leges latae in aliis provinciis, synodisque provincialibus. Conqueritur de hoc Stephani mandato ipse Cyprianus (8), qui forte, antequam moreretur, suum agnovit errorem; et huic certe Catholica Ecclesia improbavit, probavitque Stephani judicium (9).

(1) Cyprianus *ep. 35. pag. 218. edit. Amstelod. 1700.*

(2) Idem *ep. 36. pag. 220.*

(3) Ibid. *ep. 45. pag. 232.*

(4) Ibid. *ep. 59. pag. 263.*

(5) Ibid. *ep. 55. pag. 242.*

(6) Ibid. *ep. 68. pag. 292.*

(7) Ibid. *ep. 72. pag. 305.*

(8) Ibid. *ep. 74. pag. 314.*

(9) Consule Natalem Alexandrum *Histor. Eccles. saec. III. art. 3. dissert. 12. tom. 4. pag. 97. edit. Venet. 1776.*

§. XII. Eodem tertio saeculo extant literae Dionysii Alexandrini ad Stephanum Pontificem de Baptismo haeticorum

(1); itemque literae Episcoporum Africae, qui Stephano significant quidquid ipsi in Concilio gesserant (2); praeterea ejusdem Dionysii literae ad Sixtum II., qui ab eo sit certior de haeresi Sabellianorum, quae ea aetate increbrescebat (3). Saeculo IV. Arelatensis Concilii Patres ea, quae decreverant, Silvestro Pontifici significarunt, ut ab eo confirmarentur, totique Ecclesiae servanda proponeretur *juxta consuetudinem*, qua Romanus Pontifex literas ad omnes dirigebat (4). Ad eundem Pontificem Alexander Episcopus Alexandrinus literas dedii, quibus nuntiavit, se quosdam ab Ecclesia Presbyteros, et Diaconos ejecisse, quoniam Arii haeresim sequebantur (5). Synodus Sardicensis certum, firmumque habuit, ad Romanum Pontificem *tamquam ad Caput Ecclesiae* solitudinem spectare omnium Ecclesiarum, ideoque scripsit ad Julium P., ad *Caput*, hoc est ad Petri Sedem, *de singulis quibusque provinciis* esse referendum (6).

(1) Confer Constantium *Rom. Pontif. ep. col. 219. edit. Paris 1721.*

(2) Vide eundem Constantium *loc. cit. col. 216., et col. 259., ubi habes Dionysii Alexandrini Episcopi fragmentum epistolae.*

(3) Eusebius *histor. Eccles. lib. 7. cap. 6. pag. 285. edit. ejusd.*

(4) Concilium Arelateum *ep. ad Silvestrum P., et can. 1. tom. 1. Concil. col. 1449. et seq. tom. 1. collect. Labbei.*

(5) Vide Constantium *loc. cit. col. 347.*

(6) Concilium Sardicense *can. 3. et 4. et in epist. synod. ad Julium P. tom. 2. Concil. collect. Labbei col. 674. et 690.*

§. XIII. Temporum injuria multa quidem perierunt, sed duo adhuc extant Pontificiae auctoritatis in causis majoribus insignia monumenta. Primum est epistola Marcelli Episcopi Ancyran, qui se per eam purgat Julio Pontifici, ac suam puram erroris profitetur fidem, atque antea Romam venisse, ibique Anno uno, tribusque mensibus commoratum fuisse declarat, ut praesens a Summo Pontifice judicaretur, omnemque ab se Arianæ haeresis suspicionem removeret (1). Alterum est Arianorum Valentis, et Ursacii epistola, quæ suas adversus Athanasium criminationes revocant, ejusdemque bonitatem commendant, *qui pro insita sibi benevolentia errori suo veniam dare dignatus fuerit* (2). Tum apertius adhuc in causis Episcoporum Pontificis auctoritatem declarant, seque non ad futuros profitentur *citra ejusdem conscientiam,*

si aliquando ab Orientalibus malo animo fuerint ad causam vocati. Ipse deum Julius in celebri ad Eusebianos epistola Pontificiae auctoritatis contemptum exprobat, ac provocat ad antiquam consuetudinem tum generatim in causis gravioribus, tum speciatim in causa Episcoporum: *an ignoratis*, inquit, *hanc esse consuetudinem, ut primum nobis scribatur, et hinc quod justum est decernatur?* (3) Ex his quarti saeculi monumentis insigne adhuc est tum S. Hieronymi (4), tum Siricii P. (5) testimonium.

(1) Videndus Constantius *Rom. Pontif. epist. 2. in Jul. P. col. 390. seqq.*

(2) Constantius *loc. cit. ep. 5. col. 403.*

(3) Idem *loc. cit. in Jul. ep. 1. col. 386.* Illud valde leve est, ac negatorium, quod ajunt Scriptores Sedi Apostolicae iussu, singularem jam inde ab initio fuisse Romani Pontificis auctoritatem in Ecclesiam Alexandrinam; eaque de causa Julium de Athanasio tantum conqueri, quod is contra consuetudinem sear in seio de gradu dimotus fuerat. Nam si in primam Orientis Sedem Pontificis auctoritas tantum valuit, cur minus in inferiores valere debet? Quod si adeo subjecta fuit Alexandrina Sedes Romanae, id certe nonnisi a Petri auctoritate repetendum est: propterea quod hujusce Patriarchatus in Oriente Principis fons, et caput fuit S. Marcus, tanquam Petri Legatus. Atqui eodem jure, et forte etiam majore, Antiochenae Sedis praerogativa, ac dignitas praec. aliis Apostolicis a Petro, non fonte suo repetenda est. Nonne ergo vel ipsa duorum in Oriente Patriarcharum potestas, tanquam in suos vicarios, a Petro fuit profecta, sive delegata? Nonne in Antiochenum, aliosque Orientis Patriarchas jus idem habere debuit Summus Pontifex, quod in Alexandrinum? Atque idem revera et habuisse, et exercuisse compertum est. Nam Julius tum Eusebianos Antiochiae in Concilio congregatos, tum Athanasium pari modo, et potestate pari suum ad tribunal vocat, neque Eusebianus reprehendit, quod contra antiquos canones peccasset tantum, quia Alexandrinum, sed quia huic, qui princeps omnium erat, et alios Apostolicarum Ecclesiarum Aulites a se ignaro judicare ausi fuissent. Si omnino, ut dicitis, inquit apud Constantium *loc. cit. col. 386. aliqua eorum* (non solius Athanasii) *culpa fuit judicium secundum ecclesiasticum canonem, nec eo pacto fieri oportuit . . . Episcopi enim erant, nec vulgares Ecclesiae, quae vexabantur, sed quas ipsi Apostoli per se ad fidem instruxerunt. Cur autem de Alexandrina potissimum Ecclesia nihil nobis scribere voluistis?* An ignoratis, hanc esse consuetudinem, ut primum nobis scribatur, et hinc quod justum est decernatur? Itaque si hujusmodi suspicio in Episcopum, qui ibi (τοῦ ἐκκλ.) non illius urbis, ut male Constantius vertit) cadebat, ad hanc Ecclesiam scribendum fuerat. Ecclesiasticus autem canon, in quem Eusebiani peccarunt, erat, ut scribit Socrates *Histor. Eccles. lib. 1. cap. 17. pag. 83. edit. Taurin. 1747.* quod Papam ad Concilium non vocasset: quippe cum ecclesiastica regula interdictum sit, ne praeter sententiam Romani Pontificis quidquam ab Ecclesiis decernatur, Teodorus *Histor. eccles. lib. 2. cap. 4. pag. 63. edit. ejusd. de Julio P. ita*

substiti *Is vero ecclesiasticam legem secutus et ipsos Romam venire iussit*, et Athanasium ad dicendam causam advocavit. Eadem habet Sozomenus lib. 3. cap. 10. pag. 97.

(4) S. Hieronymus ep. 123. ad Ageruchiam opp. tom. 1. n. 10. col. 901. edit. Vallarsii Peron. 1734. se apud Damasum ad respondendum synodiceis consultationibus, quae ex Oriente, et Occidente ad Romanam Sedem mittebantur, operam navasse testatur. Tum in quaestione, num una in Deo, vel tres hypostases dicendae sint, aperte fatetur, se sine ulla dubitatione dicturum, quod Damasus juberet ep. 15. ad Damas. num. 2. col. 38. tom. cit. cum successore Piscatoris, et discipulo crucis loquor. Ego nullum primum, nisi Christum sequens, Beatitudini tuae, idest Cathedrae Petri, communionem consocior: super illum aedificatam Ecclesiam scio . . . non novi Fatalem, Meletium respo, ignoro Paulinum. Quicunque tecum non colligit spargit . . . Discernite, si placet, obsecro, non timebo tres hypostases dicere etc. si jubetis etc. et ep. 16. n. 2. col. 41. Ego interim clamito, si quis Cathedrae Petri conjungitur, meus est.

(5) Himerio Tarraconensi Episcopo, qui de pluribus disciplinae negotiis rogaverat Sedem Apostolicam, respondens Sirieus Pp. apud Constantium ep. 1. num. 20. col. 637. ad Romanam, inquit, Ecclesiam, utpote ad caput tui corporis retulisti, tum ea, quae ab se scripta fuerant, cunctis Ecclesiis nunciari mandat, ut ab omnibus observentur. Atque in hac ipsa Sirieii epistola duo praesertim digna observatu sunt. Primum est, quod Summus Pontifex diserte memorat curam, et sollicitudinem, quam ipse habere debet, omnium ecclesiarum iniquens portamus onera omnium, alterum est quod eos, qui suis decretis non paruerint, se a communionem secreturum minatur; *n quo tramite*, inquit, *vos quoque posthac minime conveniri deviare, si non vultis a nostro collegio synodali sententia separari.*

§. XIV. Consentunt, et concinunt, quasi facta conspiratione, recentioris aetatis monumenta, Sic Innocentius I. (1), sic Zosimus (2), sic Bonifacius I. (3), sic Cyrillus Alexandrinus literis ad Caelestinum P. datis in causa Nestorii (4), sic ipsi schismatici Orientales Episcopi in epistola ad Xistum III. (5); sic Leo M. (6), sic Hilarus (7), sic Vigilius (8), sic Gregorius M. (9), quorum testimonia pertinent ad. V., et VI. Ecclesiae saeculum. Hi omnes memorant antiquam consuetudinem, qua receptum affirmant, ut graviore omnes causae ad Sedem Apostolicam referantur. Antiquiora haec sunt omnia fidei decretalibus, quae multo serius in lucem editae fuerunt; atque ex his porro manifestum est, quantum a veritate abhorreant, qui jus in Primatu penitus affixum, et insitum cognoscendi majores causas ab his decretalibus repetendum putant (10).

(1) Innocentius I. ep. 2. ad Vetric. Rotomagen. num. 6. apud Cou-

stantium col. 749. *Si majores causae*, inquit, *in medium fuerint devolutae ad Sedem Apostolicam, sicut synodus statuit, et beata consuetudo exigit, post judicium episcopale referantur.* Adversus hanc Innocentii epistolam plura opponunt qui Pontificii Primatus jura, et auctoritatem labefactare conantur. Primum est, quod vocabulum illud *majores* primus assumpserit Innocentius, cum nihil tale occurrat in antiquioribus monumentis. Principio quinquam verum esset, primum Innocentium *majorum* causarum nomen adhibuisse, tamen nemo non videt, quanta vis, et auctoritas esse debeat tam remotae a nostra memoria antiquitatis, quae attingit initium V. saeculi, praesertim cum eam posterior aetas et verbo, et facto confirmaverit, eaque procedat a Pontifice doctrina, et pietate excellenti, quem errare ne suspicari quidem licet jus alienum usurpare voluisse, et antiqua consuetudine receptum jactare impudenter quod ipse primus in Ecclesiam inducebat. *Quid enim poterat ille vir sanctus* (ajebat de hoc Pontifice Augustinus contra Julianum, lib. 1. cap. 4. opp. tom. 10. col. 503. edit. Venet. 1733. cum ageretur de causa Pelagianorum) *respondere... nisi quod antiquitus Apostolica Sedes, et Romana cum ceteris tenet perseveranter Ecclesia?* Deinde vero ociosum est de mero vocabulo disputare, quando rem ipsam, quae eo vocabulo designatur, testatissimam faciunt tot vetusta saeculorum monumenta, quae a nobis data sunt, ex quibus evidenter constat, jam ab ipsi Ecclesiarum incunabulis semper graviore, majoresque causas ad Summum Pontificem Ecclesiae caput referri consuevisse. Hinc Julius I. plusquam dimidio saeculo antiquior Innocentio hanc ipsam consuetudinem memorat, quod certissimo argumento est, eum non rem novam literis consignasse, sed ea aetate jamdiu receptum fuisse, ut graviore causae ad Sedem Apostolicam referri deberent. Nam, uti paulo ante demonstravimus, Eusebianis expresserat Pontificiae auctoritatis contemptum appellatam antiquam consuetudinem, tam generatim in causis gravioribus, tum speciatim in causis Episcoporum, *an ignoratis*, inquit, *hanc esse consuetudinem, ut primum nobis scribatur, et hinc quod justum est decernatur.* Neque Eusebiano hanc consuetudinem, quam facile refutare potuissent, nisi fuisset vera, et omnium consensu probata, in discrimen revocare ausi sunt, neque mentis est Julius, quoniam illam revera ubique viguisse ostendant ea, quae hactenus in medium allata sunt, itaque et ante Julium, qui Pontifex creatus est an. 337., et multo magis ante Innocentium, qui Summum Pontificatum obtinuit an. 402. jam ea, de qua loquimur, consuetudo obtinebat. At majores causas ad Sedem Apostolicam deferri vult Innocentius post *judicium Episcopale*. Ita sane. Sed duplex, ut omnes norunt, judicium est, alterum, quod *definitivum*, alterum, quod *informativum* dicitur. Postremum hoc judicium in causis gravioribus proprium est Episcopi, primum illud Summi Pontificis. Nimirum si gravior aliqua causa, ex. gr. fidei in diocesi orta fuerit, eorum Episcopi cum sua animi sententia referunt ad Summum Pontificem, a quo expectandum est judicium, quod omnem solvat controversiam. Atque hoc est Episcopale judicium, quod memorat Innocentius; judicium scilicet, quod pertinet ad rem accuratius cognoscendam, atque ad Episcopi sententiam significandam Summo Pontifici, a quo definitivum judicium emittendum est. Hinc ipse Innocentius majores a minoribus causis perspicue distinguit, Nam de his tantum scribit: *causas vel contentiones inter clericos tam superioris ordinis, quam etiam inferioris a congregatis ejusdem provinciae Episcopis terminari debere, nec alicui liceat, relictis his Sacerdotibus, ad alias convolare provincias, sine praedjudicio tamen Romanae*

Ecclesiae, cui in omnibus causis debet reverentia custodiri. Sunt haec iudicia minorum rerum, quae ab Episcopis expedienda sunt, quaeque eorum sententia terminantur. Verum maiores causae non terminantur iudicio Episcoporum, sed eae etiam post editam Episcoporum sententiam referendae sunt ad Sedem Apostolicam, cujus tantum iudicio terminantur. Hinc intelligimus, quae initio saeculi V. disciplina fuerit, ubi Episcoporum provincialia synodus, cujus potestas his temporibus adeo amplificari vellet, solum causas minores terminare potuit, et has quidem, nisi pars altera Apostolicam Sedem appellaret.

(2) Zosimus ep. 1. ad Episcop. Gall. num. ult. apud Constantium col. 938. omnia Præviaticarum Galliae negotia Metropolitae Arelatensi committit, nisi magnitudo causae etiam nostrum requirat examen.

(3) Bonifacius ep. 15. ad Rufum num. 8. col. 1044. contra Perigeum Corinthiorum Episcopum aliquid fieri vetat sine consensu, et auctoritate Rufi, cui ipse vires suas commiserat, et quem omnia referre jubet ad notionem suam.

(4) Cyrillus ep. ad Caeslestium, quae inter Caeslestini epistolae apud Constantium est num. 8. col. 1086., in causa Nestorii ad Caeslestium P. scribit haec: *Si silere, et non pietatem tuam de omnibus, quae moventur, literis certiorum facere citra culpam, ac sinistrae suspicionis metum liceret, praeteritum in rebus adeo necessariis, ubi etiam recta fides a nonnullis depravata periclitatur, in mansipso dicerem, bonum, et periculi expers est silentium, praestatque quietam vitam agere, quam turbatam. Sed quoniam Deus hisce in rebus vigilantiam a nobis exigit, et longa Ecclesiarum consuetudo suadet, ut hujusmodi res cum Sanctitate Tua communicetur, scribo plane necessitate adactus.*

(5) In eadem Nestorii causa quantum Romani Pontificis auctoritas visa fuerit necessaria, manifestum facit vel ipsa Orientalium schismaticorum epistolae ad Sixtum III., in qua Antiocheni Patriarchae ad Concilium Ephesinum accessionem referre festinant, inter Sixti epistolae num. 4. apud Constantium col. 1245. Qua de re digna est, quae describitur ipsius Constantii adnotatio his concepta verbis: *hic notatu digna videtur ea in Nestorii tota causa partium festinatio, qua Nestorius ipse, Cyrillus (Alexandrinus), Joannes, (Antiochenus), ac socii, Eutherus (Thianensis), ac reliqui Episcopi consentientes (omnes Orientales), hoc est haeretici, catholici, schismatici, seu a schismate discedentes, seu in eodem pertinaces Apostolicis Sedis Praesulem anteverire, ac sibi conciliare contenderunt.*

(6) S. Leo M. ep. 14. ad Anastas. Thessalonie. cap. 1. opp. tom. 1. col. 683. edit. Baller. n. sibi reservat majora negotia, et difficiliore causarum exitus. At qui Sedi Apostolicae quidquid Primatus est adimere conantur, id factum a Leone ajunt jure patriarchie, quoniam Illyricum, ubi Anastasius Apostolici Vicarii munere fungebatur, eo quidem jure Romano Pontifici subieciatur. En quo hi homines rapiantur odio in Primatum, ut concedant Patriarchae, cujus potestas humi juris est, ac certas tantum comprehendit provincias, quod negant Primati, quem Deus ipse instituit, ut caput esset totius Ecclesiae, ejusque potestas non certis provinciarum, sed universae Ecclesiae terminis continetur. Ergo particulari Patriarchae licebit, quod non licet universae Ecclesiae Capiti majores sibi causas reservare? Rem absurdissimam plures refutant, atque rejiciunt quae haecenus demonstrata sunt, ex quibus manifestum est, quod jam a primis saeculis non solum ex Illyrico, atque ex aliis Occidentis, sed etiam ex singulis Orientis

provinciis graves causas ad Romanam Pontificem deferbantur. Synodus Sardiensis expresse statuit, ut de singulis quibusque provinciis ad Caput seu Petri Sedem Domini Sacerdotes referant. Julius Orientales graviter increpat: quod contra canonem, et consuetudinem ad Romanam Ecclesiam non scriperint. Innocentius pluribus in literis diserte inquit, majores causas ad Apostolicam suam Sedem: ad Petrum, idest sui nominis, et honoris auctorem: ad Caput, et apicem Episcopatus referri debere. Omnium loco ait Bonifacius .p. 15. ad Rufum aliosque apud Constantiam ann. 6. col. 1042, qui jam saeculo V. hodierna commenta refutavit his verbis: » Ap-
 » probandum documentis est, maximas Orientalium Ecclesias in magnis ne-
 » gentis, in quibus opus esset disceptatione majore, Sedem semper con-
 » suluisse Romanam, et quoties usus exegit, ejus auxilium postulasse
 » S. memoriae Athanasius, et Petrus Alexandrinus Sacerdotes Ecclesiae
 » hujus Sedis auxilium postularunt. Cum Antiochena Ecclesia per multum
 » tempora laboraret, ita ut fierent illi propter hoc ipsum saepe discursus,
 » primo sub Meletio, postea sub Flaviano, apostolicam Sedem manifestum
 » est esse consultam. Ad cujus auctoritatem post multa, quae ab Ecce-
 » sia nostra gesta sunt, nemini dubium est, Flavianum communionis
 » gratiam accepisse, qua in perpetuum caruerat, nisi hinc super hoc
 » scripta manusseut Clementissimae recordationis Princeps Theodosius
 » Nectarii ordinationem, propterea quia in nostra notione non esset,
 » habere non existimans firmitatem, misit e latere suo aulicis eum Epis-
 » copis formatam huic a Sede Romana dirigi regulariter deposuit, quae
 » ejus Sacerdotium rubraret. Ante breve tempus, idest sub Praedecessore
 » meo hoc record. Innocentio Orientalium Ecclesiarum Pontifices dolentes se a
 » B. Petri communione sejunctos per legatos pacem, sicut scripsit vestra retinet,
 » poposcerunt... Igitur ad probandum veritatem arbitror, quae diximus, Fratres
 » carissimi, exempla sufficere, quamvis plura vestri notione teneantur. » At-
 » que ex hac ipsa Bonifacii epistola intelligimus, quanta semper fuerit in toto
 » Christiano orbe super omnes Orientis Ecclesias Romanae Sedis auctoritas: nam
 » ibi paulo supra nam 5. describitur ordo Ecclesiarum his verbis: » quoniam
 » locus exigit, si placet recensere canonum sanctiones, reperietis, quae sit
 » post Ecclesiam Romanam secunda Sedes, quaeve sit tertia. A quibus ideo ita
 » rerum videtur ordo distinctus, ut se ecclesiarum Pontifices ceterarum, sub
 » uno tamen, eodemque Sacerdotio, habere cognoscant, quibus caritate ser-
 » vata propter ecclesiasticam disciplinam debeant esse subiecti. Et quidem haec
 » sententia canonum a vetustate duravit, et nunc usque Christo Domino nostro
 » favente perdurat: nemo unquam Apostolico calumini, de ejus iudicio non
 » licet retractari, manus obvias audacter intulit, nemo in hac rebellis exiit,
 » nisi qui de se voluit judicari. Servant Ecclesiae magnae praedictae per Cano-
 » nes dignitates, Alexandrina, et Antiochena, habentes ecclesiasticis juris no-
 » titiam; servant, inquam, statuta Majorum, in omnibus deferentes, et ejus
 » vicissitudinem referentes gratiae, quam se in Domino, qui pax nostra est,
 » nobis debere cognoscunt. »

(7) Hilarus ep. 8. ad Episc. provinc. Gall. tom. 5. concil. collect. Lab-
 baei col. 66. In dirimendis sane, inquit, gravioribus causis, et quae illi
 non poterint terminari, Apostolicae Sedis sententia consulatur.

(8) Vigilius ep. 7. ad Auxanum Arclatensem d. tom. 5 Concil. col.
 1300. » Si qua vero, inquit, certamina aut de Religione... aut de quolibet
 » negotio, quod ibi pro sui magnitudine terminari non possit, e venerint, to-
 » tius veritatis indagare diligenti ratione discussa, rationis ad nos seriem desti-

• nantes Apostolicae Sedi terminanda servare : • idemque iisdem pene verbis expressum est *pist. 9. ad Episc. Gall. col. 1302.*

(9) S. Gregorius M. *lib. 4. ep. 52. opp. tom. 2. edit. Maurin. Paris 1705.*
 • Si quani vero contentioneum, inquit, quod longe faciat divina potentia, de
 • fidei causis evincere contigerit, aut uogecium emerierit, ejus vehemens sit
 • fortasse dubietas, et pro sui magnitudine judicio Sedis Apostolicae indigeat,
 • exomina diligentius veritate relatione sua • (eu episcopale iudicium, quod
 • pertinet ad rem expreudentiam, eamque significandam Sedi Apostolicae, a qua
 • supremum iudicium emittendum est) • ad nostram studeat perducere notitiam.
et .p. 16 lib. 2. col. 603.

(10) Ex eo numero sunt Van-Espenius *Jus. eccles. univ. par. 3. tit. 3. cap. 4.* Febronius *de stat. Eccles. cap. 4. §. 1.*, Constans *Principj genuini di. ut in la. gne. spud. nza sacra cap. 22. num. 2.*, alique similes ex eadem a-bula profecti. Videndi sunt fratres Hallerini in *S. Leonem opp. tom. 2. col. 921. 937. 979. seqq. edit. Venet. 1753.*, et vindic. auctor. Pontific. *cap. 8. §. 7. pag. 239. seqq. edit. Aug. Finkelic. 1770.*, Zaccaria *Anti-Febronio tom. 2. lib. 1. cap. 4. et in Anti-Febronio vindic. par. 2. dissert. 5. cap. 1. et 2.*, Italus ad Febronium *ep. 7. et 8.*, Charles de libert. *Eccles. Gallican. l. b. 9. cap. 5. tom. 2. pag. 163. seqq. edit. Romae 1720.*, ubi habes et pacta conventus, seu concordata cum Gallia, et testimoniis Gallorum auctorum. et alia praecula monumenta, ex quibus patet, semper graviores causas ipso primo ju-dicio ad Sedem Apostolicam deferri consuevise. Atque haec inter Gallorum testimonia praecurum est illud, quod an. 1651. Galliae Episcopi ediderunt li-teris ad Innocentium X. dativ. *Majores causas; inquit, ad Sedem Apostolicam referri soleamus Ecclesiae mos est, quem fides Petri nunquam defi-ciens perpetuo retineri pro jure suo postulat.* Confer etiam nostras *Institutiones Jur. Canon. lib. 3. tit. 4. §. 8. not. 1. pag. 56. seqq. edit. Romae 1792.*

§. XV. Sunt autem graviores causae, quae primo etiam ju-dicio a Summo Pontifice cognoscendae sunt, in primis causae de fide, de laxandis legibus, quae pertinent ad Ecclesiam univer-sam. Atque haec praesertim ob causam, ut unitas fidei conserve-tur, a Christo Primatum fuisse datum Petro, ejusque successoribus, una est Catholicorum sententia, a qua ne ii quidem audent discedere, qui jura Primatus imminuunt, atque in par-vum quendam, et angustum locum concludunt. (r) Itaque si Primatus institutus est, ut omnium particularium Ecclesia-rum, quae toto terrarum orbe longe, lateque diffusae sunt, una sit fides, quod efficitur ex earum copulatione in unum centrum unitatis, evidens, apertumque est, fidem hujus centri esse fidem, quam omnes particulares Ecclesiae sequi debent, ideoque illius de hac fide totius Ecclesiae judicium esse oportere.

(1) Febronius *de stat. Eccles. cap. 2. §. 2. 4. 6.*, praeter ceteros, hujus Primatus fundamentum unitatis bonum esse docet, *bonum, sine quo*
Tom. III. E

*impossibile est Ecclesiam subsistere, aut perdurare. Hinc firmum, certumque statuit, « omnia illa, et sola primigenia esse, et essentialia jura » Primatus, sine quibus unitas non potest servari, et addit, qui ad genus unum eusum .S. Scripturae, traditionis, ac disciplinae primorum saeculorum sapiant, illi norunt, quod cum Romanus Pontifex inter Prae-latos, et Antistites sit primus, supremo ejus muneri annexa esse debeat sollicitudo, ut per universum orbem observentur canoness, ut fides illibata custoditur, ut iidem ritus substantiales in ministrandis sacramentis adhibeantur, ut denique unam omnes, eamque sanam doctrinam moralem proleantur. » Unde illud educit consequens : « ea quae ad Ecclesiae statum attinent, ubi vis gerantur, ad Romanum Pontificem referenda esse. » Atqui Febronius ipse facit *loc. cit. cap. 4. §. 2. num. 10.* « causas fidei » graves ejusmodi esse, quae ad statum universalis Ecclesiae attingere possunt, quo titulo Summi Pontificis est curare, ne quid deficiat, quod in eumdem statum committat, seu publicum impingat. » Itaque facit disertissime Febronius : *graviore fidei quaestione ad Romanum Pontificem esse referenda.* Quis aequo animo ferat, quod hic hominem deinceps sibi ipsi adversetur, causasque fidei reservatas neget Summo Pontifici, atque id totum adscribat falsis Decretalibus Isidori, vehementerque objurgat Innocentium III., quod hic interrogatus super quaestione de Baptismo parvulorum in responso ad Archiepiscopum Arelatensem, tanquam certum posuerit, *maiores Ecclesiae causas, praesertim articulos fidei contingentes, ad Petri Sedem referendas esse ?* Haec semetipsum contradicendi ratio magnum est malae causae argumentum.*

§. XVI. Initio quidem Ecclesiae non solus Petrus, sed et singuli Apostoli errores condemnarunt. Verum Episcopos, in jura singularia Apostolorum minime successisse, compertum est, ideoque non omnia, quae praestiterunt Apostoli, etiam Episcopi praestare possunt. Certe unusquisque Episcopus in sua dioecesi curare diligenter debet, ut integra sit fides, et procul sit omnis error, per quem ea corrumpi potest, atque infici opinionum pravitate. Verum judicium, quod ea de re ab uno, aut altero Episcopo emittitur, particulare judicium est, quod habere potest, et saepe habet alios adversantes Episcopos, quorum dissensus facit, ut nihil certi statui possit; non supremum, et definitivum est judicium, quod veritatis loco esse debet Ecclesiae universae. Judicium hoc tantum ferri debet ab eo, qui in totam Ecclesiam, cujus caput, princepsque est, habet potestatem; quique est a Deo constitutus centrum unitatis, in quo omnes particulares Ecclesiae copulantur, et cum quo omnes convenient necesse est (1). Atque hoc quidem judicium in re tanti momenti semper Romano Pontifici reservatum fuit; cujus rei Theodorus Cyri Episcopus (2) primum exemplum profert ex Paulo Apostolo, qui tametsi

esset praecon veritatis, et tuba Spiritus Sancti, tamen in prima illa de legalibus controversia, ut exemplum relinqueret, ad magnum Petrum se contulit, ut iis, qui Antiochiae de legali conversatione ambigebant, explicationem ab ipso referret.

(1) Confer Bullerium *de vi ac ration. Primat. Pontific. cap. 10. et 11. pag. 45. seqq. edit. August. Vindelic.*, ubi agitur de vi. et potestate, quoniam habet Summus Pontifex tamquam Ecclesiae caput cogendi omnes ad unitatem.

(2) Inter Leonis M. epistolae *ep. 52. cap. 1. opp. S. Leonis tom. 1. col. 942. edit. Balthasin.*

§. XVII. Non omnia ad nos pervenerant monumenta rerum ab nostra memoria propter vetustatem remotarum, uti sunt in primis, quae Hieronymus (1) sub Damaso relata, et responsa commemorat; sed quae hactenus indicavimus, et cetera, quae adhuc supersunt, evidenter ostendunt, omnes de fide controversias expeditas, finitasque fuisse Sedis Apostolicae iudicio. Extant adhuc literae Conciliorum Carthaginensis, et Milevitani, quod utrumque habitum est an. 416., et in his Concilii Patres post proscriptos Pelagii, et Caelestii errores omnia, quae ab se gesta fuerant, Summo Pontifici Innocentio I. significant, ut Sedis Apostolicae auctoritate confirmentur (2). Innocentius autem datis ad eos literis eosdem ea de causa valde laudat, quod iudicium exquisierint Sedis Apostolicae, et eorum, quae gesserant, confirmationem petierint, in quo et vetusta Patrum instituta sequuti fuerint, et sanctissimis Ecclesiae legibus obtemperaverint (3). Eodem recidunt quinque Africae Episcoporum Aurelii, Alypii, Augustini, Evodii, et Possidii literae ad eundem Innocentium (4), et hujus ad eos responsio (5). Simili modo alia duo Africana Concilia omnia quae acta fuerant contra Pelagianos, nuntiaverunt Zosimo Pontifici, a quo ea confirmata sunt (6), et Caesarinus Episcopus Arelatensis Arausicanam synodum II. Sedis Apostolicae iudicio subiecit (7). Atque illam quidem Innocentii sententiam, quam obtinuerunt Africani Patres narrantes, quae ipsi gesserant in negotio Pelagianorum, tanti fecit Augustinus, ut per eam causam finitam (8), et totam dubitationem sublatam affirmaverit (9).

(1) S. Hieronymus *ep. 113. num. 10. opp. tom. 1. col. 901.*

(2) Concilium Carthaginiense in *ep. synod. ad Innocent. P. tom. 3. Concil. collect. Labbaei col. 376. Hoc itaque gestum*, inquit Carthaginienses Patres, *Domine Frater, sanctae caritati tuae intimandum duximus, ut statutis nostrae mediocritatis etiam Apostolicae Sedis adhuc auctoritas. Et Patres Milevitani in epist. synod. ad eum l. lib. col. 387.* » Quia te Dominus, inquit, gratiae auae praecipui munere in Sede Apostolica collocavit, talisque nostra temporibus praefuit, ut nobis potius ad culpam negligentiae valeat, si apud tuam venerationem, quae pro Ecclesia sunt suggerenda, taceamus. »

(3) Innocentius ad Carthaginiensis Concilii Patres *ep. 24. cit. tom. 3. Concil. col. 44. scribit haec* : » quod illi non humana, sed divina decreverunt sententia, ut quidquid, quamvis de disjunctis, remotisque provenerit, eis ageretur, non prius ducerent sententiam, nisi ad hujus aedis notitiam perveniret, ut tota hujus auctoritate iusta, quae fuerit, pronuntiatio firmaretur, indeque sumeretur aeterna Ecclesiae (velut de natali suo fonte) aquae cunctae procederent, et per diversas totius mundi regiones puri lactes capitis incorrupti manarent, quid praecipere, quia ablueri, quos veluti coeno inenodabili sordidatos mundis digna corporibus unda vitaret. » Quam sententiam similibus fere verbis literis mandavit triam Africae Conciliorum Patres in exordio epistolae ad Theodorum P. missae, quae in Lateranensi Concilio sub S. Martino l. act. 2. tom. 7. *Concl. Labbaei col. 131. recitata fuit. Neque secus loquitur ipse Innocentius scribens ad Patres Milevitanos loc. cit. ep. 25. col. 47.*

(4) Extat haec epistola apud Labbaeum *loc. cit. col. 395.*, in eaque post expositam referendi causam, ac petitam veniam ob longiorum sermonem adduntur haec : » non enim rivulum nostrum tam largo fonti augendo refundimus : sed in hac non parva tentatione temporis utrum etiam noster, licet exiguus, eodem, quo etiam tua abundans, emanet capite fluentiorum, huc a te prolati volumus, tuisque rescriptis de communi participatione unius gratiae consulari. » Hanc epistolam, ac ceteras, quas paulo ante memoravi, Innocentii, et Concilii Carthaginiensis, ac Milevitani epistolas per partes singulas diligeuter expendit Ballerinius *de vi ac rat. on. Primat. Pontific. cap. 13. §. 9. pag. 152. seqq.*, ubi etiam Augustini, quae adversari videntur, loca explicantur.

(5) Consule *epist. 26. Innocentii apud Labbaeum loc. cit. col. 50.*

(6) Vide *sic Baronium ad an. 417. num. 19. tom. 7. pag. 95. seqq. edit. Lucae.*

(7) Confer Bonifacium II. *ep. 2. ad Caesarium Arelaten. apud Labbaeum tom. 5. Concil. col. 830.*, et Mabillonium in *sac. l. Benedict. tom. 1. pag. 646. edit. Venet. 1733.*

(8) S. Augustinus *serm. 131. de verb. Evang. Joan. opp. tom. 5. col. 645. edit. Maurin. Venet. 1731.*

(9) Idem contra duas *epist. Pelagian. lib. 2. cap. 3. et 4. tom. 10. col. 433.* In quo illud animadvertendum est, quod Augustinus tantum post Innocentii rescriptum causam finitam, et totam dubitationem subactam dixit, sed ante hoc rescriptum licet duo Africana Concilia habuissent, non evidentem exclusam de Ecclesia Pelagianorum haeresim affirmavit.

§. XVIII. Neque vero sese aliter res habere potest. Nam relationes hujusmodi ad Sedem Apostolicam tamquam ad caput

aemper mitti consueverunt, non tantum ut capitis requiratur officium, cujus est curare unitatem, regimen, et incolumitatem ceterorum membrorum, sed etiam ut ostendatur, qualis sit obligatio membrorum, quorum est caput sequi (1), ei-que adherere. Alios quoque Episcopos, qui doctrinae fama praestarent, interdum consultos novimus, ut suam in re valde dubia sententiam patefacerent; sed id factum est, uti nunc etiam rogantur insignes aliqui doctrina viri, mera voluntate eorum, quibus placuit iudicium exquirere Episcoporum, quos plurimi faciebant, atque hoc privatum, et voluntarium iudicium fuit, quod nihil toti Ecclesiae dare potuit definitum, ac certum. Magnum itaque discrimen est inter hoc iudicium, et iudicium Romani Pontificis, quod unum est iudicium certum definitivum, totamque afficiens, et obstringens Ecclesiam.

Confer synodicam synodi Sardicensis a. 347. ad Julium P. apud Labbaeum *Concil. tom. 2. col. 690.* Chalcedonensis Concilii Patres in relatione ad S. Leonem, quem sibi sicut membris caput praefuisse affirmant, postquam eum laudant, quod egregie capitis functus manere corpus Ecclesiae unum festinasset, haec de suo, ac membrorum officio tradiderunt: *nos capiti in bonis atque in consuetudine consonantiam.* Similiter cum Ephesini Patres Caesellini iudicio adiungere suum contra haeresim Nestorianam, Philippus Apostolicae Sedis Legatus inquit *sancta membra capiti se adiunxerunt.* Confer Concilium Ephesium *act. 2. tom. 3. col. 1147. collect. Labbaei.* Hanc sane de causa Ecclesiae membra capiti fuisse subjecta Christi instituto docet S. Hieronymus *contr. Iovinian. lib. 1. n. 26. opp. tom. 2. par. 1. col. 279. edit. Feron.* ut capite constituto schismatis, tolleretur occasio, atque ut addit S. Leo *ep. 14. ad Anastasium Thessalonicensem cap. 11. opp. tom. 1. col. 692. nihil usquam a suo capite dissideret.* Eo quoque spectant Avitus Viennensis *ep. 36. apud Sirmundum opp. var. tom. 2. col. 52. edit. Fenet. 1729.* Justinianus in *L. 7. tit. 1. lib. 1.*, et Gregorius II. *ep. ad S. Bonifacium Episcopum Moguntinum* in ejus vita scripta ab Othlono Taldeuri apud Canisium *thes. monum. Antwerp. 1; 25. t. 3. p. 342.*

§. XIX. Huc etiam referendae sunt causae, quae spectat ad disciplinam, rectamque administrationem, et statum Ecclesiae universae. Non enim, quae totam Ecclesiam attingunt, fieri possunt sine auctoritate ejus, qui toti Ecclesiae praepositus est, quique ex vi, et ratione Primatus in omnes habet jurisdictionem, et cogendi potestatem (1). Est etiam e numero majorum causarum jus instituendi, confirmandi (2), ac transferendi Episcopos (3), eosque reos graviorum criminum gradu movendi (4), constituendi, conjungendique in unum plures Episcopa-

tus, aut unum distrahendi in plures, finitumque regnorum dioeceseum (5), et suo reservandi iudicio graviora quaedam crimina, quorum soli Summi Pontifices veniam largiantur (6), et solvendi aliquem Ecclesiae legibus (7), et adscribendi numero Sanctorum insignes in Deum pietate viros (8), et confirmandi Ordines Regularium (9).

(1) Consule S. Leonem M. ep. 4. ad *Episcopos per Campaniam* cap. 15. et ep. 5. cap. 2. opp. tom. 1. col. 616. et 617. edit. Ballerin. ep. 9. col. 629. ep. 119. col. 1217. et ep. 20. col. 1227. ; S. Caelestium ep. 3. apud Constantinum col. 1064. ; Nicolaum I. ep. 6. ad Photium tom. 9. Concil. Labbani col. 1304. ; S. Maximum Confessorem opasc. theolog. tom 2. opp. pag. 76. edit. Combesii. Paris. 1675. » Implorat, inquit, sanctissimae Romanorum Ecclesiae » beatissimum Papam, idest Apostolicam Sedem, quae ab ipso incarnato Deo » Verbo, sed et omnibus sanctis synodis, secundum sacros canones et termini » nos universarum, quae in toto terrarum orbe sunt, sanctorum Dei Ecclesiarum in omnibus, et per omnia percepit, et habet imperium, auctoritatem, et potestatem ligandi, et solvendi. » Quamquam unam, et eandem disciplinam ibique esse necesse non sit, ut in his, quae ad dogma pertinent, una omnium fides esse debet, tamen saepe disciplina ejusmodi est, ut cum dogmate intime conjungatur sive per se, sive error eorum, qui eam observare renunt; vel Christum ipsum auctorem habeat; vel universae Ecclesiae consecratione recepta sit; vel propter rerum, quas spectat, magnitudinem, ac varietatem nervus, ac vigor Christianae Reipublicae jure, ac merito existimetur. Hanc sane integram servari vehementer interest, quia secus magnum est periculum, ne ipsa eadem fidei unitas detrimendum patiatur.

(2) S. Leo. M. *Episcopatum sancti, ac venerabilis Episcopi Antiochenae Ecclesiae confirmavit*, inquit Patres Concilii Chalcedonensis act. 10. tom. 4. Concil. Labbani col. 1599., quod satis fuit ut omnis ea de re dubitatio removeretur. Vide Bonifacium I. ep. 15. ad Rufum apud Constantinum col. 1043., Leonem M. ep. 104. cap. 3. col. 1149., Simplicium ep. 17. ad Arcadium apud Labbeum tom. 5. concil. col. 113., Gregorium M. ep. 30. lib. 3. col. 645. tom. 2. edit. Maurin. Paris. 1703. et ep. 4. lib. 11 col. 1095. Ivoem Carnotensem ep. 8. ad Richerium pag. 4. edit. Paris. 1647, Maurus Ravennae Episcopus debitam Romano Pontifici subjectionem depellere conatus est, sed ejus successor Reparatus eam agnovit, firmiterque habuit, ipseque Imperator sancivit, ut ejus successor Romae consecrationem acciperet juxta antiquam consuetudinem Adriasius in Dono, et in Leone II. tom. 1. pag. 174. et 289. edit. Fignolii Romae 1724. Videndus est etiam Cardinalis Gerdilius *Confutazione di due libelli contro il Erre super soliditate par. 1. pag. 12. seqq. edit. 1789.* Atque hanc obtinendam a Sede Apostolica confirmationis necessitatem agnovit, et discrete confessi sunt Gersonius de potest. eccles. consid. 10. opp. tom. 2. pag. 239. edit. Antwerp. 1706., et Van-Espenius *Jus eccles. par. 1. tit. 14. cap. 5. num. 7.*, qui certe Apostolicae Sedis assertores haberi non possunt, Alter enim posteaquam firmum, ac certum posuerat, quod: » potestas ecclesiastica in sua plenitudine, et formaliter, et subjective in solo Rom. Pontifice est, addit. haec: Ex institutione Christi, nullus debet in Ecclesia dare, vel pascere gradus hierarchicos, . . . si non interveniat ipse, et interpretative auctoritas supremi » Hierarchae, vel Monarchae in Ecclesia sancta Dei, » Alter autem pluribus

ascendit, electum Episcopum sine confirmatione Sedis Apostolicæ Ecclesiæ administrare non posse. Sed ea de re alius redibit disserendi locus in titulo de confirmatione utili vel inutili.

(3) Confer Socratem *Histor. Eccles.* lib. 7. cap. 40. pag. 329. edit. Taurin. Bonifacium I. ep. 4. et 15. apud Constantium col. 1019. et 1039. Bianchium della potestà; e della polizia della Chiesa lib. 3. cap. 4. §. 1. tom. 5. par. 1. pag. 390. seqq.

(4) Concilium Tridentinum sess. 13. cap. 8. de reform. S. Cyprianus ep. 67. pag. 232. edit. Amstelod. 1700. S. Stephanum summum Pontificem rogat, ut depositionis sententiam ferat contra Marcianum Arelatensem, qui se Novatianis conjunxerat. *Dirigantur*, inquit, *in provinciam, et ad plebem Arelate consistentem a te literæ, quibus, absente Marciano alius in eum locum substituatur.* Quem Cypriani locum solide, graviterque expedit V. Cl. Joannes Marchettus nunc. dum hæc scribimus, Archiepiscopus Anagranus critica della storia Ecclesiastica, e de' discorsi dell' Ab. Fleury art. 2. cap. 1. num. 6. tom. 2. pag. 52. seqq. edit. Venet. 1794., quo in opere et alia Pontificiæ potestatis capita contra Fleuryum, atque alios cupiose, vindicantur. Concilium Chalesdonense act. 3. col. 1306. tom. 4. Concil. collect. cit. de Dioscoreo habet hæc: „ unde sanctissimus, et beatissimus Archiepiscopus magnæ et senioris Romæ Leo per nos... nudavit eum tam Episcopatus dignitate, quam etiam et ab omni sacerdotali alienavit ministerio. „ et act. 11. col. 1610. ibid. *Hodie quatuor anni sunt*, inquit, *et Romanus Episcopus eum deposuit.* Nicolaus I. in sola Ecclesia Constantinopolitana octo numerat Episcopos a Sede Apostolica gradu motos ep. 8. ad Michael. Imper. tom. 9. Concil. col. 1329.

(5) Egregie S. Bernardus ep. 131. opp. tom. 1. pag. 61. edit. Venet. 1765. „ Putes, inquit, si utile judicaverit, novos ordinare Episcopatus, „ ubi hæcenus non fuerunt, potest nos, qui sunt, alios deprime, alios „ sublimare, prout ratio sibi dictaverit, ita ut de Episcopis creare Archiepiscopos liceat, et e converso, si necesse visum fuerit etc. „ Sic Zosimus ep. 5. apud Constantium col. 959. Metropolitanæ Arelatensi tribuit potestatem ordinandi Episcopos in provincia Viennensi, et in utraque Narbonensi; Bonifacius aptem, eo privilegio abrogato, Hilario Narbonensi jus restituit, quod a Zosimo ademptum fuerat ep. 12. ad Hilarium ibid. col. 1031. quod et Pontifices, qui sequuti sunt, ac nominatim S. Leo confirmarunt. Sic etiam orta inter Arelatensem, et Viennensem Ecclesiam controversia ob Vasensis Episcopi ordinationem, a Provinciæ Episcopis, res delata est ad Leonem M., qui utrique Episcopo diocesanos fines præfixit S. Leo M. ep. 76. col. 999. edit. Bullerin., et hanc Leonis indulgentiam ratam firmam haberi jubet Symmachus ep. 9. apud Labbeum tom. 5. Concil. col. 438. Vide etiam Ivonem Carnotensem ep. 238. ad Paschal. II. pag. 103. edit. Paris. cit.

(6) Concilium Tridentinum sess. 14. cap. 7. de poeniten. „ Magnopere vero, inquit, ad Christiani populi disciplinam pertinere sanctissimis Patribus nostris visum est, ut atrociora quedam, et graviora crimina non a quibusvis, sed a Summis dumtaxat Sacerdotibus absolverentur: unde merito Pontifices Maximi, pro suprema potestate sibi in Ecclesia universa tradita causas aliquas criminum graviures suo potuerunt peculiari judicio reservare. „

(7) A Melchiade Pontifice ob rei Christianæ bonum laxatas fuisse leges Ecclesiæ constat, quod maxime laudat S. Augustinus ep. 43. ad Glerium etc. opp. tom. 2. col. 95. edit. Venet. 1729. Videndæ sunt etiam li-

terae Tarraconensiū Episcoporum ad Hilarum P., quorum summam Severinus Bionis describit his verbis : « memoratu digna duo contiuet. Unum » quod ad Romanam Sedem tantum pertineat dispensare in iis, quae contra canones praesumpta sunt; alteru a quod nullius concilii provincia-
 » lia tanta est auctoritas, ut inmensula Sede Apostolica id praetare possit. » tom. 5. *Concil. col.* 53. *coll. et. Labbani*. Aque hae litterae lectae fuerunt in Concilio Romano an. 465. tom. 5. *Concil. collect. Labbani col.* 85, quibus Patrum, quos inter fuit S. Maximus Episcopus Ecclesiae Taurinatis, perpetuae acclamationes responderunt. Eandem Summi Pontificis potestatem de laxandis, ubi opus est, Ecclesiae legibus declarat Symmachus apud Labbanum *loc. cit. col.* 440. Sed de hac ipsa Romani Pontificis potestate praecelsum in primis est testimonium Concilii Constantiopolitani IV., quod fuit VII. oecumenicum. Res erat de laxandis Ecclesiae legibus, ut clerici, qui a Photio minores ordines susceperant, majores consequi possent, praeterea de restituendo ad Episcopatum Theodoro Metropoli-
 » tanae, denique de Paulo Cartophylace Episcopo consecrandu. Hi omnes dispensationis beneficio indigebant, idque Concilii Patres ab Hadriano II. posularunt agnoscentes in uno Romano Pontifice residere potestatem dissolvendi leges Ecclesiae, quae ipsi sese carere fatebantur Concilium Constantiopolitanum IV. act. 10. tom. 10. *Concil. Labbani col.* 678. Natalis Alexander *Histor. Eccles. saec.* 9. et 10. §. 22. tom. 6. pag. 358. edit. *Vener.* 1776. » Magnificum » sane, inquit, pro Romani Pontificis Primatu testimonium, quod synodus » oecumenica dispensationes a Summo Pontifice roget, eique, non aliis Patriarchis, potestatem a Christo concessam agnoscit, temperandi severitatem » cautiorem, qui ab Ecclesia recepti sunt universi. » Confer Billerium de potest. eccles. Sum. Pontif. cap. 3. §. 2. p. 42. edit. *August. Pudelici* 1770, et Bianchini de ill' exterior polizia della Chiesa lib. 3. cap. 5. §. 16. tom. 5. pag. 274. et 277.

8) Initio testificatione populorum, ac permissione Episcoporum sanctorum canonizationes fieri solebant; erecto super eorum corpora altari, ut nosci potest ex Mabillonio act. SS. Ord. Benedict. saec. 6. par. 1. pag. 154. 240. 248. 382. 447. edit. *Vener.* 1733. Saep ex una ad aliam diocesim cultus deferre-
 » batur eodem studio populi, Episcopo permittente; sed hic particularis cultus erat unius, alteriusve dioceseos, qui minime trahebatur ad Ecclesiam universam. Cultus ubique receptus in tota Ecclesia tantum indicii praestitit a Summo Pontifice, cujus in totam Ecclesiam fertur potestas propter Primatum honoris, et jurisdictionis, quo a Christo Domino donatus est. Sunt qui tantum in exitu saeculi X., nimirum an. 995., Sedi Apostolicae reservatas putant Sanctorum canonizationes ab Joanne XV., qui S. Uldasum Sanctorum numero adscribi voluit. Sed multo antiquiores hae actus canonizationes, quae totam Ecclesiam attingerent, Romani Pontificis auctoritate factas fuisse certum est. Jam saeculo V. hunc morem receptum fuisse ostendit Mabillonius *dissert.* 24. de canonizat. sanctor. num. 7. apud *bleuryum disciplin. Populi. Dei tom.* 3. pag. 72. edit. *Vener.* 1782., qui disserens de actis Martyrii S. Virgilio Episcopi Tridentini : » saeculo V. inquit, vel certe non multo post, » Actus Martyrum, saltem ex Italia ad Romanum Pontificem ex more mit-
 » tebantur, ut vel ab eo auctoritatem acciperent, vel ut in Romano seri-
 » nio aservarentur, vel denique ut in sacris Romanae Ecclesiae dyptichis » Martyres locum obtinerent. » Et causam etiam iudicat propter quam ita Mabillonius putavit; quia nimirum se in antiquo codice legisse testatur Gesta Beatissimi Martyris, ut moris erat, Urbis Romae Episcopo tran-

missa fuisse, ut sacris martyrum memorialibus indirentur etc. Ex quo patet, jam inde ab ea ætate indi rite sacris memorialibus acta Martyrum non potuisse, nisi, ut moris erat, transmissa ad Pontificem, ab eoque sacris iisdem memorialibus indita fuissent. Consule Mahillonium loc. cit. Benedictum XIV. *Const.* 43. §. 17. tom. 4. pag. 151. edit. Romæ 1758. et de servor. *Dei Beatific. et Beat. Canoniz.* lib. 1. cap. 7. tom. 1. pag. 40. seqq. edit. Neapol. 1773. Honoratum a S. Maria animadvers. in reguli. et usum critic. lib. 1. dissert. 1. art. 5. tom. 2. pag. 7. edit. Venet. 1751. Mannichium ad Auctorem *opusc. quid est Papa?* tom. 1. epist. 3. §. 13. pag. 264. seqq. *Nostros Institut. Jur. Canon.* lib. 1. sect. 1. tit. 3. not. 2. pag. 170. edit. Romæ 1792.

(9) OEcumenici Concilii Lateranensis IV. *can.* 13. tit. 13. col. 950. collect. *Labbaei* statutum est, ne quis novam Religionem, seu novum Regularem Ordinem instituat. Sed eam eversionem ipse Summus Pontifex adhiberi voluit, approbante Concilio, non ut illius potestas aliqua ex parte diminueretur, quasi ipsi non liceret novum Ordinem confirmare. Porro Honorius III. qui paulo post Pontificatum maximum obtinuit, SS. Dominici, et Francisci Ordines confirmavit, quo facto ostendit tum instituendi, tum confirmandi novos Ordines potestatem ad Summum Pontificem pertinere. Quod magis magisque demonstrat Synodus Lugdunensis II., quæ oecumenica similiter fuit. Nam hæc Gregorio X. *assensus can.* 23. tom. 14. *Concil. collect. cit. col.* 531. e medio tolli jussit Ordines post Lateranense Concilium institutos, qui ab Apostolica Sede confirmati non essent. Itaque synodus propriam esse novæ Sedis Apostolicæ novorum Ordinum confirmandorum potestatem; eaque idcirco a Lateranensi Concilio sublata nullo modo haberi potest. Pergit eadem synodus Lugdunensis, atque integros servari jubet Ordines post Lateranense Concilium institutos, et a Sede Apostolica confirmatos, quamquam aliquibus interdicit, ne quævis potestas in eorum numerum aggregent, neque sua ulla acquirant, modo ipsæ Sedes Apostolica specialem non dederit sacus agendi facultatem. Vide-*ris tom.* 1. cap. 5. §. 25. et 26. pag. 11. et *Institutiones Juris Canonici tit.* 3. sect. 1. §. 16. tom. 1. pag. 169. seqq. edit. cit., ubi de juribus, et potestate Summi Pontificis disserimus.

§. XX. Reliquæ autem causæ, quæ more temporales, ac profanæ sunt, ad ecclesiasticum forum deferuntur, cum clericus in jus vocatur; quoniam cautum est, ut actor rei fori sequatur, et qualis est reus, talis et judex esse debeat (1). Itaque in his controversiis si clericus actor est adversus laicum, judex item laicus constituitur, nisi forte aliud postulet locorum mos, et consuetudo (2); contra si clericus a laico in judicium ducitur, res tota ab ecclesiastico judice cognoscenda, ac finienda est. Quod fori privilegium ita adhaeret personis clericorum, ut eo ne volentes quidem sese abdicare possint (3).

(1) *L.* 3. *Cod. ubi in rem actio*, *L.* 2. *Cod. de jurisdict.*, *Cap.* 5. et 8. *de for. competen.* Vide nostras *Institutiones tom.* 3. lib. 3. tit. 4. §. 9. pag. 59.

(2) Videndus Benedictus XIV. *Instit. Eccles. Inst.* 40.

(3) Innocentius III. in *Cap. 12. de for. competen.* Quod idem aucte Innocentium sancitum fuerat in Concilio Carthaginiensi III. *can. 9. tom. 2. Concil. collect. Labbaei col. 1401.*, in Concilio Melevitano II *can. 10. tom. 2. col. 385. et in can. 3. seqq. c. 11. q. 1*, quibus quidem locis, ut lex perfecta esset, additae sunt etiam ecclesiasticae poenae excommunicationis, et depositionis, atque etiam infirmitas, quae in alieno furo gesta sunt. Ea quo patet, jus hoc esse commune, et publicum Ecclesiae, quod privatorum pactis abrogari non potest; quovis enim modo clericus pactum inierit, manifestum est, eum in Ecclesiae legem commississe. Itaque nihil causae video, cur Cujacius in *cit. cap. 12. de for. competen. opp. tom. 6. col. 778. edit. Mutinae 1778.* tam acriter reprehendat Innocentium tamquam novi cujusdam, et inauditi juris conditorem, vel quia in hanc rem perperam utatur vulgata juris regula, *jus publicum privatorum pactis mutari non potest.* Contra Cujacium solide, graviterque Innocentium vindicat lausus a Coste in *Decretal. Gregorii IX. ad tit. 2. de for. competen. tom. 2. pag. 358. seqq. edit. Neapol. 1770.* Cetera, quae ad hunc locum pertinent, exposui in *Institut. loc. cit. not. 3. pag. 60. et 61.*

§. XXI. Verum satis non est considerare, quis generatim in causa sit iudex vel propter naturam rei, de qua quaeritur, vel propter statum personae, quae in jus vocatur; videndum est etiam, qui ex ecclesiasticis, aut laicis speciatim esse debeant in ea disceptatione iudex. Neque enim quilibet assumi sine delectu potest, sed iudex, qui reum invitum in jus venire cogit, in eum habeat jurisdictionem necesse est, et cogendi potestatem. Reus autem tum in ecclesiasticis, tum in saecularibus judiciis quatuor praesertim de causis sortitur forum, quo vocatus venire debet, nimirum ex domicilio, ex contractu, ex re sita, ex delicto. Domicilium in primis constituit habitatio cum naturali origine conjuncta nisi quis illam mutasse, atque alio transtulisse demonstraverit. Sed non omnes, qui relicto originis, et antiquae habitationis loco sese alio contulerunt, hic acquirunt domicilium, nisi ibi habitationem posuerint, et vero posuerint animo locandi fixam, ac stabilem sedem suam (1). Cum hinc est animus, et cum animo conjuncta habitatio domicilium acquiritur: idque semel acquisitum retinet etiam qui eo discedit, animo tamen redeundi, ex causa vel necessaria, vel voluntaria, puta peregrinationis, officii, vel negotii gerendi causa (2).

(1) *L. Domicilium 20. ff. ad municipal. ibique Gloss. verb. domicilium*, *L. nec interest 26. ff. de capitiv. et postlim. revers.* Jure scripto in *L. assumptio 8. in princip. ff. ad municip.* originis domicilium retinetur, sed consuetudine fere ubique receptum est, ut amittatur alio translata firma,

ac stabili habitatione.

(2) *L. Cives. 7. Cod. de Incolis.*

§. XXII. Plane sola domus, quae in aliena civitate comparatur, aut aliarum immobilium rerum possessio domicilium non facit (1); facit autem aliena domus, et conducta, in qua aliquis firmiter commoratur (2). Qui duobus locis instructus est aequaliter domicilio, et utrobique firmo, ac stabili animo est, utrobique domicilium habere intelligitur (3). Uxor transit in domicilium viri, cum quo vitam ducit (4), quod et retinet mortuo viro, nisi alias nuptias contraxerit (5); sed cum tantum desponsa est, ante contractas nuptias non mutat domicilium suum (6). Filius familias patris originem sequitur, non domicilium, quod habet ubi sedem suam collocavit (7), quam minime collocasse intelligitur in loco, in quo studiorum causa commoratur, nisi ibi per decem solidos annos habitationem fixerit (8). Praeter domicilium unicuique proprium, Jus Romanum aliud etiam agnoscit commune omnibus, idque ipsa Roma erat (9). Quare unusquisque ibi repertus conveniri poterat, nisi jus revocandi domum haberet (10). Simili modo clerici Romae reperti nisi ad eam venerint ex justa, et necessaria causa, propter quam revocandi domum jus habeant, iudicio vocati Decretalium jure coguntur respondere, quoniam omnium clericorum communis patria Roma est (11).

(1) *L. libertus 17. ff. ad municip.*

(2) *L. 5. §. 2. ff. de injur.*

(3) *L. 6. §. pen. L. 27. §. 2. ff. ad municip.*

(4) *L. 65. ff. de judic.*

(5) *L. 22. §. 1. ff. ad municip.*

(6) *L. 32. ff. eod. tit.*

(7) *L. 4. et 6. §. 1. ff. eod. tit.*

(8) *L. 5. §. 5. ff. de injur., L. 2. Cod. de Incol.*

(9) *L. 33. ff. ad municip.*

(10) *L. 2. ff. de judic.*

(11) *Cap. ult. de for. competen.*

§. XXIII. Est et quasi domicilium, quod habent, qui in loco aliquo resident animo non in eo firmiter, ac perpetuo, sed per annum, aut magnam anni partem consistendi. Tales sunt, qui in Academiis versantur studiorum causa, qui legatione funguntur, qui negotiationem exercent, si ibi tabernam,

vel officium habeant, cum voluntate ibidem diutius permanendi. Illi jus acquirunt Parochiae, eique subditi evadunt, atque ab ejus loci Episcopo, vel Párocho sacramenta suscipiunt, excepto sacramento ordinis, ejusdemque legibus, et consuetudinibus obligantur. Denique qui huc, et illuc vagantur, neque ullum habent fixum domicilium, ubicunque inveniuntur pulsari iudicio possunt.

§. XXIV. Alter obtinendi forum modus est contractus, quoniam ubi quis contraxit, ibi actione in personam reus praesens convenitur (1). Si formula contractus locum non expressit, quo est solvenda pecunia, locus ille intelligitur, in quo res gesta est (2); si expressit, in eo loco, qui designatus est, iudicium exercetur (3). Quod si is, qui se certo loco soluturum promisit, vocatus ad locum non accedat, sive id fraudulenter faciat, sive quod alibi necessario detinetur, composita est in eam rem utilis actio de eo, quod certo loco (4), per quam actor, cui quid certo loco promissum est, nec tamen datum, alibi etiam iudicium agit (5); modo idoneus, ac legitimus locus sit, in quo scilicet hand alio designato loco, reus aut contractus, aut domicilii causa conveniri debuisset (6).

(1) *L. 19. §. 1. L. 20. et 45. ff. de iudic. Cap. 1. §. 3. de for. compet. in. 6.*

(2) *Cit. L. 19. §. 1., et L. 45. ff. de iudic.*

(3) *L. 3. ff. de bon. auctori iudic. possidem., L. 19. §. ult. et L. 20. ff. de iudic. L. 20. ff. de action. et obligat.*

(4) *L. 1. ff. de eo quod. cert. loc.*

(5) Confer titulum Pandectarum *de eo quod cert. loc.*

(6) In hanc sententiam scripta est *L. 19. ff. de iudic.*, atque in hanc eandem sententiam actionem de eo, quod certo loco, Ius Canonicum recepit.

§. XXV. Forum etiam constituit, et iudicem locus, in quo res controversa sita est. Nam ibi in rem actio adversus rei dominum instituitur, quasi actio rem ipsam persequi videatur (1). Neque refert, immobilis ne sit, an mobilis ea res, de qua disputatur; quin etiam si possessor absit, actio movetur (2). Num autem adversus reum necessario in rem actio exercenda sit in loco, in quo res ipsa sedet, an etiam actori liceat iudicium facere in loco domicilii, vetus disputatio est, in qua inter Sapientes sunt doctrinarum facta divortia.

Sed hoc posterius fori usus recepisce videtur (3). Jure canonico etiam propter beneficium, veluti propter rem sitam, competens forum evadit (4); ideoque in causis beneficiariis recte clerici ad Episcopum beneficii vocantur.

(1) *L. 3. Cod. ubi in rem actio Cap. 3. de for. compet.*

(2) *L. 2. Cod. ubi in rem actio.*

(3) Vide-sis Holmannum lib. 3. observ. 3., Duarenum ad tit. de judic. Cod. de for. competent., Donellum de jur. civil. lib. 17. cap. 17 oppos. tom. 4. col. 1275. edit. Lucæ, Vinnium select. jur. quaest. lib. 1. cap. 18.

(4) *Cap. 3. de tempor. ordinat. in 6.*

§. XXVI. Delicti causa ubi quis deliquit, ibi iudicio in personam convenitur. Nam ubi crimen admissum est, ibi facilius habetur probationum copia, et majus expensarum compendium; praeterea curandum est, ut reus prosit exemplo poenae, ubi obfuit exemplo delicti (1). Quod si reus absit a loco delicti, etiam ubi reperitur ea de re quaeri potest (2); nisi magistratus loci patrati criminis reum ad se mitti postulet, ut in loco delicti meritis plectatur poenis. (3). Verum in hoc toto negotio servare oportet locorum consuetudines, et pacta conventa inter supremos Principes; quoniam exploratum est, neminem extra suum territorium jurisdictionem exercere sine in suos, sine in alienos posse (4).

(1) *L. 7. et 22. ff. de accusat., L. 1. Cod. ubi de crimine ager. oport., L. 1. Cod. ubi Senator., Cap. 14. de for. compet.* Vide etiam S. Cyprianum ep. 59. pag. 266. edit. Amstelod.

(2) *L. 1. Cod. ubi de crimin.*

(3) *L. 7. et 11. ff. de custod. et exhibit. reor., Novell. 134. cap. 1. de raptor., Can. 4. et 5. caus. 6. q. 3.* In eandem sententiam est can. 1. caus. 3. q. 6., quem canonem Gratianus sumpsit ex epistola S. Fabiani Pontificis, quae est e numero falsarum Decretalium Isidori Mercatoris.

(4) *Cap. 2. de constit. in 6.*

§. XXVII. Sunt hi praesertim, ac generatim modi, quibus aliquis sortitur forum; sed et alii speciatim sunt cognitione digni, videlicet privilegium, praeventio, continentia causae, jactatio, seu diffamatio, reconvectio, consensus litigantium, delegatio. Jus Romanum viduis, pupillis, ceterisque miserabilibus personis Privilegium attribuit, ut extra provinciam, in qua domicilium habent, etiam per rescriptum Principis in

jus vocari non possint; contra vero ipsis licet primo ipso iudicio adversarios trahere ad tribunal Principis (1). Quo beneficio fruuntur et virgines, quae non habent patrem; a quo defendi possint, et mulieres; quibus inutilis est maritus, et homines senectute confecti, diuturnove morbo enervati, et exhausti, demum qui ob fortunae injuriam naturali commiseratione sunt digni; non tamen viduae luxuriose viventes, et meretrices, nec qui privilegium rejecerunt, nec qui adversus simili privilegio gaudentes iudicium exercent (2).

(1) *L. unic. Cod. quando Imperator.*

(2) Consule Hilligerum ad *Donellum de jur. civil. lib. 17. cap. 20. tom. 4. not. 2. col. 1324 edit. Lucas*, et vide etiam librum nostrum de notissimis in jure legibus pag. 27. seqq. edit. Romae 1765.

§. XXVIII. Jure Decretalium Monachi, Regulares (1), Ecclesiae multae, et multa item Capitula Canonicorum Sedis Apostolicae privilegiis vel omnino, vel ex parte ab Episcoporum jurisdictione subtracta sunt. Itaque horum causae aut a Sede Apostolica, aut ab eo iudice, cui sunt addictae, cognoscuntur. Nec praetereunda peculiaria quorundam privilegia; qualia sunt illa concessa certis corporibus, atque collegiis, pluribusque gymnasiis, et academiis quibus qui addicti sunt, hi proprium habent iudicem, ad quem tantum vocantur (2),

(1) Vide sis Faguanum in *Cap. cum dilectus 8. de Relig. domib. num. 47.*, et in *Cap. tuarum de privileg. num. 18.*, ubi etiam describitur celebris Sixti IV. constitutio, quam *Hare magnum* appellant. Ceterum de Regularium exemptione late disserui in *Instit. lib. 2. tit. 10 §. 3. pag. 264. et in not. pag. 365. seqq. edit. Romae an. 1797.* Sed praeter auctores eo loco indicatos vide etiam Gagliardum *Instit. Gagliardum Instit. Canonic. lib. 3. tit. 12. §. 19. seqq.* ubi habet antiqua monumenta complurima exemptionum, quae a Natali Alexandro, Uglietto, Mabillonio, Muratorio, aliisque viris doctis collectae sunt. Nonnulla abhinc annis de Regularium exemptione graviter, lateque disseruit Emanuel Itaringa Auctor epistolae editae Assisii an. 1785. *Su l'esenzione de' Regulari dalla giurisdizione de' Vescovi, e su le cause matrimoniali.*

(2) De hoc privilegio, quo Academiae fruuntur, copiose disputat Scipio Gentius de *jur. d. lib. 3. cap. 17. opp. tom. 3. pag. 276. edit. Neapoli. 1764.*

§. XXIX. Etiam praeventio facit, ut quis certo iudici subiciatur, quia coram eo scienda lis est, apud quem initium habuit. Itaque si quis plures habet competentes iudices, ubi est emissae citatio, ibi agendum est iudicium, et qui cau-

sam agere caepit, cum erat competens, is et eam finire debet, quamquam postea competens esse desierit. Nam per citationem, quia reus veniens ad Judicem ad quem vocatus est, ratam habuisse censetur, hujus jurisdictio perpetuatur, ideoque ab eo res tota expedienda est (1), nisi litigantes ire ad alium judicem mutuo consensu voluerint (2).

(1) *L. ubi acceptum 30. ff. de judic.*

(2) *L. dies 4. §. hoc autem 8. ff. de damn. infect.*

§. XXX. Propter continentiam causae qui Index in aliquo negotio constitutus est, is et connexam causam cognoscit (1) tam quod ad eam judicandam magis instructus, et paratus habetur, tum et levius sit onus impensarum, tum denique ne qua inter plures iudices oriatur dissensio, et pugna sententiarum. Sunt autem connexae causae vel ob personas, quae iudicio conveniuntur, ut si sis sit inter plures coheredes, socios, tutores; vel ob rem, de qua quaeritur, cum plures de eadem res quaestiones in iudicium deducuntur, puta de ejusdem possessione, et proprietate, vel ob quaestionem praedjudicalem in iudicium incidentem, veluti si de haereditatis petitione instituto iudicio incidat quaestio status, num scilicet qui illam petit filius, an ex matrimonio, aut ex concubinato procreatus sit; vel ob reconventionem, cum reus ab actore conventus eum reconvenit; vel ob actionem generalem, quo modo res, causaeque diversae inter se nexae, et iugatae dicuntur, quae sub una eademque tutela, vel negotiorum gestorum, aut haereditatis petitione continentur. Jam de his omnibus tenenda est regula, quam proposuimus, quod Index, qui unam causam cognoscit, is et cognoscit ceteras, quae eidem connexae, et conjunctae sunt. Hinc Decretales foro ecclesiastico adscribunt causas de dote, deque alimentis praestandis, quae matrimonialibus incidunt (2).

(1) *Cap. causa 9. de in integr. restit. Cap. susceptis 1. de caus. possess. et propt. Cap. ad hoc 1. de sequ. str. potest. et fruct. L. cum ex pluribus 2. ff. de quib. reb. al. eum 4. jud. ca. L. omnes 3. Cod. arbitr. tutel. L. adite 1. et seq. Cod. de ordin. judic. L. cum et ipse 1. Cod. de ordin. cognit. L. nulli 10. Cod. de judic.*

(2) *Cap. 3. de donat. int. vir. et uxore.*

§. XXXI. Jactatio, seu diffamatio illos spectat, quorum laceratur fama, et existimatio alicujus malevolentia, et obtreptatione. Jus civile dat locum huic judicio, quod diffamationis dicitur, cum quis ingenuus ab aliquo irritatur, et lacesitur, quod ingenuus non sit. Hic nimirum in jus vocat irritantem, seu diffamantem, ut intra temporis spatium a iudice constitutum id, quod jactat, perspicuum faciat, aut cum illi praestare nequeat, tacere in posterum jussu iudicis, seque ab omni jactatione abstinere cogatur (1). Sed juris peritorum sententia hoc idem iudicium non tantum ad eos pertinet, qui probis, maledictisque vexantur adversus statum, conditionem, natalia; sed etiam ad eos, quibus inferitur injuria stupri, adulterii, furti, aut gravioris cujusque criminis. Hi omnes in hoc judicio rei partes sustinent, et ideo diffamantem, qui actor habetur (2), vocant ad suum iudicem, a quo res tota expedienda est.

(1) *L. diffamari 5. Cod. de ingen. manum.*

(2) Confer librum meum *de notissimis in jure legibus* pag. 54. edit. cit.

§. XXXII. Affine huic remedio, quod a lege conceditur, ut integra sit proborum virorum fama, atque existimatio, alterum remedium est, quod et legis beneficio datur iis, qui se de aliquo negotio ab alio litem movendam timent. Hi nimirum ire possunt ad proprium iudicem, ejusque nobile officium implorantes petere, ut adversarius citetur, eoque praesente declaretur, se illius debitorem non esse, vel sibi praesto esse exceptionem, eique propterea ea de re perpetuum silentium imponatur (1). Hinc tutor, qui redditus rationibus quidquid debebat pupillo solvit, et qui rem justa praescriptione acquisivit, his de causis molestiam, ac litem metuunt, in jus vocant adversarios, ut iudicio victi in posterum omnem faciant molestiarum, atque injuriarum modum. In hoc judicio satis est molestiae, ac vexationis metus, et periculum; contra vero primum illud iudicium fieri nequit, nisi ei diffamatio antecesserit.

(1) *L. si contendat 28. ff. de fidejuss.*; quae lex tantum pro fidejussoribus lata est, sed Jurisperitorum interpretatione, ac sententia traducta est ad omnes, quibus consimilis causa, et ratio est.

§. XXXIII. Consensu, studioque litigantium profertur, si-
ve prorogatur jurisdictio, cum alius iudex, quam qui pro-
prius est, illorum consensu proprius, et competens efficitur
(1). Licet jure Romano litigantibus in alienum iudicem con-
sentire, dummodo hic jurisdictionem habeat (2); nam quæ
in privatis viris nulla est, jurisdictio prorogari non potest
(3). Clerici tantum, cum sui Episcopi consensu in alienum
iudicem ecclesiasticum recte consentiunt (4), in laicum vero
consentire nulla ratione possunt (5). Omnes, qui standi in ju-
dicio personam habent, neque speciatim prohibentur, jurisdic-
tionem prorogare possunt; sed hanc libertatem minime largiun-
tur causae feudales, quæ inter duos vassallos aguntur, quo-
niam in his dominus directus competens est iudex, causae
supremo Principi reservatae, causae appellationis, criminales,
spirituales, quæ a proprio ecclesiastico iudice, nec, nisi hujus
venia, ab alieno cognoscendae sunt (6).

(1) *L. 1. Cod. de jurisdict.* Verum si antequam adiretur alienus iudex, mutata voluntas fuerit, procul dubio nemo compellitur huic conventioni stare, inquit Africanus *L. 18. ff. de jurisd.*

(2) *L. 1. et 2. ff. de judic.*

(3) *L. 3. Cod. de jurisdict.*

(4) *Cap. 18. de for. competen.*

(5) *Cap. 12. eod. tit.*

(6) *Cap. nullus 3. de paroch. et alien. Paroch.*

§. XXXIV. De foro iudicis delegati nihil hic addendum credimus, quoniam hanc tractationem occupavimus *lib. 1. tit. 29. tom. 2. pag. 260.*: de foro autem reconventionis opportu-
nius agemus in titulo *de mutuis petitionibus*.

DE LIBELLI OBLATIONE

T I T U L U S III.

- | | |
|------------------------------------------------------------------------------|--------------------------------------------------------|
| I. Libellus. | necessarius libellus. |
| II. et III. Conventionalis vel accusatorius est. Qualis uterque esse debeat? | VII. Emendatur, et mutatur libellus. |
| IV. Quid in accusatorio, quid in conventionali libello exprimendum sit? | VIII. Reus in jus vocatur. |
| V. Plures libello actiones comprehendendi possunt. | IX. Probationes in actis exhibendae. |
| VI. In omnibus ordinariis judiciis | X. ad XII. Citatio, ejusque necessitas, et divisiones. |
| | XIII. ad XVI. Quid in citatione observandum? |
| | XVII. Citatio rem exhibenda. |
| | XVIII. et XX. Effectus citationis. |

Decretum *Can. 6. d. 81., et 2. q. 8. et Tit. ff., et Cod. de edon.*

§. I.

Postquam de competente iudice, ac foro deliberavit actor, in iudicio *postulationem deponit* (1), hoc est penes acta deponit libellum, quo actio continetur (2). Actio est ius persequendi in iudicio, quod nobis debetur (3); brevis scriptura, qua haec actio, et actoris petitio clare, et distincte proponitur, libellus appellatur (4). Reo post oblatum libellum viginti dierum induciae conceduntur, ut rem totam sedulo expendat, et cogitet, satius ne sit iudicium suscipere, an actori cedere, parere ne iudici, an enim recusare (5).

(1) Sic loquitur Honorius *L. 3. Cod. de praescripti. 30. an.* et Justinianus *L. ult. Cod. eod.*

(2) *Novell. 53. cap. 3.*

(3) *L. 50. ff. de act., et princip. Instit. de act.*

(4) Plures libellorum species enumerat Brissonius *de verb. signif. verb. libellus*. De S. Cyrillo Hierosolymitano Episcopo narrat Socrates *Histor., lib. 2. cap. 40. pag. 133. edit. Valesii Taurini 1747.*, eum libello provocasse; praeterea Sylvanum Truadis Episcopum supplicantium libellos accepisse, eisque iudicem dedisse, scribit idem Socrates *lib. 7. cap. 37. pag. 326*. Ex quo intelligimus, ea iam aetate in ecclesiasticis judiciis adhibitis fuisse solennitates, quae in civilibus adhibebantur.

§. II. Libellus vel conventionalis, vel accusatorius est. Conventionali utimur in civilibus judiciis, accusatorio in criminalibus, cum reum criminis penes judicem accusamus. Clarus esse debet libellus, non obscurus (1), non incertus, non pugnans continens, non alternativus, non ineptus, qualis est, ex quo non concluditur jus agendi, ac ne interpretatione quidem concludi potest. Obscuro, et incerto libello reus respondere non cogitur, sed tamen actori declaratio permittitur, ut patefacta, et explicata re obscura, atque incerta, cuncta in aperto sint. Alternativus libellus, qui incertam efficit petitionem, generatim rejicitur (2); verum probatur in actione hypothecaria, veluti si actor petat vel traditionem rei obligatae, vel debiti solutionem (3); in judicio rescindendae venditionis (4), in quo venditor vel rei postulat restitutionem, vel justii pretii complementum (5); in judicio restitutionis adversus contractum, testamentum, sententiam, in quo actor petit, ut vel ea nulla, et irrita judicentur, vel si firma, rata habeantur, ipse in integrum restituatur; cum res, quae debetur, deterior facta est ob moram debitoris, quia tunc, vel pro re debita, vel pro ejus aestimatione judicium agitur; quod sit similiter, cum incertum est, num res debita adhuc extet; denique cum alienum factum, praesertim adversarii, rem incertam facit, veluti cum minime constat, utrum quis pro legato, aut pro herede, aut pro possessore possideat (6). Libellus omnino ineptus, et omnem respiciens interpretationem esse nequit fundamentum aptum, et idoneum, quo judicis sententia nitatur; verum potest ipse judex mandare, ut alius viis expers libellus ab actore offeratur.

(1) *Cap. 2. de libell. oblat.*

(2) *L. Praetor. 2. §. quod autem 4. ff. de injur.*

(3) *L. si fundus 16. ff. de pignor., L. si creditor 2. ff. quib. mod. pign. vel hypot.*

(4) *L. rem majoris 2. Cod. de rescind. vendit.*

(5) *Cap. cum dilecti 3. de empt. et vendit.*

(6) *L. hoc interdictum, 1. §. quia autem 4. ff. quod legator.*

§. III. Antiquo jure Romanorum certae, ac solemnes erant praescriptae formulae, cum quibus actio institui debebat, et eas actor a Praetore impetrabat. Sed postea sublati ambagibus, et subtilitatibus formularum (1), placuit libello expri-

mere genus, speciem, et nomen actionis, quae in iudicium deducitur (2). Verum Decretales de exprimendo nomine actionis, qua quis usus est, non admodum laborant; modo res ipsa ita clare, apteque proponatur, ut ex ea ius petentis manifestum fiat (3).

(1) *L. 1. et 2. ff. de formul. et impetr. act. sublat.*

(2) *L. non videtur 33. ff. de iudic., L. qua quisque 1. in princip. ff. de eden., L. edita 3. Cod. eod., L. ult. Cod. de interdict.* Consule Cujacium in *Cap. 6. de iudic. opp.* tom. 6. col. 763. seq. edit. Mutin., seu Venet. 1778.

(3) *Cnp. dilecti 6. de iudic.* Consentiant etiam leges civiles in *L. tutor. 70. ff. de fidejuss. et mandat., in L. certum est 6. ff. de reb. credit., L. si filius familias 3. Cod. ad S. C. Macedon.* Vide Donnellum *de jur. civil. lib. 23. cap. 4. §. ult. col. 64.* ibique Hilligerum in *not. opp.* tom. 6. edit. Lucae sit.

§. IV. Accusatorius libellus complecti debet nomen accusatoris, rei accusati, et iudicis, praeterea tempus, locumque criminis (1). Conventionalis autem contineat oportet nomen actoris, rei, iudicis, rem petitam, et petendi causam. Cum agitur actione in rem, satis est exprimere causam actionis proximam, puta dominium, sed cum mota est in personam actio, exprimi debet tum proxima, hoc est obligatio, tum remota, hoc est titulus, ex quo obligatio nata est (2).

(1) *L. libellorum 3. de accusat.*

(2) *Cnp. ult. de libell. oblation.* Consule Donellum *loc. cit. §. 3.* ibique Hilligerum in *not. col. 57. seq.*

§. V. Plures generatim uno libello cumulari actiones possunt, speciatim vero non possunt, quae inter se pugnantes, et contrariae sunt, quae ex una, eademque causa procedunt; eodemque spectant; quoniam una proposita, altera consumitur, neque licet aliquid ex eadem causa bis exigere; itemque actiones, quarum una vel altera praepjudicialis est, quaeque ita sunt comparatae, ut una proposita, ac finita per condemnationem, et executionem, altera evanescat. Sic actio mixta tollit rei persecutionem, si cum ea concurrat, ne bis idem exigatur; contra instituta praecipue actione criminali, incidenter cumulari potest actio civilis pro restituendis impensis, ac re ablata, quia non idem est actionis utriusque finis. Cum

plures uno libello propositae actiones sunt, reus singulis respondere debet, et a iudice secundum cujusque actionis naturam totidem sententiae emittendae sunt.

§. VI. In omnibus ordinariis, et plenariis judiciis necessarius est libellus, et vero ita necessarius, ut, neque mutuo litigantium consensu omitti possit, neque, eo omisso, iudicium valeat (1). Sed eum scripto tradere nihil attinet in judiciis summariis, quaeque brevius, et celerius expedienda sunt (2); nam in his satis est verbo proponere petitionem, eamque in actis describere. Similiter necessaria non est libelli solemnitas in re nota, ac manifesta omnibus (3); in causis appellativum, cum jam primo iudicio datus est libellus, et cum eisdem actis fit iudicii progressus; in causis, quae coram Supremo Principe aguntur; in quibus ejus praesentia cujusvis solemnitatis loco est (4); cum iudex, et magistratus motu proprio, et ex officio procedit; cum duo rem possidere contententes, neuter vult dare libellum, ne alterum in possessione versari fateatur, quia tunc officio iudicis res a probationibus inchoanda est (5); quando lis movetur de causa per sententiam, vel transactionem finita, in qua si alteruter litigantium novum aliquid fieri, vel immutari petierit, non offertur libellus, sed tantum iudicis officium imploratur (6); denique si statuto, vel consuetudine receptum sit, ut cuncta in iudicio viva voce petantur, et proponantur. Sunt et aliae causae, in quibus libellum offerre non est necesse, quasque explicant qui hoc argumenti genus scriptis illustrarunt (7).

(1) *Cap. ignarus 1. ibique Glossa verb. libellum. hoc tit.*

(2) *Clem. saepe 2. vers. verum de verb. signific. , Auth. nisi breves. Cod. de sent. ex brev. recit.*

(3) *Can. manifesta 15. et seq. caus. 2. q. 1. , Cap. ad nostram 21. de iurejur. , Cap. evidentiā 9. de accusat.*

(4) *Argum. L. omnium 19. Cod. de testam.*

(5) *Cap. cum dilectus 2. de ordin. cognit.*

(6) *L. terminato 3. Cod. de fruct. et lit. expen. , L. si quis 11. in fin. Cod. de reb. credut. , ubi aditur ratio ne repetita lite , finis negotii alterius causae fiat exordium.*

(7) *Confer Durandum in specul. tit. de libell. concept. §. nunc 9. per totum.*

§. VII. Emendatur interdum libellus, interdum etiam mutatur; cum videlicet, antea mota actione retenta, aliquid adjici-

tur, aut detrahitur, vel cum, prima actione repudiata, nova instituitur. Ita qui pro decem, quae sibi ex causa mutui deberi dixit, ex eadem illa causa petit viginti, aut quod obscurum erat, clarius explicat, libellum emendat; mutat autem qui fundum, quem ex testamento petierat, deinde ex stipulatu petit. Utrumque fieri potest etiam post litem contestatam (1); sed qui contestata lite actionem mutat, prioris iudicii expensas solvere debet, et novum dare libellum, novasque ad deliberandum inducias reo.

(1) Confer Doullin *de jur. civil. lib. 23. cap. 3., et ad tit. Instit. de action. §. 27. opp. tom. 6. col. 6., et seq., et col. 839. et seq. edit. Lucae cit., et Voetum in Pandect. lib. 2. tit. 1. §. 9. et seq.*

§. VIII. Cum iudex sibi oblatum libellum idoneum, in eoque expressam causam justam esse deprehendit, fit progressus ad causae disceptationem. Reus itaque in jus vocatur; ad eum scilicet, qui jus dicturus est ea de re, de qua quaeritur (1). Nullus olim ritus fuit hujus vocationis; sed licebat privato privatum, cum quo in iure agere vellet per se, et sua auctoritate in jus vocare, et quidem ita, ut vocatus, nisi vadimonium promitteret, hoc est nisi satisfaceret iudicio sisti, etiam invitus in jus rapi posset (2). Sed postea haec ageudi methodus sublata est, sive quod absurdum videretur, rem tantam privati arbitrio permittere, sive quod melius aequius videretur, hoc negotium transigere auctoritate ejus, qui juri dicundo praestit (3).

(1) Paulus in *L. 1. ff. de iu. jus vocan.* ita rem explicat, ut est in jus vocare juris experiendi causa vocare. Non enim quis vocatur in jus, nisi ut de sui jure expeririatur apud eum, apud quem id facere jus est, scilicet apud eum jure, iudicioque agat ea de re, quam in iudicium vocat. Id enim significavit Jurisconsulti, cum dicunt de jure suo, aut de re aliqua experiri, ut *L. 1. ff. ex quib. caus. majores, L. 1. ff. quand. de p. c. act. annalis sit.* vel jus experiri, ut in *L. 1. ff. de in jus vocan.*, vel absolute experiri, ut in *L. 1. ff. de divers. et temp. praescripti.*, et in *L. 1. ff. quae in fraud. credit.*, hoc est rem tentare, et sui juris periculum facere.

(2) Consule Duarenium *l. 1. disp. c. 1. adversus eos, qui vocati in jus venire recusarent*, vim adhiberi, ipsosque invitus injecta manus, plurisque collo in jus rapi consuevisse certum est, idque late ostendunt Goveanus *l. 1. Var. lect. ult. Raevardus ad LL. 12. Tabular. cap. 5. et ad L. 108. de divers. regul. jur. opp. tom. 1. pag. 7 et 162. edit. Neapol. 1779.*, Cujacius *Observ. lib. 10. cap. 10. opp. tom. 3. col. 240. et seq. edit. cit.*, Heinecius *antiqu. lib. 4. titi 6. §. 14. et seq. tom. 3. pag. 429. edit. Neapol. 1769.* aliique complures.

(3) Ulpiani, et Pauli aetate jam illam obliuissse consuetudinem, ut iuratio sine Magistratus auctoritate in jus vocaretur, ostendit Donellus *de jur. civil. lib. 23. cap. 2. §. 6. opp. tom. 6. col. 24. et seq. edit. Lucae*. Vide etiam Hilligerum in not. ad eund. loc.

§. IX. Nunc ipsa libelli oblatio in jus vocatio dici potest; sed quoniam libellus aptus non est ad inducendam litis contestationem, ac tantum continet actoris petitionem, non item probationes, quibus eadem petitio nititur, haec sunt in actis post oblatum libellum exhibendae, quibus exhibitis reus in iudicium vocatur, ut respondere possit, atque ita litis contestatio inducatur. Id vero fit per citationem, quae judicialis est actus, per quem reus, actore rogante, iudicis auctoritate litis exercendae causa in jus vocatur. Proprie haec citatio in jus vocatio est, et utraque saepe confunditur, quamquam citatio latius pateat, quippe quae in qualibet iudicii parte adhibetur, quoniam singuli iudicarii actus litigantibus nuntiatur; verum in jus vocatio tantum pertinet ad primam citationem, unde iudicium exorditur (1). Veteri iure Romano in jus vocatio, et citatio in eo praesertim differebant; quod illa privata auctoritate, haec vero mandato iudicis per praeconem, et interlun etiam per edictum fiebat; nec tantum reus, sed etiam actor, patroni, et testes in iudicium citabantur.

(1) Confer Vinium commentar. ad Instit. lib. 4. tit. 16. §. 5. num. 5. et Brissonium de verb. signific. verb. citare.

§. X. Omnium iudiciorum initium a citatione capiendum est, eaque omissa nihil agitur; et hinc ejus defectum pragmatici *insanabilem* appellant, quoniam sanari non potest iudicium, quod sine citatione actum est (1). Vetat enim omnis et naturalis, et scripti juris ratio damnari aliquem, qui auditus, ac defensus non sit. Est autem citatio vel juris, vel hominis; illa ab ipso iure procedit, cum scilicet lex certum constituit terminum, intra quem debet quis iudicio se sistere; altera adhibetur, cum quis mandato iudicis in jus vocatur. Utraque dividitur in generalem, et specialem. Per illam vocatur in jus quicumque sua interesse putaverit; per specialem vero certa persona. Alia item est citatio realis, quae fit in reum publica auctoritate manibus, vel verbalis,

quae procedit ab imperio iudicis, cujus jussu, verbis, vel literis quis in iudicium vocatur. In civilibus judiciis verbalis citatione plerumque utimur; nam in iis citatio realis ante sententiam non emittitur, nisi reus sit valde contumax, ita ut despecta verbalis citatione in iudicium venire noluerit, vel sine causa deseruerit susceptum, vel nisi sit fugitivus, aut de fuga suspectus in negotio aeris alieni, et nisi primum res cognita, et explorata sit.

§. XI. Verbalis citatio vel est privata, vel publica. Privata est quando quis privatim ad faciem, vel si ejus copia haberi nequit, ad domum citatur; publica, quae publice per proclama, seu vocem praeconis, vel per tubam, aut campanam, vel per edictum palam in publicis locis positum fieri solet. Citatio haec, quae per edictum expeditur, edictalis dicitur, eaque tantum permittitur iudicibus ordinariis, et delegatis Principis, reliqui vero delegati, et pedanei per nuntium citari debent. Neque ei locus est, nisi, cum aliquis alio modo citari non potest, quod incertus est, aut minime tutus locus, in quo ipse commoratur, aut incerti singuli, qui in iudicium venire deberent; quia tunc per edictum vocantur generatim omnes, quorum interest, uti fit in adenda hereditate, quae pluribus obnoxia existimatur creditoribus. Edictum affigitur in locis publicis, in quibus cetera hujusmodi affigi solent, ibique retinendum est aliquo temporis spatio, ut ab omnibus legi, noscique possit.

§. XII. Denique verbalis citatio alia simplex, alia peremptoria est. Simplex continet praeceptum merum, ut reus in iudicium veniat; sed ipse contumax non efficitur, nisi eadem citatio post tres terminos certis dierum intervallis praefinitos tertio repetatur (1). Quae intervalla jure veteri decem dies singula continebant (2), jure Novellarum ampliata sunt ad dies triginta (3); sed jure Decretalium arbitrio iudicis pro temporum, ac locorum ratione constituuntur (4). Peremptoria citatio instar est omnium simul simplicium, atque ita rem perimit, ut si reus praestituta die in iudicium non venerit, etiamsi nulla alia citatio simplex praecesserit, contumax habeatur. Nam peremptorium praecedit, et abscindit omnes adversarii tergiversationes, eoque comminatur iudex, sese cogniturum, et expediturum causam, etiam absente illo, qui

sese judici sistere recusat (5). Edictum peremptorium jure civili emittitur post tres simplices citationes, interdum post duas, interdum etiam statim, quod vocatur *unum pro omnibus*; pendetque ab arbitrio judicis pro conditione causae, vel personae, vel temporis ordinem edictorum (6), et compendium moderari (7).

(1) Trium tantum edictorum mentio est in *L. 53. ff. de re judic. et apud Paulum recept. sentent. lib. 5. tit. 5. num. 7.*, ac trium item denunciationum, aut literarum in *L. 8. Cod. quomod. et quand. Judex sentent.* Quare mirum est, Ulpianum in *L. 70. ff. de judic.* tradere, post tertium denunc edictum peremptorium emitti. Gerardus Noodtius *observ. lib. 1. cap. 8.* ita illum Ulpiani locum legendum putat: *quibus propositis et tertium tunc peremptorium impetret.* Ego in ejus sententiam facile descendo, neque de ea dimoveor illis ejusdem Ulpiani verbis, quibus dimotus est Antonius Schultingius in *Paulum receptar. sententiae. lib. 5. tit. 5. not. 32. Jurisprud. vet. ante-justinian. pagin. 450. edition. cit.* Sunt autem verba Ulpiani in *L. 72. ff. de judic.* omnino haec: « nonnumquam hoc edictum » post tot numero edicta, quae praecesserint, datur, nonnumquam post unum, vel alterum, nonnumquam statim, quod appellatur unum pro omnibus. » Hic quidem Ulpianus etiam post tria edicta denique peremptorium dari statuit; sed loquitur non de ordinaria, et usitata edictorum methodo, quae tribus tantum edictis constat, et quam respicit *L. 70.*, verum agit de arbitrio judicis, quod extra ordinem est. Nam, ut ipse inquit Ulpianus, totum hoc negotium » aestimare oportet eum, qui jus dixit, et » pro conditione causae, vel personae, vel temporis ita ordinem edictorum, » et compendium moderari. Hinc iudici pro suo arbitrio licet tria dare edicta, antequam peremptorium emittat. Itaque Ulpianus in *L. 70.* ordinariam, et usitatum constituit edictorum methodum; in *L. 72.* exceptionem ponit, ut iudex possit ab hac methodo discedere suo arbitratu, ac non tertium, sed quarto loco peremptorium dare.

(2) *L. 69. ff. de judic.*

(3) *Novell. 112. cap. 3.*

(4) *Cap. 7. de dol. et contumac. Clem. 1. de judic.* Quae de tribus edictis, aut de uno pro omnibus dato a jure civili sancita sunt, eadem videtur constituisse Innocentius III. in *cap. 24. de offic. et potest. delegat.* Sed et ante Innocentium III. Parisiense Concilium apud Gratianum *can. 6. caus. 24. q. 3.* Romanam legem de tribus edictis, aut uno pro tribus approbavit.

(5) *L. tertium 70., et L. nonnumquam 72. ff. de judic., Cap. 6. de dol. et contumac.*

(6) Edicta haec interdum etiam contestationes, ab Aniano autem in *Paul. recept. sentent. lib. 5. tit. 5. §. 7.* apud Schultingium *Jurisprud. vet. ante-justinian. pag. 450. edit. Lipsiae cit.*, et in *can. 6. caus. 24. q. 3. Auctoritates* appellantur. Proprie a Latinis denunciationes dicuntur, sed corruptae latinitatis scriptores auctoritates vocant; cujus rei exempla sunt apud Du-Gangium *Glossar. med. et infim. Latinit. verb. auctoritas.*

(7) *L. 72. ff. de judic.*

§. XIII. In citatione observanda sunt haec. Scilicet exprimendum est nomen actoris, quo instante citatio emittitur, quia tantum in causis publicis iudex ex officio procedit (1); itaque nomen rei, ne quis in ancipiti persona decipiatur. Praeterea nomen exponendum est iudicis, cujus mandato fit citatio, tum quod jure novo sine mandato iudicis nemo in jus vocari potest, tum quod citatus scire debet, num proprius, et competens iudex sit, ad quem venire debet. Et quoniam delegatus iudex alienam jurisdictionem exercet, citationis decreto inserendum est exemplum literarum, quibus ei causa commissa est (2); ut qualis illi jurisdictio sit, reo compertum esse possit. Si manifestum est iudicem non esse competentem, reus ad eum ire non cogitur; si id manifesto non constet, reus omnino cogitur sistere se iudici, cujus est aestimare, num sua sit jurisdictio (3).

(1) *Cap. 9. de accusat.*

(2) *Cap. 2. de iurat.* Quod forte primum jure canonico expresse constitutum est, sed tamen alienum non est a juris Romani sententia, *L. unie. Cod. de mandat. Princ., L. 5. Cod. de jur. fse. lib. 10.*

(3) *L. 2. ff. si quis in jus vocat. non ierit., L. 5. ff. de judic.*

§. XIV. Designanda est etiam causa, propter quam reus in jus vocatur, ut is negotium meditetur suum, et paratus ad iudicium veniat; posteaquam re cognita, et perspecta statuit impugnare actionem contra se institutam. Antiquo jure Romano postulata, impetrataque a Praetore actionem reo edebat actor, cum ille in iudicium venerat, atque ita vocationis causam cognoscebat (1). Sed antiquo vocationis jure sublato, sancitum est a Justiniano (2), ut in ipsa vocatione libellus conventionalis reo tradatur; atque ita in unum iudicalem actum in jus vocatio, et actionis editio coalescerent. Decretales de exprimenda vocationis causa, reoque simul offerendo libello parum sollicitae sunt; sed jam fere ubique gentium moribus, usque fori receptum est, ut decreto ipso citationis causa significetur, vel simul reo libellus offeratur.

(1) Pluribus sane modis id fieri potuisse scribit Ulpianus in *L. 1. ff. de eden.* Confer Heineccium *Antiquit lib. 4. tit. 6. §. 19. opp. tom. 3. pag. 432. edit. Neapol. 1766.*, Rævardum *lib. pro tribunal cap. 4. opp. tom. 2. pag. 200. edit. Neapol. cit.*, Cujacium in *Cod. lib. 2. tit. 1. opp. t. 10. col. 828.*

edit. cit. Douellum in Cod. lib. 2. tit. 1. opp. tom. 7. col. 21. et seq. edit. ceteros interpretes in tit. de eden.

(2) *Novell. 53. cap. 4.*

§. XV, Neque omittendus est dies, et locus agendi iudicii. Dies inquam notandus est, tum ut reus sciat, quando ipse sese iudici sistere debeat, tum ut noscat, num in dicto die fieri iudicium possit. Nam diebus feriatis, veluti die festo, aut vindeiniarum, vel messis nemo in iudicium venire compellitur, nisi tale negotium sit, ut nullum patiatur moram. Qui dies arbitrio boni viri a iudice constituitur, habita ratione temporum, locorum, personarum. Nam iniquum est reum vocare ad id tempus, quo ipse sui copiam facere vel omnino non potest, vel nonnisi eum magno incommodo potest.

§. XVI. Locus praeterea denunciandus est, ut reus intelligat, num tuto ad eum venire possit. Praesertim vero si delegatus sit iudex, certus in citatoris literis omnino indicandus est locus, quoniam illi nullus est firmus, certusque locus, ad quem reus sese conferre possit. Si ordinarius est iudex, qui certo loco tribunal habet, nihil attinet hunc locum exprimere; nisi ipse velit alio loco jus reddere, quam quo reddere consuevit (1). Nec tantum locus, in quo iudicium agendum est, sed et locus, per quem necessario fit transitus, monstrandus est reo (2); adeo ut si manifestum sit, locum non esse tutum, nulla sit citatio ipso jure (3), si non ita sit manifestum, valeat quidem citatio, sed reus demonstrare debeat, eum sibi locum tutum non esse (4). Denique citatio complecti debet justum, et idoneum terminum, intra quem citatus commode in iudicium venire possit.

(1) *L. 59. ff. de iudic.*

(2) *Clement. 2. de senten. et re iudic., Cap. 4. ut lito non contest., quem in locum videndus Emanuel Gonzalez.*

(3) *Clement. 2. cit., Cap. ex parte 47. de appellat., L. si locus 56. ff. de iudic.*

(4) *Cap. 7. §. 3. de senten. excommunic. in 6.* At enim reus per procuratorem respondere potest, cum tutus non est iudicii locus. Est hoc sane verum; sed reus iusta exceptio ob hanc ipsam causam est, quod per se seipsum respondere non potest.

§. XVII. Rem significanda, et exhibenda citatio est per apparitorem, sive publicum nuntium; idque fit vel denunciatio-

ne, vel literis, vel edictis (1). Denunciationes per officia, et exequutores fiunt, literae ad reum mittuntur; edicta publico loco affiguntur, ubi recte legi possint (2). Nuntius reo denunciare decretum citationis debet (3), praesenti in faciem, absenti, suique copiam non facienti ad domum, in qua ipse habitat, et si plures habuerit domos, ubi frequentius commoratur, aut commorari debet. Quod si reus absit, neque resciri possit, quo in loco versetur, edicto publico loco affixo evocandus est, ut ita reus absens per propinquos, aut amicos, quibus edictum patet, admoneatur.

(1) Tria haec discriminat Paulus *Recept. sentent. lib. 5. tit. 5. §. 7.* apud Schellingium *loc. cit. pag. 450.*

(2) Vide Cajacium in illum Pauli locum *not. 32.*

(3) *L. 13. §. 1. ff. de excusat. tut.* Confer etiam Cajacium *Observat. lib. 7. cap. 15. opp. tom. 3. col. 161., et 162. edit. cit.,* ubi multas habes de denunciatione ad domum.

§. XVIII. Verum cum certus est locus, in quo reus versatur, sed tamen jacet in alieno territorio (1), ubi nequit exerceri jurisdictio, vel ab ipso actore ad eum nuntius mittitur, qui citando futuram litem insinuet, vel ejus loci iudex rogatur, ut citationem aut per suos ministros exequatur, aut per alienos exequi permittat, aut in finitimis locis palam edictum proponitur. Facta vero citatione nuntius id in acta referre debet, et vero expressis omnibus, quae scire opus est, nimirum die, loco, modo factae citationis, ceteris adjunctis, atque ejus relationi creditur propter publicam, quam habet, fidem.

(1) *L. ult. ff. de jurisd. omn. judic.*

§. XIX. Multa sunt, quae ex rite, recteque facta citatione efficiuntur. Scilicet citatus ad veniendum in judicium cogitur, fitque non veniens reus contumaciae, nisi justa se excusatione tueatur (1); lis inducitur, qua pendente nihil innovari potest (2); litigiosa fit res, de qua disceptatur actione reali, adeo ut lite pendente alienari nequeat (3); rumpitur praescriptio (4); perpetuatur iudicis delegati jurisdictio, adeo ut ex delegantis obitu non extinguatur (5); prorogatur jurisdictio

judicis, adeout etiamsi quis postquam citatus est, alieni fori esse ceperit, jus non habeat domum revocandi, sed ire debeat ad judicem, qui eum citavit (6); actori potestas adimitur adeundi alium judicem, cui postea subjectus evasit, (7); rous efficitur legitime contradicens, adeout ab actore amplius repelli nequeat. Pendet autem lis post citationem quoad hoc, ut nihil debeat innovari; nam alias nonnisi post contestationem lis pendet (8).

(1) *Cap. ex literis 2. de dol. et contumac., L. ex quacumque 2. ff. si quis in jus vocat. non ierit.*

(2) *Clem. 2. ut lit. penden. nihil innovet.*

(3) *Clem. 2. cit., Auth. litigiosa Cod. de litig.*

(4) *L. ult., Cod. de annal. except., L. 7. Cod. de praescript. 30. annor.*

(5) *Cap. 20. de offic., et potest. delegat.*

(6) *L. si quis postquam 7. ff. de judic., L. cum quaedam 19. ff. de jurisd.*

(7) *Cap. proposuisti 19. de for. compet., L. si quis 5. ff. de judic.*

(8) *Cap. 30. de verb. signific., ibique Gonzalez, et in Cap. unic. de lit. contest.*

§. XX. Cuncta haec efficit citatio, quae rata firma est, ritaeque, et recte expedita (1); sed cum nulla, et irrita est, impune despicitur, nisi posteriore facto vim, qua antea carebat, et robur acceperit. Quod fit vel cum Principis auctoritate citationis vitia tolluntur, vel cum citatus in iudicium veniens citationem probat, vel cum Procuratore constituto, se tamquam citatum gerit, talemve se habendum esse declarat. Verum si non valet citatio, quia nulla est iudicis jurisdictio, hoc sane vitium litigantium consensu neque tacito, neque expresso removetur.

(1) *Clem. causam. 3. de elect.*



DE MUTUIS PETITIONIBUS

T I T U L U S IV.

I. Quid mutua petitio.

IV. Ejus finis.

II. Quomodo fiat ?

V. Effectus.

III. Et a quo ?

Lib. II. Tit. III. in 6. Codex lib. 3. tit. 9., et sparsim Tit. ff., et Cod. de Judic.

§. I.

Solet saepe reus, cognito actoris libello, vicissim aliquid ab eodem petere, sive eum coram eodem iudice, et iudicio alia proposita actione reconvenire. Quod fit per mutuam petitionem, quae est mutua actio, seu reconventio (1), per quam reus a iudice postulat, ut sibi ius suum ex actore reddatur. Ita si actor petat decem ex causa mutui, reus vicissim ex testamento petat alia decem, vel amplius, mutua petitio est.

(1) Mutua petitio actio est, non exceptio, ut quibusdam visum, qui tamen a Cap. 2. §. 2. de ordin. cognit., aperte refutantur.

§. II. Itaque reus, si quam habet actionem contra ipsum actorem, eum reconvenire potest, sive eadem, sive alia sit causa (1), aut in personam, aut in rem actio instituta sit (2); Id vero fit coram eodem iudice, ad quem reus vocatus est, neque huic licet pendente iudicio actorem trahere ad alium iudicem, ne ipse ab instituta actione distrahatur (3), ac ne plures uno tempore causae sint iudices (4). Verum si causa, in qua reus vult actorem reconvenire, ejus indolis, et naturae sit, ut a Iudice coram quo mota lis est, nullo modo cognosci possit, puta si causa sit spiritualis, de qua laicum iudicare nefas est, tunc potius natura ipsa causae,

quam reus hujusmodi judicem rejicit, ac recusat. Similiter si reus ad suspectum sibi judicem vocatus fuerit, potest ipse reus suspicionis causas asserere, intra viginti dies post datum libellum, iisque demonstratis coram alio judice utramque causam expendere.

(1) *Auth. consequenter Cod. de senten., et interloq., Cap. 1. de ordin. cognit.* Errat autem Antonius Faber *conject. lib. 20. cap. 5. contendens*, non licere reo actorem ex diversa causa reconvenire.

(2) Ab omnibus generatim rejecta est opinio Antonii Fabri *conject. lib. 20. cap. 8.*, qui subtiliter more suo, sed minus vere demonstrare conatur, eum, cum quo actio in rem actum est, reconvenire non posse.

(3) *L. si idem 11. §. sed etsi 1. ff. de jurisd. Auth. consequenter cit.*

(4) *Cap. ult. de mutuis petit., Cap. dispensia 3. de rescript. in 6.*

§. III. Cum datur mutuae petitioni locus, ea facienda est coram eodem judice, ad quem reus vocatus fuit, quemque actor, qui eum semel elegit, recusare non potest; et vero fit coram judice tam ordinario, quam delegato (1). Verum non permittitur coram arbitris, quorum est judicare de iis rebus, quae compromissi lege continentur (2). Qui agere in judicio nequeunt, ii et faciendae reconventionis carent facultate, proutiam reconvenire est agere, ideoque inutiliter reconvenit excommunicatus, propterea quod inutiliter agit (3). Uni reo proponere mutuam petitionem licet, actori non licet, ne longius producantur lites; quaeque in judicio conventionis data est agendi ratio, eadem etiam in reconventionis servanda est. Non enim actoris, et rei dissimilis conditio esse debet (4).

(1) *Cap. 3. de rescript. in 6.* Id vero locum habet, si postulante reconvenuto datus fuerit delegatus *Cap. 1. de mutuis petition.*, quia hic demum obtinet ratio allata in *L. 14. Cod. de senten., et interloq. repetita in can. 1. caus. 3. q. 8* Si delegatus motu proprio fuerit constitutus, locus reconventioni non est, cum actor judicem illum non elegerit. Confer Emmanuelem Gonzalez in *cit. Cap. 1. de mut. petit. num. 10.*

(2) *Cap. 6. de arbitris.*

(3) *Cap. 5. de except.*

(4) *Cap. 2. de mut. petition.*

§. IV. Mutuae petitionis finis est compensatio (1): ideoque in causis, in quibus haec non obtinet, frustra illa proponitur. Ex eo genere sunt causae criminales, in quibus agitur criminaliter (2), quoniam *innocentia, non relatione crimi-*

nam reus purgatur (3), *praejudiciales* (4), *depositi* (5), *spolii* (6), in quibus *spoliatus* respondere non cogitur; nisi antea fuerit restitutus, *causae* momentaneae possessionis, quaeque expeditae sunt, *celeremque exitum* postulant, nisi ejusdem naturae sit *reconventio* (7), denique in *negociis ecclesiasticis* coram laico *judice* *reconventio* fieri non potest (8). Nec praetereundum, quod non permittitur *reconventio reconventioni*, ne hoc *negocium* de *mutuis petitionibus* pene infinitum evadat.

(1) Tertullianus *contr. Marcion. lib. 2. cap. 20. pag. 392. edit. Fœnet. 1744.* inquit, Hebraeos Egyptiis ab se *vasa aurea*, et *argentea* petentibus opposuisse *mutuas petitiones* agentes, sibi etiam deberi *mercedem* pro labore, atque opera, quam impenderant in *portandis lateribus*, in *civitatibus*, ac *villis aedificandis*, quod postea *compensationem* rectissime appellat. Quae *compensatio* vel sit ipso jure, vel per *exceptionem doli* inducitur, vel per *mutuam actionem*. Nam *mutua* hac *actione* *alia actio* tollitur, et *debitum compensatur*, ut est in *Capitularibus Caroli M. lib. 7. cap. 303. col. 730. tom. 1. edit. Balutii Fœnet. 1772.* Ita per *recautionem*, ut inquit Augustinus *lib. de cur. pro mortuis cap. 11. opp. tom. 6 col. 524. edit. cit. cautio evacuatur*, hoc est dissolvitur; et ita per *evacuatoriam* quam memorat Marculphus *Formul. lib. 2. cap. 27. et 35. apud Baluzium Capitul. Reg. Francor. tom. 2 col. 289., et 291. edit. cit.*; nimirum per *syngrapham*, qua *creditor* confitetur, suam sibi *pecuniam* *fuisse solutam*, *vacula*, et *inanis* *permanet obligatio*.

(2) *Can. 1. 2. et 4. caus. 3. q. 1., L. 1., et L. 19. Cod. de his qui accus.*

(3) *L. 5. ff. de publ. jud.*

(4) *Cap. 1. de ord'n. cognit.*

(5) *Cap. 2. et ult. de deposit.*

(6) *Cap. 1. de restit. spoliat. in 6.*

(7) *Glossa in cap. ult. de ordin. cognit.*

(8) Vide *Glossam in can. 1. caus. 3. q. 8. verb. judicem, et in cap. 4. de judic. verbo non tenet.*

§. V. Duo parit *mutua petitio*, seu *reconventio*; primum est, quod *jurisdictio* prorogatur, adeont qui coram certo *judice* *reconvenit*, eundem amplius *recusare* non possit (1); alterum, quod *actio*, et *reconventio* simul uno, eodemque *judicio* *cognoscuntur* (2). Sed ut haec duo efficiat, *initio ipso* *litis* *proponenda* est, antequam *litigantes* ad *alios judiciales actus* *progrediantur* (3). Nam si *reconventio* fiat in *progressu*, aut in *exitu* *litis*, *prorogabit* quidem *jurisdictionem* (4); sed non etiam faciet, ut *eadem reconventio una cum actione* *eo* *dem* *judicio* *expediatur*.

(1) *Cap. 1. de mut. petition.*

(2) *Cap. 1. cit.*

(3) *Reum statim mutuo agere debere, scriptum est in Auth. et consequenter Cod. de senten. et interloq., et in Clem. 2. §. 1. de verb. signific. dicitur in ipso litis exordio. Neque aliud suadet Cap. 2. §. 1. de re-script. in 6., ubi verba eodem durante judicio ita sunt intelligenda, ut apud eundem judicem reconventio fieri debeat, non autem ad reconventionis tempus referenda sunt.*

(4) *Videndus Remigius Maschat Instit. Canon. lib. 2. tit. 4. num. 6.*



DE LITIS CONTESTATIONE

T I T U L U S V.

- I. Quid litis contestatio ? saris.
 II. Quomodo fiebat antiquo jure ? IV. Ejus effectus.
 III. Litis contestatio in judicio neces-

Sextus *lib. 2. Tit. 3.*, Codex *lib. 3. tit. 9.*, et *aparsim Tit. ff.*, et Cod. *de judic.*

§. I.

Omnis inchoandi judicii initium est in jus vocatio, inchoati litis contestatio (1); videlicet legitimus ille actus, per quem suam coram giudice petitionem proponit actor, reus vero judicium anscepit, seque fortiter huic petitori restitutum profitetur (2). Hic sane actoris, rei que conflictus initium constituit litis, quam libellus, et citatio praeparaverant. Neque enim lis ulla est, cum reus non contradicit, lubensque affirmat, quod ab actore proponitur (3). Num jure civili ad contestandam litem actoris, ac rei praesentia, et voce opus sit, incertum, controversumque est; sed jus canonicum tantum requirit petitionem in jure propositam, et responsionem sequutam, praeterea nihil (4).

(1) *Cap. super questionum 27.*, ibique *Glos. verb. litis exordium de offic. Delegat.* Neque aliud statuit Imperator §. ult. *Inst. de poen. temer. litig.*, cum inquit: *Omniū instituendarum actionum principium ab ea parte Edicti profisciscitur, quando Praetor edicit de in jus vocando.* Citatio enim hoc loco dicitur principium instituendarum actionum, non vero proprii, ac veri judicii constituendi. Nam priusquam judicium constituitur, edi libellus, et reus citari debet, et ideo *L. edita 3. Cod. de eden. dicitur*, quod *edita actio* non ipsam litem constituit, sed *futurae litis speciem demonstrat*; judicium enim proprie per contestationem anscepitur.

(2) *Cap. un. de litis contest.* Haec Gregorii IX. constitutio valde similis est constitutioni Severi, et Antonini, *L. 1. Cod. de lit. contest.* Nam in utraque quaeritur, quomodo, et quando litis contestatio rite, et ex ordine celebrata haberi posset, quoniam inductis positionibus, et responsio-

mibus litigantium, per eas litiſt conſtatio facta videbatur, ſicuti ante De-
veri, et Antonini conſtitutionem per editionem, vel per poſtulationem, et
impetrationem actionis, liſt conſtata, et in Judicium deducta videri poterat.

(3) Itaque probari non poteſt, quae multis eſt probata, diviſio con-
ſtatinnis litiſt in negativam, et affirmativam, uti oſtendit Joannes Voetus in
Pandect. lib. 5. tit. 1. num. 146. Conſer etiam Vinnium *ſelect. quaest. lib. 1. cap. 17.*

(4) Videndus Gonzalez in *cap. un. num. 8. de lit. conſt.*

§. II. Antiquo jure Romanorum liſt conſtata dicebatur, cum apud Praetorem per mutuam actoris, reiſue narrationem controverſiae ſtatu conſtituto, eamſue datam Judici, litigantes judicium ſuſcipiebant, ac teſtes, qui rei totius fidem face-
rent, vocabant hiſt verbis: *teſtes eſtote* (1). Inde litiſt con-
ſtatio dicta eſt, quia ſcilicet teſtibus adhibitis reſt tota declarabatur (2). Jure novo quamquam teſtes non adhibeantur, tamen retentum eſt vocabulum conſtationis ad designandam concertationem verborum inter litigantes, quorum alter petiſt, alter petitioni adverſatur (3).

(1) Festus *lib. 3.* » Conſtari, inquit, dicuntur duo, aut plures ad-
» versarii, quod ordinato judicio utraſue pars dicere ſolet: *teſtes eſtote*, »
» et alibi: conſtari eſt, cum uterſue reus dicit: *teſtes eſtote*. » Conſu-
le Brissonium *de formulis lib. 5. formul. 1. 146. pag. 398. edit. Halae 1731.*;
Heineccium *antiq. Rom. lib. 4. tit. 6. opp. rom. 3. pag. 44. edit. Nea-
pol. 1769.*, Cujacium *obſerv. lib. 9. cap. 21. opp. tom. 3. col. 214. edit. cit.*

(2) Veterem conſtationis formam vel ante ſablata formularum ſolemnis
deſiſſae ex *L. unica. Cod. de lit. conſt.* oſtendit Vinnius *ſelect. quaest. lib. 1. cap. 17.*

(3) Conſer Wincklerum *dissert. de discrim. inter lit. conſt. jur. vet. et hodie. et utriusſue effectibus.*

§. III. Litiſt conſtatio pertinet ad vim intimam, et na-
turam judicii, atſue ab actore facienda eſt intra viginti poſt
oblatum libellum dieſt, eaque omiſſa quidquid eſt geſtum in
judicio nihil valet (1). Poenae cauſa alterutrius litigantis contu-
macia conſtationis loco eſt, quae etiam ficta conſtatio
dicitur (2); neſue expreſſa, et ſolemnis conſtatio requiritur
in cauſis quibuſdam, quales ſunt ſummariae, cauſae appel-
lationis, quae contra certam perſonam inſtitutae non ſunt, quae
item ſine libello expediuntur (3).

(1) *Cap. un. de lit. conſt., L. 4. ibique Glossa verb. ſolitus Cod. de ſenten., et interloq. Vide Cap. 20. de jurejur., Cap. 4. de procurat., Cap. 5. ut lit. non conſt.*

(2) Confer Voetium *ad Pandect. lib. 5. tit. 1. num. 145.*

(3) Videndus Voetus *loc. cit. num. 147.*

§. IV. Per litis contestationem inducitur mala fides (1) ; sit quasi contractus inter litigantes, itaut altero invito liceat nemini iudicium deserere, sed uterque debeat praestare id ; quod judicabitur (2), litigiosa efficitur res in iudicium deducta, ita ut alienari nequeat (3) ; perpetuantur, atque ad heredes transmittuntur actiones tempore, vel morte periturae (4) ; mandata jurisdictio sit perpetua (5) ; exceptiones dilatoriae excluduntur, ac iudicis recusandi facultas adimitur (6), nisi postea causa suspicionis emergerit ; denique inchoata usucapio, et praescriptio rumpitur (7).

(1) *L. 4. ff. fin. regand., L. 1. Cod. de petit. hered., L. 22. Cod. de rei vindic., L. 10. Cod. de acquir. et retinen. possess.* Sed ante litem contestatam etiam motam controversiam ad inducendam malam fidem satis esse, scriptum est in *L. 28. §. si ante litem ff. de petit. hered.*

(2) *L. 3. §. idem scribit ff. de pecul.*

(3) *Auth. litigiosa Cod. de litigios., L. 4. Cod. eod., Cap. 3. et 4. ut lit. penden.*

(4) *L. 6. §. ult. ff. de re judic., L. ult. ff. de fidejuss., et nominat., et heredi. tui., L. 57. ff. de action., et obligat., L. 88. ff. de regul. jur., L. unic. Cod. ex delictis defunct. in quant. heredi. tenean., §. 2. Instit. de perpet., et tempor. action.*

(5) *Cap. 19. de offic. delegat.*

(6) *L. ult. Cod. de except.*

(7) *L. 10. Cod. de praescript. long. tempor.* Verum sola conventionione, etiam ante litem contestatam, praescriptionem rumpi sancitum est *L. ult. Cod. de annal. except., L. 1. et 2. Cod. de praescript. long. tempor., L. 3. 4. 7. Cod. de praescript. 30. vel. 40. annor.*



UT LITE NON CONTESTATA

NON PROCEDATUR AD TESTIUM RECEPTIONEM,

VEL AD SENTENTIAM DEFINITIVAM.

T I T U L U S V I.

I. Lite contestata judiciales actus expediuntur.

II. et III. Causae, in quibus recipiuntur testes lite non contestata.

§. I.

Lite contestata judiciales actus, qui pertinent ad cursum et progressum iudicii, expediuntur, et hi quidem certo ordine, ac methodo faciendi sunt, ne qua rerum confusio, perturbatioque exoriat. Litis contestatio, uti diximus, exordium est iudicii, et ante hanc contestationem totum negotium, quod agitur, non lis, aut iudicium, sed controversia censetur (1). Initium sequuntur cetera, quae agenda sunt, antequam iudicium per definitivam sententiam absolvatur, cunctaque in altero hoc Decretalium libro explicat Raymundus partite, ac diligenter. Ac primum ut ostendat, quam necessaria sit in omni iudicio litis contestatio, sic statuit, *ut lite non contestata, non procedatur ad testium receptionem, vel ad sententiam definitivam.*

(1) L. 28. §. si ante ff. de petit. hered.

§. II. Quod recte sane, ac sapienter constitutum est. Cum enim testes in iudicio tantum, ac super re in iudicium deducta recipi, et audiri debeant, ut ex iis iudex rem omnem cognoscat, feratque sententiam; ante litis contestationem, unde incipit iudicium, res in idem deducta minime haberi potest, ideoque testes recipi nequeunt, multoque minus emitti sententia. Sunt tamen causae, in quibus lite non contestata recipiuntur testes, et hae quidem sunt causae, in quibus celeritate,

et feſtinatione opus eſt ob periculum amittendarum probationum, quia tunc locus eſt examini *ad perpetuam rei memoriam* (1); praeterea quaestiones incidentes, veluti de exceptione ſpolii, de legitimatone ad cauſam; relaxatione iuramenti, ut liceat agere (2); poſtremo cauſae, in quibus iudex ex officio procedit, ut in vin, et pondus inquirat canonicae electionis, aut matrimonii, quod propter dirimens impedimentum irritum habetur. Nam ne mora diuturnior damnum aſſerat Eccleſiae, aut ne ex continuatione conjugii plus turpitudinis oriatur, etiam lite non conteſtata, citato tamen prius, et reſugiente iudicium reo, teſtes recipi, atque etiam probata cauſa, definitiva ſententia emitti poteſt (3). Verum enim agitur de ſeparatione thori ob crimen adulterii, dotiſve reſtitutionem, neque teſtes recipere, neque ſerre ſententiam ante litis conteſtationem licet (4).

(1) *Cap. 5. ut lit. non conteſt.*, *Cap. 4. de confirm. util. vel inutil.* Edita ea de re ſunt an. 1776. Heilſdebergae diſſertatio, cui titulus de *examine teſtium ad perpetuam rei memoriam*.

(2) *Cap. 4. de procurat.*, *Cap. 20. de iurejur.*

(3) *Cap. ult. §. porro ut lit. conteſtat.*

(4) *Cap. 1. eod. tit.*

§. III. Eadem obtinet iuris diſciplina adverſus Episcopum, aut Parochum, contra quos inutiliter in iudicium vocatos recipiuntur teſtes, et re cognita fertur ſententia etiam lite non conteſtata, cum agitur de vi ipſa electionis, et inſtitutionis, non item cum ipſis inſertur crimen, cuius cauſa a dignitate et officio legitime acquiſito removendi videntur (1). Quod ſi Episcopus, aut Parochus reus contumaciae non ſit, ſed tamen abſit, dandae ſunt induciae ſex menſium, ut vocatus in iudicium veniat; dum vero agitur de matrimonio, *tamdiu alteruter conjugum*, inquit Innocentius III., *expectetur donec de ipſius obitu veriſimiliter praesumatur* (2).

(1) *Cap. ad hoc 1. ut lit. non conteſt.*, *Cap. ult. eod.*

(2) *Cap. ult. cit. §. ſi autem.*

JURAMENTO CALUMNIAE

TITULUS VII.

I. Origo juramenti calumniae.

II. In quibus causis datur?

III. An omitti possit?

IV. Discrimen inter clericos, et laicos.

V. Juramentum speciale.

Sextus lib. 2. tit. 4. Decretum ca. 22. q. 1. 5. Pandectae lib. 2. tit. 59.

§. I.

Ne qua in judiciis calumnia, ne qua fraus, ne qui dolus adhibeatur, bene Majores nostri stringendam putarunt fidem litigantium vinculo jurisjurandi, ut omnes metu Dei immortalis, quem iudicem testemque interponunt, ab injusta vexatione deterreantur. Prima hujus origo juramenti repetenda est a Graecis, apud quos dabatur juramentum, quod *αὐωυδία* dicebatur (1), et in Areopago quidem, antequam actionis initium fieret, gravissimo jurejurando sese litigantes obstringere jubebantur (2). His exemplis Romani introduxerunt juramentum calumniae (3), quod pertinet ad repellendos a judicio calumniatores, qui scilicet *per fraudem, et frustrationem alios vexant litibus* (4). Praestant hoc juramentum et actor, et reus, et eorum procuratores cum speciali mandato venientes (5), et omnes generatim litigantes sive suo, sive alieno nomine judicium exerceant (6). Uiversitas jurat per syndicum, aut oeconomum, qui rem norit, et hunc quidem in propriam animam jurare oportet (7). Actor juratus affirmat, se agere justam causam, animumque gerere alienum a calumnia, et dolo, reus vero, bona etiam sui juris opinione sese adversario resistere. Hinc uterque pollicetur, sese vera in judicio dicturos, nihil acturos judicio

corrumpendi gratia, nullam aliam probationem falsam, aut non necessariam, neque aliquid acturos, ut judicium per calumniam differatur (8).

(1) Confer Joachimum Stephanum *de jurisd. vet. Graecor. cap. 10.* apud Gronovium *antiquit. Graecar. tom. 6. col. 2723.*

(2) Videndus Sigonius *de Republ. Atheniens. lib. 3. cap. 2.* apud Gronovium *tom. 5. antiqu. Graecar. col. 1569.*

(3) Plures sunt qui juramenti calumniae auctorem putant Justinianum, et moventur §. 1. *Instit. de poenis temer. litigant.*, ubi Tribonianus illud inductum tradit constitutione Justiniani, quae extat in *L. 2. Cod. de jurejur. propt. calumn.* Sed revera ejus origo antiquior est. Nam hoc jurandum diserte memoravit Paulus *recept. sentent. lib. 2. tit. 1. §. 2.* apud Schultingium *jurispr. votus ante-justinian. pag. 263. edit. Lipsiae cit.* itemque ejus mentio est in *L. 45. §. si familiae ff. famit. erciscun.*, (quam legem a Triboniano aut fictam esse, aut corruptam perperam aliqui existimant) in *L. 34. §. qui iusjurandum*, et *L. 37. ff. de jurejur.* et apud Seuecam *controv. lib. 3. cap. 17. pag. 257. tom. 3. edit. Amstelod. 1672.* Verum ante Justinianum tantum speciale calumniae juramentum obtinebat, quoties pendente lite malitiae suspicio aderat, atque ita saepius repetebatur. Solus actor, et in certis tantum causis de calumnia jurabat, ut ostendunt Paulus *loc. cit.*, et Ulpianus *L. 13. §. 3. ff. de damn. infect.* Nam in plerisque nuda repromissione actor cavebat, se, nisi vicisset, datum reo decimam partem rei, quam petebat, unde repromissionis remedium in Codice Hermogeniano *tit. de calumniat.* apud Schultingium *loc. cit. pag. 713.* Atque haec erat vetus acti calumniae ex stipulatu, quae jam ante statuta Justiniani desueverat. Sed Justinianus in omnibus civilibus causis, et ab utroque litigante iusjurandum de calumnia emitte voluit, praeterea veteris calumniae actionis loco sarciri damnum, et expensas restitui jussit. §. 1. *Instit. de poen. temer. litigant.* Sed postea *Novell. 112. cap. 2.* decimarum illam actionem redintegravit, atque illud addidit, ut decimae capitis satisfactionem habeat. Confer Cujacium *observ. lib. 7. cap. 5. opp. tom. 3. col. 156. edit. cit.* Jamvero cum constet, Juramentum calumniae, quod initio speciale erat, a Justiniano factum fuisse generale, ita ut in primordio litis super universa causa a litigantibus emitte deberet, non ita exploratam est, num ipse Justinianus illud etiam speciale juramentum mutaverit. Nihil ipse ea de re constituit in *L. 2. de jurejur. propt. calumn.*, sed id deinceps praestitisse videtur in *Novell. 49. cap. 3.*, ubi animadvertit, quod olim in uno negotio frequenter iusjurandum dari solebat: *cancinus itaque inquit, hanc perimentes injuriam, et nolentes crebro in eodem negotio iusjurandum praestari. . . . non crebro cogi quemquam sacramenta subire, generaliter semel hujusmodi sacramento perhibito.* Quibus ex verbis colligi videtur posse, a Justiniano fuisse sublatum speciale calumniae juramentum, idque etiam videtur suadere *Auth. hoc sacramentum Cod. de jurejur. propt. calumn.*, ubi item generatim decernitur: *hoc sacramentum hoc die remittitur, cum initio juretur, nihil se calumniae in toto negotio exigere.* Inde tamen ortum est dubium, quod Justinianus loqui videatur de juramenti, quae olim ab illis emittebantur, qui probationes subire volebant, quod in *Novella 63. cap. 7.* adhuc speciale juramentum calumniae desideretur ab eo, qui literarum comparisonem postulavit. Quamvis autem mul-

ti observarint, in hac *Novella* contineri exceptionem, cujus ratio specialis in *Novellae praefatione* data est, ut eo magis coerceretur malitia, quae tunc frequens erat, illorum, qui documenta vitiae solebant, nihilo tamen minus res nondum satis comperta, atque explorata fieri potuit. Sed omnem sustulit dubitationem Bonifacius VIII. in *Cap. 2. de juramen. calumn. in 6.* ubi statuit, quod in omnibus causis uedum ante, sed etiam postquam lis fuerit contestata, sive de veritate, sive de calumnia sit juratum in ipsis, potest iudex a partibus exigere juramentum malitiae, quoties viderit expetiri.

(4) *L. 233. ff. de verb. signific.*

(5) *Cap. 2. et ult. de juram. calumn. in 6.*

(6) *Cap. 3. 4. 6. de juramen. calumn.*

(7) *Cap. 3. et 4. de juram. calumn., Cap. ult. eod. in 6.*

(8) *L. ult. Cod. de iurejur. propter calumn. Glossa in cap. 1. de juram. calumn.*

§. II. Datur hoc juramentum in omnibus causis, in quibus probationes requiruntur (1); atque etiam in causis appellationis, quamquam juratum primo iudicio fuerit (2); sed in causis criminalibus, maxime capitalibus multi juris interpretes dandum negant, propterea quod in his sufficit subscriptio accusatoris in crimen, et reus cogi non potest ad praestandum juramentum, per quod in vitae discrimen adducitur (3). Parentes quoque, et patroni non coguntur jurare ob reverentiam, qua eos prosequi oportet (4). In causis spiritualibus olim de calumnia non videtur juratum (5); sed postea Bonifacius VIII. in his quoque causis juramentum dari voluit, quoniam experientia compertum est, etiam in causis spiritualibus saepe calumnias adhiberi (6).

(1) *L. 1. Cod. de iurejur. propt. calumn.*

(2) *Cap. 1. et 2. de juram. calumn. in 6.*

(3) Videndus Cujacius in *Decret. cap. 1. de juram. calumn. opp. tom. 8. col. 794. edit. cit.*, ubi et Honorii constitutio in *Cap. 1. de juram. calumn.* et ceterae, quae huic sententiae adversari videntur, leges explicantur. Confer etiam Schmalzgraeber *Jus eccles. univers. par. 2. tit. 7. num. 12.*, a quo multa afferuntur, quae ad hoc idem argumenti genus pertinent.

(4) *L. licet. 7. §. neo deferentes 3. et §. seq. ff. de obseq. parent. et patron. praestand., L. si patronus 16. ff. de iurejur., L. de die 8. §. jubetur 5. ff. qui satis. cog., L. qui bona 13. §. sed si 14. ff. de damn. infect.*

(5) *Cap. 2. de juramen. calumn.*

(6) *Cap. 1. §. ult. eod. tit. in 6.* Per hanc decretalem, quae est Bonifacii VIII., abrogatum est jus antiquum ab Honorio II. constitutum in *cit. cap. 2.* Id ipse Bonifacius aperte declarat, ut proinde otio, et tempore abas sint quidam juris interpretes, cum alio modo Honorius, et Bonifacium componere voluerant. Inquit enim in causis spiritualibus. . . canonibus non

Tom. III.

K

indicare alicui calumnias juramentum, se tamen, quia frequenter calumniari viderat in ipsis, juramenti necessitatem in iisdem etiam imponere.

§. III. Jus Civile ab iudice necessario exigendum statuit juramentum calumniae (1), eoque omisso judiciarium ordinem vitari, plerique interpretes docent. Sed Jure Canonico, quod ubique utimur, tacite omitti posse, eoque omisso valere iudicium statuit Bonifacius VIII. (2), quae Baldi, et aliorum contra Azonem, Martinum, aliosque nonnullos sententia fuit, Sed pacto convento remitti non potest (3); et petitum omnino praestandum est, ita ut nisi juret actor, proximus causa cadat, reus vero confessus, et iudicatus habeatur. (4).

(1) *L. 1. §. 4. Cod. de jurejur. propt. calumn.*

(2) *Cap. 1. §. 1. de juram. calumn. in 6.*

(3) Vide Glossam in *Cap. 1. verb. tacite de juram. calumn. in 6.*

(4) *Cap. ult. de juram. calumn.; L. ult. Cod. de jurejur. propter calumn.*

§. IV. Omnes nunc jurant tam laici, tum clerici (1), sed hi olim illorum more non jurabant. Marcianus Imperator (2): *ecclesiasticis, inquit, regulis, et canone a beatissimis Episcopis antiquitus instituto clerici jurare prohibentur.* Jus hoc a Marciano constitutum, pro solis clericis Ecclesiae Constantinopolitanae ab Henrico II. Imperatore traductum est ad omnes universae clericos (3), quod postea summus Pontifex Honorius II., vel III. confirmavit (4). Hodie jurant et clerici; sed Episcopi cum venia Summi Pontificis, clerici inferiores cum venia sui Antistitis (5). Hoc inter laicos, et clericos discrimen est, quod hi propositis, illi autem tactis Evangelii jurant (6).

(1) *Cap. 1. de juramen. calumn.*

(2) *L. 25. §. 1. Cod. de Episc. et cleric. Eadem haec disciplina est in can. 1. et 5. caus. 2. q. 4., et can. penult. et ult. caus. 22. q. 5., eamque laudat Honorius II. in Cap. 1. de juram. calumn., quo loco Marcianus mendose Marcus dicitur.*

(3) Vid. Gonzales in *not. ad cap. 1. de juram. calun.*

(4) *Cap. 1. de juram. calumn.* Et secundum hanc Honorii constitutionem intelligendas arbitror constitutiones Lucii III., et Gregorii IX., quae extant in *cap. 5. et 7. eod.* Nam hi duo Pontifices, qui recentiores sunt Honorio II., sine dubio sese referunt ad jus novum ab eodem Honorio constitutum de juramento ab Episcopo, aut clericis emitendo cum venia Summi Pontificis, aut proprii Antistitis, cujus quidem veniae necessitas

in his quoque recentioribus constitutionibus tacite intelligenda est, quamquam nulla ejus fiat expressa mentio. Atque haec quidem pertinent ad jurandum, quod calumniae dicitur, quodque in judiciis emititur. Sed etiam extra judicium clerici ubi gravem causam jurasse constat ex Anastasio Bibliothecario in *Pelagio ton.* 3. pag. 292. edit. Romae 1728., et ex can. 10. 18. 19. *cuss.* 2. q. 5.; similiter eos jurasse, cum jura urgeret causa, ostendunt Sozomenus *Histor. eccles. lib. 6. cap. 30. pag. 242. edit. Valesii Taurin.* 1747., et Justinianus *Novell.* 23. cap. 1. et *Novell.* 187. cap. 2.; ac Patres Concilii Constantinopolitani Oecumenici VI. Gregorium Diaconum in singulis propositis quaestionibus jurare coegerunt.

(5) *Cap. 1. de juramen. calumn.* De juramento calumniae ab Episcopo praestando Glossa verbi inconsulto scribit haec: « Istud difficile videtur, » ut Episcopus propter hoc debeat requirere Romanum Pontificem, sed hoc » non servatur; unde si Episcopus litigat in propria persona, ipsemet » praestet juramentum de calumnia, nec est necesse requirere Papam. » Recte tamen animadvertit Schmalzrueber *Jus eccles. univers. lib. 2. tit. 7. num. 9.*, quod magis decens, et conveniens est, ut Episcopus per Syndicum agat in judicio, et per eum juret.

(6) *Cap. ult. de juramen. calumn.* Clericos adinstar laicorum Evangelia, aut martyrum reliquias manu tangere canones vetuerunt. Presbyteri, et Episcopi vice juramenti per sanctam consecrationem interrogabuntur. *Can. 4. cuss. 2. q. 5.* Interdum etiam ante corpus alicujus Sancti tantummodo quesiti respondebant *can. 8. et 9. ead. cuss. et quæst.* Verum cum gravior aliqua urgeret videretur causa, non solum Diaconos, quod de Evario Constantinopolitano tradit Sozomenus *loc. cit.*, sed ipsos etiam Episcopos tacita Evangelii jurasse constat. ex *cap. 4. §. ult. de jurjur.* et *Cap. 5. de purgat. canon.* Ad hunc sane modum Severum Episcopum jurandum dare, ac deferre debuisse, non obscure tradit S. Basiliius *ep. 188. can. 1. ad Amphiloeh. sup. 10. opp. tom. 3. pag. 275. edit. Paris. 1730.*

§. V. Juramentum, quod modo descripsimus, calumniae generale juramentum est, quod praestare oportet in ipso litis exordio, quodque respicit universum negotium, de quo in judicio agendum est. Sed et aliud speciale juramentum est, quod in progressu litis, atque in singulis actibus judiciariis, prout judici videbitur, deferatur, etiamsi generale sacramentum calumniae emissum fuerit, eoque jurans affirmat, se non ex dolo, aut calumnia certum aliquid petere, ex.gr. dilationem, dampni infecti cautionem, describendi testamenti facultatem, cetera generis ejusdem. Quod juramentum a Bonifacio VIII. *malitiae* juramentum dicitur, ut a generali juramento calumniae distinguatur (1).

(1) *Cap. 2. §. 2. de juramen. calumn.* in 6. Ceterum juramenti calumniae formulam describit Paulus IC. in *L. inter Coheredes 45. §. si familiae ff. famul. ereiscun.*

DE DILATIONIBUS

TITULUS VIII.

I. Quid dilatio?

II. A quo dentur dilationes?

III. Triplex genus. Aliae a citatione ad litem contestationem.

IV. Aliae a litem contestatione ad sententiam.

V. Aliae definitoriae, vel executoriae.

VI. Dilationes quomodo dandae?

Extravag. Commun. h. t. Decretum 3. q. 2. 3. Pandectae lib. 2. tit. 12. Codex lib. 3. tit. 11.

§. I.

Lite contestata, datoque juramento calumniae solent litigatores inducias, seu dilationes petere, ut interim parare, et ordinare possint, quae sunt ad absolvendum iudicium necessaria. Actor eas postulat, ut probationes confirmet, reus, ut exceptiones paret: idque fit ab utroque non initio solum, sed etiam in progressu litis. Dilationem vocamus justum aliquod temporis intervallum, quod litigantibus conceditur ad aliquem judicialē actum commodius expediendum.

§. II. Dilationes vel a lege dantur, et hae quidem certa habent designata tempora (1), vel mutua definiuntur voluntate litigantium, vel a iudice conceduntur. Sed Jus Canonicum tribuendarum dilationum omne fere arbitrium iudici commisit (2). Quod non ita intelligendum est, quasi hoc arbitrium tam late pateat, ut eo iudex suo libitu uti, et abuti possit. Nam ut dilationes concedantur, justa causa opus est, eaque rite demonstrata, denegari non possunt. Hinc si forte aequo breviores, aut longiores datae sint, justa est appellandi causa (3); novaque etiam tribuenda dilatio est, cum quis juste, et legitime impeditus statuto tempore, quae ad sustinendum iudicium necessaria sunt, comparare, atque in jus venire non potuit (4).

(1) Sic a lego dantur dies decem ad appellandum post latam sententiam,

ne transeat in rem judicatum, *Cap. quoad consultationem 15. de senten. et re judic.* De dilationibus, quae legales dicuntur, propterea quod a lege dantur agitur in titulo Codicis *de dilationibus*.

(2) *Cap. 24. de offic. et potest delegat.*

(3) *Cap. 1. de dilation.* Vide etiam Concilium Tridentinum *sess. 25. cap. 10. in fin. de reform.*

(4) *Cap. ult. cod.*

§. III. Quemadmodum in judicio sunt partes tres, ita singulae suas habent dilationes. Hinc triplex earum genus distinguitur. Nam aliae dantur in prima judicii parte, videlicet a citatione ad litis contestationem, et hae vel citatoriae, vel deliberatoriae, vel recusatoriae, et declinatoriae sunt. Citatoriae dantur, ut reus in jus vocatus venire, et respondere libello actoris possit. Deliberatoriae conceduntur reo, ut deliberet, num subire judicium velit, an potius actori cedere; et hae quidem dandae non sunt actori, qui nonnisi paratus, ac bene instructus litem movere debet. Quin et reo denegandae sunt non solum quando ex literis citatoriis plane noscere rem omnem potuit, ac de consilio capiendi deliberare (1), sed etiam cum ea, quae in libello obscura sunt, et ambigua, per ea, quae sunt expressa, declarantur (2). Denique recusatoriae, seu declinatoriae dilationes pertinent ad omnes opponendas exceptiones dilatorias, seu declinatorias, antequam fiat litis contestatio (3); puta si reus suspectum judicem recusare velit (4); si impugnaret rescriptum, cujus gratia vocatus est ad judicem non competentem (5); si neget actorem legitimam habere personam standi in judicio (6); si auctori suo denunciare debeat de evictione litem (7). His dilationibus dandum est tempus idem, quod exceptionibus, de quibus alius erit agendi locus.

(1) *Cap. praeterea 2. de dilation.*

(2) *Cap. literae tuae 3. cod. tit.*

(3) *Cap. pastoralis 4. de except.*

(4) *L. apertissimi 16. Cod. de judic.*

(5) *L. si quando Cod. de dilation.*

(6) *Cap. exceptionem 12. de except.*

(7) *L. si quis 2. Cod. ubi in rem actio, L. emptor. 8. Cod. de eviction.*

§. IV. In parte altera judicii, videlicet a litis contestatione usque ad sententiam, dantur dilationes, quae probato-

riae dicuntur, propterea quod pertinent ad conquirendas, parandasque probationes, quibus indigent tam actor, tum reus, ut iudicium rite, recteque absolvatur. Has a iudice postulant litigatores; sed etiam cum necessariae, utilesque videntur, ab eo dantur ex officio, petente nemine. Spatium hanc dilationum ita lex moderata est, ut si ex eadem provincia, ubi lis agitur, conquirendae sint probationes, tres menses concedantur, sex, si ex aliena continenti, novem denique, si ex ultramarina provincia (1). Sed hodie res tota pendet ab arbitrio iudicis, qui tamen curare debet, ut aequa sit conditio actoris; et par utrique gratificatio (2). Probationum dilationes in causis civilibus, et pecuniariis semel dantur, nisi justa sit causa, propter quam iterandae sint (3).

(1) *L. quoniam* 1. et *L. ult. Cod. de dilatione*, *Novell. 59. cap. 2.*

(2) *Cap. cum inter*, ibique *Glossa verb. claudicare de exceptioni.*, *Cap. cum aeterni* 1. de *sentent. et re iudic. in 6.*

(3) *Auth. At qui semel Cod. de probat.*, *Novell. 90. cap. 4.*; *Cap. in causis* 15, ibique *Glossa verb. productionem de testib.*

§. V. Denique in tertia iudicii parte dilationes dantur vel ad causam definiendam, quae definitoriae dicuntur. ac bis, et tertio iterantur, nisi prima peremptoria sit (1); vel ad exequendam sententiam, atque ad praestandum id, quod ea decretum est, etque executoriae appellantur. Hae in actionibus personalibus impartiuntur, ac spatium continent quatuor mensium (2), quod tamen interdum iustis de causis a iudice contrahitur, ac prorogatur (3); in realibus autem executio fit a iure sine dilatione, nisi eam iudex tribuendam putet, cum reus, aut possessor negat rem se posse statim restituere, idque negat non dolose; et fallaciter, ac praeterea per fidejussores caveat, eam se daturum, vel ejus aestimationem (4).

(1) *L. 88. et seq. ff. de iudic.*, *arg. cap. consuluit* 24. de *offic. delegat.*

(2) *Cap. quaerenti* 26. de *offic. delegat.*, *Cap. quod ad* 15. de *sentent. et re iudic.*

(3) *Cap. 15. cit.*, *L. debitoribus* 31. *ff. de re iudic.*

(4) *§. uti in rem* 2. *Instit. de offic. iudic.*, *L. qui restituere* 66. *ff. de rei vindic.*

§. VI. Dilationum tempora iudicis officium conquirent. Et quia arbitarias tribuere dilationes actus est judicialis, ideo concedendae sunt a iudice pro tribunali sedente, causaque cognita (1). Porro ut prima detur probatoria dilatio, satis est modica, et levis causae cognitio; sed ut altera, quaeque alteram sequuntur, dilationes tribuantur, noscenda sunt omnia diligenter, et quod postulans dilationem proponit momentum, demonstrandum est per testes, vel saltem per iuramentum, cum non alia suppetit illius comprobatio. In dilationibus, quae a lege dantur, nulla causae cognitione opus est. Denique uni litiganti concessa dilatio, alteri etiam prodest, ita ut ejus beneficio, illo invito, sese abdicare quis nequeat (2); atque in ejus tempore aestimando feriae sive septimae, sive solennes sint, non excipiuntur, sed praefinitis dilationis temporibus connumerantur (3).

(1) *Can. ult. caus. 3. q. 3.*

(2) *L. petendae 6. in fin. Cod. de tempor. in integr. restitut.*

(3) *L. sive pars 3. Cod. de dilation.*

DE FERIIS

TITULUS IX.

I. Feriae quae sint ?

II. Earum ordo.

III. Feriae civiles, et ecclesiasticae.

IV. Quae sit earum vis, et ratio ?

V. Vetiti his diebus actus judiciales, et velita opera servilia.

VI. Dies festi Christianorum.

VII. Hi vel mobiles, vel immobiles.

VIII. ad XII. Dies celebrandi Paschatis, de eoque antiquae controversiae.

XIII. Dies festi in universa Ecclesia et in Ecclesiis particularibus.

XIV. Summus Pontifex constituit, et diminuit dies festos.

Decretum 15. q. 4. et c. 1. de consecr. dist. 3., Pandectae lib. 2. tit. 12., Codex lib. 3. tit. 12.

§. I.

Feriae (1) ad dilationes referuntur, ideoque in Pandectis eodem titulo agitur de feriis, et dilationibus; sed Raymundus sequutus est ordinem Codicis, in quo post titulum de dilationibus exhibetur titulus de feriis. *Feriarum, sextarumque dierum ratio*, inquit Cicero (2), *in liberis requiem habet litium, et iurgiorum, in servis operum, et laborum*. Feriae igitur sunt dies, in quibus vacare oportet ab omnibus negociis, litibus, et iurgiis, atque ab omni opere servili, quaeque, feriati, aut feriatici dies vocantur (3), et quibus *communes* dies opponuntur (4). Hoc ipso feriarum nomine vocantur dies *omnes* hebdomadae, non quod omnes feriati esse debeant, sed quod eorum primus, unde hebdomada orditur, feria est (5). Reliqui, qui sequuntur, dies ab hoc ipso nomen accipiunt, et numeris distinguuntur, hoc est secunda feria, quae proxime sequitur initium hebdomadae, tertia; quarta, et sic deinceps (6).

(1) S. Isidorus Hispalensis *etymolog. lib. 5. opp. tom. 3. pag. 221. edit. Romae 1797.* » a fando autem, inquit, feriae nuncupatae sunt, quod » in eis nobis sit tempus dictionis, id est in divino, vel humano officio fari. » Alias hujus nominis etymologias vido apud Cl. Argyrum in not.

(2) Cicero *de legibus* lib. 2. num. 12. *opp. tom. 3. pag. 203. edit. Olivet. Geneva 1744.*

(3) Ulpianus in *L. 2. ff. de feriis.*

(4) *L. 2. Cod. de stat. et imagin.*

(5) Sic Beda *de tempor. ration. cap. 6. opp. tom. 2. pag. 55. ed. Colon. Agrippin. 1612.* » Non quod omnes, inquit, sabbathorum, hoc est requie-
tionum dies esse potuerint, sed quod a requietionum die, quae suo nomi-
ne, et cultu singularis excellebat, prima, vel secunda, vel tertia, vel cae-
terae: unoquoque censerentur ex ordine.

(6) S. Augustinus *enarrat. in psalm. 93. num. 3. opp. tom. 4. col. 1000. ed. cit.* » Nos ergo, inquit, secundum quod loquimur, quartis Sabbathorum quartus
dies intelligitur a die domicalo, » et in *psalm. 159. col. 1693.* » In illo enim
» (in veteri testamento) observatur, inquit, sabbatum, quod significat quietem,
» in isto (in novo testamento) Dominicus dies, qui significat resurrectionem, Sab-
batum autem est dies septimus: Dominicus vero post septimum, quid nisi octa-
vus, idem qui primus habendus est? Ipse enim dicitur etiam ipse Sabbati,
» ut deinde sit secunda, tertia, quarta, et princeps usque ad septimum
» Sabbatum. A Dominico autem usque ad Dominicum octavus est dies. »

§. II. Cum enim veteres Christiani laterculum septem die-
rum ab Hebraeis acceperint, dies quoque hebdomadae, ut hi,
a Sabbatho nominabant; et dicebant primam Sabbati, secun-
dam, ac tertiam Sabbati, ordine, quo unusquisque dies fe-
riam sequebatur, hoc est Sabbatum, quod erat hebdomadae
initium (1). Interdum et ferias vocabant reliquos post Sab-
batum hebdomadae dies (2). Ex quo facile intelligitur, cur
Christiani dies hebdomadae ferias appellaverint. Feria enim,
idem est ac Sabbatum. Itaque ut Judaei primam, secundam,
tertiam Sabbati, et sic deinceps usque ad septimum diem,
quem Sabbatum vocabant, ita Christiani primam, secundam,
ac tertiam feriam nominarunt, hoc unum mutantes, quod non
Sabbato feriam instituerunt, ut Judaei, sed prima die post
Sabbatum, quem et Dominicam appellant (3).

(1) Tertullianus *de jejun. cap. 14. pag. 352. edit. Venet. 1744. Cur
rationibus, inquit, quoriam, et sextam Sabbati dicamus.*

(2) Tertullianus *loc. cit. cap. 2. pag. 543. Proinde nec stationem,
inquit, quae et ipsae suos quidem dies habebant quartae feriae, et sextae.
Ex quo patet minus vere scripsisse Innocentium Cironium paratit. in quinq.
libros Hieronymum Gregorii IX. lib. 2. tit. 9. §. 5. pag. 147. ed. l'indobone
1761,* quod et ego ejus auctoritate scripsi in *Instit. lib. 3. tit.
10. tom. 3. vol. 1. pag. 141. edit. Romae 1792.* primum paschalis heb-
domadae dictum feriarum nomen fuisse attributum. Similiter ex hoc ipso Ter-
tulliani loco manifestum est, errasse Bedam *loc. cit.*, cum scriptum reliquit,
quod *ferias habere clerum prius Papa Sylvester edocuit*, cum feriae
multo antiquiores sint, jamque essent Tertulliani aetate usitatae. Confer Va-
lerium in *Eusebium de marty. Palaestina, cap. 2. pag. 358. edit. Taurin.
1746*, et Du-Congium *glossar. med., et infim. latinis. verb. feria.*

Tom. III.

L

§. III. Jamvero ex feriis quaedam sunt, quae civiles, quaedam, quae ecclesiasticae appellantur; hoc est quaedam hominum, quaedam Religionis causa sunt institutae. Illae variae sunt pro more, et legibus populorum, praecipuae tamen pertinent ad commodum messium, et vindemiarum (1); hae sunt *dies devotionum, et orationum* (2), seu festi dies, quibus rebus Religionis operam dare oportet, neque fas est servilia opera exercere.

(1) Harum feriarum mentio est apud Statium Silv. lib. 4. vers. 39. seq. pag. 198. edit. Lugdun. Batavor. 1671.

Certe jam Latiae non miscent iurgia leges.,

Et pacem piger annus habet, messesque reversae
Dimisere forum.

A. Gellium Noct. Attic. lib. 9. cap. 15. pag. 498; edit. Lugdun. Batavae 1666. Plinium lib. 8. ep. 21. pag. 21. pag. 212. edit. Oxonii 1703., Ulpianum L. 1. 2. 3. ff. de feriis in L. 2. et 7. Cod. eod. can. 2. caus. 15. qu. 4. S. Augustinum confess. lib. 9. cap. 2. opp. tom. 1. col. 157. edit. cit. In L. 2. Cod. Theodor. de feriis, omnes dies iuridici esse iubentur, exceptis mensibus messium, et vindemiarum, Kalendis Januariis, natalibus Urbium maximarum Romae, et Constantinopolis, natalibus Imperatorum, ne diebus, quibus imperium auspiciati fuerant, quindecim diebus Paschaliibus, qui et ecclesiastica, et civili lege feriati erant, et omnibus diebus Solis per integrum annum. Multa de feriis tum civilibus, tum ecclesiasticis habent Binghamus antiquit. eccles. lib. 20. cap. 2. seq. tom. 9. pag. 1. et seq. edit. Halar Magdeburg. 1760., Gothofredus in cit. L. 2., Cod. Theodor. de feriis tom. 1. pag. 140. seq. edit. Lipsiae 1736., et Selvagiur antiqu. Christian. lib. 2. par. 2. cap. 4. §. 2. pag. 228.

(2) Sic hi dies vocantur in L. ult. Cod. Theod. de naviclis.

§. IV. Justum enim est, ac rationi consentaneum, quod certos habeamus dies, quos integros Deo, et Religionis tribuamus; atque haec est, quae dicitur festorum sanctificatio, quae in eo est posita, ut ceteris amotis curis, et studiis non tantum sacrosancto Missae sacrificio praesentes simus, sed etiam diem in divinis laudibus, in precibus, in ceteris religionis officiis transigamus (1). Porro si ipse jussisset, nos quotidie Religionis cultum sibi tribuere, nonne pro innumeris, quibus ab eo cumulati sumus, beneficiis, omni ope, et opera eniti nos oporteret, ut ei prompto, alacrique animo pareremus? Nunc vero paucis ad ejus cultum institutis diebus, non socordes, et negligentes esse nos decet in hoc officio persolvendo, quod sine gravissima culpa praetermittere non possumus (2).

- (1) Catechismus Romanus *par. 3. praecept. 3. cap. 4. §. 25.*
 (2) Catechismus Romanus *loc. cit. §. 26.*

§. V. Jure civili judiciales actus festis diebus fieri non possunt (1), nisi litigantes sua sponte ad iudicium veniant (2); sed jure canonico, ne ipsis quidem litigantibus consentientibus eisdem actus expedire licet (3), et quidquid est actum nullius momenti est (4). Vetita sunt etiam iisdem diebus cuncta opera, quae servilia dicuntur, quod apud Romanos a servis praesertim gerebantur (5), nisi urgeat necessitas (6), veluti si fruges ingenti periculo obnoxiae sint, aut praelara sit occasio piscandi, quae alio die haberi non possit, quia tunc Episcopus metendi, et piscandi tribuit facultatem (7); et vetiti mercatores rerum venalium, quamquam nundinae longo usu receptae cum certis legibus tolerentur (8).

- (1) *L. 2. Cod. de feriis.*

- (2) *L. 8. Cod. eod.*

(3) *Cap. ult. de feriis.* Sed ob stare videtur *Cap. 6. de dot., et consuetudine*, ubi habentur haec: » Ipsi mandavimus ut usque ad Dominicam . . . per se, vel procuratorem . . . ad praesentiam nostram accederet, » itemque *Cap. 15. de accusat.*, ubi scriptum est: » Episcopum ad festum » Dominicæ preceptoris nos meminimus citavisse. » Has Decretales aliqui ita explicant agentes usque ad, et ad ideum esse quod *infra*, ut in *Cap. 9. de fid. instrum.* Sed aliud ex *cit. cap. 6.* non obscure deprehenditur, ut proinde alia eorum decretalium sententia sit. Scilicet utroque loco reus citatus fuerat jussu Summi Pontificis, qui derogaverat legi, quae festis diebus judicia exerceri vetat. Ceterum discretissimo Gregorius IX. in *cit. Cap. ult. de feriis* debere inquit *iudicalem strepitum diebus conquirere feriatis*, idemque jam erat ante Gregorium IX. jure canonico constitutum. Nam Concilio Compendiensi, quod descriptum est in *Cap. 1. de feriis, in eis*, inquit de Dominicis diebus, *mercatus minime fiat, neque placitum*, hoc est iudicium, quo sensu illud vocabulum saepe usurpatur in Capitularibus Regum Francorum, in legibus Ripuariorum, Longobardorum, aliarumque gentium, unde ortum est verbum *placitare*, nimirum iudicio contendere. Idem habet Concilium Triburiense *an. 1122. can. 35. tom. 11. Concil. col. 617.*, et Aquigranense II. *can. 18. tom. 9. col. 840.* Quod autem addit Gregorius, *iudiciales actus festis diebus gestos plane irritos esse*, id forte ante ipsam pullo canone expresse statutum fuerat, quamquam id esset nominatim sancitum a jure civili in *L. 2. Cod. de feriis*. Sed quoad dies festos Gregorius jura civile emendavit, quoniam ne cum consensu quidam litigatorum iis diebus judiciales agens fieri permisit.

- (4) *L. 2. et 3. Cod. de feriis, Cap. 1. et 5. de feriis.*

(5) Opera servilia, quae diebus festis expedire nefas est, numerat Lucius Ferrarius *Biblioth. canon. verb. Festa num. 12. et seq.* Vide etiam Benedictum XIV. *Instit. 44. et 65.*

(6) Virgilius *Georgic. lib. 1. ver. 268. p. 261. edit. Lugdun. Batav. 1690.* scribit haec

*Quippe etiam festis quardam exercere debent
Feri et iura sinunt.*

Quae latius explicat Columella *de re rustic. lib. 3. cap. 3.*, quod tamen diebus dominicis non est passus Leo Imperator *novell. 54.* Cānones temperamentum addiderunt, nisi propter inopiam, vel aliam aliquam necessitatem otari non possint, *ἐἴτε δι' ἄλλο γένηται si possunt otari*, inquit Concilium Laodicenum *can. 29.* apud Beveregium *pandect. canon. tom. 1 pag. 465. edit. Oxonii 1672.* qui latus est contra superstitionem Hebraeorum, qui Sabbato ita otabantur, ut nec operari, nec etiam divinis canticis vacare auderent; ait Balsamon *loc. cit.*, idem Dominum interficere volebant, quia solvebat Sabbatum, eaque die sanabat aegrotos *Joán. capi 5. v. 16.* Hujus Sabbati exemplo etiam annus sabbaticus institutus fuit *Levit. cap. 25. v. 4.*, quo ab omni agrorum cultura septimo quaque anno cessare oportebat, et haec cessatio Semitah, hoc est *quies et cessatio* vocabatur. Et huc referuntur celebres septuaginta hebdomadae Danielis, quae titidem sabbaticum annum comprehendunt.

(7) *Cap. 3. de feriis*, Catherbianus Romanus *par. 2. proec. 3. cap. 4. §. 23.* Vide etiam Benedictum XIV. *Constit. ab eo tempore 144 §. 26, et 27. tom. 1. ejus Bullar. edit. Romae sen. Venet. 1734, et cit. Instit. 65.* Felicio S. Caroli Borromaei etiam spectacula, ac publici ludj interdicuntur, de quo edicto vide ipsum Benedictum XIV. *de synod. dioces. lib. 11. cap. 1. num. 7.*

(8) Consule Benedictum XIV. *cit. Constit. 144.*

§. VI. Omnes sane gentes habuere dies festos, quibus suos Deus honore prosequerantur, et in quibus magnam religiosi cultus partem constituebant. Sed eorum, qui Denu vivum, ac verum cultum, et venerantur, vera sunt festa; reliqua hoc nomine appellantur, sed revera hominum figmenta sunt, neque ulla ratione divino cultui consentanea (1), et colluctio scelerum, ac vitiorum. Jam inde ab Apostolorum aetate apud Christianos instituti, et acti sunt dies festi. Antiquitate ceteros vincunt omnes dies Dominici (2), Pascha, Ascensio (3), Pentecostes (4). Postmodum alii quoque accesserunt, videlicet Natalis Christi Servatoris (5), Circumcisio (6), Epiphania (7), solemnitates B. Mariae Virginis (8), Apostolorum (9), Martyrum (10), Confessorum, Virginum, Viduarum, ceterae (11).

(1) Consule Origenem *contr. Cels. lib. 8. num. 20. et 21. pag. 758 opp. tom. 1. edit Paris. 1733.*, et S. Augustinum *in psalm 41. num. 9. opp. tom. 5. col. 427. et de cathech. rud. cap. 25. tom. 11. col. 692. edit. cit.*

(2) Ab ipsa Ecclesiae primordiis locum Sabbathi solemnem fuisse diem Dominicum, ostendant non modo omnes ecclesiastici Scriptores, sed etiam Apostoli Aetui Apostoli. *cap. XVII. v. 13. et cap. XX. v. 7. Matthaei cap. XXVIII. v. 1. Marcus cap. 16. v. 1. et seq. Lucas cap. XXIV. v.*

1. Videndi Innocentius I. ep. 25. ad *Decentium* apud Constantium ep. Roman. Pontif. col. 860., Baronius *annal. eccles. ad an. 58 num. 81. et 88. tom. 1. pag. 519. seqq. edit. Lucac 1738.*, et Grotius in *Juan. cap. 20. num. 26. opp. theol. tom. 2. pag. 570. edit. Basil. 1732.*, et in *act. Apostol. cap. 20. num. 7. pag. 641.* Hujus autem celebritatis SS. Patres plures afferunt rationes ex mirabilibus pietatis operibus, quae a Christo Domino ea die peracta sunt, *Solis autem die* (scilicet dominico, quo nomen saepe hic dies appellatur, ut in Codice Theodosiano L. 1. et 2. de feriis) inquit Justinus Martyr. *apolog. 1. pro Christian. num. 67. pag. 84. edit. Maurin. Paris. 1742.* » omnes simul convenimus, tum quia prima » haec dies est, qua Deus tenebras, et materiam vertisset, mundum crea- » vit, tum quia Jesus Christus Salvator noster eadem die ex mortuis recur- » rexit. » Vide etiam Ambrosium enarrat. in psalm. 47. num. 1. *upp. tom. 2. col. 280. edit. Maurin. Fenet. 1748.* Augustinum *serm. 169. opp. tom. 7. cap. 2. col. 809. edit. Maurin. Fenet. 1762.*, Leonem M. ep. 9. *cap. 1. opp. tom. 1. col. 630. et ep. 15. cap. 4. col. 699. ed. cit.*, aliosque passim. Quomodo autem Christiani Dominicum diem celebrarent, egregie declarat Plinius ep. 97. ad Trajanum *Inno. lib. 10.* » Soliti sunt statim die » (quem diem dominicum esse ostendit Bucheras in not.) ante lucem con- » venire, carneumque Christo, . . . dicere secum invicem : seque sacramen- » tum non in aelus aliquod obstringere, sed ne furta, ne latrocinia, ne » adulteria committerent, ne fidem fallerent, ne depositum appellati aboe- » garent : quibus peractis mos eis discedendi fuit, rursusque coeundi ad » capiendum cibum promiscuum tamen, et innoxium « Ceterum diei Domini- » nici sollemnitas loco Sabbati haud ita instituta est, ut Christiani non etiam Sabbato suos agerent conventus, et orationi vacarent non more Judaeorum, qui totam diei festivitatem in cessatione a labore ponebant, sed multo multo sublimiore, et Servatoris doctrinae digniore. Non amplius igitur sabbatizamus, inquit S. Ignatius M. ep. ad Magnesianos num. 9., apud Cotelerium PP. *Apostol. tom. 2. pag. 59. edit. Antwerp. 1698.*, Judaico more, ac feriis » gaudentes : qui enim non operatur non manducet ; in sudore enim vultus tui » edes panem tuum, ajunt eloquia ; sed unusquisque vestrum sabbatizet spiri- » tualiter, meditatione legis gaudens, non corporis remissione, opificium Dei » admirans, non pridiana comedens, et tepida bibens, et ad praescripta spa- » tia obambulans, et saltationibus, plausibusque insanis oblectans se. » Vide etiam Justinum M. *dial. contra Tryphonem num. 12. pag. 112. et num. 29. pag. 127. edit. Maurin. Paris 1742.* Tertullianum ad Judaeos *cap. 4. pag. 186. edit. Fenet. 1744.*, Concilium Laodiceum *can. 29. tom. 1. Concil. col. lxxi. Labbaei col. 1546. edit. Coleti.*

(3) Auctor *Apostol. Constit. lib. 8. cap. 33.* apud Cotelerium PP. *Apostol. tom. 1. pag. 415.* Ascensio sit dies feriatus, inquit, propter finitam tunc aeconomiam Christi. Vide etiam Chrysostomum *homil. de ascens. opp. t. 2. p. 447. edit. Fenet. 1734.*, et Augustinum ep. 54. ad in- quisit. *Januar. opp. tom. 2. col. 164. et serm. 221. seqq. col. 1065. seqq. tom. 8.*

(4) S. Irenaeus in *lib. de Paschate inier fragm. tractat. deperd. opp. tom. 1. pag. 342. ed. Fenet. 1734.* consuetudinem non flectendi genus die Dominico, et Pentecoste ab Apostolis repeti. Vide etiam Tertullianum de idolol- tr. *cap. 14. pag. 94. edit. Fenet. 1744.*, Origenem *contr. Cels. lib. 8. num. 22. opp. tom. 1. pag. 758. edit. Paris. 1733.*, Constitutiones *Apostol. loc. cit.*, Concilium Eliberitanum *can. 43. concil. tom. 1. col. 997. collect. Labbaei. Basiliun de Spiritu S. cap. 27. num. 66. opp. tom. 3. pag. 56. edit. Maurin.*

Paris 1721. . Ambrosii *in Evang. sec. Lucam lib. 8. num. 25. opp. tom. 2. vol. 1076. edit. Maurin. Venet. 1748.* Quodcumque autem festivitates dierum Abomineorum. Paschatis, Ascensionis, Pentecostis ab Apostolis celebratas tradidit Augustinus *ep. 51. cap. 4. opp. tom. 2. col. 124. edit. Venet. 1756.* . tamēn Acceptum Domini nūm uno, et eodem hūique ritu, sicuti observatur Pascha, et Pentecostes, observatam fuisse, tenet Martenius *de antiq. Eccles. rit. lib. 4. cap. 28. §. 1. tom. 3. pag. 192. edit. Venet. 1764.*

5. Certo statui non posse videri, quod etiam diem festum Natalis Christi Apostoli instituerint; et vero Augustinus, uti nunc demonstratum est, eum memorat dies festos ab Apostolis constitutos, nullam hujus diei mentionem facit. Prima ejusdem diei diseria mentio a multis refertur ad exitum saeculi III. . hoc est ad statum Diocletiani Imperatoris, quem Nicephorus *Histor. lib. 8. cap. 7. pag. 345. edit. Paris. 1620.* narrat ingentem Christianorum multitudinem natalem Christi noctu celebrantem igne injecto combussisse. Hoc certum est, in Considente ab antiquissimis inde temporibus festum hunc diem celebrari consuevisse. Testatur id Chrysostomus *Hom. in diem Natal. Christ. tom. 1. num. 1. p. 355. edit. Venet. 1734.* inquirens, quod hic dies jam inde a primordio ab ipsa Thracia Gules usque incolentibus manifestus, et celebris fuit. Memorans etiam hanc solemnitatem tamquam ubique receptam, et jamdiu pervulgatam Augustinus *ep. 55. cap. 4. opp. tom. 2. col. 169. et serm. 51. et 287. tom. 7. col. 282. et 152. edit. Maurin. Venet. 1756.* . Paulinus Nolanus *poem. 26. vers. 45. seqq. pag. 623. edit. Feron. 1736.* . Constitutiones Apostolicae *lib. 8. tit. 33. tom. 1. PP. Apostol. pag. 415. edit. Antwerp. 1698.* . In Orientali quaque Ecclesia hanc solemnitatem antiquissimam fuisse cupiat, sed pars quidam ejusdem Ecclesiae per tria, aut quatuor priora saecula natalem Christi celebrare consuevit eo ipso die, qui hodie dicitur Epiphania, hoc est VI. mensis Januarii, quod Christi manifestatio significatur. Latini vero semper distinctas habuerunt solemnitates Natalem Christi, et Epiphaniam, et illam saepe, uti nunc fit, die 25. Decembris celebrarunt. Calendarium Bucherianum, quod anno 354 scriptum fuisse viri eruditi sentiunt, ab hoc festo initium ducit *FII. Kalen. das Januarii: natus Christus in Bethleem Judaeae*; eundem diem videntur Proterius Silivius, et Auctor Calendarii Carthaginiensis, uterque proximus eorum temporum: eundem quoque Constitutiones Apostolicae *lib. 5. cap. 13.* apud Gortelerium *PP. Apostol. tom. 1. pag. 312. edit. Antwerp. citat.* et Augustinus *de trinit. lib. 4. cap. 5. opp. tom. 11. col. 80. edit. cit. et serm. 287. in Natal. S. Jo. Baptista cap. 2. tom. 8. col. 1152.* Deum quarto Saeculo Orientales Latine Ecclesiae consuetudinem acceperunt, duasque distinctas fecere solemnitates Natalem Christi, atque Epiphaniam, et hanc quidem die VI. Januarii, illam vero die XXV. Decembris Latinorum more celebrarunt. Certe sentie Gregorius Nazianzenus, quae incidit in IV. saeculum. duae erant distinctae solemnitates, Natalis Christi, et Epiphaniae, quod manifestum est ex ejus *orat. 39. in Epiphania. opp. tom. 1. pag. 632. edit. Coloniae 1690.* . et Joannes Chrysostomus, qui qu. 386., primo scilicet anno sui Sacerdotii ipse die 25. Decembris in Antiochena Ecclesia orationem habuit, quae est *Homil. 36. in Natal. Christ. opp. tom. 2. pag. 374. edit. Venet. 1734.* . vandum, inquit, decimus annus est, ex quo hic dies manifeste vobis innotuit, et ab exordio istis, qui in Occidente habitant; cognitus. Profectam deinde a Romanis eam disciplinam dicit, quam ipsos ex veteri traditione multo ante servasse affirmat. Ex quo patet, in Ecclesiis Antiochenae Patriarchae subiectis ante annum 376. viguisse consuetudinem celebrandi eodem die Epiphaniam, et Nativitatem, et circa hunc eundem annum alteram ab altera solemnitatem fuisse discretam, ac tum primum die 25. Decembris solemnitatem Nativitatis fuisse celebratam. Confer Baronium

app. ad annal. circ. fn. num. 23. pag. 475. edit. Lacae, Florentinum in vetustissimo suo martyrologio exerc. 2. pag. 195. seqq., Cotelerium u. d. in *Constit. Apostol. lib. 5. cap. 13. tom. 1. PP. Apostol. pag. 312. edit. Antuerp. citat.*, Honoratam a S. Maria animadu. in regul. et us. critic. lib. 3. dissert. 2. tom. 2. pag. 96. seqq. edit. Venet. 1751., Binghamum origin. eccl. lib. 20. cap. 4. pag. 66. tom. 9. edit. Halae Magdeburg. 1760., Tillæ montium *Histoir. ecclesiast. not. 4. tom. 1. p. 418. edit. Venet. 1732.* Tanta autem erat ejus diei solemnitas, in vetitum exet. prajanum, sicut in diebus Dominicis S. Leo M. ep. 15. ad Turribium cap. 4. tom. 1. col. 699. edit. Fr. Hutterii. Venet. 1753. Concilium Braecense II. can. 4. tom. 6. Concil. Labbaei col. 518., et vetita opera servilia Auctor *Constitut. Apostol. lib. 8. cap. 33. tom. 1. pag. 415. edit. cit.*; et vetitum ejus solemnitatem in villa celebrare, nisi quem aliud facere infirmitas egeret, Concilium Aurelianense I. can. 25. tom. 7. Concil. col. 547.; et clerici ex die gravibus constitutis poenis a suis Ecclesiis abesse prohiberentur, Concilium Agathense can. 64. d. tom. 5. col. 531., laici vero suos Episcopus communionis, ac benedictionis gratia convenire joberentur, Concilium Agathense can. 63. loc. cit., Aurelianense I. can. 25. col. 547., et Eponense can. 35. col. 716. d. tom. 3.

(6) Vetustissimum esse in Ecclesia Circumcisionis festum constat, ejusque mentio est VI. saeculo in Concilio Toronensi II. can. 17. tom. 6. Concil. col. 539.; sed quo primùm tempore expresso circumcisiōis nomine dies octavae natiuitatis Domini celebrari coeperit, non satis exploratum est. Ea de re late disputant Honoratus a S. Maria animadu. ad art. critic. lib. 3. dissert. 3. artic. 1. et 2. tom. 2. pag. 101. seqq. edit. Venet. citat., Pellicier de Christian. Eccles. polit. lib. 4. cap. 2. §. 1. sect. 2. tom. 2. pag. 58. edit. Bossueti 1782., Selvagius antiq. Christian. lib. 2. par. 2. cap. 5. §. 2. pag. 245. edit. Patavii 1780., Mozech us in *Kalendar. Eccl. Neapol. ad diem 1. Januar. tom. 1. pag. 1. seqq. edit. Neapol. 1744.* Card. Thomasius *sacram. Rom. Eccles. opp. tom. 6. pag. 9. edit. Romae 1754.*

(7) Epiphania proprie *apparitio* est, eoque vocabulo, ut ostendit Honoratus a S. Maria animadu. in regul. et us. critic. lib. 2. dissert. 1. tom. 2. pag. 106. edit. cit., etiam ethnici Scriptores usi sunt, ut indicarent inusitatum eventum, quo suos Deus se hominibus ostendisse existimante Ecclesia huic vocabulo veram dedit significationem, cum tribuit manifestationi, et praesentiae Dei, qui humanam carnem suscepit, ut inter homines versaretur. Qui separatim a natiuitate Epiphaniam celebrabant, si pluribus de causis id faciebant; nimirum propter Christi baptismum, et stellam, quae apparuit, migrosque ex Oriente duxit ad adorandum Salvatorem, propter miraculum patratum in Cana Galilaeae, cum aquam in vinum converterit, ac propter aliud miraculum, quando quinque hominum millia quinque panibus saturavit. Cuncta haec passim membrant Patres, quorum testimonia collegerunt Honoratus a S. Maria loc. cit. et Binghamus origin. eccl. lib. 20. cap. 4. tom. 9. §. 6. pag. 79. seqq., S. Maximus Taurinensis *Homil. 23. pag. 66. edit. Romae 1784.* tria membra acta ex die, et annua solemnitate celebrata. "Fecerunt hodie," inquit, "Christum Dominum nostrum vel stellam duce a gentibus adoratum, vel invitatum ad nuptias aquam in vinum vertisse, vel susceptu a Joanne Baptismo consecratus, effusa Jordanis, suumque simul purificasse Baptismum; sed quid potius illius hoc praesenti factum sit die, noverit qui fecit."

(8) Multa sunt festa B. Virginis Mariae, sed non omnia eodem tempore sunt instituta. De singulis agant Bollandus *ad diem 2. Februar. pag.*

288. *seqq. edit. Antwerp.*, ceterisque locis, in quibus haec festa singillatim explicantur; Binghamus *origin. eccles. lib. 20. cap. 8. 3. 4. et 5. tom. 9. pag. 170. seqq. edit. Halae Magdeburg. cit.*, Bailetus *in vit. SS. Benedic. XIV. de festis tot. lib. 2. opp. tom. 9. pag. 162. seqq. edit. Fenet. 1768.* Festa haec serius originem habuisse, multi existimant, sed aliud ostendit Sebastianus Paulus *in not. ad S. Petram Chrysologus serm. 140. pag. 208. edit. August. Finkelie. 1758.*

(9) Apostolorum festa a vetustissimis inde temporibus in Ecclesia celebrari consuevisse certum est, eo praesertim nomine, quod pro Christo martyrium pertulissent Auctor Constitutionum Apostolicarum *lib. 8. cap. 33. apud Cotelerium PP. Apostol. tom. 1. pag. 415. edit. Antwerp. citat.* « in Apostolorum, inquit, diebus opus non faciunt; doctores enim » veare fuerunt in Christo, vosque spiritu donarunt. » Ea de re lex quodque erat Valentiniadi, quae descripta est In Codice Theodosiano *lib. 2. tit. 8. L. 2. Constantinus M. Constantinopoli ingens templum Apostolorum memoriarum dictam aedificavit, uti narrat Eusebius in vit. Constantini. lib. 3. cap. 58. pag. 596. edit. Taurin.*, et Hieronymus cum puer Romae esset, et liberalibus studiis erudiretur, cum ceteris ejusdem aetatis, et propositi diebus Dominicis sepulchra Apostolorum, et Martyrum circuire solitum fuisse, testatur in Ezechiel *lib. 12. cap. 46. opp. tom. 5. col. 468. edit. Peron. cit.*

(10) Martyrum sollemnitates antiquissimae in Ecclesia sunt, et festa Apostolorum, uti paulo ante diximus, celebrata sunt passim, quod ipsi pro Christo martem oppetiissent Ignatii Martyris annua sollemnitates immemoratur in ejus actis, quae identissimis quibusdam conjecturis reprobat Bagnagus, sed quae vera habentur ab Usseio, Dodwello, Ruinartio, Baileto, Fleuryo, Tillemontio. Pauli post Ignatium, eodemque II. saeculo martyrium passus est Polycarpus, et ejus quoque memoria festive celebratur, ut ostendit Smyrnenensis epistola apud Eusebium *hist. eccles. lib. 4. cap. 15. pag. 138. edit. cit.* Memoratur etiam haec Martyrum sollemnitates Tertullianus *de coron. cap. 3. pag. 102.*, S. Cyprianus *ep. 12. pag. 188.*, et *ep. 39. pag. 223.*, qui cleri suo mandat, ut diligenter notetur dies, quo Martyres ex hac vita migrant, siquae significetur, ut, inquit, *celebrentur hic a vobis oblationes, et sacrificia ob commemorationes eorum.* S. Basiliius *ep. 95. tom. 3. opp. col. 189.*, et *ep. 176. col. 263.*, S. Augustinus *de Civit. Dei lib. 8. cap. 27. num. 1. col. 217. tom. 7.*, et *cont. Faustum Manichaeum lib. 20. cap. 21. tom. 8. col. 346.*, ubi refutat Manichaeorum calumnias, qui falso accusabant Catholicos, quod mortuos adorarent. Sigismundus Burgundiae Regem in memoriam Martyrum Legionis Thebae Basilicam, et monasterium Monachorum assidue psallentium aedificasse, scribit Gregorius Turonensis *histor. Franc. lib. 3. cap. 5. col. 108. et de glor. marty. lib. 1. cap. 75. col. 805. edit. Paris. 1699.*, neque hic Martyribus extant carmina Venantii Fortunati *lib. 2. cap. 18. pag. 62. edit. Romae 1786.* In his Martyrum sollemnitatibus legebatur eorum passionum, quorum dies festus agebatur Concilium Carthaginense III. *cap. 47. tom. 2. concil. col. 1409.*, atque haec forte ea de causa dictae sunt legendae, quod publice in Ecclesia legerentur.

(11) Citius martyribus, serius autem confessoribus, omnibus scilicet, qui vitae sanctitate contulerant, nec tamen martyrium pertulerant, publicum ab Ecclesia cultus tributus fuit; atque haec causa est, propter quam in canone Missae soli martyres, non item confessores nominantur, quod observant Innocentius III. *Myster. Missae lib. 3. cap. 10.*, et Mycrolagus *lib.*

de *Eccles. observ. cap. 43.* Jacobus Laderebius edito ab se libro demonstrare conatus est, SS. Confessorum, ac mulierum cultum a prima usque aetate perpetuum in Ecclesia catholica fuisse. Equidem non inficior, ab ipsis Ecclesiae primordiis privatum cultum fuisse tributum SS. Patriarchis, Prophetis, Confessoribus, Virginibus, ac Viduis, cum Catholica Ecclesia id semper certum habuerit, non solum martyres, sed etiam ceteros, quorum insignis fuit in Deum pietas, aeternam gloriam consequi, eosque etiam colendos, et invocandos esse; atque haec Patrum omnium sententia semper fuit. Sed publicus, de quo hic tantum loquimur, cultus serius tributus est Confessoribus; et hic porro IV. saeculo non videtur antiquior. Nam hac aetate floruerunt Hilarius, Antonius, duo Macarii, Paphnutius, ceteri confessores, quorum Sozomenus *Histor. Eccles. lib. 3. cap. 14. pag. 102. edit. Valosii Taurin. cit.* a Palaestina celebratam fuisse solemnitatem tradit. Hieronymus quoque in *vit. Hilarii cap. 30. opp. tom. 2. par. 1. num. 30. col. 31. edit. Vallarsii Veron. 1734.* narrat Hilarium IV. saeculo celebrasse diem anniversarium mortis S. Antonii. Primus ut videtur, in Occidente ex confessoribus publicum cultum obtinere coepit S. Martinus Turo-nensis, qui obiit an. 402., atque hunc cultum probavit Concilium Turo-nense II. *can. 1. tom. 6. Concil. Labbaei col. 535., et Matisconense I. can. 9. col. 660.*, eique S. Benedictus in Monte Casio monasterium aedificavit. Consequenti aetate, valde actus, propagatusque est cultus confessorum; ac merito Synodus Atrabatensis *cap. 15. tom. 11. Concil. col. 1179.* damnavit haereticos agentes, solis Apostolis et martyribus venerationem ab Ecclesia esse impendendam. Consule Cardinalem Bonam *rer. liturgie. lib. 1. cap. 15. §. 2., ibique Salam in not. num. 5. tom. 1. pag. 304. seq. edit. Taurin. 1747.*, Mabillonium *praefat. in saec. V. Benedict. num. 93. et 97. pag. XLVI., et XLIX. edit. Venet.*, Cardinalem Thomassium *praefat. ad Cod. sacram. Eccles. Roman. num. 5., et ipsius Thomassii vindicias Panormi editas an. 1723., praesertim cap. 4. pag. 52., et seqq.*, Cardinalem Bellarminum *de Missa lib. 6. cap. 8. §. tertio objecto opp. tom. 3. pag. 429. edit. Venet. 1721.*, Joannem Filicescum *de Sanctorum festis diebus*, Ludovicum Anton. Muratorium *de Sanctorum Martyrum natalibus*, utrumque apud Fleuryum *disciplina populi Dei dissert. 25. et 26. tom. 3. pag. 89. et 90. edit. Venet. 1782.*

§. VII. Festi dies vel mobiles, vel immobiles sunt. Mobiles dicuntur, qui non eodem die quovis anno celebrantur; immobiles, qui certis semper diebus haerent; atque hi sunt Natalis Domini, Circumcisio, Epiphania, dies festi B. Mariae Virginis, et Apostolorum. Dierum festorum mobilium celeberrimus est Paschalis, a quo omnes reliqui mobiles pendent. Pascha antece-dit jejunium quadragesimale, ad quod praeparantur animi tri-bus hebdomadis, quae proxime anteverunt; et quarum prima *septuagesima*, altera *sexagesima*, postrema *quingagesima* est (1). Pascha sequitur Ascensio Domini post dies quadragin-ta, post quinquaginta Pentecostes. Reliqui dies Dominici usque ad Adventum, et ab Epiphania usque ad Septuagesimam nu-meris distinguntur. Ergo infigendo Paschate praecipuus labor.

(1) Plures olim, ac praesertim Monachi a carnibus abstinentes sese ad Quadagesimam praeparabant; et vero Graeci hanc abstinentiam iuebant a die, qui Dominicam Sexagesimae sequebatur; post Dominicam vero Quinquagesimae non solum carnibus, sed ne lacte quidem, et ovis vesciebantur. Itaque a Graecis hebdomada Quadagesimae dicitur Ἀποχρῆσις, hoc est carnis privium; quod de re videndi Meursius in glossar. verb. ἀποχρῆσις opp. tom. 4. pag. 194. seq. edit. Florentiae 1741., et Svicerus thesaur. eccles. cod. verb.; quo vocabulo non raro utuntur mediae aetatis Scriptores, ut designent tempus Baccanaliū, quoniam tunc Christiani carnibus privabantur. Inde ortum forte est vocabulum carnevale, quia tunc Christiani carni valedicebant; et hinc a tollendis deserendisq. carnibus hoc idem tempus carnelevamen, et carnem laxa appellatum patet Muratorius Antiquit. Italic. dissert. 72., unde etiam vocabulum carnevale elici potuit. Confer etiam Da-Cangium glossar. med. et infim. latinitatis verb. carnelevamen et carnisprivium.

§. VIII. Magnae olim de Paschatis celebrandi tempore fuerunt controversiae. Asiani antiquam traditionem a Joanne Apostolo profectam sese observare contendebant, ipsaque luna XIV., quo die jussi erant Hebraei agnum immolare, horum more Pascha celebrabant. Contra Romani Pontifices secundum Apostolorum traditionem hanc solemnitatem differebant ad diem dominicum, qui post aequinoctium verum ipsam lunam XIV. proxime sequitur. Romam ea de re venit Polycarpus Smyrnensium Episcopus, ut cum Aniceto Pontifice consilia conferret; sed re infecta discessit, integro remanente vinculo pacis, et communionis, atque Asianae Ecclesiae in sua sententia perseverarunt (1). Diu res eo statu mansit; atque interin plura habita sunt concilia, quibus probata est sententia eorum, qui die dominico post lunam decimamquartam celebrandum Pascha existimabant (2).

(1) Irenaeus ep. ad Victor. apud Eusebium histor. eccles. lib. 5. cap. 24. pag. 216. edit. Taurin. 1746.

(2) Eusebius lib. 5. cap. 23. et 25. pag. 209. et 217. Hieronymus de vir. illustr. cap. 43. opp. tom. 2. col. 870. edit. Vallartii Peron. citat memorat ea de re epistolam Theophili Caesaris Palaestinae Episcopi quam valde utilem dicit Confer etiam Synodicum apud Justellum Biblioth. Jur. canon. tom. 2. pag. 1169. et 1170.

§. IX. Sed Victore Pontifice recruduit controversia, cum Polycartes Ephesus Episcopus post habitam Asianorum Episcoporum synodum magna cum pertinacia defendit, non diem Dominicum, at ipsam lunam decimamquartam esse oportere Paschatis celebrandi diem (1). Tantam hanc perviciam mi-

nime tolerandam putavit Summus Pontifex, ideoque omnes, quia ea die figerent paschalem solemnitatem, a communione abscindere minatus est (2). Durior, et asperior haec agendi ratio visa est quibusdam Episcopis, et Irenaeus Gallicanae Ecclesiae caput, licet in eadem esset cum Victore sententia, tamen eum modeste hortatus est, ut mitiora sequerentur consilia, neque expelleret ab Ecclesiae Catholicae communione insignes Ecclesias, quod sibi in antiqua traditione haerendum putabant (3). Sed Victor majorem ab se adhibendam credidit severitatem, propterea quod Blastus Romanae Ecclesiae Presbyter in hac Paschalis celebritate schisma summi constituerat; quod diutius tolerari non poterat (4). Denique Nicaeno Concilio probatum, confirmatumque est quod a Romanis Pontificibus decretum fuerat Atque hi, qui Pontificiae, et Nicaenae sententiae de celebrando paschate pervicacius obsistere sunt ausi, haeretici, et schismatici habiti sunt, et Quartadecimani, Protopaschiti, Tessarescaedecapitae, atque ab eorum duobus Audiani, et Sabbatiani appellati, in quo etiam civiles leges animadverterunt (5).

(1) Eusebius *Histor. eccles. lib. 5. cap. 24. pag. 211.*

(2) Eusebius *ibid. pag. 212.*, quem in locum videndus Valesius in not. qui ostendit, Victorem graves quidem in Asianos Episcopos edidisse minas, sed eos revera numquam a sua communione sejunxisse.

(3) Eusebius *ibid.*

(4) Confer Fleuryam *Histor. eccles. lib. 4. num. 45. pag. 594. seqq. edit. Paris, 1691.*

(5) *L. 9. et 59. Cod. Theodos. lib. 16. tit. 5., L. 6. lib. 16. tit. 6., L. 24. lib. 16. tit. 10.* Confer Epiphanium *lib. 2. haeres. 50. tom. 1. pag. 419., et lib. 3. haeres. 20. tom. 1. num. 9. pag. 820. edit. Coloniae 1682., et Augustinum de haeres. tom. 8. col. 19. opp.*

§. X. Quamquam vero omnes catholicae Ecclesiae de celebrando Paschate in die Dominico consentirent; non una tamen, eademque erat cunctarum sententia in hoc die. constituendo, Cum enim mobile esset festum, non ita facile erat decernere, quo die Dominico illud agere oporteret. Interdum enim eveniebat, ut aliquae Ecclesiae una hebdomada, vel mense citius, quam reliquae, festum illud celebrarent; et Ambrosius quidem (1), pascha ter distinctis temporibus anno 387. celebratum narrat, ab aliis scilicet XII. Kal. Apriles, ab aliis XIV. Kal. Majas, ab aliis VII. Kal. Majas. Idem accidit anno 577.,

quoniam Ecclesiae, quae in Gallia erant, XII. Kal. Apriles, quae in Italia, Kal. Majas, quae in Egypto, VII. Kal. Majas Pascha celebrarunt (2). Similiter Leo M. tradit an. 455. octo dierum intervallum inter Romanorum, et Alexandrinorum Pascha intercessisse (3).

(1) S. Ambrosius *ep.* 23. num. 15. *seqq.* col. 94. tom. 3. edit. Venet. cit.

(2) Consule Binghamum *antiq. eccles. lib.* 20. cap. 5. §. 4. tom. 9. p. 99.

(3) S. Leo M. *ep.* 121. cap. 2. col. 1229., et *ep.* 122. col. 1232. *opp. tom.* 1.

§. XI. Tanti hujus discriminis ratio, quod non omnes uno, et eodem cyclo uterentur. Priscos christianos Hierosolymitanos adhibuisse constat cyclum judaicum annorum 84, quo Judaei aliquanto ante ad constituendam anniversariam paschati sui celebritatem usi fuerant. Cyclum hunc per ducentos fere annos Christiani adhibuerunt, quamquam pascha suum die Dominico, non quartadecima luna cum Hebraeis observarent (1). Post judaicum statum prorsus ab Hadriano sublatum, Christiani alios cyclos adhibere caeperunt, cum novissent judaei errores, qui interdum pascha aequinoctio verno praeponebat, ita ut illud aliquando bis in uno anno fieret. Hippolitus Portuenis in Arabia Episcopus circa annum 220. cyclum composuit annorum sexdecim; alium annorum octo non multo post dedit Dionysius Alexandrinus Episcopus; alium an. 290. undeviginti annorum Anatolius similiter Alexandrinus (2). Sed cum res nondum esset satis comperta, et explorata, Synodus Nicaena, quae die tantum Dominico Pascha celebrandum decreverat, omnem hanc curam Alexandrinis Episcopia commisit, ut ipsi reliquos Episcopos quoquo anno certiores facerent de die Dominico, quo Pascha celebrare oporteret (3).

(1) Aliud sane visum est Josepho Scaligero *de emendat. temp. lib.* 2. sed cum egregie refutant Guillelmus Beveregius *in can.* 7. *Apostol.*, et Jacobus Usserius *Prolegom. ad Ignatium cap.* 9., uterque apud Cotelierum *PP. Apostol. tom.* 1. pag. 464., et tom. 2. pag. 218. edit. Amstelod. 1724. Vide etiam Petavium *de doctrin. temp. lib.* 2. cap. 51. *seqq.* tom. 1. pag. 106. *seq. edit. Veronae* 1734., ubi de his cyclis copiose disseritur.

(2) Omnia narrat Eusebius *Histor. eccles. lib.* 6. cap. 22., et *lib.* 7. cap. 20. et 32. pag. 218. 301. et 320.

(3) S. Leo M. *ep.* 121. col. 1228. et *ep.* 127. col. 1248.

§. XII. Verum Nicaenum hoc decretum, vel non ubique

observatum, vel progressu temporis antiquatum est. Nam Cyrillus Alexandrinus (1) de gravi queritur confusione, quae de tempore celebrandi Paschatis ubique dominabatur, cum Romanorum, et Alexandrinorum rationes una quandoque hebdomada, vel mense inter se discrepant. Romana enim Ecclesia adhuc vetusto cyclo judaico annorum 84., non autem novo Alexandrino annorum 19. utebatur. Denique rem perfecit Dionysius Exiguus an. 525., qui in Romanam Ecclesiam induxit canonem Alexandrinum, atque ita omnes inter Romanos, et Alexandrinos ea de re controversiae sublatae sunt. Sed adhuc magna erat confusio ob discrimen, quod est inter annum astronomicum, et civilem, quo utimur, neque recte novilunia constabant; ideo Gregorius XIII. P. fastos emendandos curavit, et nunc post Gregorianam emendationem ex fastis perpetuis, et Calendariis, quae singulis annis evulgantur, facileprehendimus ordinem anni tum civilis, tum ecclesiastici (2).

(1) Cyrillus Alexandrinus *ep. paschal.* apud Bucherum *de doctrin. tempor. pag.* 481. *sqq. edit. Antwerp.* 1634.

(2) Saeculo superiori hujusmodi argumentum, quod pertinet ad Gregoriani Calendarii emendationem, atque ad tempus celebrandi paschatis, ite pertractavit Jacobus Bettazzius Prateus, qui anno 1732. Florentiae librum edidit, cui titulus: « Epitome operis paschalis proferens necessitates emendandi correctionem Gregor., deinde opportunam ejusdem Gregor. emendationem sine Calendarii, et martyrologii variatione; atque exhibens dissertationes IV., et appendices II. ad materiam de Cycli Paschalis constitutione emendandam. » Cujus opera deinde ipse Bettazzius defensionem edidit.

§. XIII. Festi dies quidam universe toto orbe observantur, uti sunt dies dominici, Pascha, Pentecostes, ceterae majores solemnitates; quidam vero certarum regionum proprii, et peculiare sunt. Ita unaquaeque fere Civitas suum habet patronum, cujus festum diem agit cum venia Sedis Apostolicae (1); atque in Provinciis quibusdam certi sunt festi dies antiquissima majorum traditione constituti. Sed et quidam sunt festi dies, in quibus ubique Christiani tum Missae sacrificio interesse, tum ab omnibus servilibus operibus sese abstinere debent; et quidam sunt minus solemnes, in quibus alicubi Christianis post auditam Missam suis rebus vacare permittitur, ac pauperibus licet victum sibi ex suis laboribus comparare.

(1) De eligendo sancto patrono alicujus civitatis, aut provinciae, cujus ab universo populo festus agatur dies, habes apud Lucium Ferraris *Bibliot. verb. festa num. 4* decretum sac. Congregationis Rituum, quod jussu Urbani VIII. editum est 23. Martii a. 1630. Ejus autem decreti summa est, ut si tantum eligantur Patroni, qui Sanctorum albo adscripti sunt, non item qui tantum benedici dicuntur; ut haec electio fiat per secreta suffragia ab universo populo cum Episcopi, et Cleri consensu; ut hujus electionis causae sac. Rituum Congregationi aperiantur, ab eaque noscantur, et approbentur.

§. XIV. Summus Pontifex, cujus potestas in totam fertur Ecclesiam, constituit festos dies, qui ab omnibus de praeepto observandi sunt (1). Idemque diminuit numerum minorum festorum (2); quod superiori saeculo factum est a Benedicto XIV., qui rogantibus Episcopis, et conquerentibus, quod propter festorum multitudinem, vetitosque labores pauperibus eriperetur occasio sibi comparandi victum, et universa fere festa minus religiose observarentur, diebus festis minus solemniibus, integro praeepto audiendi missam, laborandi facultatem attribuit (3). Quod iisdem de causis ab aliis quoque Summis Pontificibus simili rogatu Episcoporum plus semel factum est.

(1) Consule Urbanum VIII. *Const. universa* 720. *Bullar. tom. 6. par. 2. pag. 341. edit. Mainardi Romae*, Episcopus in sua dioecesi dies festos praecipere posse quidem negant; sed mihi a Synodo Tridentina *sess. 25. cap. 12. de Regular.* haec facultas Episcopo perspicue concessa videtur. Urbanus autem VIII. in laud. Constitutione *universa* §. 3. monet quidem Episcopos, ut se a novis festis praecipiendis abstineant, ne nimia eorum copia mali eliquid pariat, non tamen ipsis adimit hanc facultatem. Consule Gonzalezium in *cap. ult. num. 17. de feriis*, et Lucium Ferraris *Biblioth. verb. Festa in nov. addit. num. 2*. Sunt autem etiam a Regularibus, ceterisque exemptis observandi dies festi, quos Episcopus in sua dioecesi observari jussit Concilium Tridentinum *loc. cit.* Vide Cipaldium *Exposit. Jur. Pontific. par. 7. sect. 166. pag. 1042*.

(2) Extant inter epistolas selectas Cardinalis Bonae quae ipsius litterae, nimirum 258. et 259. datae ad Jo. Baptistam Thiersium auctorem operis *de dierum festorum imminutione*, et quae postremo ipse reprehendit Thiersium, qui putaverat, Episcopum posse in sua dioecesi tollere dies festos in universa Ecclesia receptos, atque id tantum a Summo Pontifice fieri posse enigmaverit. Confer en de re peculiarem dissertationem editam a Benedicto XIV., quae descripta est in opere, quod refertur *tom. 9. ejus opp., de Canonizatione Sanctorum lib. 4. par. 2. cap. 16*.

(3) Adeundus est Benedictus XIV. *Const. non multi* 63. ejus *Bullarii tom. 2. pag. 303. ed. Romae*,

D E

ORDINE COGNITIONUM

T I T U L U S X.

- | | |
|-----------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------|
| I. Quo ordine plures propositae quaestiones noscendae sint?
II. Harum divisio.
III. Causae praecedentes.
IV. Causae incidentes.
V. Causae praeparatoriae. | VI. Incidentes quaestiones num propria, ac peculiari sententia definiendae?
VII. Causa major ante minorem cognoscenda.
VIII. Exceptio spolii. |
|-----------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------|

Decretum 2. q. 2. et 3. q. 1. 2., Codex lib. 3. tit. 8. de ordin. judic.

§. I.

Lite contestata, et emissio calumniae juramento, datisque, et finitis dilationibus reo concessis ad parandas, proponendasque exceptiones, fit progressus ad cursum iudicii expediendum. Si reus lapsis dilationibus in jus non veniat, neque respondeat, ob ejus contumaciam actor mittitur in possessionem honorum rei; contra si se iudici sistat, tum actoris probationes, tum rei exceptiones a iudice expendendae sunt. Sed quoniam antequam reus actoris petitioni respondeat, saepe ipse quaestionem aliquam proponit vel per modum actionis, vel per modum, quod frequentius est, exceptionis; hinc evenit, ut saepe duae pluresve quaestiones in eodem iudicio definiendae iudici offerantur. Itaque hoc titulo videndum est, quo ordine quaestiones huiusmodi noscendae, ac ferenda sententia sit; ne ex praepostero rerum ordine perturbatio oria-
tur, et magna confusio. Huc nimirum spectat cognitio-
num, seu iudiciorum ordo; scilicet cum plures in eodem iudicio, et inter easdem personas concurrant quaestiones, videndum est quae antea, quae postea cognoscenda sit; qua in re certae observandae sunt regulae, ut omnia suo loco, suoque ordine expediantur.

§. II. Sunt autem quae in medio cursu iudicii interdum existunt, causae, et quaestiones vel *praediciales*, quae praedictum faciunt, ita ut ex earum iudicio pendeat decisio totius negotii, de quo disceptatur; vel *incidentes*, quae nimirum incidunt in ipsa lite, cujus gratia institutum est iudicium; *praeparatoriae*, quarum decisio alterius decisionem faciliorem reddit; vel quae quidem *ex eodem negotio* oriuntur, sed tamen ad *diversa* tendunt, neque a se invicem pendunt.

§. III. Praediciales quaestiones expediendae sunt ante causam, quae primum postulat, earum iudicium, ut recte definiatur. Sic exceptio excommunicationis actori objecta, et probata eum a iudicio repellit (1); sic exceptio clericatus facit, ut iudex suo fungi officio nequeat, nisi primum competens demonstretur; sic exceptio natalium dirimit controversiam de successione, et hereditate, quam quis petit iure cognationis (2); sic demum exceptio impedimenti dirimentis explanat iudicium de veritate alicujus matrimonii (3). Quae omnes huiusmodi exceptiones dijudicandae sunt, antequam cognoscatur actio praecipua, cujus gratia iudicium institutum est.

(1) *Cap. 19. de iudic.*

(2) *Cap. 3. de ordin. cognit.*

(3) *Cap. 1. eod.* Sed tamen rectissime animadvertit Jacobus Cujacius in *cit. cap. 1. opp. tom. 6. col. 802. edit. cit.* id quidem obtinere, cum reus actoris intentionem confitetur, verum praedicialem, et peremptoriam exceptionem proponit. Sed contra cum reus non confitetur actoris intentionem, haud ante est probanda exceptio sive dilatoria, sive peremptoria, quam actor probaverit intentionem suam *L. 9. Cod. de praescription. long. temp.*, *L. 9. Cod. de excep.*, *L. 19. Cod. de probat.*, nimirum quia actore non probante reus absolvitur, quamquam ipse exceptionem suam non probaverit, *L. 4. Cod. de eden.*, *Cap. 3. de caus. possess.*

§. IV. Causae incidentes ab eodem cognoscendae sunt iudice, cujus est de praecipua causa iudicare, quamquam ipse minus competens esset, si de iis praecipue iudicium institutum fuisset (1); nisi causa civilis incidens sit ecclesiastica, quam ne incidenter quidem cognoscere laicus iudex potest (2); quamquam contra integrum sit iudici ecclesiastico de causa civili incidente iudicare (3).

(1) *L. 1. Cod. de ord. iudic.*, *L. 3. Cod. de iudic.*

(2) *Cap. 3. de ordin. cognit. Cap. 7. qui fl. sint legit.*

(3) *Cap. 3. de donat. int. vir. et uxor.*

§. V. Causam quoque *praeparatoriam* prius definiri iudiciali ordini aptum, et conveniens est (1). Sic prius possessionis, quam proprietatis causa cognoscenda est (2), quoniam illa praeparat iudicium petitorium, eaque definita constat, quis in hoc iudicio possessionis beneficio frui debeat, et probandi onere solutus sit. In quaestionibus civilibus, quae diversae sunt, neque a se invicem pendent, licet ex eodem negotio oriantur, videndum est, quomodo exceptiones propositae sint. Si per modum *actionis* separato iudicio, utraque actio in proprio foro expeditur, si per modum *reconventionis* in eodem foro vicissim tractanda, atque eadem sententia utraque definienda est (3); si per modum *exceptionis peremptoriae*, haec quidem priori loco cognoscenda est, quoniam ea cognita, nulla amplius de praecipua causa, quae ab illa pendet, controversia esse potest.

(1) *L. 35. ff. de acquir. et amittent. possess., L. 13. Cod. de rei vindicant.*

(2) *L. inerti 3. Cod. de interdict.*

(3) *Cap. 2. de ordin. cognit.*

§. VI. Sed adversus hanc incidentem quaestionem necesse non est peculiarem sententiam emittere; quoniam tacite rejecta habetur per sententiam huic exceptioni contrariam, quae super praecipuo negotio lata est (1). Ita si petenti hereditatem jure cognationis opposita sit exceptio natalium, hanc saepe exceptionem refutat sententia, quae actori successionem adscribit. Quod sane verum est, cum unus, idemque sit actionis, et exceptionis iudex. Nam si duo, lique diversi sunt, definienda est per sententiam exceptio ab huius iudice, antequam alter de actione sententiam ferat (2). Verum non est ita, cum in medium allatae sunt dilatoriae exceptiones, quae non solum acti causam praecipuam cognoscendae sunt, sed etiam per sententiam iudicandae, ac definiendae. Ex eo genere sunt exceptio latae sententiae, iuramenti, transactionis, per quas opponitur, quod lis ab actore mota finita est per sententiam, iuramentum, transactionem; ita ut ea de re amplius disputari non possit. Huc etiam vo-

canda est exceptio adversus judicem, et actorem, quod aliteruter, vel uterque excommunicatus sit.

(1) *Cap. suborta 21. vers. nimirum de senten. et rejudic.*

(2) *Cap. per tuam 3. de ordin. cognit., Cap. lator. 5. qui fl. sint legit.*

§. VII. Causa major ante minorem cognoscenda est, nisi ista sit. praejudicialis (1). Sic causa spiritalis praecedit temporalem (2), criminalis civilem (3), nisi illa plane ab hac pendeat (4), causa proprietatis causam servitutis; et ideo si quis fundum petat, et simul huic fundo servitutem itineris per fundum vicini affixam esse contendat, primum de proprietate, postea de servitute quaerendum est (5). Cum ejusdem momenti sunt causae, ambaeque praecipuae, civilesque, et aequales, quae primum est proposita; primum item judicanda est (6).

(1) *L. per minorem. 54. ff. de judic.*

(2) *Arg. cap. quod in dubiis 3. de consec. eccles. vel altaris.*

(3) *L. 3. et 6. Cod. de ordin. cognit.*

(4) *L. 1. Cod. de appellat.* Verum haud raro iudex utramque causam et civilem, et criminalem uno iudicio absolvit, cum scilicet actor quaestionem utramque proposuit, *L. 4. §. 4. ff. fin. regund., L. 1. de publ. judic., L. 3. Cod. de ordin. judic., L. unic. Cod. quand. civil. act. crimin. praejud.* Quod si actio criminalis praecipue mota est, et reus civilem quaestionem instituit, primum illa tamquam gravior noscenda est, *L. 5. §. 1. ff. ad leg. Jul. de vi publ. L. 33. Cod. ad L. Jul. de adulter.* Quod etiam dicendum videtur, si quaestio civilis instituta sit, ac reus actorem criminis accusaverit; nam causa civilis tamdiu supersedendum est, quamdiu criminalis absoluta fuerit, *L. 4. Cod. de ordin. judic.*

(5) *L. fundum 16. ff. de except. L. de servitutibus 2. §. h. et a. c. n. 1. ff. si servit. vind.*

(6) *L. qui prior 29. ibique Glossa ff. de judic.*

§. VIII. Etiam exceptio spoli praevertit actionem, cujus gratia reus in jus vocatus est. Nimirum si reus adversus actorem spoli exceptionem proponat, priore quidem loco haec exceptio noscenda, ac per sententiam interlocutoriam desinienda est, neque ipse reus cogitur respondere, nisi primum, iudicio probata exceptione spoli, fuerit restitutus. Nam haec dilatoria exceptio cursum retardat iudicii processus in causa principali; idcirco prius cognosci, ac finiri debet. Cum spoliolum per actionem est propositum, ante omnia qui spolium admisit,

rem domino cogitur restituere. Quod si et reus, et actor de spolio agant, duae existunt praecipuae causae, in quibus uterque reus est, et utraque causa conventionis, et reconventionis simul tractari, ac definiri debet. Reliqua quae ad spoliū iudicium pertinent, peculiari titulo explicabimus.



DE PLUS PETITIONIBUS

TITULUS XI.

I. Plus petitio quid?

II. et III. Poenae contra plus petentes

Institutiones *lib. 4. tit. 6. §. 33. Codex lib. 3. tit. 10.*

§. I.

Inter incidentes quaestiones, et exceptiones, quae actori vel ante, vel post litem contestationem opponi possunt, illae etiam recensentur, quod ille plus petierit, quam sibi revera debeatur. Hinc post titulum *de ordine cognitionum* statim occurrit titulus *de plus petitionibus*. Est autem plus petitio inordinata petitio actoris, qui a reo apud judicem plus petit, quam quod sibi revera debeatur; idque fit quatuor modis, re, tempore, loco, et causa. Re plus petitur, si ex. gr. petantur triginta, cum viginti deberentur, aut si is, cujus ex parte res est, vel eam totam, vel majorem partem suam esse contendat; tempore, si ante constitutum diem, vel ante impletam conditionem actio institatur: loco si quis quod sibi certo loco dari stipulatus est, alio petat, nulla illius loci facta mentione; causa si quis certam rem petat, cum debitor posset dare, quod mallet suo arbitratu (1).

(1) *Instit. §. 39. de action.*

§. II. Jure veteri plus petens actor causa cadebat (1); sed jure novo civili aliae adversus plus petentium importunitatem poenae sunt constitutae (2). Jure canonico, qui re, aut causa plus petunt, in expensas condemnantur; qui loco, in id, quod debitoris interest; denique qui tempore plus petierit, duplo majores inducias reo tribuere debet, neque hic cogitur iudicium suscipere, nisi antea prioris litem expensae solvantur (3). Nunc fere ubique receptum est, ut reus ante tempus

conventus tantum a iudicii observatione liberetur, et actor quidem in litis expensas condemnatur; sed ei tamen integrum sit reum in iudicium vocare, cum primum obligationis diem vanisse constat. In ceteris huiusmodi petitionibus reo licet offerre plus petenti, quod se debere iudicat; id vero si non accipiat actor, neque aliud revera iudex deberi intelligit, idem uti temere litigans in expensas condemnatur (4).

(1) *Paulus recept. sentent. lib. 1. tit. 10. §. 1. apud Schubtingium Jurispr. vet. antejustin. pag. 241. edit. Lipsiae citat., §. 33. Instit. cit.* Hinc illud Plauti in *Mostellar. act. 3. scen. 1. vers. 123. pag. 523. tom. 1. Lugdun. Batav. 1869. volui quidem hercle, ut uno nummo plus petas*. Num autem id lege de decem tabularum, an potius edicto Praetoris statutum fuerit, non satis exploratum est. Consule *Raevardum variar. lib. 3. cap. 14. pag. 69. tom. 2. edit. Neapol. 1779.* et *Cironium Paratit. in Decretales Gregorii IX. lib. 2. tit. 11. §. 2. tom. 1. edit. Friburgi, 1761.*

(2) Zeno Imperator adversus eum, qui ante tempus petiit, temporis iudicis duplicari, atque his litis reum non cogi posse voluit ad suscipiendam litem, nisi prioris litis expensae solatae fuissent. Constitutio haec desideratur, sed ejus epitomen ex Basilicis edux. *Gajacius observat. lib. 12. cap. 21. opp. tom. 3. col. 319. edit. cit.* Contra eum, qui re, aut locum, aut causam plus peterent, tripli poenam constituit Justinianus *cit. §. 33. Inst. de action.*

(3) *Cap. unic. de plus petition.*

(4) Consule *Vinnium in Instit. lib. 4. tit. 6. §. 3.*, et Voetum in *Pandect. lib. 5. tit. 1. §. 25.*

§. III. Silent tamen hae poenae, cum legitima fuit plus petendi excusatio. Quo referendae probabilis ignorantia expere cujusvis doli (1), et libello expressa denunciatio petendi re vera quod magis est justum, et mutata importuna petitio ante litis contestationem (2), et a reo non opposita plus petitionis exceptio, et minor aetas, quae in integrum restitutionis beneficio fruitur (3), et justa causa petendi rem vel ante tempus, vel alio loco. Sic cum debitor fugitivus est, aut de fuga suspectus, licet cantionem petere; cum vir ad inopiam vergit, etiam constante matrimonio, dos repetitur, aut saltem cavendum est, ut ea tuta sit; cum debitor in constituto loco reperiri, aut in jus vocari non potest, recte alio loco solutio petitur. Horum similia et alia esse possunt, quae sapientis iudicis arbitrio aestimantur.

(1) *L. penult. Cod. ad L. Falcid.*

(2) *L. ult. Cod. de plus petition., Cap. unic. eod. tit.*

(3) *§. si quis agens 33. Inst. de action.*

D E

CAUSA POSSESSIONIS, ET PROPRIETATIS

T I T U L U S X I I .

- | | |
|------------------------------------------------------------|-------------------------------------------------------------------|
| I. Ordo iudicii possessorii, et petitorii. | V. Interdictum unde vi, et uti possidetis. |
| II. Beneficium possessionis. | |
| III. Idem iudex de possessione, ac de proprietate iudicat. | VI. et VII. Possessorum retinendae vel summarium, vel ordinarium. |
| IV. Utramque iudicium saepe cumulat. | Utriusque descriptum. |

Clementia *h. t.*, Institutiones *lib. 4. tit. 15.* Pandectae *lib. 40. tit. 1. 2.* praesertim *lib. 43. per totum*, ubi agitur de interdictis, Codex *lib. 8. tit. 1. ad 13.*

§. I.

De causa possessionis, et proprietatis saepe in iudicio quaeritur; et ideo videndum est, quo ordine utraque haec causa tractanda sit. Nam possessio, et proprietas duo diversa sunt (1), et ideo suo peculiari iudicio, suoque ordine utraque haec causa cognoscenda est. Rectus autem iudiciorum ordo est, ut prius de possessione, postea de proprietate disputetur (2), et ideo, cum duo inter se de re aliqua contendunt, primum agendum est de possessione sive adipiscenda, sive retinenda, sive recuperanda. Sunt enim haec tria possessoria iudicia, seu remedia, quae interdicta vocantur, hoc est actiones a Praetore introductae, per quas aliquis de possessione iudicium exercet, sive ut consequatur possessionem, quam non habet, sive ut retineatur in ea, quam habet, et in qua turbatur, sive ut recuperet eam, quam amisit (3).

(1) *L. naturaliter* 12. §. nihil 1. ff. de acquir. vel amitten. possess.

(2) *L. 3. Cod. de interdict. L. 3. Cod. de rei vindic.*

(3) *§ sequens 2. Instit. de interdict.*

§. II. Absoluto per iudicis sententiam possessorio iudicio, sit progressus ad petitorium, quod recte Jurisconsultus *domini* litem appellat (1), et in quo non de possessione quaeritur; sed de dominio, et proprietate. Illud autem de possessione iudicium discretum a proprietate, et dominio facit, ut qui ex eo superior discessit solutus sit ab onere prohandi, ac victus debeat in petitorio iudicio jus suum ostendere, quod nisi praestet, res a possessore retinetur (2). Similiter neque titulum edere possessor cogitur (3); et in pari causa melior ejus conditio est, ac pro eo ferendum iudicium, cum dubia res est, et obscura (4).

(1) *L. 18. ff. de usur. §. 4. Inst. de interdict.*

(2) *L. cogi 11. Cod. de petit. hered., L. res alienas 28. Cod. de rei vindic.*

(3) *L. ait Praetor 1. et L. justa 2. ff. uti possid., et L. in pari 171. ff. de regul. jur.*

§. III. Utrumque iudicium possessorium et petitorium ab uno eodemque iudice agendum est (1); quia licet possessio a proprietate distincta sit, tamen altera alteri connexa est, et utraque rem eandem attingit, quique causam possessionis cognovit, facilius definire potest causam proprietatis (2). Quod adeo verum est, ut etiam iudex delegatus, cui commissa est generatim, atque univse causa vel possessionis, vel proprietatis, non singillatim, et speciatim alterutra tantum, recte de utraque judicet (3). Verum id secus est, cum aliud est rei, aliud actoris forum. Nam si actor sit clericus, et causam in possessorio obtinuerit coram iudice saeculari rei, eo finito frustra vocatur super proprietate ad eundem iudicem, qui competens non est adversus ecclesiasticum (4).

(1) *Cap. susceptis 1. de caus. possess. et propriet.*

(2) *Cap. nulli 10. Cod. de judic.*

(3) *Cap. ad hoc vers. Caelestinus de sequestr. possess.* Itaque regula, quod iudex delegatus, postquam sententiam tulit, suo functus officio habeatur, ac tantum curare debeat, ut ea exitum consequatur, *Cap. in litteris 9. de offi. jud. delegat.* intelligi debet, si iudex de toto negotio, non si tantum de ejus parte pronuntiavit.

(4) *Cap. ult. de judic.*

§. IV. Sed ut celerius judicium properent ad suum finem, qui est dominium, et proprietas, (nam victor in possessorio judicio rem ad tempus retinet, sed ea demum deferenda est ad eum, qui se rei dominum esse ostenderit) rectissime constitutum est, ut aliquando judicium possessionis conjungi cum proprietatis judicio possit, et utrumque una, et eadem sententia definiri. Magna olim ea de re disputatio fuit inter Martinum, cui placuit haec possessorii, et petitorii judicii copulatio, interque Azouem, Joannem, Accursium, quibus ea displicuit; sed Jus Canonicum Martini opinionem probavit, quae juri Civili adversatur (1). Verum non cuivis possessorio interdicto haec de cumulando possessorio, et petitorio judicio juris disciplina apta, et conveniens est.

• (1) Confer Cujacium *observ.* 39. *lib.* 7. *opp. tom.* 3. *col.* 176 *edit. cit.*

§. V. Interdictum adipiscendae, et recuperandae possessionis recte congruit cum hac possessorii, et petitorii judicii conjunctione; sed eam non patitur interdictum unde vi, quod proponit per vim dejectus ex rei suae possessione, qui primum restituendus est, autequam de possessione disputetur (1). Interdictum uti possidetis, sive retinendae possessionis utrumque judicium aliquando consociari permittit; quando scilicet aliquis petitorio agit nesciens se in possessione versari, aut cum tantum civilem retinet possessionem amissa naturali, aut cum adversarius rem tantum detinet, contra quem agitur, ut desinat detinere, denique cum quaestio est de rebus incorporalibus, ex. gr. juribus, servitutibus. In his enim licet aliquis in possessione sit; si tamen ab altero molestias perferat, potest una cum interdicto retinendae possessionis simul instituere judicium petitorium, videlicet actionem in rem confessoriam, per quam petat declarari a iudice, quod Adversarius jus nullum habeat, et ideo cunctis molestiis modum, et finem facere cogatur (2). In ceteris qui agit interdicto retinendae, cumulare nequit petitorium, per quod adversarium possidere fateretur.

(1) *L. si de vi* 37. *ff. de judic.*

(2) *Cap. cum super* 4. *de caus. possess., et propriet.* §. *aeque* 2. *Instit. de action.*

§. Est autem possessorium retinendae vel summarium, vel ordinarium. Summarium non servato juris ordine, ac sine longo litis ambitu expediendum est; et in eo solum quaeritur, quis praesentem possessionem quomodocunque demonstrare possit, ut inde constet; quis interim, dum uterque sese possessionem habere contendit, possidere debeat. Quod sapienter est constitutum, ne duobus inter se de possessione contententibus, dum uterque tuetur suam, mala gravissima exoriantur. In hoc summario judicio plane non definitur causa possessionis; tantum providetur, ut interim pendente lite sit possessor, et quasi custos rei, quae demum ejus domino in petitorio judicio adjudicanda est. Hinc possessor cavere debet, se rem deteriore non facturum, eoque non cavente possessio transfertur in petitem, qui cavet (1), eo fere modo, quo jus civile in adscribenda interim honorum possessione ex Carboniano edicto fieri mandat (2).

(1) *L. unic. Cod. uti possideatis.*

(2) *L. de bonis 6. §. ult. ff. de Carbonian. edicto*, eoque facit Paulus *recept. sentent. lib. 1. tit. 11.* ibique Schultingius *Jurisprud. vet. ant. Justinian. tom. 1. pag. 242.*

§. VII. Ordinarium est, in quo de antiquiori, et potiori possessione disputatur, et ita cui possessio adjudicanda sit, domino definitur. Potest enim contingere, ut aliquis in praesenti possessione deprehendatur, et hic quidem in ea retinendus est, quamquam clam, aut precario acquisita fuerit, dum summarium judicium exercetur. Nam hoc judicio non quaeritur, qualis illa sit; vnde simplexque possessio satis est, ut qui eam habet habere pergat per modum provisionis, cuius rei vestigia habemus in antiquis vindiciis Romanorum (1). Sed cum ventum est ad ordinarium, et in eo non tantum hujus possessio vitiosa, sed actoris possessio antiquior, et praestabilior demonstrata est, tunc demum plane definitur controversia de possessione, eidemque adscribitur possessio, quae interim tantum, et per modum provisionis reo data fuerat, ac deinceps vitiosa deprehensa fuit. Neque enim interdictum retinendae amplius tuetur possessorem, cujus postea vitiosam esse possessionem constat (2).

(1) *J. 2. §. 24. ff. de orig. jur.* ubi vindicias dare secundum libertatem idem est ac decernere, ut interim in possessione antiq. ac libertatis esset. » Lis vindictarium est, inquit Asconius Prædianus in *Ciceron. ver- rin. 3.* » cum litigatur de ea re apud Præiorem, ejus incertum est quis » debeat esse possessor, et ideo qui eam tenet satisfacit pro præde litis » vindictarum adversario suo, quo illi satisfaciatur, nihil se deterius in pos- » sessione facturum, de qua jurgium esset, rursus sponcione ipse provo- » catur ab Adversario certae pecuniæ, aut aestimationis, quam amittat, » ni sua sit hereditas, de qua contendit. Prædes ergo dicuntur satisfactores » locupletes pro re, de qua apud judicem lis est; ne interea, qui tenet » diffidens causae, possessionem deteriozem faciat, tecta dissipet; excidat » arbores, et culta deserat. » Hinc postulare vindicias, et vindicare est possessionem petere, dare vindicias postulantibus est possessionem alteri postulanti concedere. Late de prisco jure vindictarum agit Revardus in *Leg. XII. tabul. cap. 6. pag. 11. tom. 1. edit. Neapol. 1779.* Confer etiam Heineccium *antiq. Roman. lib. 4. §. 24. opp. tom. 3. pag. 436. edit. Neapol. 1769.* et Pitiscus *Lexicon antiq. Roman. verb. vindictiae*, ubi plures laudantur, de hoc argumenti genere disserentes.

(2) *Cap. licet. 9. de probat.*



107

DE RESTITUTIONE S P O L I A T O R U M

T I T U L U S X I I I .

- | | |
|------------------------------------------------|-------------------------------------------------------------|
| I. Spoliatus ante omnia restituendus. | V. Quid de tertio bonae, malaeve fidei possessore dicendum? |
| II. Qui hoc restitutionis beneficio gaudeant? | VI. Infra quod tempus a spoliato petenda sit restitutio? |
| III. Quid juris in re matrimonii? | VII. Spolium actionis, et exceptionis loco proponitur. |
| IV. Quibus non detur beneficium restitutionis? | |

Sextus Decretalium *h. t.*, Decretum 2. *q. 2. et 3. q. 1. 2.*
Institutiones §. 6. *de interdict.* Pandectae *lib. 43. tit.*
16. Codex lib. 8. tit. 4. 5. sparsim tit. ff. et Cod. ad
L. Jul. de vi privata et publica.

§. I.

Superiori titulo actum est de cumulando possessorio adipiscendae, ac potissimum recuperandae possessionis cum petitorio; hoc titulo seorsim agitur de remedio recuperandae possessionis, seu interdicto unde vi, quod ab aliis distinguitur, propterea quod haec possunt vel conjunctim, vel separatim cum proprietate tractari, interdictum unde vi, non potest; quoniam prius restituendus est qui per vim ex rei suae possessione dejectus fuit (1). Remedium recuperandae possessionis de jure Digestorum ad eos pertinet, quibus est ablata violenter possessio rei immobilis; jure Codicis productum est ad quamcunque iniquam privationem possessionis alterius, quamquam sine vi facta fuerit (2). Neque tantum veram possessionem rerum corporalium, quae sensibus subjiciuntur, sed etiam quasi possessionem rerum incorporalium, et quodrumcunque iurium, et beneficiorum hoc remedium comprehendit.

- (1) *Cap. 1. et 5. de restit. spoliat.*
 (2) *L. ult. Cod. unde A.*

§. II. Omnis igitur vi spoliatus re, quam possidet, restituendus est, etiam praedo (1), non quod huic generi hominum jura faveant, sed quod ita postulat publicae tranquillitatis ratio; nisi sit latro publicus, aut agros populetur, aut eorum incedum faciat, quibus hominibus parcendum non est (2); aut nisi illico dejectus a domino, quae dejectio vim defensionis habet; item notus omnibus praedo, saltem ex aequitate, non videtur restituendus adversus eum, quem verum rei dominum esse omnibus compertum est (3). Similiter feudatarius, fructuarius, usufructuarius, cum in suis juribus vere possessores sint, restituuntur; non ita coloni, custodes domus, laici in rebus spiritualibus, ceteri similes, quibus nulla propria possessio est (4). Sed et restitutio debetur iis, qui suo se beneficio, aut jure per vim, et inique abdicare coacti sunt (5); quibus denegantur pensiones, quas hactenus perceperunt (6); qui excluduntur ab electionibus, quibus hactenus interfuerunt (7); qui fraudantur jure sepeliendi, delato cadavere ad aliam Ecclesiam (8). Quin et iudex, qui neglecto juris ordine iudicium exercuit, spoliare dicitur (9). Quo referendi sunt etiam qui per contractum nullum, et irritum possessione exciderunt.

(1) *L. 1. ff. de vi armat., L. 7. Cod. ad L. Jul. de vi public. Cap. 5. de restit. spoliat.*

(2) *L. 1. Cod. quand. liceat.*

(3) *Argum. L. 8. ff. de dol. mal. except., Cap. ult. de restit. spoliat in 6.*

(4) *L. 1. §. 22 ff. de vi armat., Cap. 7. de praescript.*

(5) *Cap. 2. et 3. de restit. spoliat.*

(6) *Cap. 9. eod.*

(7) *Cap. 3. de caus. posses. et proprieta.*

(8) *Cap. 5. et 6. de sepult.*

(9) *Cap. 7. de restit. spoliat.*

§. III. In re matrimonii recepta sunt haec. Si mulier propria auctoritate recessit, vel a viro expulsa est, cum hunc facti poenitet, ei restituitur (1); si post matrimonium ratum eo temporis intervallo, quod ipsi datur, ad deliberandum, restituitur quoad habitationem, et obsequia conjugalia, non item quoad thorum (2); si professsa sit religionem, nullo

modo (3); si iusta de causa discessit; puta ob viri aevitiam, haeresein, cetera similia, restituitur sublata causa; ea manente, non restituitur. Si mulier profuga opponat impedimentum dirimens, vir autem agat de vi matrimonii, non fit restitutio; quam ipse non petit, sed antea peremptoria exceptio dirimentis impedimenti cognoscenda est (4). Quod si vir maxime insistit in iudicio possessorio, cum certum, atque exploratum est impedimentum, ac mulier idoneas in promptu habet ejus rei demonstrationes, primum de impedimento quaeritur; verum cum dubia res est, ac minime demonstrata, plena restitutio facienda est, quoniam impedimentum malitiose a muliere propositum censetur (5).

(1) Cap. 13. de restit. spoliati.

(2) Cap. 8. et 10. eod.

(3) Cap. 14. de probat.

(4) Cap. 1. de ord. cognit.

(5) Cap. 13. de restit. spoliati.

§. IV. Interdictum *unde vi* tantum datur adversus eum, qui vi possessorem deiecit, sive id per semetipsum, sive per alium fecerit mandato, aut dolo consilio, ratumve habens quod gestum est (1); sed non datur contra eum, qui non mandatum, aut consilium dedit, remve gestam notam non habuit (2); neque adversus eum, qui clam possessionem vacuam ingressus est, nisi revertenti domo vi resistat, seque ita in possessione constituat (3); neque liberis contra parentes, aut libertis contra patronos, sed actione in factum agendum erit, quia *interdictum hoc atrocitatem facinoris in se habet*, nisi pater, aut patronus vim armatam adhibuerint (4); neque contra dominum, cujus nullo jussu, sed famulorum lubito spoliū est patratum (5); denique contra heredes spoliantis, contra quos praesto est actio *in factum*, quatenus ad eos pervenit hereditas (6). At spoliati heredes, qui in omne ius defuncti succedunt, recte contra spoliantem hoc iudicio experiuntur (7).

(1) L. 1. §. 12. 13. 14. ff. de vi armat.

(2) Cap. 15. de restit. spoliati.

(3) L. 6. §. ult. ff. de acquir. possess.

(4) L. 1. §. 43. ff. de vi armat.

(5) *Cit. L. 1. §. 11.*(6) *L. 26. ff. de dol. mal.*(7) *L. 37. ff. de acquir. heredit.*

§. V. De tertio ; qui rem ab alio spolio sublatam mala fide retinet , quaesitum est ; num adversus eum spoliatus restitnendus sit ; et restitui respondit Innocentius III. (1), quamquam initio bonam fidem habnerit , ac postea spoliuni nove- rit. Quid si tertius hic bonae fidei possessor sit ? Num et ad- versus eum spoliū iudicium in re civili exerceri potest (2) ? Mihi nullus esse videtur dubitandi locus , quin res spolio ab- repta domino restituenda sit ; verum hoc apto , et congruenti iudicio , non autem iudicio spoliū faciendum puto. Revera si et tertius bonae fidei possessor in re civili huic iudicio sub- jectus esse deberet , hand illa opus erat peculiari lege , qua criminali negotio provisum est (3). Verum in tribunalibus quibusdam longo usu recepta sententia est , ut etiam in re civili spoliū iudicio experiri liceat. In bonis ecclesiasticis , quae ab haeretis , vel infidelibus occupata sunt , posteaquē empta a Catholicis , videndum est , mobilia ne , an immobilia ea sint. Illa scilicet , modo empta sint cum animo eadem resti- tuendi soluta pecunia , quae impensa est , rite , ac recte a tertio possessore retinentur ; haec vero una cum fructibus nullo soluto pretio restituenda sunt (4).

(1) *Cap. adeo contingit. 18. de restit. spoliat.*(2) Haec quidem sententia est Glossae in *Cap. 18. de restit. spo- liat.* et aliorum , sed aliud visum est Bartholo , aliisque compluribus.(3) *Cap. 1. de restit. spoliat. in 6.*(4) Consule Benedictum XIV *Const. Urbem Antibarum 57. ejus Bul- lar. tom. 3. pag. 259. edit. Romae 1754.*

§. VI. Restitutio ex interdicto unde vi petenda est. intra unum annum utilem (1) ; post annum datur actio in factum de eo , quod ad deicientem pervenit ; sed a Jura Canonico nullum certum tempus praefinitum est. Spoliatus , modo se possedisse , et vi dejectum fuisse demonstret , ante omnia restituendus est , scilicet non tantum rem , fructusque recu- perat , sed etiam illata damna resarcienda sunt (2). Neque im- pedimentum , moramve , et tarditatem afferunt reconventio (3) , aut compensatio (4) , aut appellatio (5) , non item ex-

ceptiones domini, criminis (6), minoris aetatis; quoniam spoliatus restituitur etiam adversus minorem, et pupillum, licet his contra curatorem, ac tutorem expedita, et parata sit actio (7). Sed aliter est, si spoliatus primum de dominio quaeri consentiat (8); si ei jus commune resistat, saveatque spoliante, nisi ille titulum ostendat (9); si propter restitutionem animae periculum immineat (10), aut scandalum, aut grave damnum, veluti si mulier restituatur viro, cujus comperita saevitia est.

(1) *L. 1. §. 39. ff. de vi et vi arm.*

(2) *Cap. 11. de restit. spoliat., L. 1. §. 41. ff. de vi et vi arm.*

(3) *Cap. ult. de ordin. cognit.*

(4) *L. ult. §. ult. Cod. de compensat.*

(5) *L. ult. Cod. si de moment. possess.*

(6) *Cap. 1. et 6. de restit. spoliat.*

(7) *L. 6. Cod. unde vi.*

(8) *Cap. 1. de restit. spoliat.*

(9) *Cap. ult. eod.*

(10) *Cap. 13. eod.*

§. VII. Non solum actionis, sed etiam exceptionis loco spoliolum proponitur, et id recte fit contra actorem, minime contra tertium, qui in bona fide est, cum civile iudicium agitur; verum in iudicio criminali a quocumque detineatur res spolio adempta, primum restitutio facienda est, cum reus vel omnibus bonis, vel majori ex parte spoliatus fuit, ne nudus, et inermis in jus venire cogatur (1). Cui sane exceptioni locus est tum contra connexam, tum contra diversam, et separatam actionem (2). Verum ut omnis removeatur fraudis, et calumniae suspicio, ac ne spoliolum exceptio tergiversatio sit ad retardandam iudicii progressum, recte sancitum est, ut eadem infra dies quindecim probari debeat (3).

(1) *Cap. 1. de restit. spoliat. in 6.*

(2) *Cap. 2. de ordin. cognit.*

(3) *Cap. 1. cit.*

DE DOLO ET CONTUMACIA

TITULUS XIV.

- | | |
|--------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------|
| <p>I. Dolus, et contumacia.</p> <p>II. Contumacia actoris, et rei. Quibus paenis plectatur contumacia actoris?</p> <p>III. Quibus reus ante litem contestatam?</p> <p>IV. Quibus post litem contestatam?</p> | <p>V. Causae quae contumaciam excusant.</p> <p>VI. Aliae adversus contumacem poenae.</p> <p>VII. Contumaciae paenis infligit iudex rogatu litigantis.</p> |
|--------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------|

Decretum c. 3. q. 9. c. 4. q. 5. c. 5. q. 1. et 3. c. 11. q. 3. Sextus, Clementinae, et Extravagantes communes h. 1., Tridentinum sess. 21. cap. 3. in fin., sess. 22. cap. 3. ver. crescente sess. 23. cap. 1. ver. quod si sess. 4. cap. 12. sess. 25. cap. 3. de reform. Pandectae lib. 2. tit. 3. cum seqq. lib. 48. tit. 17., Codex lib. 7. tit. 43. lib. 9. tit. 40.

§. I.

Saepe evenit, ut quis alterius dolo malo, et contumacia jus suum consequi nequeat; et ideo provisum est, ut his impedimentis amotis unicuique tribuatur quod justum, et conveniens est. Dolus malus, ut eum ex Labrone describit Ulpianus (1), est omnis calliditas, fallacia, vel machinatio, ad circumveniendum, fallendum, vel decipiendum alterum adhibita, ac tum in judicia, tum in contractus, ceterosque humanos actus cadit. Nos exemplo Decretalium hoc titulo de dolo agimus, qui pertinet ad judicia, qui scilicet adjunctus est contumaciae, ita ut in dolo esse videatur qui rennit ea facere, quae jus praecipit, aut a iudice praecipiuntur; reliquum doli genus opportuniori loco persequemur. Est autem contumacia non obedientia mandato iudicis, cum quis in iudicium vocatus non venit, vel illud non agit, ac praestat,

quod praestare deberet, eaque vel vera, vel ficta, et praesumpta est. Vera dicitur, quando evidens est dolus, et certa voluntas non obediendi; ficta, et praesumpta, quando quis sese iudici non sistit, neque id agit, quod agere deberet. Hic quidem contumax est, sed quia de dolo non constat, tamdiu contumax est, quamdiu se non purgaverit, atque ab se contumaciae notam amoverit. Simplex contumacia non obedientiam purgari permittit, non item dolosa, et fraudulenta, quae etiam excommunicationis poena plecti potest (2).

(1) *L. 1. §. 2. ff. de dolo, et contumac.*

(2) *Cap. 1, et 3. ut lit. non contest., Cap. 1. de judic.*

§. II. Tam actor quam reus contumax esse potest, et utriusque suae constitutae sunt poenae. Illa communis, quod alterutro fugente iudicium iudex *μνομενω*; hoc est parte altera non praesente procedit. Sed actoris contumacia eo gravior censetur, quo ipse in iudicium venire promptus, ac paratus debet, suoque juri studere diligenter. Itaque cum eo durius, et asperius agitur; mitius cum reo, cui plus indulgendum, quoniam invitatus in iudicium trahitur. Si praescripto tempore, quo citatus est reus, actor in iudicium ire neglexerit, nisi de expensis condemnatur; neque alia ei citatio permittitur, nisi de se iudici sistendo cautionem praestet (1). Sed alia ante litem contestatam, et alia post contra eum rei expediendae ratio est. Cum actor ante litem contestatam vocatus tribus edictis (2), quibus singulis triginta dies (3) assignantur, cui copia non fecit, unus adhuc annus ei conceditur, intra quem si in jus non veniat, praesente, et rogante reo, iudex ad expediendum negotium progreditur, testes recipit ac secundum veritatem sententiam pronunciat (5). Post litem contestatam non expectatur unius anni lapsus, sed post trinam citationem si adhuc actor iudicium fugiat, statim iudex progredi potest ad finiendam disceputationem (3). At Jus Canonicum harum dilationum nullam habet rationem, verum actore in jus non veniente, post trinam citationem statim iudicium absolvitur (6).

(1) *Cap. 1. de dol., et contumac. in 6.*

(2) Contumax in Jure Canonico eodem modo definitur, quo in Jure civili, uti constat ex Paulo recept. sentent. lib. 5. tit. 5. num. 7. apud Schultze-

gium loc. cit. pag. 450 ; qui tribus literis , vel edictis vocatus ad iudicem non venit. Quae edicta pluribus nominibus appellantur , admonitiones , auctoritates in can. de illicita 6 c. 24. q. 3. et comminationes , et programmata Leg. 1. 2. et 6. Cod. comminationes (pistolae etc. Harum similia sunt edicta synodalia *συνοδικα* *ἐπιστολαὶ* , de quibus loquitur Balsamon in cap. 12. Synodi Antiochenae apud Beveregium Pandect. Canon. tom. 1. pag. 443. edit. Oxonii 1672.

(3) Edicta haec , sive citationes fieri debent separatim intra praefinitum tempus *πρὸς τὴν αὐτὴν* ut loquuntur Graeci , diurni nempe decem , quos ad viginti prorogat Novella Justiniani 53. cap. 3. Jure novo singulis edictis datur spatium triginta dierum , per quos vocari quis legitime dicitur , et non per paucos dies , ut scribit Balsamon ad can. 74 Apostol. apud Beveregium Pandect. canon. tom. 1. pag. 48. edit. Oxonii 1672. , quibus finitus adhuc dandus est annus Novella de litigiosis 112. contra jus vetus , quod triennium dabat. Nunciantur haec edicta reo , qui si non invenitur , Ecclesiae valvis affiguntur Cap. ult. de dolo et contumacia , et quidem per praetorem , si laicus sit , per clericum , si clericus , et hunc hominem , qui iudicium deserit , Legi Salicae tit. 52. apud Baluzium Capitular. Reg. Francor. tom. 1. col. 225. Marchulphus formul. 21. ibid. tom. 2. col. 261. , atque alii in append. numer. 22. 25. col. 308. 309. , et formul. Sirmond. num. 46. 342. , et antiquae formulae abjectum , jactivum , et admallatum vocant.

(4) Cap. 5. de dolo , et contumacia , Cap. 1. eod. tit. in 6.

(5) Auth. qui sevel Cod. quomodo , et quando.

(6) Cap. 3. de dolo et contumacia.

§. III. Si reus est contumax ante litem contestatam , minime fertur sententia definitiva , sed actor in actione reali mittitur in possessionem rei servandae causa ; in actione personali pro modo , et ratione debiti in possessionem honorum mobilium rei , vel immobilium , cum nulla mobilia sunt ; eaque possessio datur ex primo , et secundo decreto. Primi decreti possessio tantum custodia est , quoniam ea conceditur , ut tuta sint omnia , atque actor non dominus , sed tantum custos efficitur. Hinc uterque , tam actor scilicet , quam reus possident (1) , hic quidem , ut fundum colat , et fructus colligat , ille autem , ut fundum , et fructus , sive fructuum pretium observet , atque custodiat (2). Intra anni spatium si reus in jus non veniat , solvatque expensas , et cautionem non praestet de se iudici sistendo , emittitur secundum decretum ; per quod contumax de possessione dejicitur , atque actor unus rei possessor evadit.

(1) Actor ex primo decreto ita merns est possessor , hoc est ita rem possidet , ut nullo modo fructus faciat suos , Cap. 2. de sequestr. possess. , atque ut reus possessionem non amittat , ille proprie dicitur in possessione es-

se, hic possidere in L. 10. §. idem Pomponius. 1. ff. de acquir. possess., sicut aliud est in servitute esse, et aliud servum esse, Cicero pro Quinctio num. 27. opp. tom. 4. pag. 57. edit. Genevæ 1744. » Pos ita videtur in possessione esse oportere. Quod ibidem recte custodire poterunt, id ibidem custodiant. Et paulo post » Proficiscenti tibi in possessionem Praetor » ipse, Sex. Naavi, palam dicit: ita possideto, ut tecum simul possideas » Quintus. »

(2) Cap. 4. de eo qui mittit in possess., Cap. ult. §. in aliis sunt Ut lit. non contest.

§. IV. Cum reus est contumax post litem contestatam, causaque clara, et explorata est, fertur sententia definitiva vel pro actore, cum recte et merito ab se institutam actionem constat, vel si secus est, pro reo absente, cum litigatoris absentia, ut ait Imperator, Dei praesentia repleatur (1). Quod semper observandum, dum eremodiciū ventilatur (2) sive pro actore, sive pro reo. Contumax autem ob poenam contumaciae semper in expensas condemnatur. Illud vero non omittendum, quod sententia hoc modo lata in re beneficiaria vim non acquirit rei judicatae quoad Superiorem, cui adhuc integrum est in rem totam diligentius inquirere, iuraque eorum, qui iudicium exercuerunt, expendere, maxime cum illa lata est contra absentem non defensum (3), tum ut procul sit omnis injustitiae nota, tum ne quis ecclesiasticum beneficium sine canonica institutione consequatur (4).

(1) L. 13. §. 4. Cod. de judic. Quo spectat etiam L. 73. ff. eod.

(2) Ererodiciū est ε'ρω'αγ δι'αγ, cum abest adversarius, ac lis deserta est; scilicet eremodiciam contrahit qui litem deserit, postquam contestata est. Nam ante litem contestatam qui iudicium fugit deserere vadimonium dicitur, quod levius est, quam eremodiciam contrahere, uti observat Cujacius in L. Praetor ait. 7. ff. de minor. opp. tom. 1. col. 865. edit. Venet. citat. Qui vadimoniam deserit, hoc est qui die dato se venturum promisit, nec tamen venit, non coercetur damno litis, uti coercetur qui litem deserit contestatam. Quod adeo verum est, ut si absens per contumaciam damnatus fuerit, posteaque in iudicium venerit, non poterit ex integro causam agere, quam minus recte expensam putat, imo ne appellare quidem poterit, L. ex consensu 23. §. ult. ff. de appellat., L. et post edictum 23. §. ult. ff. de judic. Huc referenda L. contumacia 53. ff. de re judic., ubi dicitur, quod litis damno contumacia coercetur, quia nimirum lis ex integro agi non potest, neque a sententia fas est appellare. Itaque lis, et actio extinguitur, neque iudicatum appellatione infirmatur, quod non ita fit cum deseritur vadimonium. Nam cum quis deseruit litem contestatam, iudex elapso tempore legibus constituto definitivam sententiam emittit: cum vero quis indicto die litis contestandae non adest, non fert sententiam definitivam, sed si adversarius contumax esse pergat, iudex de re cognoscit

sumptum, et actorem praesentem mittit in possessionem rei, de qua quaesitio est, non ei rem addicit, quia non fert sententiam definitivam, neque praesentem rem absolvit a iudicii observatione. Vide Cujacium in tit. 1. lib. 3. Cod. L. 3. de judic. §. 1. opp. tom. 9. col. 124. seq. edit. cit.

(3) Cap. 7. de dol. et contumac.

(4) Cap. 2. de regul. jur. in 6., Cap. un. de eo qui mittit. in possess. in 6.

§. V. Quamquam vero contumax generatim habeatur qui praefinito die in jus non venit, tamen fas est iudici aequitatis gratia absentem expectare in diem, qui proxime constitutum sequitur (1). Nam aequum plerumque est, ut non statim absens contumaciae condemnatur, quoniam justae esse potuerunt excusationis causae, propter quas absens ad iudicem ire non potuit. Hae causae sunt adversa valeundo (2), majoris causae occupatio (3). absentia Reipublicae causa, pupillaris, vel minor aetas, vocatio ad superius tribunal (4). Eodemque jure censentur qui municipalis muneris obeundi, aut testimonii in iudicio ferendi necessitate, teipestate, vi fluminis, furore, detentione publica jussu magistratus facta, funere domestico, aliisque similibus impediti fuerint (5). His de causis procul est contumacia, nisi quis speciatim quibusdam renunciaverit (6), aut eas dolo malo, et gravi negligentia exquisierit (7); cujus rei iudicium arbitrio iudicis servatum est. Una aut altera ex his causis, quae iudici probandae sunt, poenam remouet contumaciae; imò si sciens impedimentum index sententiam tulit, ea nulla est, si ignorans, in integram restitutio conceditur, vel alias causa ad pristinum statum revocatur (8). Verum delegatus, cui certum praefinitum est negotii expediendi tempus, quo elapso perimitur ejus jurisdictio, contra absentem procedit, ne secus totum iudicium evanescat (9).

(1) Cap. 21. de offic. deleg.

(2) L. contumacia 53. §. poenam, et L. quaesitum 60. ff. de re judic.

(3) L. et §. cit.

(4) L. contra pupillum 54. ff. eod. tit.

(5) L. non exigimus 2. L. sed et si 4. §. 1. in fin. §. 2. et 3., L. si is qui 6. ff. si quis cautionibus in iudicio etc.

(6) L. sed et si 4. §. quaesitum.

(7) L. non exigimus, cit. §. 8. et 9.

(8) L. si propter officium 1. Cod. quib. ex caus. major. in integr.

restit., L. quia absente 4. Cod. de procurat., L. ea quae 7. Cpd. quomod. et quand., L. ult. ff. de restit. in integr.

(9) Cap. 24. de offic. deleg.

§. VI. Aliis quoque contumaces tenentur paenis, quarum unam, aut alteram infligit iudex suo arbitrato, ad alias nihilominus processurus adversus eum, qui pertinaciter iudici non obtemperat (1). Nam hic et pecuniaria mulcta (2), et censuris coercetur, sed hae caute; et sobrie adhibendae, neque infligendae sunt, nisi cum contumaces re, aut persona aliter in officio retineri nequeunt (3). Interdum etiam adversus contumacem capiuntur pignora (4); rei quae controversae fructus ob malam administrationem deponuntur penes probum, et honestum virum, qui finita lite rem, et fructus victori restituat (5). Quae dicitur sequestratio rei litigiosae, quam iudex justa ex causa decernit, ne res, et fructus dilapidentur (6). Si maritus ad inopiam vergat, res sequestro datur (7), similiter si ille, a quo res mobilis petitur, suspectus sit (8), si de beneficio ecclesiastico agatur contra possessorem non triennalem, et contra ipsum in possessorio, vel petitorio sit lata sententia, sequestrum constituitur (9). Sed generatim sequestrum revocatur, cum reus in iudicium veniens expensas restituit, et cautionem praestat, per quam omne, quod timetur periculum remoyeatur (10). Uxores, quae ob nimiam viri saevitiam, ab eo diverterunt, penes probam, et honestam mulierem collocantur (11); ac simili modo in negotio sponsalium cum maguus est metus; vis puellae inferatur, et impediatur libertas consensus, ea potissimum in monasterio collocauda est (12), donec de praecipua causa iudicium absolvatur (13).

(1) *Cap. 5. §. in aliis ut lit. non contest.*

(2) *L. 2. ff. si quis in jus vocat, Cap. 2. §. 8. de dol. et contumac. Cap. 3. ut lit. non contest.* De mulctae nomine, et natura late disputat Barnabes Brissonius *select. ex jur. civil. antiq. lib. 1. cap. 3. inter. opp. minor. pag. 4. et 5. edit. Lugdun. Batav. 1749.*

(3) *Cap. 5. §. ult. ut lit. non contest.*

(4) *Conellium Tridentinum sess. 23. cap. 3. de reform., L. temporibus 1. §. quid ergo 3. ff. de inspicio. ventr. et custod. part.*

(5) *L. 21. et ult. ff. de appellat., Cap. 2. de sequestr. possess. et fruct.*

(6) *De sequestri nomine videndus Du-Cangius Glossar. med. et infim. la-*

similitis verb. sequester sequestrare sequestrum, et vide quae scripta sunt in Instit. Juris Canon. lib. 3. tit. 6. §. 7. not. 1. pag. 94. edit. Romae 1792.

(7) *L. 23. §. si autem ff. solut. matrim.*

(8) *L. 7. §. ult. ff. qui satisd. cogun.*

(9) *Clem. 1. de sequestr. posses. et fruct.* Consule Glossam in *Cap. 2.*, ubi ostenditur diligenter, quando sit sequestrationi locus.

(10) *Cap. 1. de sequestr. posses. et fruct.*

(11) *Cap. 8. et 10. de restit. spoliat.*

(12) *Cap. 14. probat.*

(13) *Cap. 14. de sponsal.*

§. VII. Contumaciae paenas infligit iudex non sponte, et voluntate sua; sed rogatus ab altero, cum quo sit iudicium (1). Nam iudex tantum requisitus officium suum impertiri debet; nisi procedat ex nobili officio, atque ad multam pecuniariam ob pertinaciam contumacis (2). Quod si neuter adsit eorum, quos inter exercendum est iudicium, nullae sunt iudicis in eo negotio partes, et unius cum alterius contumacia compensatur. Illud denique non omittendum, quod antequam mulcta, excommunicatio, aliave paena feratur in contumacem, citari debet ad sese exousandum, quia si justo impedimento detentus constituto die in jus venire non potuit, contumax haberi nequit.

(1) *L. 68. et seq. ff. de iudic.*

(2) *L. 2. ff. si quis in jus voc.*

T I T U L U S X V.

- | | |
|-------------------------------------------------------------------------------------------------------|----------------------------------------------------------------|
| I. Qualis sit missio in possessionem ex primo, et secundo decreto? | III. Causae, in quibus locum non habet missio in possessionem. |
| II. Missio in possessionem ad imperium referenda. Subsidia, quae ab-
senti a iudicio praesto sunt. | IV. Quando secundum decretum emittendum? |
| | V. Reus in jus veniens, vel non. |

Sextus hoc Tit. et Cap. ult. §. ult. ut lite non contest. Pandectae lib. 42. Tit. 4. 5. lib. 43. tit. 4. et sparsim Tit. ff. de damn. infect. Codex lib. 7. Tit. 72. Nov. 53. Cap. 4. lib. 8. Tit. 22.

§. I.

Actorem, quando reus contumax abest sine justa causa, mitti in possessionem ejus bonorum, superiori titulo demonstratum est. Haec non levis est poena contumaciae, cum nihil fere hominibus gravius, et acerbius sit, quam si bona a Majoribus accepta ab extraneis videant occupari. Ea de causa Jure praescripta est eadem missio in possessionem, ne actorem frustretur petitio, quam iudicio proposuit, atque ut reus affectus taedio, ac moerore hujusce missionis in iudicium veniat. Eam vero fieri diximus ex primo, et secundo decreto; primum actori tribuit meram rei custodiam, secundum veram possessionem, ita ut actor dejecto reo unus, et verus possessor fiat, fructusque percipiat. De utroque hoc decreto agit hic Titulus, licet initio tantum primum decretum, quod pertinet ad rei custodiam, complecti videatur. Nam utriusque decreti vim, et naturam superiori loco explicavimus, quoniam ita postulare videbatur ordo a nobis susceptae tractationis; hic cetera, quae ad hoc idem argumentum pertinent, explanabimus.

§. II. Missio in possessionem ad imperium, non ad jurisdictionem pertinet (1); quo fit, ut eam concedere nequeat iudex pedaneus, sed tantum qui merum, et mixtum imperium habet (2). Duo tamen a iudicio absenti subsidia praesto sunt. Primum est quod si aliquis vel consanguineus, vel amicus in iudicium veniat absentem defensurus, praestita cautione de rato, admitti debeat, ut missio in possessionem arceatur (3). Alterum est, quod si reus nullo Procuratore relicto, neque aliquo veniente, qui ejus causam tueri velit, absit ex justa causa, Curator ejus bonis a iudice constituit solet, qui absentis jura in iudicio defendat (4).

(1) *L. ea quae* 26. §. *magistratibus* 1. ff. *ad municip.* Sunt qui missionem in possessionem non ad imperium, sed ad jurisdictionem referendam putant, quod in *L. dies cautioni* 4. §. *duas* 3. ff. *de damn. infect.* Magistratus municipales, qui imperium non habebant, minores in possessionem mittere permittuntur. Verum ibi Magistratus municipales in possessionem mittunt non jure proprio, sed loco Praesidis ex mandata sibi jurisdictione.

(2) *L. jubere* 4. ff. *de jurisdict.*

(3) Hinc viri periti juris animadvertunt. cautum esse, ut in edicto ad valvas addatur, si quis consanguineorum, vel amicorum defendere absentem velit, constituto die in iudicium veniat.

(4) *L. ab hostibus* 15. ibiq. *Gloss.* ff. *ex quib. caus. major.*

§. III. In omnibus generatim causis locum habet missio in possessionem, nisi eam repellat natura actionis, vel rei, propter quam aliquis in iudicium vocatus est. Quo referuntur causae criminales in quibus notari solent bona contumaciae (1); causae beneficiales quoad titulum, ne detur vitiosus ingressus in beneficia (2); causae matrimoniales, ne missio fiat cum animae detrimento (3); causae quoque civiles, in quibus actor nihil petit, sed tantum ab aliquo liberari desiderat, veluti si minor adversus aditam hereditatem restitutionem postulat.

(1) *L. 1.* §. *ult.*, et *L. 2.* ff. *de requirend. vel absent.*

(2) *Cap. unic.* de eo qui mittit. in possess. in 6 Secus tamen est cum agitur de proprietate Ecclesiae *Cap. 2.* de eo qui mittit. in possess., ubi Moniales mittuntur in possessionem Ecclesiae rei servandae causae.

(3) *Cap. 3.* et *ult.* §. *porro ut lit. non contest.*

§. IV. Inter primum, et secundum decretum, uti supra

demonstratum est, intercedere debet annus unus, cujus a die, quo quis actu missionis beneficium accepit, initium capiendum est. At si reus resistat actori volenti occupare bona, hic fictione juris censetur missus in possessionem bonorum a die, quo primum decretum emissum est (1), ne rei malitia, et protervitas in ejus commodum convertatur. Ceterum cum justa causa est, judici permittitur annum illud temporis intervallum vel producere in actione personali, vel contrahere in actione reali, cum id totum videatur ejus arbitrio commissum.

(1) *Cap. 9. de dol. et contumac.*

§. V. Si reus intra annum in jus veniat, solvatque omnes expensas, ac praestet cautionem de se judici sistendo, una cum fructibus amissa bona recuperat. At si elapso anno contumax esse pergit, missus in possessionem verus dominus efficitur, neque ulla est novi decreti secundi necessitas, quamquam et hoc impetrari possit, ut negotium magis cautum, et provisum sit (1). Semper tamen integra est absenti quaestio proprietatis (2); quo fit, ut actor sua illa, quam obtinuit, possessione non verus dominus, sed tantum quasi dominus efficiatur (3). Quia etiam lite contestata, in actione reali non fit missio in possessionem ex primo decreto, sed suo lapso tempore fertur sententia definitiva, cum clara res est, et cum non satis clara, actor quasi ex secundo decreto mittitur in possessionem bonorum rei, sola huic proprietate relicta.

(1) *Cap. pastoralis 41. § verumtamen, Cap. ult. ut lit. non contest.*

(2) *Cap. 4. de eo qui mittit. in possess. et Cap. ult. cit.*

(3) Atque hoc sensu intelligenda sunt jura in *L. 15. §. 16. et 18. ff. de damn. infect.*, ac cetera, quae laudantur a Gonzalez in *cap. ult. ut lit. non contest.*

UT LITE PENDENTE NIHIL INNOVETUR

T I T U L U S X V I.

I. Quando lis pendere dicatur?

II. Discrimen inter actiones reales,
et personales.

III. ad V. Effectus litis pendente.

VI. Causae propter quas res litigiosa
alienari potest.

**Sextus, et Clementinae h. tit. Decretum c. 11. q. 1. can. ult.
Pandectae lib. 44. tit. 6. Codex lib. 1. tit. 21. et maxi-
me lib. 8. tit. 37. Nov. 112. cap. 1.**

§. I.

Inferri in judicia, et intrandi novitas aliqua potest, quae
dammum afferat litigantibus; hinc ejus arcendae via considera-
ta, atque provisata est, cautumque sapienter hoc titulo, ut li-
te pendente nihil innovetur. Antiquo jure lis pendere dicebatur
per litis contestationem (1); sed jure novo *litem pendere ceu-*
semus, postquam a iudice competenti in ea citatio emanavit,
et ad partem citatam pervenit, vel per eam factum fuit, quo
minus ad ejus notitiam perveniret, dum tamen in citatione
praedicta talia sint expressa, per quae plene posist instrui,
super quibus in iudicio convenitur (2).

(1) *Cap. ex part. 30. de verb. signific. l. amplius 15. ff. rem ra-
tam haberi, l. litigiosum 1. ff. de litig.*

(2) *Clem. 2. ut lit. penden., Auth. litigiosa Cod. de litigios.*

§. II. Quod juris praescriptum tum reales, tum personales
actiones complectitur (1). Hoc inter utrasque discrimen est,
quod in illis res efficitur litigiosa, in his non res, de qua actio
institutata est, sed petitio, sive instantia, adeout qui eam in
iudicium detulit, eandem alteri cedere nequeat, nisi simul in
eum jura omnia transferat, quae habet contra adversarium
suum, in quem litem intulit.

(1) *Parelius in Cod. de litig. num. 3.* atque alii tantum ad reales, non item ad personales actiones hanc juris disciplinam pertinere arbitrantur. Sed cum cit. *Clementina* nullum inter reales, et personales actiones discrimen faciat, omnium consensu receptum est, saltem de jure canonico de utroque actionum genere unum, et idem esse jus constitutum.

§. III. Multa sunt, quae litem pendentem consequuntur. Scilicet nihil novi fieri potest, unde ad litigantes damnum aliquod perveniat, et ideo qui in possessione versatur, in ea pendente lite retinendus est, ejusque fruitur commodis, atque utilitate. Quod etiam pertinet ad rem matrimonii; nam si agatur de divortio ob adulterium, aut dirimens impedimentum, non potest conjux a conjuge judicis auctoritate separari, ac de sua possessione detrudi, nisi adulterii crimen, aut dirimens impedimentum judicio demonstratum, et patefactum, sit (1). Porro in actione reali res evadit litigiosa, seu vitio litigii affecta, dum de dominio lis fervet; si vero agatur solo possessorio, non res ipsa, sed tantum possessio, fit litigiosa, in actione vero personali nec res nec possessio, sed ipsa actio, sive instantia evadit litigiosa ita ut actor eam alteri cedere nequeat, nisi sua jura cedat universe. Si quid secus est actum, id infirmandum, delendumque est, ac si nihil actum fuisset, resque omnis ad pristinum statum revocanda. Non enim ex alieno facto alterius conditio deterior effici potest, qualis certe fieret, si lite pendente inverso ordine vel in rem ipsam, vel in ejus possessionem, vel in jus, quod eo tempore vigeat, novi aliquid induceretur (2).

(1) *Cap. laudabilem 2. ut lit. penden.* Conjux tamen, cui certum, et exploratum est dirimens impedimentum, pendente lite liberis operam dare prohibetur.

(2) *Cap. Ecclesia 3. et 4. ut lit. penden., l. omnibus ff. de alienat. jud. mut. equo., l. non debet 74. ff. de reg. jur.*

§. IV. Hinc merito statutum est, ut res, aut actio litigiosa pendente lite non alienetur, vel in alium transferatur, et si alienetur, restituatur, aut si restitui nequeat, alia parvis aestimationis, et pretii ejus vice subrogetur, quae propterea cum naturam, et qualitates accipiat rei, quae in ejus locum substituta, et supposita est, alienari non potest, nisi lis absoluta sit (1). Quod adeo verum est, ut res litigiosa ne locari quidem, saltem ad longum tempus, possit, propterea quod hujusmodi locatio, quae in longum tempus produ-

citor, alienationis nomine comprehenditur (2). Idem sit iudicium de electionibus, et beneficiis, in quibus pendente lite nihil immutare fas est, ac si litigantium alter vel moriatur, vel sese plane abdicet beneficio, quo fruitur, hoc sane ad alium transferre, aut novam electionem facere non licet, nisi primum viventis plane cognita, et perspecta sint iura. Secus nullius est momenti quod factum est (4). Imo etiamsi postea constaret, nullum inesse jus in eo, qui alteri superstes vivit, adhuc irrita esset electio, quae initio vitiosa fuit, neque tractu temporis potuit convalescere (4). Sed et rescriptum, ac privilegium in perniciem litigantis, pendente lite impetrari non potest, nisi in eo litis ejusdem fiat mentio (5).

(1) *Can. ult. c. 11. q. 1., Cap. 3. et 4. ut lit. penden., L. ult. ff. et L. lite 2. Cod. de litig., et Novell. 112. cap. 1.*

(2) *Clem. 1. de reb. Eccles. non alien., ibique Glossa verb. ad tempus modicum.*

(3) *Cap. 1 ut lit penden. in 6.* hinc tracta est Regula Cancellariae de subrogandis collitigantibus, quae nunc est XXIX. secundum ordinem in iis emittendis constitutum a Benedicto XIV. die 31. Augusti an. 1740.

(4) *L. 29. ff. de reg. jur.*

(5) *Cap. 1. et ult. h. tit.*

§. V. Neque tantum infirmantur venditio, donatio, similesque contractus rei litigiosae, sed etiam poena plectitur, qui eos facere ausus est. Si utrique contrahentium exploratum fuit, rem esse litigiosam, irritus declaratur, tolliturque contractus, resque vendita, aut donata restituitur in priorem locum; emptor amittit pretium, ac venditor tantundem praestat, et utraque haec poena fisco adscribitur (1). Si unus venditor rem litigiosam novit, emptor suum pretium recuperat, ac praeterea tertiam partem aestimationis, quam venditor praestat, reliquae duae partes Fisco tribuuntur. Qui rem litigiosam donavit sacris duplum praestat, quod adversario adjudicatur, idque propter contumeliam in Denm, quem hic homo falsa religione colit cum alterius detrimento.

(1) *L. censemus 4. Cod. de litigios.*

§. VI. Saepe tamen justae occurrunt causae, propter quas res etiam litigiosae recte alienantur. Huc referenda causa dotis, vel donationis propter nuptias (1), ac transactionis, aut divisionis

rerum hereditarium (2), nisi de his bonis lis feruat inter heredes, eorumque adversarium, quia tunc cum istius detrimento divisio non permittitur; huc quoque causa ultimae voluntatis, sive ea contineat institutionem, sive legatum (3); sed legata re litigiosa heres litem eum defuncto inchoatam commodo ac periculo legatarii prosequi debet, ita ut hic si heres vicerit, legatum consequatur, nihil autem si victus fuerit, atque ita ipsi solus eventus, et exitus litis relictus videtur (4); hunc et causa necessaria, puta pro solutione funebis, debiti, alimentorum, similia; huc et consensus adversarii, ac gratia Principis, qui rem alienari permittat; huc denique aliae, quae praesto esse possunt, justae causae iudicis arbitrio constituendae, ex. gr. si res secus esset peritura.

(1) *L. ult. §. ult. Cod. de litig.*

(2) *Cit. L. ult. §. ult.*

(3) *Novel. 112. cap. 1. §. et hoc.*

(4) *Auth. nunc heres Cod. de litig. §. ult.*

SEQUESTRATIONE POSSESSIONUM ET FRUCTUUM

T I T U L U S X V I I .

- | | |
|------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------|
| <p>I. et II. Quis Sequester, et in quo differat a Depositario?</p> <p>III. Sequestrium, vel voluntarium, vel necessarium. Quid requiratur, ut a iudice constituitur?</p> <p>IV. Quae res sequestro subiciantur?</p> <p>V. Quibus sequestrum committi possit?</p> | <p>VI. Sequester eligit vel praesentat. Necessaria praestanda ei, qui sequestrium patitur.</p> <p>VII. Quibus modis sequestrium tollitur?</p> <p>VIII. Manuum injectio quando fiat?</p> <p>IX. Quando his remediis non amplius opus sit?</p> |
|------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------|

Clementin. *h. tit. Decretum can. quoties c. 7. q. 7. Codex lib. 4. tit. 4. de prohib. sequestr. pecun.*

§ I.

Novus hic iudiciorum ordo proponitur, quo lite pendente actor non mittitur in possessionem rei servandae causa, namque ea reliquitur penes rem contumacem, sed tertio committitur, ut eam conservet, atque custodiat; ac finita lite una cum fructibus victori restituat. Tertius hic sequester dicitur, qui certantibus, ut inquit Isidorus (1), *medius intervenit, qui apud Graecos δ' μετος dicitur, apud quem pignora deponi solent, a sequendo dictus, quod fidem utraque pars sequatur*. Sequester itaque custos est, apud quem duo, vel plures rem, de qua inter se litigant, interim custodiendam relinquunt, ac deponunt reddendam ei, cui iudex adscribendam definiaverit (2). Sequester est depositarius (3), et ab eo differt quod apud depositarium etiam unus rem suam deponit, apud sequestrem non unus sed duo pluresve deponunt (4). Hinc etiam sequester tertia persona, a Graecis τριτος, hoc est tertia persona (5) appellatur. Duo igitur existant necesse est, qui tertii fidem sequantur, quique huic rem committant, de qua disputatur,

(1) Isidorus *etymolog.* lib. 10. *app. tom. 3. pag. 496. edit. Romae 1798.*

(2) Hinc actio depositi sequestrataria, qua sequester erga victorem tenetur *L. si in Asia 12. §. 2. ff. deposit.*, *L. si quis affirmavit 9. §. Labee ff. de dol. mal.*

(3) Sequester depositi speciem esse scriptum est in *L. 17. §. 1. ff. depositi*, et hinc Tertullianus *de resurrect. cap. 27. pag. 342. corpora*, "inquit, mediata condimentis sepulturae mausoleis, et monumentis sequestrantur; hoc est deponuntur.

(4) *L. 6. et 17. ff. deposit.*

(5) *L. 7. §. cum de usufructu ff. commun. divid., L. item si unus 17. ff. de recept. qui arbit. recept.* Sic apud Sequestres deponi in *L. 21. §. ult. ff. de appellat.* et in sequestre deponere, *L. penult. ff. deposit.* Oecurrit hoc verbum apud Plautum *Mercator. act. 4. scen. 3. v. 36. tom. 2. pag. 748.*, et *Ruden. act. 4. scen. 4. v. 79. pag. 1016. edit. Lugdun. Batav. 1669. sequestro mihi data est*, apud Tertullianum *de resurrect. carn. cap. 51. pag. 357. et de patient. cap. 15. pag. 148. edit. Venet. 1744.*, *A Celltum Noct. Attic. lib. 20. cap. 11. pag. 1128. edit. Lugdun. Batav. 1666.* Hinc factum est verbum *sequestrare*, quo Tertullianum uti animadvertimus, et quo ut rem designent sub sequestro ponendam utuntur Symmachus *ep. 46. nl 52. lib. 10.* hoc est sub sequestro ponere. Vegetius *de re milit. lib. 2. cap. 20. pag. 48. edit. Vesaliae 1670.* ut ex donativo, quod milites consequuntur, dimidia pars sequestraretur apud signa. Vide Cujacium ad *L. 109. de verb. signific. tom. 8. col. 537.*

§. II. Est et aliud discrimen inter sequestrem, et alium depositarium rei non controversae, sive non litigiosae, quod ejusdem rei possessio manet apud eum, qui depositum fecit, eique possidet depositarius, non sibi, unde et servus depositus non depositario, sed ipsi deponenti servire dicitur (1). Contra in sequestrem possessio transfertur, cum inter se conveniunt litigantes; ut deserat uterque rei controversae possessionem, et eam sequestri concedat. Tunc enim eorum possessio, et usucapio interrumpitur, et solus sequester naturalem rei possessionem obtinet. Verum si id aperte non agatur, ac merae custodiae causa res apud sequestrem deponatur, non sequester, sed victor, cui res jussu judicis restituitur, per sequestrem possedisae intelligitur, eique omnis accedit possessio, curritque ejus commodo, et beneficio usucapio (2).

(1) *L. si servus 22. de nozal. act.*

(2) *L. interesse 39. ff. de acquir. vel amitt.*

§. III. Sequester, aut sequestratio vel voluntaria est, quae fit ex consensu litigantium, vel necessaria, quae judicis man-

dato, et auctoritate ex expeditur. Voluntaria, quae et conventionalis dicitur, generatim est permissa, cum nulla fiat injuria volentibus; necessaria generatim est vetita quoniam lite pendente, qui possessionem obtinet in ea retinendus est. Sed saepe plures occurrunt aequitatis causae, quae faciunt, ut merito a iudice sequestrum decernatur; veluti si periculum sit, ne res, reivo fructus dilapidentur; aut externus, et adventitius homo alio se conferat; si justus est metus, ne litigantes ad arma veniant, vel a marito disperdatur, ac dissipetur res dotalis; si obscura, et incerta sint iura litigantium, de veritate partus, de censu emphyteutico, qui a duobus exigitur, de beneficio, de cuius possessione duo inter se contendunt; aliaeque esse possunt graves causae, propter quas iudex rem litigiosam rite, ac recte sequestrationi subijciendam putet. Similiter si possessor iudicio victus appellavit, fructus sequestro deponuntur (1). Cum iudex ex nobili officio procedit ad sequestrationem, gravis, et publica causa requiritur (2); cum ex officio mercenario rogante litigante, requiritur summaria cognitio de iure postulantis, ac de causa; praeterea iuramentum, quod iure, ac merito sequestratio petatur, denique citatio alterius litigantis; nisi adsit fugae periculum, gravisque praesumptio contra reum, quod consumptis bonis satisfacere nequeat creditori.

(1) *Argum. L. ab executione 5. Cod. quor. appell. non recip.* Haec constitutio spectat Symmachus lib. 10. ep. 53. pag. 410. ed. Neapol. 1617. « Interea constitutionis memor sequestravi mobilia, fructusque percipi, ne temporis usurpatio aboleretur indebitis. » Idem habet Paulus *recept. senten. lib. 5. tit. 36. pag. 535. loc. cit.*

(2) *Argum. Cap. 1. hoc tit.*

§. IV. Generatim super rebus omnibus, quae litigiosae sunt; quaeque sub custodiam cadunt, sequestrum constitui potest, sive illae sint mobiles, sive immobiles, corporales, sive incorporales, profanae, et spirituales. Hinc et ecclesiastica beneficia sequestrum patiuntur, certis tamen praecriptis legibus quae sunt, primum, ut in Curia Apostolica lata sit sententia contra possessorem, qui nondum triennii spatio possessionem obtinuerit, deinde ut Ordinarius sequestrationem exequatur, eaque fiat penes idoneum hominem, cui beneficii administratio tuto committi possit (1). Quin etiam libera persona sequestro subijcitur. Sic puella, si cui matrimonii fidem dedit, eoque promissa expotente neget, iis sese stare oportet.

re, quoniam id ipsa fecit coacta metu, sequestrum patitur, scilicet penes honestam mulierem custoditur, donec praecipuum negotiorum iudice (2). Sic et puella, quae a viro discessit, et ingressa est monasterium, virginem esse se, votisque obstrictam asseverans, in illo retinenda est, donec a iudice veritas evolvatur (3). Sic demum mulier si merito timeat saevitiam viri, neque hic cautione data omnem metum removeat, probae, et honestae feminae committitur, donec res a iudice plane cognita et explorata sit (4). Haud tamen sequestro obnoxium debet esse cadaver, ut heres defuncti debitum solvat, quoniam inhumanum esset cadaveri denegare sepulturam, quam omnia iura divinum (5), canonicum (6), et civile (7) concedi volunt.

(1) *Clement. unic. de sequestr. possoss.*

(2) *Cap. cum locum 14. de sponsal.*

(3) *Cap. causam 14. de probat.*

(4) *Cap. ex-transmissa 8., et Cap. literis 13. de restit. spoliat.*

(5) *Eccles. VII. 37.*

(6) *Can. qui divina 28. c. 13. q. 2.*

(7) *L. 6. Cod. de sepulchr. viol., Novel. 60. cap. 1.*

§. V. Sequestris munere tum unus, tum plures fungi possunt, litigantibus non suspecti, probatae fidei, quique in administranda re sibi credita diligentes futuri existimantur. Imo et ipse iudex, uti fert communis omnium sententia, sequestratus esse potest (1). Nemo invitus suscipere hoc officium cogitur, nisi aliud consuetudo, vel lex municipalis, vel justa, gravisque causa suadeat (2); sed semel suscepto nemo sese abdicare potest suo arbitratu, at iusta causa, et iudicis auctoritate opus est (3). Sequester autem ex contractu, vel quasi contractu obligatur (4).

(1) Quae sententia nititur praescripto *L. 11. §. 2. ff. de recept. qui arbitr.* ubi scriptum est « si res apud arbitrum depositae sint » et *L. 7. §. ult. ff. qui satisd.* ubi habentur haec « apud officium deponi debebit ».

(2) *Argum. L. 7. ff. depositi*, cujus verba sunt « cum posset non suscipere talem causam ».

(3) *L. sicut 5. Cod. de Oblig. et Action.*

(4) *L. 9. §. 4. ff. de dol. mal.*

§. VI. Sequester castri, vel dignitatis, cui annexum est jus eligendi, vel praesentandi, et eligere, et praesentare potest, donec firma sequestratio est, modo ad haec praestanda aptus; et

idoneus sit (1). Potest tamen litigantes consulere, quorum si discors sententia est, eligere, vel praestare debet eum, qui magis dignus est. Quamquam autem sequester diligenter custodire, et administrare debeat rem sequestrationis, ut illam ab soluto negotio una cum fructibus victori restituat, (2), tamen ita fert aequitas, ut si is qui necessariam sequestrationem patitur, nihil aliud habeat, quo sese alat, litisque sumptus sustineat, ei praebeantur ex re litigiosa quae necessaria sunt.

(1) Confer Harpworth. in *Instit. quibus modi re contrahat. oblig. §. praeterea* 3. num. 160., aliosque complures, a quibus solide refutantur ii, quorum alia sententia est.

(2) *Clem. uni. h. tit., Cap. 2. de dol. et contumac.*

§. VII. Pluribus autem modis sequestrum tollitur. Nimirum lite finita, quia tunc res sequestro subjecta victori restituenda est; ac lis finita dicitur, cum iudicis sententia vim acquirit rei iudicatae. Hinc removetur sequestrum emissae appellatione, dataque a domino idonea cautione (1); sequestris susceptum officium deserente cum justa causa, et iudicis auctoritate (2); eveniente conditione, cum qua sequestratio concessa fuit (3); morte sequestris, qui cum personae fides, et industria electa sit, hoc officium minime ad heredes transit; et tunc res sequestrata in aede sacra deponi solet (4). Huc quoque referendus est regressus rei intra annum, si loco missionis in possessionem ex primo decreto facta est sequestratio (5).

(1) *L. ult. Cod. de ordin. cognit.*

(2) *L. et apud 5. §. ult. ff. deposit.*

(3) *L. propter 6. ff. deposit., L. si quis affirmavit 9. §. Labeo 3. ff. de dol. mal.*

(4) *L. 5. in fin. ff. deposit.*

(5) *Cap. 1. de sequestr. postes.*

§. VIII. Saepe ita postulat rerum ratio, ut melius, et commodius sit sequestrationem omittere, minusque injicere in personam, et eam ejusque rem detinere, ut ita magis tuto, et expedite petitori satisfiat. Quod sit vel privata voluntate, et arbitrio, vel auctoritate iudicis, qui ex officio, aut parte rogante negotium conficit ex justa causa, unde constat, vel utile, vel necessarium esse in partem alteram minus injice-

re, ejusque rem detinere. Quod si postea, quod actum fuit injustum apprehenditur, qui damnum dedit damni tenebitur, atque adversus eum intendi quoque poterit actio injuriarum. Privato arbitrio, et voluntate licet in debitorem manus injicere, cum inter eum, et creditorem ita pacto cautum est; verum si id fiat sola voluntate creditoris, tale facinus vetitum est, cum nemini liceat in propria causa sibi jus dicere, nisi periculum sit in mora, quia debitor de fuga suspectus est, nam tunc licet debitorem detinere, quoniam id vim habet defensionis.

§. IX. Verum tuta et tranquilla fuisse omnia, cum debitor creditori satisfaciat, aut bonis cedit, aut idoneam praestat cautionem de stando juri, et judicatum solvendo; quae cautio fieri debet per pignora, vel fidejussores, quoniam juratoria generatim satis non est, nisi agatur de persona probatae fidei, et praeclaræ nobilitatis, ac dignitatis, in quam nulla prorsus cadere suspicio perjurii possit. Sic etiam laxatur vinculum, quo quis adstrictus fuerat, cum patet, nullam idoneam fuisse causam, propter quam illud injiceretur.

DE CONFESSIS

TITULUS XVIII.

- | | |
|-----------------------------------------------------------------------------|---------------------------------------------------------------|
| I. Confessio judicialis, et extrajudicialis. | lis non respondendi causae. |
| II. Alia confessio simplex, et qualificata; alia item expressa, et tacita. | VIII. Relatae in acta revocari nequeunt. |
| III. Quid requiratur, ut confessio vim habeat? | IX. Interrogationes iudicis. |
| IV. An etiam post judicialem confessionem sententia definitiva ferenda sit? | X. et XI. Interrogantur testes, et reus ex iuris praescripto. |
| V. Positiones quae sint; et quae de causis introductae? | XII. Confessio extrajudicialis. |
| VI. Eorum effectus. | XIII. Confessio procuratoris, et praelati. |
| VII. A quibus exhibentur positiones? | XIV. Confessio in actu ultimae voluntatis. |
| | XV. Judicialis confessionis retractatio. |

Sextus *hoc. tit.* Decretum *can. nos in quemquam c. 2. q. 1. et c. 15. q. 3. 6. 8. per tot. Pandectae lib. 42. tit. 2. et tit. de interrogat. Codex lib. 7. tit. 59.*

§. I.

Haecenus quae ad modum, et formam pertinent ordinandi iudicii, Raymundus persecutus est; nunc accedit ad vim iustitiam, et naturam iudicii; atque ad ea, quae cognoscenda, expendendaque sunt, ut iudicium rite, et recte absolvatur. Huiusmodi sunt probationes, per quas rei veritas demonstratur, ita ut iudici ad ferendam sententiam cuncta prompta, et aperta sint. Inter probationes locum obtinet praecipuum confessio, cum nulla sit probatio maior ea, quae a proprii oris confessione procedit (1). Ea vel judicialis est, quae fit in iudicio verbis, aut facto, vel extrajudicialis, quae extra iudicium emittitur.

(1) *L. 1. ff. de confess., L. 13. Cod. de non numer. pecun.*

§. II. Alia item est confessio, quae simplex, alia quae qua-

lificata appellatur. Simplex confessio est, quando quis plane, ac simpliciter confitetur quod ab Adversario proponitur, nec aliquid addit, quod confessionem explicet, et adstringat, ut si quis homicidii accusetur, seseque hujus criminis ream aperte fateatur. Qualificata est, quando quis confitetur quidem actoris propositum, sed modum adjungit, et conditionem, ut si quis dicat, fecisse quidem homicidium, sed fecisse necessariae defensionis causa. Rursus confessio est, quae discreta, seu determinata, quaeque indiscreta dicitur; in illa exprimitur obligationis causa, ut debeo centum ex mutuo, in hac non exprimitur, ut debeo centum, non indicata causa, node hoc debitum oritur. Denique confessio rei expressa est, quae fit expressis verbis, signisve animi aperte declarantibus, vel tacita, quae etiam quasi confessio appellatur, quaeque vel ex certo aliquo facto elicitur, vel a lege emissa fingitur. Ita qui criminis accusatus cum accusatore transigit, ut ab accusatione desistat, crimen confiteri censetur; ita qui vocatus in judicium venit sine justa causa, aut susceptum fugit, litemque deserit, suum malum ius videtur ostendere, ac tamquam confessus habetur (1).

(1) *Cap. ult. de confess. in 6. l. 53. §. 1. ff. de re judic.*

§. III. Ut vim habeat confessio, praesertim judicialis, plura requiruntur. Scilicet necesse est, ut a majore emissa sit, minor autem, qui cum auctoritate censoris confessus, si datum perit, restituitur (1); ut sponte ac libere, quoniam vi, et tormentis expressa non valet, nisi confessus secunda, aut tertia die ad tribunal ductus, et procul a conspectu tormentorum confessionem repetat (2), ut a sciente, sive ab homine, qui rem bene norit, sanaeque sit mentis, et animo non furore, vel calore iracundiae, aut probabili errore impedito (3); ut contra semetipsum, cum nemini in alterius perniciem consenti fides adhibeantur (4); ut in jure, hoc est in judicio pro tribunali sedente iudice, utiet coram arbitro, cum arbitria ad instar judiciorum sint (5); praesente adversario, sive ejus procuratore (6); ut super re certa in substantia, et numero, seu quantitate (7); ut super re litigiosa (8); ut non pro commodo, et utilitate consentiens (9); ut non adversaria juri, ac rerum naturae, veluti si quis dicat filium suum, quis major aetate

est, quam sit ipse, aut si hominem, qui adhuc vivit sese occidisse affirmet (10). Sed confessio etiam utriusque conjugis consentientis contra vim matrimonii, nullius momepti est (11).

- (1) *L. 6. §. 5. ff. de confess.*
- (2) *Can. si quandoque 1. c. 15. q. 6., L. 1. ff. de quaest.*
- (3) *L. quidquid calore 48. ff. de reg. jur., Cap. ult. de confess. L. quamvis 1. et L. error 7. Cod. de jur. et fact. ignor.*
- (4) *L. 24. ff. de regul. jur.*
- (5) *L. 1. ff. de recept. qui arbitr.*
- (6) *L. 6. §. 3. ff. de confess.*
- (7) *L. certum 6. ff. eod. tit.*
- (8) *L. 13. ff. de interrog.*
- (9) *L. rationes 6. Cod. de probat.*
- (10) *L. confessionibus 13. ff. de interrog. in jur. fac., L. inde 23. §. ult. ff. ad Leg. Aquil.*
- (11) *Cap. 5. de eo qui cogn. consanguin.*

§. IV. Judicialis confessionis maxima vis est, adeo ut si reus in jus veniens coram iudice fateatur justam, ac veram esse actoris petitionem, causa finita sit, cum reus sua confessione in semetipsum condemnationem protulisse videatur. Nihil tamen obstat, quominus iudex sententiam ferat; imo lite contestata, nisi litigantes eam mutuo consensu plane deserant, iudicis sententia plerisque necessaria videtur (1), quoniam iudicium semel caeptum sententia absolvendum est.

(1) Utrum judicialis confessio requirat sententiam definitivam, an secus, velut quaestio est, eaque nondum dijudicata, in qua plura facta sunt divortia sententiarum. Aliqui hanc sententiam necessariam esse affirmant, alii contra negant, et alii a civilibus iudiciis criminalia distinguunt, et in his quidem definitivam sententiam, non iteq. in illis requiri arbitrantur. Mihi quidem magis placet sententia eorum, qui in iudiciis civilibus discrimen faciunt inter confessionem, quae ante, et quae post litem contestatam emissae est. Solide hanc controversiam explanat Franciscus Scholzgraeber, *Jus eccles. univers. par. 3. tit. 18. §. 1. num. 16. seqq.*

§. V. Ad eliciendam hanc confessionem jamdiu receptum est, ut litigantium alter alteri proponat positiones, sive articulos (1) respicientes non causam universam, sed facta quaedam, quae ad causam pertinent, ut iis ab adversario constitutis alteri sit exploratum, quid probare ipse debeat, quid in probatis habere (2). Suffectae sunt positiones interrogationibus, quae olim ante contestatam litem fiebant in jure, sive apud Praetorem,

cum quis experiri vellet actione reali, puta hereditatis petitione, ac rei vindicatione, et nescius, possideret ne, aut quo jure possideret reus, ex ejus ore actor exprimebat genus actionis, quo ipsum uti oportebat. Actio descendens ex his interrogationibus actio interrogatoria dicebatur, unde Pandectarum tituli *de interrogationibus in jure factis, et interrogatoriis actionibus*.

(1) Saepe positiones cum articulis confunduntur, sed revera distinctae sunt. Nam positio est simplex assertio facti ad causam pertinentis scripta; et jurata, ut per responsum adversarii sacramento firmatum litigantium alter solutus sit onere probandi ea, quae alter confessus est. Articulus est illa propositio, quae post adversarii responsum adhuc ab eo, qui rem proposuit, demonstranda est. Positionum vocabulum occurrit in *L. 1. ff. de justit. et jur.* et in §. ult. *Instit. eod. tit.* His in locis positiones sunt genera, et capita, sive partes, et species, uti explicant Harpocrectus *ibid.*, et Douellus *de jur. civ. lib. 2. cap. 3. numer. 3. opp. tom. 1. col. 195. edit. Lucae 1762.* Confer etiam Coenaeum *Comment. jur. civil. cap. 4. num. 3. opp. tom. 1. pag. 15. edit. Basileae 1562.* Optime Cujacius in *Leg. 115. opp. tom. 8. col. 543. edit. Venet. seu Mutin. citat. hanc vocem a Stoicis arripitam docet, qui ὁμολογία vocant, quod alii genera, vel species, vel partes appellant. Eodem dicendi genere usum esse Palladium *de rustic. lib. 3 tit. 11.* observat Dukernus *de Latinit. vet. juris.* Franciscus Curtio positio est, quaedam judicialis formula verborum concepta, et « reperta ad eruendam veritatem per adversarii responsum. » Ab hac « definitione non multum aliohorrent Odofredus Beneventanus, Jacobus de Area, et Ubertus de Bobio IC., qui tractatus *de positionibus* ediderunt, et hoc eodem sensu positionum vocabulum in foro usurpatur Vide. Calvinum *Lexic. jurid.*, et Heinrecium ad Brissonium *de verb. signific. verb. positio.* Sed quales hodie adhibentur, positiones initium videntur habere in Jure Canonico, hoc est in *Cap. 54 de elect.*, et *Cap. an. de lite contest.* Quod vero inquit Clemens V. *Clem. saepe de verb. signific. cas longaevo usu in causis admissas, ad usum fori ecclesiastici referendum est.**

(2) *Cap. 1. de confess. in 6.*

§. VI. Positionibus respondere juratus debet is, cui illae datae sunt, ac si confessus fuerit, urgebitur testimonio suo; tanquam re satis certa, et probata; si respondere noluerit, aut ne responderet, a judicio discesserit, cum nullam justam habuerit causam non respondendi positionibus (modo id per sententiam interlocutoriam declaretur⁽¹⁾) conscientia sua convictus judicabitur. Quod quidem verum est, cum iudex respondere jussit; nam qui iudicium deseruit, antequam illud a iudice manderetur, contumax, non convictus existimatur (2).

(1) *Cap. 2. de confess. in 6.*

(2) *Cap. 1. de confess. in 6.*

§. X. Legitime vero, atque ex iudicii formula interrogati non solum testes, sed ipse etiam reus omnino confiteri veritatem debent (1). Ex iudicii formula interrogatus censetur reus, cum crimini vel infamia, vel expressa indicia; vel semiplena probatio antecesserunt. Infamia quaestionem antegressa habetur, cum reus in criminis suspicionem vocatur a multis, qui viri graves, et probi, non malevoli, non maledici, non leves omnium iudicio existimantur; vel cum totius populi voce, aut publico rumore criminis reus ille conclamatur. Iudicia sunt circumstantiae, et signa, ex quibus prudenter, et considerate de aliorum actionibus iudicium ferri potest. Semiplena probatio est assertio unius testis, in quem nulla cadat adversa suspicio. Cum unum aut alterum ex his tribus praesto est, reus a legitimo iudice interrogatus confiteri debet simpliciter, ac sine ambagibus veritatem, quamvis eam confessionem magnum sibi damnum allaturam intelligat (2).

(1) Catechismus Romanus *par. 3. de octav. praecept. cap. 9. §. 15.* S. Thomas 2. *quaest. 64. art. 1.* Confer Natalem Alexandrum *Theolog. Dogmat. Moral. de decalog. cap. 10. art. 3. Reg. 3. tom. 2. pag. 494. edit. Venet. 1772.*

(2) S. Thomas *loc. cit.*, « quando aliquis, inquit, » secundum ordinem iuris a iudice interrogatur, non ipse se prodit, sed ab alio proditur, dum ei necessitas respondendi imponitur per eum, cui obedire tenetur.

§. XI. Quod ad testes attinet, hi quoque, cum eorum testimonium requiritur a superiore, cui sunt subditi, en juris praescripto interrogati, neque subterfugere testimonium, neque caelare, aut negare veritatem possunt; sed cogi nequeunt ad ferendum testimonium in occultis, et de quibus nulla pridem infamia orta est (1). Nihil attinet dicere de iis, quae in sacramento poenitentiae narrata sunt Sacerdoti, quoniam omnibus compertum est, quanta in his rebus esse debeat secreti fides, et religio, et quanto omni hominis praeepto majus sit vinculum sacramenti. Sed in ceteris, quae cum secreti lege significata sunt, videndum est, cujusmodi ea sint. Cum talia sunt, qualia omnis homo, vix ea rescivit, statim patefacere debet, puta si pertineant ad corrumpendam, contaminandamque multitudinem, si grave alicujus

damnum immineat, aut quid aliud hujusmodi occurrat, secreti lex, et promissio plane despicienda est. Contra quae sunt cum secreto significata, quaeque prodere non est necessarium, ea quidem patefacienda non sunt, etiam iubente superiore, quia servare fidem juris naturalis est, neque homini praecipere quidquam potest, quod huic juri adversetur.

(1) Consule S. Thomam 2. 2. *quæst.* 70. *art.* 1., et Catechismum Romanum *loc. cit.* § 16.

§. XII. Extrajudicialis confessionis non eadem vis est, quae judicialis; sed ea pro rerum, et causarum varietate, in quibus versatur, varia, ac quasi multiformis est. Communis opinio est, distinguenda esse civilia judicia a criminalibus, et in illis quidem enim extrajudicialis confessio spectat ad liberandum debitorem, ut si quis dicat, *profiteor te non teneri*, ea modo ab adversario accepta sit, plenam probationem constituit (1). Contra si eadem confidentem obliget, interdum plene, interdum semiplene, interdum nihil probat. Plene probat, si sit discreta, hoc est adjecta causa speciatim expressa, ut *confiteor me 100. debere Titio ex causa accepti mutui*; praeterea si emissam sit in scriptis, aut etiam viva voce, sed praesente adversario, ac per duos integrae fidei testes probata (2); modo aliud certissimis argumentis non ostendatur. Probat semiplene si discreta non sit, aut facta absente adversario (3); denique nihil probat, si neutrum ex his duobus praesto est.

(1) *L. tale pactum* 40. *ff. de pact.*

(2) *Cap. si cautio* 14, *de fid. instrum.*, *L. generaliter* 13. *Cod. de non numer. pecun.*

(3) Sed haec quoque confessio plenam probationem facit, cum in scriptis, aut instrumento recepta est, cum post intervallum repetita, cum jurata, cum piam causam respicit.

§. XIII. Sed et confessio Procuratoris, qui speciale, aut liberum mandatum habet (1), dominum obstringit; atque etiam confessio Praelati obligat successorem Ecclesiae, cui pridem ille praefectus fuerat. Quod tamen verum est, cum emissam fuit confessio propter officii necessitatem, puta quod iudex interrogavit; nam si facta fuerit confessio prorsus vo-

luntarie, ac nulla officii, aut judicii cogente necessitate, alteri nihil nocet (2): Ecclesia, quae ex Praelati confessione damni aliquid cepit, habet beneficium restitutionis in integrum, aut errorem, si qui forte irrepsit, emendare potest (3); et successor universalis tamdiu revocare alterius confessionem potest, quamdiu posset is, cui successit, si vitae ita frueretur. Quod de singulari successore, qui revocare hujusmodi confessionem nequit, non est ita.

(1) *Cap. ult. de conf.*, *Cap. d. lectus 2. de Capell. Monach.*, *L. qui servum 20. ff. de iur. iur. fac.*

(2) *Argumento §. 1. Instit. de testam. milit.*, *L. Merio 26. x. neque haerediti 15. ff. de nozal. action.*, *L. certum 6. ff. de confess.*

(3) *Cap. ult. de in integr. restit. in g.*

§. XIV. Est et magni momenti confessio edita in testamento, active alio ultimae voluntatis; sed non omnes hae confessiones parem exitum consequuntur. Adversus confessum plene probat confessio, quae habet expressam causam debiti, quaeque juramento, aliove adminiculo firmata est; at si nihil adest hujusmodi ex. gr. *Titio debeo 100.*, nihil valet, neque haeredes ejus vinculo obstringuntur, quoniam in fraudem legis haec confessio emissa videtur (1); nisi attingat hominem, cui se beneficio obligatum testator confitetur, quia tunc expressum debitum saltem jure legati peti potest (2). Confessio testamentaria tertio nihil officit, quoniam in tertii percipiendam adhibenda fides est nemini (3). Itaque si pater, vel mater in testamento scribat, filium ingratum, vel ex adulterio natum, ideoque exheredari, neutri credendum est.

(1) *L. cum quis 37. §. 6. ff. de legat. 3.*

(2) *L. Arelus 28. §. ult. ff. de liberat. legat.*

(3) *Argum. L. 6. Cod. de testam.*, *L. 3. §. 1. ff. ad S. C. Silan. Novell. 48. cap. 1. §. 1.*

§. XV. Interdum evenit, ut qui in judicio confessionem expressit, ejus se poeniteat, et ideo quaeritur, num ejus retractatio permittatur? Eam sane permitti constat, modo id fiat statim, et antequam confessus a judicio discedat, etiamsi nullus demonstratus sit error, maxime si confessio ab Adversario accepta non fuerit. At si postea revocetur confes-

sio, eaque sit procuratoris, oekonomi, administratoris, satis est demonstrare, quod non ita se res habeat, quoniam in facto alieno probabilis error est. Verum cum a sese ipse confessio procedit, ante litem contestatam satis est ostendere, secus rem esse; post litem contestatam demonstrandus est error, ac proferenda argumenta, quae hunc errorem probabilem faciant, puta quod is alterius dolo, aut sūasū deceptus, quod metu perterritus, quod multiplex, et implicatum negotium sit, neque illud bene potuit mente retineri ob temporis, quod interim elapsum est, diuturnitatem. Cum id actum est, etiam post litem contestatam recte, atque ordine confessio revocatur, modo id ante sententiam fiat (1). Ecclesia contra propriam confessionem, ex qua damnum accepit, habet intra quadriennium beneficium in integrum restitutionis (2).

(1) *Cap. ult. de confess. L. error. 7. Cod. de jur. et fact. ignori*

(2) *Cap. 2. de restit. in integr. in 6.*



DE PROBATIONIBUS¹⁴¹

TITULUS XIX.

- | | |
|---------------------------------------|-----------------------------------------|
| I. Unde ducantur probationes ? | plenas probationes illarumque via |
| II. et III. Cujus est onus probandi ? | et ratio. |
| IV. Probatio plena, et semiplena. | VII. Ratio probationum seu plenarum. |
| V. Species plenae probationis. | VIII. Evidentia facti, seu ocularis in- |
| VI. Discrimen inter plenas, et semi- | spectin. |
| | IX. et X. Fama. |

Clem. un. *hoc tit.* Decretum *can.* 5. q. 44. et c. 6. q. ult.
Pandectae *lib.* 22. *tit.* 3. Codex *lib.* 4. *tit.* 19.

§. I.

Judicium per probationes expeditur, neque finire disceptatio, ac sententia ferri potest, nisi per illas primum patefacta, et demonstrata sint omnia diligenter. Hae vero probationes ex pluribus educuntur; nimirum ex testibus, ex instrumentis, ex jurejurando, ex oculari inspectione, ex indicii, et praesumptionibus, ex fama. Cuncta Raymundus singillatim persequitur, sed primum peculiari titulo agit de probationibus in genere, ut earum tractatione explicata, quae ad singulas pertinet, facilius cognoscantur. Probatio est illius rei, quae in controversiam adducitur, legitime Judici facta demonstratio.

§. II. Generatim actoris est onus probandi, eoque non probante reus absolvitur, quamquam nihil ipse praestiterit (1). Sed interdum probandi onere tenetur reus, nimirum si excipiendo aliquid affirmat, quia tunc actor sit in exceptione sua (2); si ei jus resistat, et assistat actori, ejusque actionis fundamentum constituat (3), veluti si Episcopus Capellam petat suae dioecesis, aut Parochus decimas; tunc enim reus demonstrare debet, quo jure Capella, vel decimae ad sese pervenerint; si pupillus agat contra venditionem rei immobilis, quoniam emptoris est ostendere, se tutore auctore,

lege non prohibente rem emisse (4) ; si reus ultro suscipiat onus probandi, et quamvis non probet, non ideo causa cadit (5), vel si iudex probandi onus in reum transferat ipsi deferens iuramentum (6). Aliquando etiam tam actor, quam reus probare debet, quod pro se quisque asseverat, uti fit in judiciis duplicibus familiae erciscundae, communi dividundo, finium regundorum, in quibus uterque litigantium partes actoris sustinet (7).

(1) *L. 4. Cod. de eden.*, *L. frustra 8.*, et *L. Actor. 23. Cod. de probat.*, *Can. 1. c. 6 q. 5.*

(2) *L. 9. et 19. ff. de probat.*

(3) *Cap. 2. de restit. spoliat. in 6.*

(4) *L. 13. §. ult. ff. de publician.*

(5) *L. 14. ff. de probat.*

(6) *Cap. ult. in fin. de iurjur.*

(7) *Cap. 3. et 9. de probat.*

§. III. Generaliter ei incumbit probatio, ut inquit Paulus (1), qui dicit, non qui negat. Verum in negantem onus probandi transfertur, cum ipse negat quod a jure permittitur, ut si quis neget, rite, et recte factam electionem, emancipationem, similia (2), quae rata firma habenda sunt, nisi irrita, aut illicita demonstrentur; at nullo premitur onere probandi qui ea negat, quae vetita sunt, ut si quis dicat, *nego te hominem jure occidisse, aut ejus bona arripuisse*. Similiter qui negat qualitatem, quam communis natura omnibus attribuit, debet id, quod negat manifestum facere, ut si quis neget aliquem esse sanae mentis, vel idoneum ad rem uxoriæ exercendam. Contra si qualitas communis non est omnibus, sed tantum quorundam propria, ut si quis neget, aliquem esse doctorem, aut nobilem, nullam habet probandi necessitatem, sed eadem ab alio patefacienda est, nisi ille fungatur innere, cui negata qualitas necessario annexa est. Denique qui negatione includit affirmationem facti, probandi onus ferre cogitur, ut si quis dicat, se sponte non contraxisse matrimonium, quoniam sibi metum illatum affirmat, hunc sane demonstrare debet.

(1) *L. 2. ff. de probat.*

(2) *L. 5. ff. cod.*

§. IV. Probatio alia plena, et perfecta, alia semiplena, et imperfecta est (1). Plena est, quae evidenter, planeque ostendit id, quod proponitur; semiplena, quae fidem aliquam facit, sed non plenam, neque idoneam ad iudicium absolvendum, ac potius injicit opinionem, ut dictum unius testis, comparatio scripturarum.

(1) Plures sunt Jurisconsulti, hique hi primis nobiles, et insignes, qui hanc distinctionem respuunt, neque semiplenae probationis rationem aliquam habendam putant. Sic Duarenus *lib. 2. disp. 33.* Faber *de error. pragmatic. d. c. 19. error. 1.* Donellus *ad tit. Pandect. de iurjur. cap. 11. n. 3. seqq. opp. 1. 10. col. 747. seqq.* Cujacius in *Codicem tit. 8. lib. 9. ad Legem Jul. opp. tom. 9. col. 1313.* quumquam hic ad *L. 3. tit. 1. lib. 4. Cod. col. 174. d. tom. 9.* approbare videtur distinctionem a Juris peritis traditam plenae, et semiplenae probationis. Atque hi quidem omnes sic statuunt, semiplenam probationem nullo in numero habendam esse, neque ulla ex parte probatum existimari posse, quod perfecte probatum non est, quemadmodum vitiose cautum non videtur cautum *L. 6. ff. qui satisd. cogan.*, neque stipulatio, emptio, testamentum valent, nisi omnia perfecta sint *L. 115. ff. de verb. obligat., L. 19. ff. de contrah. empt.* Verum hi actus individui sunt, et hinc mirum non est, eos non valere, nisi perfecti sint. Sed probatio divisa est, ideoque eam plus minusve evidentem saepe dicimus, et interdum etiam luce clariorem, qualem causae criminales postulant *J. ult. Cod. de probat.* Ceterum ea, quam proposui, distinctio receptissima in foro est, neque immerito. Quumquam enim actor plene probare debeat actionis suae fructum, tamen discernenda non est ea probatio, quae licet plenam fidem non faciat, tamen probabilem asserti conjecturam. Per eam tantum reus quidem condemnari non potest; sed tamen iudicis diligentia excitatur ut illum temere non absolvat, et alias quaerat probationes, quibus suppleatur id, quod per unam semiplenam probationem effici nequit. Ita haec semiplena probatio necessitatem imponit iurjurandi, per quod aut reus se plane purgat, aut actor probationum inopiam supplet. Sane in *L. 31. ff. de iurjur. scriptum est: solent saepe iudices in dubiis causis exacto iurjurando judicare.* Et in *L. 3. Cod. de reb. credit.* habentur haec: *Inopia probationum per iudicem iurjurando res decidi oportet.* Jamvero de dubiis causis, et de inopia probationum, cuius gratia res iurjurando deciditur ad semiplenas probationes referri debet. Accedit auctoritas Juris Canonici in *Cap. 4. de in integr. restit.* ubi haec scripta sunt: *licet non constet ad plenum; et Cap. 6. de frigid. et malefic.* ubi haec occurrunt: *quumvis semiplene nobis expresseris.* Quo utroque loco sine dubio semiplena probatio significatur. Ad semiplenae probationis genus referri quoque videtur posse quod narrat A. Gellius *Noct. Attic. lib. 14. cap. 2. pag. 753. edit. Lugdun Batav. 1666.*

§. V. Species plenae probationis sunt testificatio, seu jurata affirmatio duorum saltem testium omni exceptione majorum; publicum instrumentum, vel alia scriptura, quae parem vim habeat, certaeque sit fidei; praesumptio juris, et de jure;

juramentum, quod ab altero litigantium delatum alter praestat. Inter has probationes recenseri etiam videntur posse confessio, et facti evidentia; sed hae, quamquam maxime iudici fidem faciant, tamen proprie non sunt probationes. Nam confessio relevat cura, et onere probationis; reique, et facti evidentia non tam probatio, quam ipsa rei et facti certa demonstratio est. Species autem semplenae probationis sunt multae, ut unius hominis testificatio, juramentum suppletorium, scriptura privata, comparatio literarum, praesumptio levis, fama, cetera generis ejusdem.

§. VI. Inter plenas, et semiplenas probationes magnum discrimen intercedit. Plena probatio iudicem adstringit ad ferendam sententiam vel pro actore, si is plene probavit, vel pro reo, si neque ab actore, neque a reo plene aliquid probatum est (1). Plene probans solutus est onere praestandi juris iurandi, imo infert impedimentum reo, quominus canonicae purificationis beneficio potitur (2). Cum plures concurrunt probationes, quae sibi invicem non adversantur, altera alteram non elidit, sed unaquaeque pro sua causa subsistit, ut si quis manifestum faciat, datum esse mutuum, alter vero ostendat, illud esse solutum. At si contrariae sint, quae vim majorem habet, praestabilior iudicanda est. Sic probationes per rei veritatem, per duos testes de visu potiores sunt probationibus, quae ex praesumptionibus, vel uno teste, et fama viciniae educuntur. Probatio virginittis per juramentum, perque inspectionem septem matronarum antefertur probationi viri sacramento affirmantis, se cum muliere liberis dedisse operam. Si pares omnino sint probationes, fertur sententia pro reo, vel possessore, vel tandem pronuntiatur, uti possidetis ita possideatis (3); exceptis causis libertatis, matrimonii, testamenti, dotis, pro quibus, cum pares sunt probationes, iudicandum est (4).

(1) *L. 11. et 12. Cod. de probat.*

(2) *Cap. 2. et 12. de probat.*

(3) *Cap. 9. de probat.*

(4) *Cap. ult. de senten. et re judic., Cap. 3. de probat.*

§. VII. Semiplena probatio facit, ut locus sit juramento suppletorio; eaque cum aliis adminiculis conjuncta plenam probationem constituit. Quin communis est jurisperitorum opinio, eam satis esse ad ferendam sententiam in causis modicis, et

antiquis, per quas nemini detrimentum inferitur, perque difficilis rei demonstratio est ob diuturnitatem. Quamquam vero una semiplena probatio ad expediendum iudicium idonea non sit, tamen si duae conjungantur semiplenae probationes, quae finem eundem spectant, plena efficitur probatio, per quam a iudice rite et recte potest emitte sententia. Ita si per oculatum testem unum, ac per juramentum suppletorium, vel per alia adminicula vim habentia semiplenae probationis, res aliqua demonstretur, ea plene demonstrata habenda est. Exeipiuntur causae criminales (1), matrimoniales, civilesque gravissimae, quae criminalibus comparantur, in quibus ob grave damnum, quod secumferunt, duae semiplenae probationes non conjunguntur,

(1) De his tamen criminalibus causis digna observatu est Benedicti XIV. Constitutio edita 2. Jun. 1753., qua confirmatis decretis Congregationis particularis sancitum est, in atrocissimis quibusdam criminibus probationem suppleri posse etiam ex indicio, atque ex numero etiam per testes minus aptos, et idoneos; idemque observandum in locis, in quibus versari non solent alii testes, quam homines infames, modo id suppleatur per indicia, et conjecturas, quae ab aliis testibus comprobentur. Atque haec constitutio ad totam pertinet ecclesiasticam ditionem,

§. VIII. Placet hic aliquid dicere de evidentia facti, seu oculari inspectione, quam perspicuam rei demonstrationem esse diximus, ac de fama quam inter semiplenas probationes recepimus. Utraque pertinet ad hoc, in quo versamur, argumenti genus, neque de iis peculiare sunt tituli in Decretalibus. Inspectio ocularis a iudice adhibetur, ut oculis subijciat, quae non satis certa, et explorata sunt, atque ita oculorum testimonio res fiat manifesta, totaque controversia expediatur. Huic oculari inspectioni locus est in iis rebus, quae sub oculos cadunt, veluti in causa homicidii, vulnerationis, novi operis nunciatione, finium regundorum, ac servitutum, in aetate ex habitu corporis definienda, in causis matrimonialibus, in quibus quaeritur, num aliquis aptus sit ad liberos procreandos, num iis operam unquam dederit. Cuncta sunt praemissa aliqua causae cognitione, praesentibus litigantibus, notariis, testibus, virisque peritis rei, de qua quaestio est, quorum est rem ipsam, suamque sententiam iudici diligenter aperire. In causis matrimonialibus, in quibus quaeritur, num aliquis idoneus sit ad ma-

trimonium contrahendum, viri a medicis, et chirurgis, mulieres ab honestis matrimoniis, et obstetricibus inspicuntur (1).

(1) Cap. 4. et 14. de probat., Cap. 6. et seq. de frigid. et maleste.

§. IX. Fama hominis est ipsius existimatio, seu *dignitatis illaesae status*, ut inquit Callistratus (1), *legibus, ac moribus comprobatus, qui ex delicto nostro auctoritate legum aut huiusmodi, aut consumitur*. Fama inter homines est populi, sive alienius provinciae vel loci hominum commune, constans, publicumque iudicium. Huic affinis est rumor, nimirum de re aliqua sermo, et opinio non communis omnium, sed singularis paucorum, in quo a fama distinguitur. Demonstranda in iudicio est fama per privilegia, et antiqua instrumenta, quae plura numero sint, cunctaque in rem eandem conveniant, per scripturas certae fidei, literasque virorum probatorum; per duos saltem testes, qui integrae famae sint, et iurati, et concordantes, et suae scientiae rationem reddant, et se a potioribus de communitate audivisse asserunt, quae testificantur.

(1) L. cognitionum 5. §. existimatio 1. ff. de extraord. cognit.

§. X. In civilibus plerumque fama vim obtinet semiplenae probationis, et hinc alia accedente semiplena probatione plenam constituit (1). Verum aliquando plenae probationis loco est, quando scilicet factum occultum est, ac demonstratu difficile, vel leve est negotium, vel quando agitur de vitando peccato, veluti si contrahi matrimonium vellet cum fama dirimentis impedimenti. In causis tamen criminalibus, rebusque gravioribus, quae clarissimas probationes requirunt, fama ne semiplenae quidem probationis vim habet; quod etiam tenendum est, cum ea per homines leves, maledicos, mendaces demonstratur.

DE TESTIBUS¹⁴⁷

ET ATTESTATIONIBUS

TITULUS XX.

- | | |
|-----------------------------------------------------------------------------------|---------------------------------|
| I. et II. Testes, et qui testes esse nequeant? | IV. Qui contra certas personas? |
| III. Qui in certis causis, et pro certis personis testimonium ferre prohibeantur? | V. et VI. Testium numerus. |
| | VII. et VIII. Testium examen. |
| | IX. Publicatio attestatorum. |

Sextus, et Clementinae hoc tit. Decretum 2. q. 4. et 4. q. 2. Trideutinum sess. 13. cap. 7. de reform. Pandectae lib. 22. tit. 5, Codex lib. 4. tit. 20. Novel. 90.

§. I.

Probationibus annumerantur testes, personae scilicet fide dignae, quae rei veritatem facere manifestam possint. Est autem testis fide dignus, qui rem, de qua quaeritur, compertam, et exploratam habeat, et qui probitate commendetur.

§. II. Non omnibus indiscriminatim testibus habenda fides est; et vero aliqui prorsus idonei sunt ad ferendum testimonium, ideoque ab omnibus repelluntur causis universe, et hi sunt amentes, impuberes, rei iudicio publico, minores (1), praeterea iudaei, ethnici haeretici contra catholicos, servi, infames, perjuri, excommunicati. Quin etiam Decretales testes esse nolunt criminosos, quamquam nondum damnati fuerint, sive quod accusati sint, sive quod criminis convinei possint (2). Mulieres in criminalibus testes esse vetat Jus Civile, si corpore quaestum faciant (3); at Jus Canonicum omnes generatim mulieres in criminalibus vetat esse testes, nisi alius desit investigandae veritatis locus, et nisi agatur de gravioribus criminibus, qualia sunt haeresis, simonia (4).

(1) L. in testimonium 20. ff. de testib.

(2) Cap. 10. 54. et 55. de testib. et attest.

(3) L. 2. §. 5. de testib.

(4) Consule Gonzalez in cap. 3. de testib. et attestation.

§. III Multi etiam in certis causis, et pro certis personis testimonium emittere prohibentur. Hujusmodi sunt parentes pro liberis, et liberi pro parentibus, quæ juris disciplina producit ad ascendentes, filios naturales, et spurios propter animorum affectionem (1); fratres, consanguinei usque ad tertium gradum inclusive, uti et magna familiaritate conjuncti pro se invicem testes esse nequeunt (2), et conjuges, imo et sponsi, quorum ob mutua animorum conjunctionem suspecta fides est (3). Clerici, et Monachi coram laico judice in rebus profanis non dicunt testimonium, nisi alius non sit veritatis demonstrandæ modus; et tunc cum venia proprii Episcopi recte sunt testes, sed eorum testimonia a judice ecclesiastico recipiuntur. In causa universitatis, quæ singulorum respicit utilitatem, ut cum agitur de pascuis, lignis caedendis etc., cives, aut membra hujusce universitatis testificari nequeunt; possunt tamen, si causa pertinet ad solam Communitatem, non ad commodum singulorum. Postremo neque in propria causa quis idoneus est testis (4), neque qui similem causam habet, ut actor in causa, quam judicat, fidejussor in causa fidejussionis, venditor pro emptore, donatarius pro donante, generatim omnes, qui testificando commodum, ac non testificando damnum accipiunt. Denique repelluntur caeci in iis, quæ visu, surdi in iis, quæ auditu percipiuntur.

(1) *L. 9. ff. et L. 6. Cod. de testib.* Vidé Gothofredum in not. ad *L. 6. num. 3. seq.*

(2) *L. 3. et 5. Cod. eod., can. 1. et seqq. caus. 3. q. 5*

(3) *Cit. L. 5.*

(4) *L. 10. ff. de testib*

§. IV. Personæ, quæ contra personas testificari nequeunt, sunt socius contra socium criminis (1); inimicus contra inimicum, modo sit inimicitia gravis, aut capitalis (2); servus, et libertus contra dominum, et patronum (3); laici contra clericum in causa criminali (4), nisi hi suam, aut suorum injuriam persequantur, et tunc ad accusandum, non ad ferendum testimonium admittuntur (5). At si testes clerici haberi nequeant, laicorum probatur testimonium, maxime si notum est crimen, et publicam parit offensiozem. Hæc

retici quoque, Judei, et similes contra orthodoxum testes esse nequeunt, quoniam hi homines, qui neque Deo fidem servant, suspecti sunt de falsitate (6); atque ob mutuum amorem, et reverentiam uxor contra Maritum, Maritus contra uxorem (7) parentes, liberi, fratres, ceteri speciatim conjuncti, contra se invicem testificari nequeunt, nisi levis, et modica sit conjunctio, vel alio modo veritas demonstrari non possit. In his autem omnibus atrociora, et graviora crimina excipiuntur, praesertim perduellionis, haeresis, et alia gravissima, in quibus et minus idonei testes admittuntur. Judicis autem est, circumstantias considerare, iisque expensis videre, quanta eorum vis, et auctoritas esse debeat.

(1) *Cap. 10. de testib. et attestat., L. 11. Cod. eod. tit.*

(2) *L. 17. Cod. eod., Cap. 13. et 19. de accusat.*

(3) *L. 8. et 12. Cod. de testib.*

(4) *Cap. 10 eod.*

(5) *Cap. 10. et 14. eod.*

(6) *Cap. 21. eod., ibique Glossa verb. praesumant, L. 21. Cod. de haeret.*

(7) *Can. 3. c. 4. q. 3. L. 3. §. 5. L. 5. Cod. de testib. Cap. 24. eod.*

§. V. Sed et certus testium numerus requiritur, ut iusta exinde probatio eruat. Unius testis, quamquam ipse sit omni exceptione major (1), nulla fides est (*), tantum facit, ne temere fiat, quod sine flagitii periculo fieri non potest. Ita cum dubitatur, num quis baptizatus sit (3), num Ecclesia sit consecrata (4), cum impediendum est matrimonium, ut malum inde oriturum avertatur (5), uni testi credendum est. Sed et notario, qui ea confirmat, quae sui officii sunt (6), nuncio, qui se aliquem citasse testatur (7), Episcopo, qui testimoniales literas suo sigillo munitas dedit, Parocho, qui de suorum vita, et moribus, magistro, qui de studio, et progressu discipuli testificatur, omnis habenda fides est.

(1) *L. 3. Cod. de testib. Sed testimonium ab uno licet Episcopo perhiberi omnes iudices indubitanter accipere oportere, scriptum est in Extravang. in fin. Cod. Theodor. tit. de Episcop. julie. pag. 339. tom. 6. edit. Gothofred. Lipsius 1743. De hac constitutione, quae Constantini nomen praesefert, et quam Gothofredus falsam putat, actum est in Instit. tit. 1. §. 22. tom. 1. n. 4. pag. 27. et seq.*

(2) *Cap. 10. et 28. de testib., Leg. 8. Cod. eod.*

- (3) *Can. 110. de consecr. dist. 4.*
 (4) *Can. 16. de consecr. dist. 1. ibique Glossa verb. nec. certi.*
 (5) *Cap. 12. de sponsal., Cap. 22. de testib.*
 (6) *Novell. 73. cap. 7.*
 (7) *Cap. 19. de appellat.*

§. VI. Ut plena sit probatio, duobus saltem, tribusve testibus opus est, qui concordēs sint, et justam afferant scientiā causam (1). Quod si leges, et canones in aliquibus causis majorem postulant testium numerum, hic omnino retinendus est (2). Ita septem requiruntur testes in testamento (3), ut septem pro solvendo matrimonio ob vitium corporis, quod procreandis liberis impedimento est (4), ac plures etiam pro arbitrio judicis, cum agitur de purgatione canonica (5). Testes singulares (6), et qui se ita credere (7), aut se ita ab aliis audivisse affirmant (8), certam ut plurimum probationem non faciunt; sed eorum attestationes sustentatae adminiculis in pretio hibendae sunt quod, prudentis, ac jurisperiti judicis arbitrio relinquitur. Interim quia testium fides infringi ac debilitari potest, saepe expedit plures afferre testes, ut firmiter, et luculentior probatio habeatur; modo adversarius non oneretur impensis gravioribus propter inanem testium multitudinem. Jus civile rem totam permittit arbitrio judicis, cujus est testium numerum moderari (9); sed jus canonicum supra quadraginta ex utraque parte testes afferri vetat (10).

- (1) *Cap. 23. de testib., L. 12. ff. eod., L. 3. Cod. eod.*
 (2) *Cit. Cap. 23. et cit. L. 12.*
 (3) *§. Sed cum paulatim Instit. de testamen. ordinand.*
 (4) *Cap. 7. de frigid. et malefic.*
 (5) Jura in numero testium, cum agitur de purgatione canonica, non conveniunt, ut patet ex *can. 14. et 19. c. 2. q. 5. et cap. 10. et 12. de purgat. canon.*, et ideo res omnis pro causarum ratione judicis arbitrio relinquenda videtur.
 (6) *Cap. 9. §. quamquam de probat.*
 (7) *Cap. 37. de testib., et L. 3. eod.*
 (8) *Cap. 33. et 47. eod., Can. in primis c. 2. q. 1.*
 (9) *L. 1. §. 2. ff. de testib.*
 (10) *Cap. 37. eod.*

§. VII. Ut fidem in judicio habeant idonei testes, legitime examinandi sunt. Ergo qui probandi onere tenetur, producit testes, quos inde judex advocare debet. Nam tamquam suspen-

etiam rejicitur qui non vocatus sese ultro offert dicturus testimonium; nisi praesente adversario, et iudice testificetur, obstante nemine; cum hoc modo non se ultro inferre, et intrudere, sed potius tamquam testis produci videatur. Regulariter producendi sunt testes post litam contestatam intra tempus a Iudice constitutum, idque permittitur per tres vices, non per quatuor, nisi iusta causa praesto sit, legisque solemnitas observetur (1); semel autem producti iterum in eodem iudicio super iisdem articulis produci possunt, modo quis eo se beneficio non abdicaverit, prioresque testificationes non didicerit. (2).

(1) Huiusmodi solemnitates in eo negotio adhibendae declarantur in *Novel. 90. cap. 4.*, cuius decretum receptum est a Jure Canonico in *Cap. 15. 36. et 55. de testib.*

(2) *Cap. 46. cod.*

§. VIII. Praeterea citandus est adversarius, cui contra testes proponere exceptiones licet suo arbitratu (2). Deinde producti, et citati testes a iudice interrogandi, et examinandi sunt, nisi qua iusta causa impedimento sit, quominus ad iudicem veniant, quo in rerum statu a iudice ad eos mittitur, qui eosdem interroget (3). Antequam vero testes suum proferant testimonium, ad stringendam fidem eorum, quae affirmant, deferente iudice iurandum emittunt, quo profitentur, se veritatem dicturos animo prorsus alieno ab omni commodo, odio, aut amore, neque testibus injuratis creditur (3). Sic vero iurati testes praesente adversario interrogabantur; sed fori consuetudine jamdiu receptum est, ut clam a iudice interrogentur; verum antea citandus adversarius est, ut praesens sit, cum iuramentum emittunt.

(1) *Cap. 2. de testib.*

(2) *Cap. 8. cod., L. 15. de iurejur.*

(3) *Cap. 17. 29. 31. de testib., L. 9. et 18. Cod. cod.*

§. IX. Peracto examine attestationes publicantur, ut Adversarius de toto negotio certior fiat, ac ne propter ignorance eorum, quae tradita sunt a testibus, detrimentum patiat. Itaque appellatio conceditur a sententia lata neglecta publicatione, quamquam ea res vim intimam, et naturam iudicii processus non attingat (1). Publicatis autem attestationibus non ad-

mittuntur testes super novis articulis, cum hi ad causam non pertineant, neque super antiquis articulis, vel directe contrariis iidem, aut alii testes admittendi sunt (2); sed cum occurrunt articuli ex causa emergentes, aut antiqui articuli indirecte contrarii, secus est (3). Atque etiam ante publicatas attestaciones proponendae sunt exceptiones contra personas testium, nisi quis excipiendi jus sibi reservaverit, ac juratus affirmet, se nihil dolo agere, aut excipiendi causa deinceps innotuit (4). *Probatoriis* testibus, qui in medium afferuntur, ut aliquid probent, opponuntur *reprobatorii*, qui eorum dicta refellunt, et his alii *reprobatorii* (5), cum reprobationes hujusmodi vim habeant justae defensionis. Ultra hunc locum reprobationes producendae non sunt, ne pege iniquitas sit earum numerus.

(1) *Cap. 22. de senten. et rejudic.*

(2) *Novel. 90. cap. 4., Auth. at qui semel Cod. de probat.*

(3) *Cap. 17. 18. 36. de testib. Clem. 2. eod. Cap. 35. de testib.*

(4) *Cap. 31. eod.*

(5) *Cap. 49. eod.*



TESTIBUS COGENDIS, VEL NON

T I T U L U S X X I.

- | | |
|----------------------------------------------------------------------|-------------------------------------------------------|
| I. Jus antiquum de cogendis testibus. | III. Qui vocati venire non coguntur testimonii causa? |
| II. Jus novum Justiniani. Quando jure ecclesiastico cogantur testes? | IV. Quid si ad eos mittatur qui testimonium exquirat? |

S. I.

Vetus est apud Romanos jus de cogendis testibus, quod et leges XII. Tabularum constituerunt. Nimirum testimonio indigentibus opem, auxiliumque ferebat trina denunciatio, sive citatio, quam *vagulationem* dicebant *ἀγγαζω*, sive *ἀνάλ*, *ἀλυσω*, hoc est *appellationem*, quae alta voce emittebatur. Trina haec denunciatio fiebat trinundino tribus diebus, sive nundinis, et exacto trinundino licebat contumaces vi abtorto collo in judicium adducere, si in foro, vel in publico offenderentur. Sed primum denunciabatur testimonium iis, qui praesto aderant, his verbis, *licet antestari*, qui annuentes memoriae causa aurem porrigebant, qua molliter tacta et apprehensa rei gestae memores esse monebantur⁽¹⁾. Hi testes etiam invitati in judicio testimonium dicere cogebantur, quem morem Romani ad alias quoque gentes sibi subditas traderunt, et hinc in Legibus Ripuariorum, et Bajuvariorum *torquere auriculas*, et *testes per aurem tractos* (2); et hinc etiam testis in judicium venire renuens multam solvit, nisi *sunnis*, hoc est legitima excusatio praesto sit (3).

(1) Confer Brissonium *de formul. lib. 5. cap. 1. et 2. pag. 345. et 346. edit. Halae, et Lipsiae 1731., et Heineccium antiq. Roman. lib. 4. tit. 6. §. 14. seqq. opp. tom. 3. pag. 429. seqq. edit. Neapol. 1769.*

(2) *Lex Ripuariorum cap. 60.* et *Lex Bajuvariorum tit. 16.* apud Baluzium *Capitular. Reg. Francorum tom. 1. col. 31. et 94. edit. Venet. 1772.* et alibi passim.

(3) Sic et in legibus *Salicis tit. 1. et 2. nupt. 2. ibid. col. 201. et 221.* *Communant. leges Ripuariorum tit. 50. ibid. vol. 27.* De *Verbo Sancti* videntur du *Du-Cangius Glossar. med. et infim. Latinit. eod. verb.*

§. II. Antiquo jure Romano testes in causis criminalibus ad dicendum testimonium vocabantur, et cogebantur, non item in causis civilibus (1); sed Imperator Justinianus sancivit, ut etiam in causis civilibus cogi possint (2). Verum Romana Ecclesia testes hortari, et monere, non cogere consuevit (3). Tantum Ecclesiasticus iudex invito testimonium denunciat, cum quis se subtrahit odio, aut gratia, (4), aut timore, neque alius est veritatis demonstrandae modus (5). Et quidem a laico testimonium fugiens multa pecuniaria, captivae pignorum, aut consimili poena, ab ecclesiastico autem iudice primum monitis, et hortationibus, postea censuris, suspensione ab officio, et beneficio, interdicto, excommunicatione, postremo depositione compellitur (6). Cum in iudicio saeculari clericorum testimonium necessario requiritur, Episcopus a laico iudice rogatus illud a clericis excipit, aut posmittit ad iudicem saecularem, ut more clericorum iuramentum, et attestaciones emittantur. Jus civile, uti diximus, testes cogit in causis tam civilibus, tam criminalibus; sed de Juris Canonici disciplina non una, et eadem jurisperitorum sententia est (7). Mihi similior veri videtur opinio eorum, qui generatim a jure canonico neminem cogi affirmant ad ferendum testimonium in re criminali; cogi tamen posse qui rem norunt, cum hi odio, gratia, timore sese substraxerunt, neque aliter veritas comprobari potest.

(1) *Novella 90. de testib., Cap. et quoniam 5. in fin.*

(2) *L. si quando penult. Cod. de testib.*

(3) *Cap. 1. et 3. de testib. cogen.*

(4) *Cap. 1. cit.*

(5) *Cap. 5. et ult. de testib. cogen.*

(6) *Cap. 1. 2. 5. 9. ult. eod.*

(7) Multa ea de re disputat Emanuel Gonzalez *ad Cap. 11. de testib. cogen.*

§. III. Quidam vero sunt qui ad dicendum testimonium

cogi nulla ratione possunt, et huc spectant cognati adversus cognatos, dummodo non sint remotiores consobrinis natis, affinis adversus affinem, socer adversus generum, gener adversus socerum, et similes (1); libertus adversus patronum, et patronus adversus libertum, minores 20. annis, qui tamen volentes dicere testimonium possunt. Contra sunt alii, qui soluti non sunt onere dicendi testimonii, sed vocati venire non coguntur. Ex eo genere sunt justis de causis impediti, uti sunt majores 70. annis, qui infirma valetudine, morboque tenentur, quibus venire non licet (2), qui vi tempestatis, nive, flumine impediuntur, qui publico munere funguntur, a quo sine detrimento Reipublicae advocari non possunt, uti sunt magistratus, milites armati, publicani, qui aliquid exercitui praebeandum conduxerunt, puta annonam, calceos, arma (3). Huc etiam referuntur mulieres, quas vagari, et virorum coetibus immisceri non decet (4); huc deinceps Episcopi tum propter dignitatem, tum propter muneris obeundi necessitatem (5).

(1) *l. 4. ff. de testib.*

(2) *l. igitur 8. ff. eod.*

(3) *l. 19. ff. de testib.*

(4) *Cap. 2. judic. in 6.*

(5) *Novell. 123. cap. 7.*

§. IV. Hi omnes, quos postremo memoravimus, ad ferendum testimonium venire non coguntur inviti; sed tamen si ad eos mittatur, qui testimonium exquirat, quin hoc ferant recusare non possunt. Sumptus autem itineris, qui necessarii sunt, ut testes veniant ad locum, quo vocati sunt, ad eum pertinet, qui testes vocat, ac si non suppediet hos sumptus ad iter necessarios, justa haec non veniendi excusatio est (1). Eandem hanc excusationem longior mora concedit. Nam si testes cum venissent testimonii causa, intra quindecim dies interrogati non fuerint, integrum ipsis est discedere, ut nec iterum inviti evocari possint (2).

(1) *l. 3. §. Gabinio ff. de testib.*

(2) *l. si quando penult. Cod. de testib.*

FIDE INSTRUMENTORUM

T I T U L U S X X I I.

I. Quid instrumentum ?

II. Instrumentum publicum.

III. Quomodo differat ab authentico ?

Ptorocollum, et Transumptum.

IV. Publici instrumenti fides.

V. Exemplar, sive copia publici instrumenti. Privata scriptura.

VI. Productio instrumenti.

VII. Quomodo nutet instrumenti fides?

§. I.

Instrumentis quoque in judiciis probatio conficitur; in hac duo interdum confunduntur, et Harmenopulus quidem *δυνάμει* tum instrumenta, tum probationes appellat. (1). Sed proprie ab ipso Harmenopulo, et in Basilicis instrumenta vocantur *συμβόλαια*, signa, et pacta in scripturam redacta, ut actus facilius probari possit (2), eaque scriptura debet esse authentica, certae scilicet auctoritatis, et firmitatis. Instrumenti nomine generatim comprehenduntur omnia, quae ad causam instruendam pertinent, ideoque etiam testes eodem vocabulo designantur (3). Speciatim autem instrumentum est scriptura, quae iudici fidem facit rei, quam continet, eaque vel publica, vel privata est.

(1) Harmenopulus *lib. 1. tit. 2. cap. 14.*, *L. 1. ff. de fid. instrumen.*(2) *L. 4. ff. de fid. instrum.*(3) *L. 15. Cod. cod.*

§. II. Publica instrumenta, sive scripturae dicuntur, quae publica auctoritate fiunt a personis, quibus id munus datum est, uti sunt censuales tabulae, instrumenta a notario rite conscripta, acta judicialia, scripturae ex publicis archivis eductae (1), et a publica persona confectae. Eodem in numero sunt scripturae publico, et authentico sigillo obsignatae,

veluti Principis, Episcopi, Capituli, Universitatis, itemque libri Parochorum, in quibus baptismata, matrimonia, funera describuntur. Privatae scripturae a privatis nulla publica auctoritate conficiuntur; et huc referendae sunt epistolae, apochae, antapochae, chirographa.

Auth. ad haec Cod. de fid. instrum.

§. III. Publicum, et authenticum instrumentum saepe confunditur, et certe utrumque plenam probationem constituit; sed revera alterum ab altero differt, uti genus a specie, quoniam omne publicum instrumentum est authenticum, sed non omne authenticum est publicum, quia etiam privata manu exarata scriptura authentica esse potest. Duplex est autem instrumentum publicum, protocollum, et transumptum. Protocollum est prima, eaque brevis scriptura, quae summam rei gestae capita praecipua complectitur. Nomen hoc ductum est a protocollo olim usitato, quo significabatur quaedam in chartae capite nota, seu signum, quod ostendebat, quo artificio, quoque tempore confecta fuisset, nomenque habebat Comitis largitionum, ad ejus curam chartariae pertinebant (1). Posterior aetas protocollum appellavit librum, seu registrum, in quem acta publica ordine referuntur (2). Recentior est protocolli significatio ad designandam primam prescriptionem, et hodie libri, in quibus summam gesta describuntur, protocolla appellantur. Transumptum est fusa, ac plena scriptura super re tota gesta confecta, eaque ita dicitur, quod ex protocollo transumitur. Ex hoc transumpto, eoque authographo transcribi solent exempla, *copia vidimata*, a verbo *vidimus*, seu *collationata*, quatenus notarius testatur, se authographum vidisse, et cum eo exemplar contulisse.

(1) Justinianus *Novell. 44. cap. 2.* „ Illud quoque, inquit, praesentibus, ti adiciamus legi, ut tabelliones non in alia charta pura scribant documenta, nisi in illa, quae in initio (quod vocatur protocollum per tempora gloriosissimi comitis sacrarum nostrarum largitionum habeat appellationem, et tempus, quo charta facta est, et quaecumque in talibus scribuntur. „ Confer Cujacium in hanc *Novellam opp. tom. 2. col. 954.*

(2) Videndus Du-Cangius *glossar. med. et infim. Latinit. verb. protocollum.*

§. IV. Publicum instrumentum, quod rite, et recte confectum est, scilicet servatis omnibus necessariis, plenam in iudicio probationem constituit. Nam publicum officium Notarii, et legitimae solemnitates omnem remouent falsi suspicionem, et ideo publicum instrumentum *probatio probata* appellatur (1). Sed publicis quoque instrumentis detrahatur fides, si per plures, eosque juratos testes demonstretur *fraus*, vel error, quod aliter res scripta, quam gesta fuerit (2), quoniam in publicos quoque homines cadere falsitas, erroris potest. Protocollum, in quo notarii penes se authographa servare iubentur, ut orta quaestione *per hoc veritas possit declarari*, et quod quasi fons est, unde hauritur transumpti veritas, plenae probandi vim habet (3). Secus tamen est, si *contraheutes* professi fuerint, nolle obligare sese, nisi plenum instrumentum factum fuerit, quia tunc huic voluntati, pactoque parendum est (4). Sic etiam gratiae, et privilegia Apostolica suum robur non obtinent, nisi primò cum debitis solemnitatibus in scripturam plenam redigantur (5).

(1) *Cap. 1. 2. et 16. de fid. instrum. , L. 15. Cod. eod. , L. 18. Cod. de probat.*

(2) *Cap. 10. de fid. instrum. , Novel. 73. cap. 3.*

(3) *Cav. 11. de probat.*

(4) *L. 17. Cod. de fid. instrum.*

(5) Consule Remigium Maschat. *Instit. Canon. lib. 5. tit. 33. num. 5. tom. 2. pag. 572. edit. Romae 1757.*, ubi ea de re laudantur Pontificiae Constitutiones Urbani VIII., et Gregorii XV.

§. V. Exemplar, sive copia, ut vocant, instrumenti a privato homine conscripta certae probationis loco non est (1); est autem cum eam conscripsit notarius inspecto, et collato diligenter authographo, adhibitisque omnibus, quae lege, et consuetudine adhibenda sunt (2). Privata, eaque authentica instrumenta, quae scilicet munita sunt subscriptione testium, sigillo, aliove modo legitimo ad faciendam fidem idonea plenae probant (3); non autentica nihil probant pro scribente ejusve heredibus (4), nisi a tribus sint subscripta testibus, quia tunc vim habent publici instrumenti (5). Probat vero privata scriptura, cujus est comperta veritas, contra scribentem, modo causa debiti expressa sit (6); excepta liberatoria confessione, in qua creditor sibi solutum debitum profitatur,

quæque, nulla etiam adjecta causa, contra scribentem probationem facit (7). Libris mercatorum, qui secundum legis præscripta retinentur, tam pro scribentibus, quam contra scribentes vim attribuit commercii, ac publicæ utilitatis ratio. Etiam libri collegiorum opificum, qui rite, et recte servantur, ex longa consuetudine firmiter, et robore obtinuerunt.

(1) *Cap. 1. de fid. instrum.*

(2) *Cap. ult. cod.*

(3) *Cap. 1. et 2. cod., Novell. 49. cap. 2.*

(4) *L. 5. 6. 7. Cod. de probat.*

(5) *L. 11. Cod. qui potior. in pignor. habeant.* Verum constare debet de manu, et subscriptione testium, sive per recognitionem, sive per comparationem; præterea necessaria est partium subscriptio, idoneique testes esse debent. Confer quæ admodum adolescens scripsi de notissimis in jure legibus pag. 170. edit. Florentiæ 1796.

(6) *L. 25. §. ult. ff. de probat., Cap. 14. de fid. instrum.* Consule Donellum *Comment. in tit. Cod. de probat., L. exemplo, et in tit. de non numer. pecun., L. 3. opp. tom. 7. et 8. col. 1031. et col. 214. seqq. edit. Lucæ 1762.**

(7) *L. 40. ff. de pact.*

§. VI. Producenda, hoc est in judicio exhibenda sunt instrumenta regulariter post litem contestatam, eaque edenda, hoc est cum adversario communicanda, ut ipsi eadem describendi copia fiat (1). Semel tantum producenda sunt, nisi justa sit causa, quæ iterum producenda suadeat, quo casu juramento opus est (2). Instrumentum, quod plura capitula, eaque non connexa complectitur, integrum coram judice, et adversario legendum, huic tamen integrum non est edendum, sed tantum capitulum, in quo sedet controversia (3).

(1) *Edere est copiam describendi facere* inquit IC. in *L. 1. §. 1. ff. de eden.*

(2) *L. 21. Cod. de fid. instrum., L. 6. §. ult. ff. de eden.*

(3) Sic intelligendæ sunt Decretales, quæ inter se pugnare videntur, altera in *Cap. 7. de privil. in 6.,* et altera in *Cap. 5. de fid. instrum.*

§. VII. Interdum instrumenta reprobandur, vel eorum fides in discrimen adducitur; quod pluribus de causis evenire potest. Nimirum si deletum, vitiatumque sit instrumentum in loco, qui rem præcipuam, hoc est substantiam attingit (1);

si in eo conficiendo neglecta sunt, quae praestare oportebat, ut valeret; si testes in instrumento descripti affirmant, se actui non interfuisse, aut aliter esse scriptum, quam gestum (2), fides nutat, et auctoritas instrumenti. Nullo etiam in numero habenda sunt instrumenta, quae quis in medium protulit, cum inter se pugnent, neque ulla sit eorum conciliandorum ratio (3).

(1) *Cap. 6. de fld. instrum.* Verum si vitium sit in loco, qui ad substantiam non pertinet, valde simile veri est non vitari instrumentum, quod colligi potest ex *cap. 3. eod.*, ubi vitium irrepperat in facti narrationem, et *cap. 11. eod.* ubi omissio literae, vel syllabae, atque etiam integrae vocis facile subintellectae fidem non abrogat instrumenti.

(2) *Cap. 10. de fld. instrum. Cap. 5. de probat.*

(3) *Cap. 13. de fld. instrum., L. 14. Cod. eod.*



DE PRAESUMPTIONIBUS¹⁶¹

T I T U L U S X X I I I .

I. Quid praesumptio?

II. Praesumptio juris tantum.

III. Praesumptio juris, et de jure.

IV. et V. Praesumptio hominis, ejusque species.

Decretum *can. 14. c. 11. q. 3.*, et alibi sparsim, et Pandectae *lib. 22. tit. 3.*

§. I.

Probationum vim obtinent etiam Praesumptiones, quae strictim verae probationes non sunt; sed quod iisdem iniuxim leviant onere probandi, ac saepe rem conficiunt, merito probationibus annumerantur. Est autem praesumptio rationalis conjectura super re dubia orta ex indiciis, quae frequenter connexa cum veritate sunt; eaque est vel juris, vel hominis. Praesumptio juris est, quae expressa lege, vel canone continetur; et vero si jus aliquid tamquam verum praesumit, donec aliud non demonstretur, dicitur praesumptio juris tantum; si et verum praesumit, et omnem respuit contrariam probationem, praesumptio est juris, et de jure. Praesumptio hominis est, quae nullo expresso jure continetur, sed quae ducitur ex indiciis, et conjecturis; eaque vel est gravis, vel gravissima, et vehementissima, ac violenta, vel levis, ac temeraria appellatur.

§. II. Praesumptio juris tantum plenam efficere probationem potest, nisi contrarium demonstretur (1); et ideo qui ea nititur in jure habet suae intentionis fundamentum, neque probandi onus ferre debet (2). Ita quilibet bonus praesumitur, nisi malus ostendatur (3), semel malus semper talis creditur (4), vicinus scire creditur quae in vicinitate accidunt (5), natus ex justis nuptiis patriae potestati obnoxius praesumitur, nisi emancipatio ostendatur (6). Sunt et aliae complures ejusdem generis conjecturae, quarum aestimatio pendet ab arbi-

Tom. III.

X

trio iudicis, cujus est pro animi sui religione judicare, quantitas in singulis vis insit, et quanta iis fides adhibenda videatur. Coacervantur autem praesumptiones, et conjecturae, quaeque singulae forte inter se non movent, universae tamen connexae, atque conjunctae movere debent.

(1) *Cap. 10. et ult. de praesumpt., Cap. ult. de restit. spoliat. in 6. l. 25. ff. de probat.*

(2) *Cit. cap. 10. et ult. de praesumpt. Argumento Cap. 2. et 4. de probat.*

(3) *Cap. 15. de praesumpt.*

(4) *Reg. 8. in 6.*

(5) *Cap. 7. de praesumpt.*

(6) *l. 8. ff. de probat.*

§. III. Praesumptio juris, et de jure veritatis habetur loco, eaque ita vera, et certa existimatur, ut contraria probatione infirmari non possit. Sic sponsalia firmata per copulationem maris, et feminae ex jure antiquo matrimonii vim capiebant (1); sic mulier, quae sesquianno cum marito habitavit, omnem ab se removisse metum, et libere consensisse videtur (2); sic Regularis, qui contra professionem quinquennii intervallo nihil opposuit, eam ratam firmam habuisse censetur (3). Sed quamquam haec praesumptio nulla contraria probatione directo refutetur, tamen indirecte tolli potest, ut si mulier, vel regularis ostendat, sese toto sesquianno, aut quinquennio fuisse in justo metu, et ideo nihil agere potuisse.

(1) *Cap. 30. de sponsal.* Verum hoc jus hodie antiquatum est, uti demonstravi in *Instit. Canon. lib. 2. tit. 2. sect. 7. §. 405. tom. 2. pag. 172. edit. cit.*

(2) *Cap. 21. de sponsal.*

(3) *Concilium Tridentinum sess. 25. cap. 19. de Regul.*

§. IV. Praesumptio hominis, quae pro dissimili rerum ratione multiplex esse potest, ut plurimum pendet ab arbitrio iudicis, cujus est aestimare, quanta ei vis, et auctoritas esse debeat (1). Presumptio gravis, seu probabilis, si sola sit, probat semiplene; verum adjuncta cum simili praesumptione, vel cum fama, aliisque adminiculis, plenam in re civili probationem constituit (2). Praesumptio violenta hominis simili

modo in re civili plene probationis habetur loco (3), sed tamen contraria probatione refutari potest (4). Levis, ac temeraria praesumptio est, quae ex incertis educitur, levibusque argumentis, et quae nihil probat. Ad hoc praesumptionis genus referri possunt purgationes, quae vulgares dicebantur, quasque olim saepe adhibitas fuisse constat per aquam frigidam, aut ferventem, ferrum candens, monomachiam, seu duellum, et similia, quae cuncta a Summis Pontificibus merito damnata, et improbata sunt (5).

(1) *L. 3. ff. de testib.*

(2) *Cap. 11. et 15. de praesumpt., Cap. 44. de senten. excom.*

(3) *Cap. 2. de praesumpt.*

(4) *Cap. ult. de Presbyt. non baptiz.*

(5) Vide nostras Institutiones Canonicas tom. 3. lib. 3. §. 30. tit. 9. pag. 134. seqq. sit. edit., ubi de his purgationibus disseruimus.

§. V. In causis civilibus plus praestant praesumptiones, quam in criminalibus, quoniam in his nemo condemnatur ex solis conjecturis vehementibus (1); excepto crimine haereseos, cujus suspectus tamquam haereticus condemnandus est, nisi ab se amoverit omnem suspicionem (2). Cum plures occurrunt inter se pugnantes praesumptiones, potiores sunt quae vehementiores (3), quae similiore veri, quae plus benignae, honestae, ac naturae consentaneae sunt. Denique praesumptio in specie praesumptioni in genere antefertur (4); quaeque respiciunt bonum animae, aut causam gratia, et favore dignam, aut actus firmitatem, praesumptiones praestabiles habendae sunt praesumptionibus, quae his omnibus opponuntur (5).

(1) *Cap. 14. de praesumpt.*

(2) *Cap. 13. §. qui autem de haeret. Cap. 7. et 8. eod. in 6.*

(3) *Cap. 3. qui flui sint legit. L. 25. ff. de probat.*

(4) *Regula 34. in 6.*

(5) *Cap. 25. de verb. signific.*

DE JURE JURANDO

TITULUS XXIV.

- | | |
|--------------------------------------------------------------------|-----------------------------------------------|
| I. Vis juramenti, et gentium quarumdam juramenta. | VI. Juramentum suppletorium in causis dubiis. |
| II. Juramentum licitum. | VII. Juramenti a iudice delati necessitas. |
| III. Cujusmodi juramentum esse debeat? | VIII. Juramentum purgatorium. |
| IV. Variæ juramenti formulæ. | IX. Purgatio canonica. |
| V. Juramentum assertorium, vel promissorium, et utriusque species. | X. Juramentum in litem. |

Sextus, et Clementinæ *h. t.* Decretum *c.* 22. q. 1. Pandectarum *lib.* 12. *tit.* 2. et 3. Codex *lib.* 4. *tit.* 1. et *lib.* 5. *tit.* 53.

§. I.

Est et probatio, quæ oritur ex jurejurando, quod definitur affirmatio religiosa, hoc est advocatio Divini Numinis in testem ejus rei, quæ asseritur. Magna semper, et sancta apud omnes gentes vis juramenti fuit, ac Romani, uti supra demonstratum est (1), præsertim Græcorum exemplo, ab omnibus, qui in judicium vocabantur, aut vocabantur, ad omnem fraudis suspicionem removendam, calumniæ juramentum emitti voluerunt (2). Apud Græcos dabatur juramentum, quod *ὑποσπασίς* dicebatur, cujus loco Romani juramentum calumniæ a litigantibus exigebant (1); et in Areopago litigantes jurejurandum præstare debebant, antequam actio ordiretur (2). Sic et reliquæ gentes in re quaque graviore aliorum obstringebant fidem sacramenti religione, et Græci ut pessimum hominem designarent, utebantur vocabulo *ὑπερσπαστός*, qui perjurus est (3). Omnes autem, exceptis Hebræis (4), jurabant per falsos Deos, quos colebant, quamquam firmatam suo sacramento fidem servare deberent, adeo ut bis peccaret perjurus, qui juraret per falsos Deos, et quia *juravit per quos non debuit, et contra pollicitam fidei fecit quod non debuit* (5). Nos qui unum coli-

mus verum, ac vivam Deum, cui nota sunt omnia, quique nec fallere, nec falli potest; cum eum testem advocamus, eorum, quae asserimus, aut promittimus, quo studio, qua religione, qua cura videre debemus, ut data juramenti fides sancta, et inviolata sit (6)! Apposite S. Hieronymus „Qui contemnit, inquit, juramentum, illum despicit, per quem juravit, illique facit injuriam, cujus nomini credidit adversarius (7).”

(1) Vide quae scripsimus Tit. VII. pag. 73.

(2) Juramenta interposito ab omni controversia discedatur, inquit Julianus in L. 40. de jurejur.

(3) Videndus Franciscus Romae Archeol. Attic. lib. 6. cap. 7. pag. 288. edit. Oxoniens.

(4) De juramentis Hebraeorum, deque variis eorum formulis late agunt Jacobus Lydius, Joannes Nicolaus, Joannes Seldenus, quorum dissertationes describit Ugolinius *Thesaur. antiq. sacrar.* tom. 26. pag. 388. Multa etiam de juramento Hebraeorum habet Thomas Goodwinus in *dissert. Moyses, et Aaron* cap. 6. apud eundem Ugolinum loc. cit. tom. 2. pag. 427. seqq. Iisdem locis aliarum quoque gentium juramenta referuntur.

(5) Sic Augustinus ep. 47. num. 2. opp. tom. 2. col. 110.

(6) Augustinus loc. cit., = Verumtamen, inquit, sine ulla datione minus malum est per Deum falsum jurare veraciter, quam per Deum = verum fallaciter. Perjurium velut immane scelus in veteris testamenti literis a Deo expresse damnamur *Levit. cap. 5. num. 4. seqq. can. 12. caus. 22. q. 1.*

(7) S. Hieronymus in *Ezechielem* lib. 5. cap. 17. opp. tom. 5. col. 194. edit. Veron. cit.

§. II. Fuerunt olim, qui illicitum esse crederent jursurandum, aut saltem indiscriminatum, et generatim improbatum, videri Evangelicam doctrinam considerantibus. Verba Evangelii sunt „dictum est antiquis, non perjurabis, reddes autem Domino juramenta tua. Ego autem dico vobis, non jurare omnino, neque per Coelum, quia thronus Dei est, neque per terram, quia scabellum est pedum ejus, neque per Jerosolymam, quia Civitas est magni Regis: neque per caput tuum juraveris, quia non potes unum capillum alium facere, aut nigrum. Sit autem sermo vester est, non non; quod autem his abundantius est a malo est, (1). Eadem a Jacobo Apostolo doctrina literis mandata est (2). Ociosum esset in hac divinae sententiae interpretatione immorari, cum eam diligenter exposuerint sancti Patres, quorum unus omnium consensus est: ex mandato Christi Domini, non esse tamquam illicitum jursurandum, sed cavendum, ne quis eo abutatur, atque in perjurium incidat (3).

(1) Matthaeus cap. 5. ver. 33. seqq.

(2) Jacobus epist. cap. 5. vers. 12. * Ante omnia autem, inquit, fratres mei nolite jurare, neque per terram, neque aliud quodcumque juramentum. Sit autem sermo vester, est est, non non, ut non sub iudicio decidatis. *

(3) Confer, praeter ceteros, S. Augustinum ep. 157. opp. tom. 2. col. 559. edit. Maurin. Venet. 1729., et de mendac. num. 18. col. 436. tom. 6. Patrum interpretatio a Gratiano describitur tota fere quaestione 1. caus. 22.; omnia vero complexus est Innocentius III. in cap. 26. de iurejur. Videndus etiam Ven. Moneta ad ver. Cathar., et Valdenses, qui contra hos haereticos illicitum putantes iurandum solide, graviterque disputat lib. 5. cap. 9. pag. 462. seqq. edit. Romae 1743.

§. III. Omne iuramentum, ut inquit S. Hieronymus (1), tres habere debet comites veritatem, iudicium atque iustitiam. Veritatem, ut iuremur non tantum quod in se verum est, sed etiam quod sincere, atque ex intima animi nostri sententia verum existimamus, praeterea non tam quale interno mentis proposito retinemus, quam quale intellectus audientes prospicimus (2), ac si de re futura agetur, quae a nobis pendet, ut iuremus, quod nos sine fallacia, firmoque animo implendi promissa spondeamus. Iudicium, ut non temere, non imprudenter, non sine gravi causa Deum testemur, ne de rebus inanibus sanctissimum Dei nomen invocemus. Denique iustitiam, ut nihil minus honestum, nihil turpe, atque indignum sacramenti religione contineatur; nam huiusmodi promissiones, uti sunt detestabiles aequi Deum, ita ipso iure solvuntur (3).

(1) Can. 2. caus. 22. quaest. 2.

(2) Can. 9. caus. 2. q. 5.

(3) Can. 1. 2. seqq. caus. 22. q. 4., Cap. 18. et 19. de iurejur.

§. IV. Varias olim fuerunt, et nunc sunt iuramenti formulae. Non enim tantum jurare intelligitur qui Deum expresse, et directo testatur, sed etiam qui ea, in quibus Dei nomen tacite vocatur. Iudaei iurabant per coelum; per terram, per Hierosolimam, per caput suum. Huiusmodi formulas adhibere noluerunt Christiani, tum quod Evangelio improbatas fuerint (1), tum quod jurare per creaturas indignum sit, et idolatriae suspicionem afferre videatur (2). Ubi opus est, iurandum vel per Deum, vel per Christum, vel per monumenta reparatae salutis; veluti per Evangelium, per crucem,

per sacramenta, per altare, resque ceteras Deo sacras (3). Frequens olim erat usus praestandi iurisiurandi ad sepulchra Sanctorum, qui quidem usus Augustini aetate vigeat (4), viguitque etiam annis consequentibus (5). Recens iudiciorum disciplina fert, ut Sacerdotes iuraturi manus ad pectus admoveatur, quasi Deo singulari iure dicatum sit.

(1) Matthaeus cap. V. v. 34. et seq.

(2) Can. 6. 7. 11. c. 22. q. 1., Can. 8. c. 22. q. 1.

(3) Can. 11. et 12. c. et q. cit., Cap. et si Christus 26. de iurejur.

(4) S. Augustinus ep. 78. num. 3. opp. tom. 2. col. 184.

(5) S. Gregorius M. lib. 2. ep. 33. opp. tom. 2. col. 597., et lib. 6. ap. 61. col. 837., S. Gregorius Turonensi Histor. Franc. lib. 5. cap. 33. et 49. col. 241. et 261. de glor. marty. lib. 1. cap. 39. col. 765. et cap. 74. col. 804. et de glor. confessor. c. 94. col. 976. Vide Benedictum XIV. de synod. dioceses. lib. 7. num. 6.

§. V. Juramentum vel est assertorium, quo veritas assertitur rei praesentis, vel praeteritae, vel promissorium, quo firmatur promissio rei futurae; et utrumque vel est simplex, quod sit sine ullis solemnitatibus, vel solemne, quod coram superiore fertur cum solemnitatibus, quae de more observari solent; vel execratorium, quo iurans semetipsum, aliumve sibi carum hominem execratur, ut Deus sit sacrilegi mendacii vindex; vel iudiciale, quod in iudicio, vel extrajudiciale, quod extra iudicium emittitur. Assertorium juramentum dividitur in litis decisorium, quod litis finiendae causa, et litis aestimatorium, sive in litem. Litis decisorium ex recepta doctrina aliud est voluntarium, quod pacto convento litigantium alter alteri defert sine ulla iudicis approbatione; aliud iudiciale speciatim, quod alter alteri defert iudice approbante; aliud est necessarium, quod iudex alterutri defert ad complendam plenam probationem, et ideo vocatur etiam suppletorium, quod deferitur cum alia probatio non suppetit (1), et quia iudici saepe necesse est illud deferre, ac litiganti accipere, propterea necessarium etiam appellatur.

(1) Cap. 2. de probat.

§. VI. Juramentum necessarium datur in causis dubiis, idque dicitur suppletorium, quoniam eo semiplena probatio sup-

pletur (1). Dubiae causae ex veriori sententia sunt, in quibus plena probatio allata non est, puta quod plures datae sunt praesumptiones, et conjecturae, quae rem non satis perspicue res tota conficitur. Defertur hoc iuramentum ei, qui tantum semiplene probavit, modo personarum, et causae ratio habeatur (2), et si reus aequae, actor semiplene probavit, deferendum est reo, cujus in re dubia potior causa est (3).

(1) Qui semiplenam probationem lidem et suppletorium iuramentum respuunt. Verum in dubiis causis, ut inquit Cujas in *L. 31. ff. de jurejur.*, sive, ut ajunt Diocletianus, et Maximianus in *L. 3. Cod. de reb. credit. in probationem inopia* iudex delato iuramento iuramentum absolvit. At dubia causa, et inopia probationum sive dubio causa est, in qua semiplene probatum fuit; uti supra demonstratum est. Ac si dubiam causam, et inopiam probationum esse volumus causam, in qua pares ob actore, et reo probationes datae sunt, par erit utriusque causa, ideoque absolvendus erit reus, cujus in pari causa potior conditio est *L. 125. et 128. ff. de regul. jur., Cap. 6. de fd. instrum., Cap. 65. de verb. signific. in 6.*; tantum abest ut iusjurandum a iudice deferendum videatur. Rursus si probationem inopiam, quod placuit Giphonio in *L. 3. Cod. de reb. credit.* intelligamus causam, in qua nihil ab actore probatum est, iudicandum erit secundum reum, quem actore non probante . . . et si nihil ipse praestet, obtemperare voluit Imperator Antonius in *L. 4. Cod. de eden.* Reliquum ergo est, ut dubiam causam, et inopiam probationem explicemus causam, in qua semiplene probatum est.

(2) *Cap. ult. §. ult. de jurejurand.*

(3) *L. 125. et 128. ff. de regul. jur.*

§. VII. Quod a iudice defertur iusjurandum semper necessarium est, ita ut recusari non possit, nisi justa sit recusandi causa, eoque praestitio causa finita est. Itaque aut actor causa cadit aut reus absolvitur, uti postulat rei veritas, quae hoc iurejurando demonstrata est. Defertur etiam idem iusjurandum ab alternitro litigantium, et hoc quidem, nisi iudicis mandatum accedat, initio voluntarium est, quoniam alter nulla assentiendi necessitate obstringitur, sed deinde cum ei delatum et acceptum est ex pacto e et conventu litigantium necessarium efficitur. Itaque semel praestitum secundum illud ferendum est iudicium; sed antequam praestet, mutare voluntatem licet ei, qui litem intulit (1). In omnibus causis, quae dubiae sunt, atque a litigantium voluntate pendent, hoc sacramentum deferri, et praestari potest, non item in causis criminalibus, neque in iis, quae pertinent ad infirmandam religiosam professionem, aut ad dirimendum vinculum matrimonii.

(1) *L. 11. Cod. de reb. cred.*

§. VIII. In ipsis quoque causis, quae infamiam irrogat, huius jramento locus est, veluti si furti, vel de vi bonorum raptorum civiliter agatur, adeoht damnatus post iurjurandum ex iudicio famoso famosus fiat (1). Atque hoc iuramentum, quo quis se purgat ob infamiam ex crimine contractam, purgatio canonica appellatur, de qua titulus est in Decretalibus, et cujus olim frequens erat usus., Clerici, inquit Innocentius III. » (2), qui sunt de apostasiae crimine infamati, ... per distributionem ecclesiasticam coercendi sunt, donec deficiente » probatione ad infamiam abolendam purificationem canonicam curaverint exhibere. » Idem de clerico homicida (3), de presbytero accusato (4), de clerico concubinatoris suspecto (5), ius est constitutum. Ejusdem purificationis plures quo Patres meminerunt (6).

(1) Consule Joannem Voetium in *Pandect. lib. 12. tit. 2. num. 10.*(2) *Cap. 3. de apost.*(3) *Cap. 14. de homicid. volunt., vel casual.*(4) *Cap. 10. de accusat.*(5) *Cap. 8. de cohabit. cleric., et mulier.*(6) Videndi S. Augustinus *ep. 78. opp. tom. 2. col. 183. edit. citi.*, Gregorius M. *lib. 2. ep. 33. lib. 7. ep. 18. lib. 13. ep. 34. opp. tom. 2. col. 597. 864. 1241. edit. Paris. cit.*, Gregorius Turonensis *Histor. Francor. lib. 8. cap. 9. et 40. col. 382. et 411. edit. Paris. 1699.*

§. IX. Veteri consuetudine, institutoque juratores tres, quinque, aut septem ejusdem prope ordinis vicinos, aut saltem qui eum plane nossent, ac probatae fidei essent sibi socios, tamquam adsertores adscicebant (1), quo spectant formulae *tertia*, *quinta*, aut *septima* manu jurare. Interdum plures etiam ad iurandum vocabantur, sive qui se purgare cupiebat, laicus esset, sive esset clericus, qui graviori infamia criminis laboraret (2). Hi porro socii Compurgatores, Conjuratores, et Sacramentales dicebantur (3), Primum ille, cujus erat negotium, de quo quaerebatur, super sancta Evangelia jurabat, deinde *Compurgatores* jurabant similiter super sancta Evangelia, eum vere, ut ipsi credebant, jurasse (4). Sed nunc purgatio canonica fere ubique antiquata est (5).

(1) *Can. 12. 13. 16. 17. 19., caus. 2. q. 5., Cap. 7. 9. 11. de purgat. canon.*

Tom. III.

Y.

(2) *Cap. 1. et 10. de purgat. canon.*

(3) Horum crebra mentio est in Capitularibus Regum Francorum, praesertim in Capitulari Dagoberti tit. 1. num. 6. et tit. 9. num. 4., in Capitularibus Caroli M. lib. 3. cap. 9. apud Belasium *Capitular. Reg. Francor. col. 68. 804. 509. edit. Venet. cit.*, et in Lege Salica col. 224 tit. 50. *ibid.*

(4) *Can. 17. c. 2. q. 5.*

(5) Confer Giraldum *Exposit. Jur. Pontific. lib. 5. tit. 34. sess. 894. pag. 733.* Gratianus ex Concilio Wormaciensi *can. 23. c. 2. q. 5.* memorat purgationem per sacram communionem, quae hoc modo fiebat. Cum aliquis accusatus omnem ab se removere cupiebat suspicionem criminis, quod vel non poterat demonstrari, vel non satis evidenter excludi in ante altare, et sanctissimam Eucharistiam ducbatur. Antequam vero Christi corpus acciperet, animum suum aliis praesentibus declarabat his, aut similibus verbis. *Corpus Domini sit mihi ad purgationem hodie* multos hanc purgationem adhibere solitos fuisse testatur Muratorius *Antiq. Italic. dissert. 38.*, qui illud quoque animadvertit, quod quamquam haec purgatio parum differret ab ea, quae per juramentum fiebat, tamen posteriori aetate legitima, et canonica purgatio juramentum habitum est Plures purgatorii jurisjurandi formulas describunt Du Cangius in *Glossario*, et Martenius de *antiq. Eccl. ritib. lib. 3. cap. 7. §. 3. et 4.* Auctor libri Pontificalis *tom. 1. pag. 224 edit. Romae 1724.* de Pelagio Summo Pontifice, qui accusatus fuerat, quod mortis Vigili P. Antecessoris sui conscius esset scribit haec. Pelagius tenens Evangelia, et Crucem Domini super caput suum ambonem ascendit, et sic « satisfecit cuncto populo, et plebi, quod nullum malum peregrinasset contra Vigilium » Quod etiam a Leone III, ut se purgaret a falsis criminibus, quorum « Romanis per calumniam insinulabatur, factum narrat idem Auctor Libri Pontificalis *tom. 2. pag. 253.* Videndus Du-Cangius *Glossar. med. et infim. latinitatis verb. jurare, et juramentum.*

§. X. Juramentum in litem est juramentum ad rem, de qua agitur, aestimandam, quia pro re ipsa lis accipitur (1). Haec autem aestimatio vel verum ac germanum rei pretium respicit, vel peculiarem affectionem; unde efficitur, ut secundum eam, non secundum commune pretium res aestimari debeat, vel damnum attingit, quod aliquis pertulit ex re subtracta, vel idoneo tempore non reddita, puta quod plaris emere debuit vinum, aut frumentum, quia debita pecunia suo tempore soluta non fuit. Solus iudex hoc juramentum, quod pertinet ad rei affectionem, actori defert ob dolum, et contumaciam, seu dolosam moram in restituendo, cujus rei gratia a jure habetur, quae in iudicis haberi non solet, privatae affectionis ratio (2). Contra cum quaeritur de vero, ac legitimo rei pretio, non tantum a iudice, sed etiam a reo deferri juramentum potest.

(1) *L. 1. et seqq. ff. de in lit. jurand. Confer Cujacium in lib. 8. Digestor. tit. 9. L. 7. opp. tom. 7. col. 450. edit. cit.*

(2) *L. 35. ff. ad Leg. Aquil.*

DE EXCEPTIONIBUS

171

T I T U L U S . X X V .

- | | |
|------------------------------------------------------------|--------------------------------------------------------------------------|
| I. Quid exceptio, ejusque species? | VII. Quomodo olim proponeretur, et quomodo nunc exceptiones proponantur? |
| II. Dilatoriae exceptiones quando proponendae? | VIII. Etiam reo excommunicato exceptio permittitur. |
| III. Quando praescriptio fori? | IX. Effectus exceptionum. |
| IV. Quando, et quomodo exceptio majoris excommunicationis? | X. Replicationes. |
| V. Quando exceptiones peremptoriae? | |
| VI. Quales ex harum numero vim majorem habeant? | |

Sextus, et Clementinae h. t. Decretum can. 2. c. 3. q. 6. Institutiones lib. 4. tit. 13., et 14. Pandectae lib. 44. tit. 1. usque ad 6. Et lib. 21. tit. 3. Codex lib. 8. tit. 36. 37.

§. I.

Hactenus actum est de jure actoris, deque armis, quibus instructus in jus venit, ut quod sibi putat debitum, consequatur; nunc agendum est de jure, deque armis reorum, cujus generis sunt exceptiones, et praescriptiones, quae reis defendendis conceduntur. Exceptio est actionis, vel intentionis exclusio, eaque multiplex est. Alia nimirum est nominata, quae proprium habet in jure nomen, ut rei judicatae, jurisjurandi, ceterae similes, alia inominata, quae proprio caret nomine, ac generatim exceptio in factum dicitur. Est et exceptio civilis, quae oritur ex jure civili, ut SC. Macedonianum, Vellejani, non numeratae pecuniae etc., ac praetoria, quae ex Praetorum edictis procedit ob naturalem aequitatem, ut doli, metus, pacti conventi, de non petendo etc. Rursus exceptio vel inhaeret rei, eaque transit ad heredes, et fidejussores, cujusmodi sunt exceptiones doli, metus, rei judicatae, et aliae pleraeque; vel personam attingit, cujus gratia speciatim conceditur, ex. gr. reverentiae, pietatis, dignitatis, uti est exceptio, quae certis personis a jure conceditur, ut tan-

tum solvant, quod possunt solvere, salva iis, quae sunt ad victum, et ad cultum necessaria; quo referuntur clerici, pater, maritus etc., eaque exceptio minime transfertur ad heredes, et fidejussores. Denique exceptio est perpetua, quae semper integra persistit, et temporalis, quae certo tantum tempore perseverat praeterea dilatoria, quae actionem non tollit, sed in aliud tempus differt, uti est exceptio iudicis aut suspecti, aut non competentis, ac peremptoria, quae plane actionem perimit, uti ex. gr. exceptio est solutae, aut non numeratae pecuniae.

§. II. Dilatoriae exceptiones proponendae sunt ante litis contestationem (1), quippe quae litis ingressum, et iudicii exordium impediunt, nisi deinceps oriantur, aut innotescant (2). Ita si iudex sit suspectus, aut non competens, juris imperitus, excommunicatus, si antea negotium ab alio iudice occupatum est; cuncta haec, quae causam differunt, non perimunt, ante litis contestationem proponenda sunt. Idem sit iudicium de exceptionibus contra actorem, puta quod non habet legitimam personam standi in iudicio, quod ejus procurator mandato caret, quod tutus non est locus, ad quem reus vocatus est, quod constitutum tempus nimis breve est, aut feriis addictum, quod ineptus, vel obscurus est libellus, quod plus petitiū fuit, quod connexa, ac nescia sejuugi causa ab alio iudice cognoscitur. Cum haec omnia sint de constituendo iudicio, ac de personis, quibus iudicium constat, vel de tempore, et loco, quo agendum est iudicium, ante idem opponenda, atque excutienda sunt; quoniam eo iam constituto praepostere de eo constituendo ageretur, quod semper sit per oppositas dilatorias exceptiones.

(1) *L. 12. Cod. de except., L. 4. ff. de de iuris. omni. iud. l.*, Cap. 20. de senten. et re iudic.

(2) *Cap. 4. de except.*

§. III. In primis vero fori praescriptio ante ceteras dilatorias exceptiones proponenda est, ne quis ea neglecta in iudicem consensisse videatur, cum actum aliquem iudiciale exercuit (1); nisi rejiciendi iudicis iusta causa deinceps existat (2). Excipitur clericus, qui cum fori privilegium repudiare nequeat, jurisdictionem laici iudicis prorogare non po-

test. Ac ne dolo et malitia rei contra jus fasque amplioretur judicium, merito sancitum est, ut a iudice certus dicatur dies opponendis dilatoriis exceptionibus; quo elapso illas tantum in medium afferre licet, quas nova obtulit causa, quasque reus tunc sibi primum cognitae fuisse juratus affirmaverit (3), itemque illae, quae irritum, et inane judicium faciunt. Hujus generis est exceptio falsi procuratoris, aut mandato carentis (4), aut ejusdem mandati revocati, quia tunc nullum amplius procuratoris officium, et potestas est (5).

(1) *L. 1. et 2. ff. de judic.*

(2) *Cap. 21. et 25. de offic. judic. delegat.*

(3) *Cap. 4. de except., Cap. 6. qui matrimon. accus. pos.*

(4) *Cap. 4. de Procurat.*

(5) *Cap. 3. eod.*

§. IV. Majoris excommunicationis exceptioni proponendae nullus est praefinitus certus dies, locusque judicii, sed ea recte opponitur in qualibet iudicii parte, ne quisquam in periculum animae suae excommunicato communicare cogatur (1). Tantum post appellationem proposita haec exceptio iudicii cursum non impedit (2); sed antea iudex ipse ex officio debet publice excommunicatum a iudicio repellere, quamquam nemo huiusmodi exceptionem objecerit (3). Sed quoniam litigatores saepe ad vexandos adversarios exceptione excommunicationis abutebantur, sapientissime ab Innocentio IV. certus est constitutus ejus opponendae modus (4). Scilicet reus, qui illam adversus actorem exceptionem proponit, exprimere speciem excommunicatoris debet, illamque demonstrare intra dies octo; secus progrediendum iudici in causa est, ac reus in expensas condemnandus. Quod si iterum haec exceptio objiciatur, atque probetur, actor a iudicio repellitur, sed valent ea, quae gesta sunt; post duas vero vires non amplius eadem exceptio, nisi ob justam causam, in medium afferri potest.

(1) *Cap. 12. de except.*

(2) *Cap. 11. eod.*

(3) *Cap. 12. cit. et Cap. 1. eod. in 6.*

(4) *Cap. 1. de except. in 6.*

§. V. Peremptoriae exceptiones, quia non pertinent ad

constituendum judicium, sed ad finiendum jam constitutum, quia feriunt rem ipsam, de qua quaeritur, et reum relevant, ideo quandoque manet judicium, scilicet antequam feratur sententia, opponi possunt. Quod non solum edicto perpetuo constitutum est (1), sed etiam naturali aequitati congruum, et conveniens est, ut ubi, et quaecumque pulsamur, nostras liceat promovere defensiones, iisque uti, quibus relevamur. Quin etiam interdum hujusmodi exceptiones post rem judicatam in actione judicati recte opponuntur (2); idque etiam obtinet in iis exceptionibus, quae impediunt exitum sententiae, ut si post eam actor acceperit, quod ei debitum sententia definitum est, merito reus sese solutionis exceptione tuebitur. Illud de exceptione lapsi temporis in appellationibus singulare est, ut ea quamquam peremptoria sit, tamen perinde ac dilatoria initio iudicii proponenda sit (3).

(1) *L. 2. Cod. sentent. rescind. non pos.*

(2) *L. 11 ff. ad. SC. Macedonian. L. 1. §. 18. L. 20. §. ult. ff. de re judic. Consule Cujacium in Cod. tit. 25. lib. 8. opp. tom. 9. col. 1169. et in cap. 29. de testib. tom. 6. col. 846. edit. cit.*

(3) *L. 2. ff. de temp. appell.*

§. VI. Ex peremptoriis exceptionibus quaedam sunt, quae vim majorem habent, quam ceterae, quae simpliciter peremptoriae dicuntur, ideoque peremptoriae *litis finitae* appellantur. Hujus generis sunt exceptiones jurisjurandi, rei judicatae, transactionis. Hae litem jam compositam, atque extinctam demonstrant, ita ut non amplius liceat instituere judicium de re, quae jam per jusjurandum, aut per rem judicatam, aut per transactionem definita, penitusque e medio sublata est (1). Verum ut locus sit hujusmodi exceptionibus, necesse est, quod lis triplici illa ratione expedita denno inter easdem personas, de re eadem, atque ex eadem petendi causa instituitur (2).

(1) *Cap. 1. de lit. contest. in 8.*

(2) *L. 3. 12. 21. 24. 41. de except. rei judic.*

§. VII. Certae olim erant, ac solemnes exceptionum formulae (1); sed nunc de iis laborandum non est, quoniam sublatiis formulis instituendarum actionum, multo magis pro-

ponendarum exceptionum formulae sublatæ sunt. Hodie igitur sola facti narratione, unde jus excipiendi oritur, exceptio comprehenditur, neque tantum in scriptis, sed etiam viva voce eam fieri posse plerique Doctores sentiunt, quamquam postea in scripturam redigatur.

(1) Videudi Cujacius *observ. lib. 5. cap. 34. opp. tom. 3. col. 125. edit. cit. Douellus comment. de jur. civil. lib. 22. cap. 7. num. 8. opp. tom. 5. col. 1410. edit. Lucæ cit. Brissonius de formulis lib. 5. cap. 74. seqq. pag. 379. seqq. edit. Halæ et Lipsiæ 1731.*

§. VIII. Quisquis in judicium vocatus est sese jure, ac recte tueretur beneficio exceptionis, eoque fruitur etiam reus excommunicatus contra actorem gravius excommunicatum (1), ac generatim excommunicato non exceptio, quæ defensio est, sed actio denegatur (2). Exprimenda tamen est a reo species; ac nomen excommunicationis, resque omnis probanda intra dies octo; secus iudex in causa procedit. At adversus eum, qui plura obtinet beneficia contra scita Sacrorum Canonum, frustra utitur hac exceptione, qui simili vitio infectus est (3).

(1) *Cap. 2. de except.*

(2) *Cap. 5. eod.*

(3) *Cap. 3. eod.*

§. IX. Duo potissimum præstat exceptio, primum quod reus in exceptione sit actor (1), alterum quod exceptio rite probata actionem excludit sive ad tempus, sive perpetuo, prout exceptio dilatoria, aut peremptoria est (2). Hinc quemadmodum actoris est probare vim, et veritatem actionis, quam instituit, ita reus probare debet exceptionem suam (3); quod si ipse non præstet, tamen actor non levatur onere probandi, quoniam *reus exceptionem obijciens non videtur de intentione adversarii confiteri* (4). Plures quoque exceptiones, quæ sibi invicem specie adversantur, cumulari possunt, cum nemo pluribus defensionibus uti prohibeatur (5). Sic recte opponitur exceptio pecuniæ non numeratæ, et exceptio soluti, item præscriptionis, et privilegii etc. Non enim reus simul utramque exceptionem veram esse contendit, sed tantum asserit, duas se habere exceptiones, quarum altera si rejicitur, alteram proponit.

- (1) *L. 1. ff. de except. , L. 19. de probat.*
- (2) *L. 2. ff. de except.*
- (3) *L. 19. et 25. de probat.*
- (4) *Cap. 63. de reg. jur. in 6. , L. 9. ff. de except.*
- (5) *L. 8. ff. de except. , Cap. 20. de reg. jur. in 6.*

§. X. Exceptionibus opponuntur replicationes, quae a lege actori conceduntur, ut rei exceptionem avertat (1); et bene Paulus IG. *Replicatio*, inquit, *est contraria exceptioni, et quasi exceptionis exceptio* (2). Ac quemadmodum rei exceptionem convellit actoris replicatio, ita huic objicitur duplicatio rei, et hanc rursus excludit triplicatio, et sic *deinceps multiplicantur nomina, dum aut reus, aut actor objicit* (3). Jus civile nulum certum constituit modum defensionum, quae tum reo, tum actori permittuntur. Verum a foro ecclesiastico procul absunt hujusmodi duplicationes, ac triplicationes, resque tota committitur arbitrio judicis, cujus est constituere numerum defensionum, causamque, uti aequum judicaverit, definire.

(1) *L. 2. ff. de except. , L. 3. et 10. Cod. eod.*

(2) *L. 22. ff. eod.*

(3) *L. 2. §. 3. de except.* Quem Ulpiani locum, qui cum Triboniano pugnare videtur, explicavi in *Institutionibus lib. 3. tit. 10. §. 12. not. 4. tom. 3. pag. 147. edit. cit.*



PRÆSCRIPTIONIBUS

TITULUS XXVI.

- | | |
|--------------------------------------------------------|-----------------------------------------------------------|
| I. Præscriptionis, et usucapionis discrimen. | XI. Necessarium quoque tempus quale hoc sit? |
| II. Quomodo hoc sublatum a Justiniano? | XII. Præterea justus titulus. |
| III. Præscriptionis inducendæ causæ. | XIII. Illic vero multiplex. |
| IV. Ejus diversæ species. | XIV. Titulus præscriptus ex diuturnitate temporis. |
| V. et VI. Ejus requisita. | XV. Bonæ fides. |
| VII. VIII. IX. Quæ res non præscribuntur? | XVI. Quomodo interruptatur aut derelinquitur præscriptio? |
| X. Possessio ad præscriptionem conferendam necessaria. | |

Sextus hoc. tit. Decretum c. 16. q. 3. 4. Institutiones lib. 2. tit. 6. Pandectæ lib. 41. tit. 3. usque ad 11. et lib. 44. tit. 3. Codex lib. 7. tit. 22. sqq. Novel. 9.

§. I.

Inter exceptiones recensetur præscripti (1), per quam rei Dominus ali agendo repellitur exceptione diuturni temporis, quo rem suam possidere neglexit, et qui simili temporis intervallo rem alienam possedit, eadem possessione defenditur, ut in ea retineri debeat. Est igitur exceptio hæc non temporalis, sed peremptoria, ex qua efficitur, ut rei dominus sui domini commodum, et emolumentum amittat. Præscriptio, et usucapio indiscriminatum accipitur, sed revera inter utramque discrimen est. Usucapio, quæ ab Ulpiano dicitur *ademptio domini*, et a Modestino (2) *edictio*, quia scilicet adjicitur, idest acquiritur dominium (3), modus est ejusdem acquirendi domini, quod leges adimunt vero domino, qui definito tempore rem suam petere neglexit, eique adscribunt, qui eo-

Z

Tou. III.

dom tempore bona fide, longoque usu, ac sine ulla molestia rem ipsam obtinuit. Contra prescriptione non acquiritur dominium, sed datur exceptio, quia dominus poenam sustinet diuturnae discordiae, ideoque repellitur, et qui verus dominus non est in rei possessione retinetur.

(1) Consult. Cujacium in lib. 44. ff. tit. 3. opp. tom. 1. col. 745. et in tit. ff. de verb. signif. L. 106. tom. 8. col. 536. edit. Venet. cit. et Donellum de jur. civil. lib. 5. cap. 4. tom. 1. col. 942. edit. Lucae 1762.

(2) L. 3. ff. de usucap. et usucap.

(3) Ita appositum dominium acquisitum habetur L. proinde 8. ff. de reb. cred. secundum lectionem Florentinam, ut apud Horatium et illi, quos tibi dampnerit, apponit annot. Recte ac merito a Modestino adjectionis verbum usurpationem, inquit Donellus Comment. de jur. civil. lib. 5. cap. 5. num. 3. tom. 1. col. 951. edit. cit. adversus eos, qui adjectionis loco adjectionis vocabulum adhibendum putant.

§. II. Sed Prudentum interpretatione praescriptio sensim ad exemplum, et similitudinem usucapionis efficta, et conformata fuit, eique effectum omnia illa attributa, quae usucapio praestare solebat. Sic eo perducta est praescriptio, ut nihil ab usucapione distare videretur ac denique Justiniano patefactus est locus, quo antiquam usucapionem in praescriptionem converteret (1). Ipsi enim iniquum visum est, quod brevissimo tempore usucapionis constitutae Legibus XII. Tabularum, domini res suas amitterent, ideoque in rebus immobilibus necessarium voluit longum praescriptionis tempus decem, vel viginti annorum, in mobilibus vero triennium (2). Restat tamen adhuc in rebus quibusdam, discrimen aliquod inter usucapionem, et praescriptionem, quia sunt quaedam, quae usucapi non possunt, possunt tamen praescribi eo temporis intervallo, quod est ad praescriptionem necessarium. Ita jus superficiei, vel jus emphytheuticum si a non domino acceperim, non usucapitur, sed longo tempore acquiritur (3); Ita et servitutes, quarum usucapionem Lex Scribonia sustulit (4), praescribuntur, non usucapiuntur (5).

(1) Extant tamen adhuc de his duobus generibus duo diversi tituli in Codice eademque distinctio retenta est in Institutionibus, ejus rei causa, exponit Donellus loc. cit. lib. 5. cap. 4. col. 949.

(2) L. unic. Cod. de usucap. transform.

(3) L. cum sponso 12. §. in vectigalibus 2. ff. de public. in rem act.

(4) L. 4. §. ult. ff. de usucap.

(5) *L. si quis diuturno* 10. *ff. si serv. vind.* Atque hoc forte Tribonianus voluit, cum in *L. 10. §. 1. ff. de usurp. et usucap.* verba Juriconsulti hoc modo innuunt: « Hoc jure utimur, ut servitutes per se nunquam » longo tempore capi possint. » Longo tempore capere ex Triboniani mente est usucapere. Servitutes vero usucapi non possunt post legem Scriboniam, quam integram reliquit Justinianus. Consulte Cajacium in *Paratit. Cod. ad tit. de praescript. long. temp. opp. tom. 2. col. 416.*

§. III. Hodie usucapionis, et praescriptionis eadem vis, et idem effectus est. Ejus initia repetenda sunt a legibus, XII. Tabularum, quarum statuta, uti diximus, Justinianus immutavit, ab eoque constitutam de praescriptione jurisprudentiam Romani Pontifices approbarunt, emendatis iis, quasi ad bonam fidem pertinent, sine qua legitimae praescriptionis locus esse nequit. Praescriptionis inducendae causae fuerunt plures, et aequae justae prorsus, ac laudabiles, scilicet ne incerta, et confusa maneant rerum dominia (1), ne quis in earum possessione molestias, litesque patitur (2), ne propter dominium incertum, ac dubium agrorum cultura negligatur, denique ut hominum diligentia excitetur ad res suas curandas, atque ut merita plectantur poena, qui hoc officium tam aptum, tanque conveniens societati neglexerint. His de causis, quae totius Reipublicae, cui cives omnes prae cunctis humanis rebus servire debent, commodum, atque incolumitatem attingunt, recte ac merito Supremi Principes eo jure, quod publicae salutis ratio eos habere jubet in bona subditorum, beneficio praescriptionis in alios conferre potuerunt bona, quae quis cum detrimento Reipublicae negligenter administrat. Ex quo intelligimus, purum esse cujusvis sceleris, qui bona retinet rite, ac recte praescriptione acquisita, idque etiam ostendit Jus Pontificium, a quo novae sunt latae, et veteres confirmatae de praescriptione leges.

(1) *L. 1. ff. de usurp. et usucap.*

(2) *L. ult. ff. pro suo, L. 7. Cod. de praescript. 30. vel. 40. an.*

§. IV. Non unius indolis, et naturae praescriptio est. Alia scilicet est ordinaria, seu longi temporis, qua res mobilis triennio, immobilis vero decennio inter praesentes, viginti inter absentes praescribitur. Alia est extraordinaria, seu longissimi temporis, quae annorum 30., vel 40. spatio comprehenditur.

Alia demum est centum annorum, et alia immemoralis, cujus initium hominum memoria superat, latetque in tenebris antiquitatis. Est et praescriptio, quae favorabilis dicitur, propter bonam fidem, justumque titulum possidentis constituta, et est odiosa inducta odio negligentiae possessoris nihil solliciti de rebus suis, ac denique alia est; per quam in re nostra jus alienum extinguitur, veluti si praescribatur servituti, quam aliquis habet in nostro fundo. Sed haec, quas postremo loco descripsimus, servitutes, omnes ad summam illam divisionem, quam primum posuimus, referuntur.

§. V. Multa sunt, quae requiruntur, ut vis a lege data praescriptioni explicetur. Principio videndum est, num qui vult praescribere praescribendi habeat potestatem. Generatim quisque suo nomine rem alienam possidere potest beneficio fruitur praescriptionis, ideoque et infans auctore, tutore, et pupillus, vel minor etiam sine tutore, aut curatore, si animum habeat praescribendi (1); furiosus, vel amens auctore curatore, aut si ante furorem, et amentiam possessionem acquisiverit (2). Contra nequeunt praescribere infantes, et rationis usu carentes, nisi initio possessionis eorum judicium tutoris, vel curatoris auctoritate suppleatur (3); Qui alieno nomine possident, uti sunt coloni, usufructuarii, rem diu possessam sibi ipsis non acquirunt. Currit vero praescriptio generatim contra omnes, nisi sint qui speciatim excipiantur. Excipiuntur autem qui in judicio stare, suaeque bonae administrare prohibentur; cujusmodi sunt pupillus, filiusfamilias quoad bona adventitia, captivus, prodigus, cui bonorum administrationi interdictum sit, nisi res praescribi caeperit ante interdictum, bonae fide ad alium pervenisset.

(1) L. 11. ff. de acquir. rerum domin.

(2) L. 4. §. 3. ff. de usur. et annuo op.

(3) L. 32. §. 2. ff. de acquir. posses.

§. VI. Verum satis non est, quod hoc jure uti cupiens generatim habeat praescribendi potestatem; curandum est etiam ut praesto sint omnia, ex quibus legitima, numerisque omnibus absoluta praescriptio conficiatur. Scilicet necesse est, quod res, de qua quaeritur, praescribi possit; ac praeterea requiritur possessio, tempus lege definitum, titulus, bona fides. Omnis

quoque abesse debet error juris, quippe qui in usucapionibus possessori numquam prodest (1). Res quoque incorporales praescribi possunt, sed speciatim ex Juris disciplina non comprehenduntur, quae minime in hominum commercio versantur. Ergo praescriptioni obnoxiae non sunt res sacrae, sanctae, et religiosas, ut templa, altaria, monasteria, caemeteria, cetera similia quamquam in his jus sepeliendi diuturna possessione rectè acquiratur (2). Idem sit judicium de rebus, quae speciali sanctione ab hominibus violari nequeunt, uti sunt maenia, et portae civitatis (3), quaeque publicis addictae sunt usibus, uti viae, forum, fontes, curia, theatra etc. licet populus eis uti desiderit (4); de jurisdictione a Christo data Summo Pontifici in Ecclesiam universam, quae cum Juris Divini sit, praescribi nequit, uti non praescribuntur cetera, quae ad idem Jus Divinum pertinent, qualia sunt sacramenta, potestas ordinandi, et confirmandi, ac cetera obediendi munera, quae propria sunt unis characteris Episcopalis, quaeque nefas est exercere hominem, qui non sit eo characterе insignitus. Sic neque matrimonium, quod cum dirimente impedimento contractum est, ullo temporis cursu ratum firmum haberi potest. Denique quae morae facultatis sunt, quaeque permittuntur alicujus arbitrio, et voluntate, ac sine ulla necessitate, non praescribuntur, ut si quis ad pradium vocetur, et in hortum ire permittatur.

(1) *Instit. §. 1. de usucapion., et L. ff. cod.*

(2) *L. 4. et 6. Cod. cod., L. 6. ff. de relig.*

(3) *L. 4. ff. de usurp.*

(4) *L. 2. ff. de via public.*

§. VII. Sunt et alia permulta, quae canonicae, civilesque leges praescriptioni obnoxiae esse noluerunt. Huc spectant jura spiritualia, ut jus eligendi, et instituendi in beneficiis, quae ut a laicis possideri, ita neque praescriptionem ab ipsis acquiri possunt (1), exceptis iis, quae fas est laicis retinere, uti jus patronatus (2), sepulturae cetera generis ejusdem. Par est ratio ecclesiasticorum beneficiorum, quae sine canonica institutione, obtineri nequeunt (3), quaeque ex beneficalibus praescriptione non fiunt patrimonialia (4), et juris visitationis, atque obedientiae, quod in alium transferri potest, extingui non po-

testi, ut qui subditus est, nemini obsequium, et obedientiam praestare debeat (5). Similiter praescribi nequeunt ab uno coherede, aut socio res hereditariae, quae, antequam dividantur, omnium nomine possideri censentur (6); res pupillares perseverante aetate pupillari (7); res Praesidi donatae contra legem Juliam repetundarum, ab eoque alienatae (8); praedium dotale, nisi caepta fuerit usucapio, antequam dotale fieret (9); bona liberorum adventitia a patre alienata, nisi liberi sui juris facti ea neglexerint tanto temporis spatio, quanto opus est, ut contraria eorum voluntas excludatur (10); res fideicommissi subjectae, atque ab herede gravato venditae, dum adhuc fideicommissi conditio penderet (11), res furtivae, aut vi occupatae, nisi purgatum fuerit vitium, hoc est nisi res in domini potestatem reversa fuerit (12). Quod si heres bona fide rem, quam defunctus habuit commodatam, aut locatam, alteri bona fide accipienti vendiderit, aut dotis loco dederit, is rem, quae nullo reali vitio tenetur, suo tempore usucapiet (13); nam in odium furti lex XII. Tabularum, et lex Atilia, atque in odium violentiae, lex Julia, et Plautia procul esse usucapionem voluerunt, non item cum nullum furtum, et nulla violentia est.

(1) *Cap. 7. de praescript.*

(2) Num adversus Ecclesiae libertatem praescriptione acquiratur inoprimatus, disputat Berardus *comment. in jus eccles. univers. tom. 2. disert. 4. cap. 4. pag. 99. seqq. edit. Venet. 1789.*

(3) *Cap. 1. de regul. jur. in 6.*

(4) At in *Cap. 11. de jurepatr.* habentur haec; nisi legitima fuerit praescriptione munitus. Verum haec Decretalis pertinet ad ea beneficia, quae in proprietate data sunt, uti saepe monasteriis donari solent.

(5) *Cap. 16. de praescript.*

(6) *L. communis 42. ff. de usurp. et usucap.*

(7) *L. Bonae fidei 48. ff. de acquir. rer. domin.*

(8) *L. Bonae fidei cit., et L. penult. ff. de leg. Jul. repetund.*

(9) *L. si fundum 16. ff. de fund. dotal.*

(10) *L. quaecumque 4. Cod. de bonis quas liber.*

(11) *L. ult. §. sin autem 3. Cod. communia de legatis.*

(12) *Instit. de usucapion. §. aliquando 8., L. si ad dominum 86. ff. de furtis.*

(13) *Instit. de usucap. §. 4.*

§. VIII. Neque bona fisci, vel Principis praescriptionis legibus subijciuntur (1). Secus tamen est in bonis vacantibus, quae nondum fisco nunciata sunt, quippe quae quadriennii

spatio praescribuntur; ita ut hoc elapso temporis intervallo non amplius Fisco nunciari, vel tamquam vacantia a fisco occupari, aut vindicari possint (2). Interim haec quadriennii praescriptio non impedit, quominus haec ipsa bona vacantia ab eo, qui illa iusto titulo detinet, puta emptionis, ac bona fide, ceterisque observatis, quae a iusta praescriptione requiruntur, rite, ac recte usucapiantur (3).

(1) *Instit. de usucapion. §. 9., L. quamvis 18. ff. eod., L. penult. Cod. Communia de usucapion., L. fiscus 6. §. 1. ff. de jur. fisci.*

(2) *L. 1. §. Divus Pius ff. de jnc. fisci, L. quia autem 6. §. certe si 7. ff. si quis omitt. caus. testam., L. 1. Cod. de quadrienn. praescript. Instit. de usucapion. §. 9.*

(3) Atque hoc est quod in *cil. §. 9., inquit, Justinianus* » Papinianus » scripsit, bonis vacantibus fisco nondum nunciatis, bonae fidei emptorem » traditam sibi rem ex his causis usucapere posse, et ita Divus Pius, et ita Divi Severus et Antoninus rescripserant. » Quibus fere respondet Modestinus in *L. quamvis 18. ff. de usurp. et usucapian.*

§. IX. Possessio quoque, uti dicebamus, certumque tempus ad inducendam praescriptionem requiruntur. Atque illa quidem continua sit oportet (1), non interrupta sive naturaliter, dejecto scilicet possessore ex re quam detinet (2), sive civiliter, hoc est per motam litem (3). Proprio etiam nomine, seu domini opinionem retinenda est; quoniam usufructuarius, et similes, uti diximus, qui alieno nomine possident, non sibi usucapiunt, sed illi, cujus personam gerunt. Tempus vero multiplex est, uti postulat natura rerum, quae praescribuntur, modo breve, aut longum, aut longissimum, modo immemorabile, cujus initii nulla extat memoria. In usucapione rerum tempus currit de die in diem, ita ut, etiamsi minimo momento novissimi diei possessa res sit, nihilominus repletur usucapio, nec totus dies exigitur ad explendum constitutum tempus, uti loquitur Venulejris (4). At, in omnibus temporalibus actionibus, nisi novissimus dies totus compleatur, non finit obligationem (5).

(1) *L. possessio 26., L. nunquam 31. §. 1., L. non solum 33. §. qui pignori 4. ff. de usurp. et usucap.*

(2) *L. naturaliter 5. ff. de usurp. et usucap.*

(3) *Cap. 13. et 14. de praescript., Cap. 2. eod. in 6., L. nemo 10. Cod. de acquir. et retinen. possess., L. mora 26. Cod. de rei vindic., L. 2. Cod. de annal. except.*

(4) *L. 15. ff. de divers. tempor. praescript.*

(5) *L. in omnibus 6. ff. de obligat. et action.*

§. X. Res mobiles, nisi sint valde pretiosae, quae immobilibus comparantur, triennio (1); res immobiles privatorum decennio inter praesentes, vicennio inter absentes praescribuntur (2); nisi speciatim longius tempus jure sit constitutum. Ita res immobiles, et jura Ecclesiae Romanae desiderant annos centum, inferiorum Ecclesiarum quadraginta (3). Qui in eadem provincia domicilium habent, praesentes, qui in diversis, absentes judicantur inter defunctum, et heredem, emptorem, et venditorem, ceterosque successores tempora conjunguntur, modo omnes in bona fide sint, ita ut si defunctus ex. gr. possederit annos decem, et annos item decem heres, cumuletur utraque possessio, ac vicennii praescriptio absoluta habeatur (4). Cetera, quae ad hoc argumentum pertinent, late explicant qui jus civile scriptis illustrarunt.

(1) *L. unic. Cod. de usucap. transform.*

(2) *Instit. de usucapion. in princip. L. unic. cū. L. penult. Cod. de servit. et aqua.*

(3) *L. ult. Cod. de praescript. longi temporis dec. vel. vig. an.*

(4) *Instit. de usucapion §. 13., L. 14. §. 1. et seq. L. 15. §. 1. ff. de divers. temp. praescript., L. Pomponius 13. §. 1. seq. ff. de acquir. vel amitt. possess.*

§. XI. Cum tempore sociandus est justus titulus, quo nomine intelligimus causam aptam, et idoneam ad dominium, seu jus aliud quodcumque transferendum; et socianda bona fides, quae est judicium prudens; et vacuum malitia, ac fraude, qua quis putat sine alieno detrimento rem aliquam juste possidere. Titulus vel est verus, qui omni prorsus vitio caret, ut si a vero domino rem acceperim, vel coloratus, sive apparens, qui specie justus videtur, sed re ipsa non est, nisi rem emerim a non domino, qui dominus indicetur; vel existimatus, seu putativus, qui fuisse creditur, quamquam revera non fuerit, ut si habueris equum ex empto, cum tamen nulla equi emptio facta sit; vel praesumptus, qui nascitur ex temporis diuturnitate, quae facit, ut videatur accessisse titulus, sive non accesserit, sive accesserit revera. Sic centenaria praescriptio firmissimi cujusvis titu-

li praesumptionem inducit, inde illud adagium, quod est in ore pragmaticorum: *centenaria inducit meliorem titulum de mundo*.

§. XII. Justus hic titulus radix est bonae fidei, justaeque possessionis; ideoque ab eo praescriptio probata legibus abesse uequit (1). Haud tamen est necessarius certus, verusque titulus, qui opus non habet praescriptione, cum per semetipsum dominium transferat. Satis est titulus coloratus, per quem justa habetur possessio, et acquiritur usucapiendi conditio (2). Titulus putativus facit, ut justae praescriptioni debeat esse locus, cum error alienum factum attingit, ut si putas rem a tuo servo acquisitam donatione, legato, aut stipulatione, quae his modis acquisita non est, quoniam error facti alieni probabilis est, atque a Jure toleratur (3). Sed error proprii facti, aut juris ferri non potest, et ideo neuter plane titulum praestat ad praescribendum (4). Titulus praesumptus idoneus non est ad conficiendam ordinariam praescriptionem, sed proferendus, demonstrandusque est (5). Verum cum extraordinaria est praescriptio longissimi temporis, nihil est necesse proponere, ac demonstrare titulum, quem ipsa secum fert temporis diuturnitas testata, ac probata praescriptio (6). Imo cum ea est immemorialis, praesumitur omnis titulus, etiamsi Jus praescribenti resistat (7).

(1) *L. nullo justo 24. Cod. de rei vindic., L. diutina 4. Cod. de praescript. long. temp., Cap. 4. de praescrip.*

(2) Confer titulus Pandectarum *pro emptore donato etc.*

(3) *L. 2. ff. de jur. et fact. ignor.*

(4) *L. pro emptore 2. §. si a pupillo 25. in fin. ff. pro emptore, L. 1. §. 1. 2. ff. pro donato, L. 4. et 9. ff. de jur. et fact. ignor.*

(5) *L. 27. ff. de usurp. et usucap.*

(6) *L. 3. 4. Cod. de praescript. 30.*

(7) *Cap. 1. de praescript.*

§. XIII. Quod non ita intelligendum est, quasi titulus praesumptus ex praescriptione longissimi temporis, aut etiam immemoriali procedens ita videatur habendus veritatis loco, ut nulla contraria demonstratione labefactari, convellique possit. Temporis diuturnitas facit, ut optimus quisque titulus praesumatur, propterea qui hac praesumptione nititur titulum demonstrare non cogitur (1). Sed omnis praesumptio ve-

ritati concedat necesse est, et ideo si omnem abesse titulum ostendat qui praescriptionem patitur, vis tota evanescit diuturnitatis, et praescriptionis. Sic qui titulo pignoris, depositi, locati, et quisquis alieno nomine rem diutius retinuit, frustra opponit praescriptionem, ut ejus rei dominium consequatur (2). Sic Innocentius III. nullam esse definiivit praescriptionem decimarum, quas quis sine justo titulo diutissime obtinebat (3).

(1) *L. 3. 4. Cod. de praescript. 30.*

(2) *Cap. 17. de praescript.*

(3) *Cap. 31. de decim.*

§. XIV. Tempore, ac titulo cumulanda est bona fides, in qua Jus Canonicum merito Civilis Juris praescripta emendavit. Nam Juri Civili satis est quod cum bona fide inchoata sit praescriptio, nec quaerendum putat, qualis postea fuerit haec fides, bona ne, an mala, antequam labatur tempus, quod est praescriptioni datum (1). Contra Jus Canonicum bonam fidem vult esse perpetuam usque ad complementum praescriptionis, adeo ut nequeat praescribere qui initio quidem bonam fidem habuit, sed in mala fide versari in progressu cepit (2). Quinimo qui a bona fide initium duxit cum postea res in dubium venit, quaerere omni studio, curaque debet verum rei dominum, quem si non invenierit, enim a possessione detrudendum leges negant (3). Neque vero qui bonam fidem proponit eam demonstrare cogitur, quoniam praesumitur, nisi aliud ostendatur (4).

(1) *L. 8. Cod. de praescript. 30.*

(2) *Cap. 5. et ult. de praescript., Cod. 2. de regul. jur. in 6.*

(3) *Can. 5 c. 34. y. 1. ubi constitutum est: „iamdiu quisque bonae fidei possessor recte dicitur, quamdiu se possidere ignorat alienum „ et „ cap. 65. de regul. jur. in 6. in dubio potior est conditio possidentis.*

(4) *L. 21. ff. de probat., Cap. 47. de regul. jur. in 6.*

§. XV. Saepe praescriptio interruptitur, et saepe dormire dicitur, quod utrumque quale sit, et quomodo fiat, inspicimus. Interruptitur cum ita cessat, ut priora tempora posterioribus continuata, et juncta non sit. Quod fit cum aliquod in praescriptione deprehenditur insigne vitium, puta quod absit titu-

Ins, aut bona fides, et tunc praescriptio plane exarescit. Interrumpitur etiam, sed non tollitur, et perimitur per actum aliquem judiciale, per quem jus possidendi in discrimen revocatur. Verum cum hic actus nullius momenti judicatus, atque e medio sublatus est, reviviscit praescriptio, ac tempus antea lapsum cum tempore posteriori conjungitur, ut per utrumque praescriptio conficiatur. Dormire autem dicitur praescriptio, dum legitime inchoata ob aliquod repente ortum impedimentum interim quiescit, ac suspenditur, sublato vere impedimento denuo procedit; habita simul ratione temporis antiquioris, et recentioris, haud tamen medii temporis impedimenti, a quo mora illata est. Sic tempore belli, ac pestis neque jus dicitur, neque cursum conficit praescriptio; sic vacua Sede Episcopali, aut Episcopo agere impedito (1), sic tempore pupillaris aetatis, sic demum cum quis agere prohibetur, praescriptio quiescit (2).

(1) Cap. 4. 10. de praescript.

(2) L. 1. Cod. de annal. except., Auth. nisi Cod. de bon. mater.

DE SENTENTIA ET RE JUDICATA

TITULUS XXVII.

- | | |
|------------------------------------------------------------------------------------|-------------------------------------------------------|
| I. Sententia definitiva. | VII. Res Judicata. |
| II. Sententia interlocutoria. | VIII. Quae sententiae vim numquam |
| III. et IV. Necessaria ad vim sententiae definitivae. | acquirant rei judicatae ? |
| V. Quo sermone haec sententia concipienda sit? Num eam revocare possit qui tulit ? | IX. Executio rei judicatae. |
| VI. Ea generalis esse debet, et omnia complecti. | X. Officium Executoris. |
| | XI. et XII. Quomodo et quando faciendi sit executio ? |
| | XIII. ad XV. Ordo executionis. |

Sextus, et Clementinae *h. t.* Decretum *c. 3. q. 9. c. 5. q. 4. c. 35. q. 9.* Concilium Tridentinum *sess. 14. c. 7. et sess. 25. c. 3. de reform.*, Institutiones *lib. 4. tit. 17. Pandectae lib. 42. tit. 1. et seq.* Codex *lib. 7. tit. 42. usque ad 61.*

§. I.

Auditis actore, et reo, excussisque illius probationibus, et hujus exceptionibus, servatis demum omnibus, quae ex Juris praescripto servanda sunt, fit *conclusio in causa*, (1), ac demum Judex pro tribunali seilens (2), Christieque nomine invocato, soliusque Dei considerationem, et respectum professus sententiam profert, quae controversiam finit. Est autem sententia iudicis pronuntiatio, quae aliquem absolvit, aut condemnat, aut certi criminis declarat reum. Sententia, quae reum condemnat, ab eo tempore, quo fertur, vim suam incipit explicare; sententia, quae declarat commissum fuisse crimen, cui lex ipsa poenam infligit, trahitur ad tempus, quo quis reus criminis factus est, ab eoque tempore effectum habet. Atque haec quidem pertinent ad sententiam, quae definitiva appellatur, quia definit negotium, quod iudicii materiam praebet.

(1) Quid tribunal sit, et quid locus placus, unde illud *de plano* *judicare*, et *planaria* cognitio, cujus mentio est in *L. 4. Cod. de dilat. demonstravi in Instit. Canon. lib. 3. tit. 14. §. 4. not. 3. seqq. pag. 168. et 169.*

(2) Formula haec quae ad forum civile delata est, originem repetit a Pontificiis Decretalibus, *Cap. 5. §. 3. de caus. possess. et propriet., Cap. 9. de fid. instrum.*

§. II. Est et sententia, quae interlocutoria dicitur (1), quaeque non dirimit controversiam, de qua praecipue quaeritur, neque super ea fertur, sed super quaestione inter iudicii cursum incidente (2), ut si agatur de afferendis in medium testibus, aut dilationibus concedendis, vel approbanda, neganda exceptione, et similibus. Inde tractum est hoc vocabulum, quia iudex, dum principalis causa cognoscitur, interea loquitur, neque definitive pronunciat, sed tantum ea dicit, quae ad causam promovendam pertinent, ut iudicium ad propositum finem perducatur (3). Sed interdum haec interlocutoria vim habet definitivae, quae licet non definiat expresse causam praecipuam, de qua quaerendum est, tamen eam fere perimit, ita ut alia definitiva sententia minime desideretur; puta si peremptoria exceptio approbetur. Haec interlocutoria sententia mixta dicitur, ut ab alia, quae simplex est, distinguatur.

(1) Hodie quidem sententia dividitur in definitivam, et interlocutoriam; sed secundum scita Juris Romani interlocutio, quae nec absolvit, nec condemnat, proprie non sententia, sed decretum est, uti observat Visseubach. *thes. 1. lib. 32. tit. 1. ff., et Cujacius in tit. Decretal. de appellat. cap. 5. etc. opp. tom. 6. col. 914. edit. cit.*

(2) Interlocutio praejudicium dicitur in *L. 2. Cod. Theodos. de recipi. appellat. Interlocutio*, inquit Cujacius *Paratit. in Cod. lib. 7. tit. 45. opp. tom. 2. col. 431.*, « est praeceptum iudicis in principio, aut medio litis interpositum, quod ad finiendam litis praeparationem spectat, non etiam finit, sive perimit litem; id est praejudicium dicitur et jussum, et articulus, et improprie sententia, et avasio in specie. » Consule *Brissonium de verb. signific. verb. interloqui.*

(3) Vide quae scripsimus in *Instit. Jur. Canon. lib. 3. tit. 14. §. 2. tom. 3. pag. 166.*

§. III. Ut rata firma habeatur sententia definitiva, primum lata esse debet a competente iudice, qui in litigantes, aut saltem in reum jurisdictionem habeat (1), eoque nullo noto vitio a judicando prohibito, qualis esset excommunicatus (2). Deinde certa sit oportet, non incerta, aut alternativa, nisi hujus

generis sententiam postulet negotium, de quo est quaerendum, ut si quis petat vel fundum cum fructibus, vel mille aureos, quanti fundus valet (3); puta, nimirum conditionis expers, ut si quis condemnet Titium, si matrum accepit (4), nisi conditio connexa, et interior sit, ex. gr. condemnatio, et excommunicatio te, nisi infra octo dies satisfeceris; cum libello consentiens (5), et Juris sanctioni, atque ordini conveniens judiciorum (6). At non omnis a juris disciplina deviant sententia irrita est, sed ea quae contra jus scriptum, non contra jus litigatoris lata est (7), in quam irrepsit error calculi eadem sententia expressis (8), quae absentibus, neque citatis litigatoribus data est (9), in qua constitutae solemnitates neglectae sunt, puta si die festo, aut ab excommunicato emissa fuerit (10). Verum si sententia abhorreat a jure, quod causae merita attingit, irrita est, cum juris error exprimitur, secus valet; uti valet sententia injusta, donec appelletur (11), ac sententia lata contra privilegium, in qua similiter qui damnum portulit tueretur se beneficio appellationis (12).

(1) *Cap. 4. de judic. , Cap. 3. de consuet.*

(2) *Cap. 24. de senten. et re judic.*

(3) *L. 3. et ult. Cod. de senten. quae sine cert. quantis.*

(4) *L. 1. §. 5. ff. quand. appell.*

(5) *Cap. 19. de senten. et re judic. , Clement. 2. de verb. signific.*

(6) *L. 4. Cod. de senten. et interloc. , Cap. 1. de senten. et re judic.*

(7) *L. illud 1. §. 2. ff. quae sentent. sine appellat.*

(8) *L. illud cit. §. 1.*

(9) *L. illud cit. §. 3.*

(10) Huc referenda est regula 64. in 6., quae contra jus sunt, debent pro infectis haberi.

(11) *L. 1. ff. quae senten. sine appell. , L. 32. ff. de re judic. L. 19. ff. de appellat.*

(12) *Cap. 21. de senten. et re judic.*

§. IV. Sedere judicem leges jubent, dum profert sententiam (1), sive ut suam ostendat auctoritatem, sive quod mens quiescente corpore magis est acris, et vicens (2). Nullibi Jus Civile irritam declarat sententiam, quae a non sedente iudice lata fuit; id solum Canonici Juris scitum, ac jussum est (3). In judiciis summariis nulla est sedendi necessitas (4). Sedet autem iudex dicturus definitivam sententiam publice, non in secreto, ne irrita sit (5); eaque ferenda est die non feriata, seu

juridico, ad quem facta est citatio (6), de scripto (7), interdin, non noctu (8), recitanda est praesentibus, aut saltem in eam rem vocatis litigantibus, quamquam per contumaciam absens tamquam praesens habeatur (9). Jus Civile illustribus Magistratibus permittit per ministros suos sententias ex tabella recitare (10), et eorum exemplo Bonifacius VIII. etiam Episcopos eodem privilegio potiri voluit (11). Sed jam ubique receptum est, ut judicum sententiae per alios recitentur; imo apud nos ita fert vetusta consuetudo, ut a nemine sententia legatur; sed eam *latam*, et *publicatam* notarius peculiari libro scribit, eaque tunc incipit vim suam exercere.

(1) *L. 6. §. ult. Cod. de postulanti. Novel. 71. cap. 1.* Hinc sessiones judicium, quarum inventio est in *L. 2. §. 1. ff. quis ordo in possess.* Vide-sis Polleltum *Histor. for. Roman. lib. 1. cap. 5.* apud Polenum *supplem. antiq. Roman. Graecar. tom. 1. col. 366. et 367. edit. Feust. 1737.*

(2) Hinc Tranio apud Plautum *in Mostell. act. 3. scen. 1. vers. 34. tom. 1. pag. 551. edit. Lugdun. Batav. 1669.*

Nimio plus sapio sedens.

(3) *Cap. 5. de senten. et re judic. in 6.*

(4) *Clement. 2. de verb. signific.*

(5) *L. 6. Cod. de senten. et interluq., L. 3. Cod. de senten. ex peric. recitan., Can. 7. ca. 2. q. 1.*

(6) *Cap. 1. de pr. L. ult. Cod. eod.*

(7) *L. 2. et 3. Cod. de senten. ex pericul. recitan.* Codices Theodosianus, et Justinianus ea de re sententiam nominant *ex periculo recitandam*, quod quale sit ostendit Donellus *de jur. civil. lib. 28. Cap. 3. §. 10. tom. 6. pag. 402.* ibique Hülligerus.

(8) *Cap. consuluit 24. de offic. delegat.* Confer Hülligerum *ad Donellum loc. cit.*

(9) *L. ea quae 7. Cod. quom. et quand. Jud., L. si Praetor ff. de judic.*

(10) *L. 2. Cod. de senten. ex peric. recitan. cit.*

(11) *Cap. ult. de senten. et re judic. in 6.*

§. V. Multis in locis latino sermone sententia concipitur; sed et in multis vernacula lingua adhibetur; in quo locorum consuetudo observanda est. Prolata autem, et publicata sententia Judex suo munere functus est, ideoque illam revocare non potest, sed interloquutiones revocare non prohibetur. Sic responsum est ab Ulpiano (1), qui tamen loquitur de iudice pedaneo, qui notionis causa datus erat, et cujus officium dicta sententia expirabat. Sed sensim jurisprudentia de iudicibus pedaneis traducta est ad iudices ordinarios, quos nefas est ab-

rogare sententiam definitivam, non item interlocutiones, quarum omni judici retractatio permittitur (2).

(1) *L. 55. ff. de re judic.*

(2) Vide quae scripsi in *Instit. Jur. Canon. lib. 3. tit. 14. §. 3. tom. 3. pag. 166. seq. edit. Romae 1792.*

§. VI. Definitiva sententia, quae absolvit, aut condemnat reum, litemque dirimit, generalis esse debet, pratesque omnes complecti, quae ad controversiam pertinet. Itaque non tantum super negotio principali, sed etiam super omnibus, quae accedunt, et cum illo conjuncta sunt nimirum super expensis, fructibus perceptis ferenda est; ne lis altera ex litis definitae materia exoriat (1). Et quia litem injustam egisse videtur qui causa cecidit, ubique victus in expensas victori condemnatur (2); praesertim si constet, eum temere, ac per calumniam litem instulisse (3). Condemnatio vero ad restitutionem fructuum ad eos praecipue spectat, qui post litem contestatam percepti sunt, aut percipi potuerunt, quoniam, re in judicium deducta, qui rem possidet statim malae fidei possessor efficitur (4). Quin etiam si quis ante litem contestatam in nolo, malae fidei versatus est, etiam fructus antea perceptos restituere debet.

(1) *L. 3. Cod. de fructib. et lit. expen.*

(2) *L. 5. Cod. nod.*

(3) Videndus Donellus *de jur. civil. lib. 16. cap. 3. num. 8. et seq. col. 309. et seq.*

(4) *L. 2. Cod. eod.*

§. VII. Ex lata, et publicata sententia oritur res judicata, quae demum facit, ut illa executioni mandari possit (1). Id vero efficitur, cum libera esset provocandi facultas, et tamen qui victus judicio fuit, vel ad solvendum petit dilationem (2), vel intra temporis intervallum a lege datum, hoc est intra decem dies (3), non provocavit, atque ita suo silentio in sententiam consensisse videtur. Proprie res judicata controversiae finem constituit, quae ita rem expedit, ut totum negotium plane finitum habeatur; non item sententia, quae tantum absolvit, vel condemnat, neque ultra progreditur, nisi a rejudicata firmamentum, et robur accipiat. Tantum in rem judicatam transit sententia definitiva, non item interlocutiones, etiamsi principali causae praejudicium faciant

(4). Cumque res judicata controversiae finem imponat, consequens est, ut actionem, et exceptionem pariat (5); ut jus inter litigantes constituat, pariatque exceptionem rei judicatae, imo et tertium obliget, si ex ejus consensu lis acta sit, aut is causam ab alterutra parte habeat (6), et veritatis habeatur loco, adeout, etiamsi postea nova prodierint monumenta, tamen lis per remjudicatam extincta, nonnisi ope restitutionis in integrum redintegrari possit (7):

(1) Res Judicata a Modestino IC. in *L. 1. ff. de re judic.* definitur quae finem controversiarum pronuntiatione judicis accipit.

(2) *L. 5. Cod. de re judic.*

(3) *Cap. 15. de senten. et re judic.*

(4) *Cap. 60. de appellat., Cap. 12. cod. in 6.*

(5) *Cap. 13. de senten. et rejudic.*

(6) *Cap. 25. cod., Cap. 25. in fin. de senten. et re judic.*

(7) *L. 4. Cod. de re judic., Cap. 21. de senten. et re judic.*

§. VIII. Sunt tamen causae complures, in quibus sententiae vim numquam acquirunt rei judicatae, quamquam nulla facta sit appellatio, eaque idcirco abrogari possunt. Ex eo genere sunt causae, quae ad vim pertinent matrimonii (1); causae beneficiariae, si nullitas tituli ostendatur (2); praeterea quae nituntur instrumentis, aut testimoniis manifesto falsis, testibusque pecunia corruptis, cum eorum fidem sequutus est iudex (3); sententiae, quarum fundamentum positum est in iuramento suppletorio, quod falsum deprehenditur (4); latae a iudice excommunicato (5), vel pecunia corrupto (6), vel incompetente, aut competente quidem, sed contra jus expressum (7), aut contra prioram rem judicatam (8); sententiae in causis censurarum, in quibus semper audiendus est qui se immerito excommunicatum queritur (9); denique resjudicata numquam oritur ex sententia criminali, quia reus criminis condemnatus est, praesertim cum inflicta fuit poena, quae restitutionem admittit (10). In publicis quoque negotiis post remjudicatam ex justa causa nova proferre instrumenta, et causam redintegrare permittitur. (11):

(1) *Cap. 7. 10. et 11. de senten. et re judic., Cap. 5. et 6. de frigid. et malefic.*

(2) *Cap. 46. de appellat.*

(3) *Cap. 22. de senten. et re judic., L. 33. ff. de re judic. L. 2. et 3. Cod. si ex falsis.*

Tom. III.

B b

(4) *L. 31. ff. de jurē jur.*

(5) *Cap. 24. de senten. et re judic.; Cap. 13. de haereti.*

(6) *L. 7. Cod. quand. provoc. non est necess.*

(7) *L. 1. ff. quae senten. sine appellat. rescind.*

(8) *L. 1. Cod. quand. provoc. non est necess.*

(9) *Cap. 35. de offic. et potest. delegat., Cap. 48. de senten. excomm.*

(10) *Agumen. L. 6. ff. de appellat.*

(11) *L. 35. ff. de re judic.*

§. IX. Rei judicetae finis est executio, per quam ad exitum, actumque perducitur, quod rejudicata definitum est. Neque enim nullus esset effectus rei judicatae, nisi id., quod iudex verbo imperavit, facto compleretur. Fit autem executio a solo iudice ordinario, vel delegato; secus qui id praestat propria auctoritate *actione furti, et vi bonorum raptorum tenetur* (1). Quod si a sententia appellatum fuerit, et iudex appellatum appellationis re cognita sententiam vel confirmet, vel emendet, eam ipse exequitur, quoniam ad eum jurisdictio delata est (2). Contra si ipse pronunciet, ratam firmam habendam esse sententiam, quia lapsa sunt fatalia, aut deserta appellatio, executio spectat ad iudicem, a quo lata sententia est (3).

(1) *L. 6. §. 2. de re judic., Cap. 5. de offic. et potest. delegat.*

(2) *L. 32. §. 2. Cod. de appell., Auth. si quis Cod. de epis. audi.*

(3) *L. ult. §. 4. Cod. de temp. appell.*

§. X. Exequutor mixtus, cujus est non tantum exequi sententiam, sed etiam cognoscere, quae ad faciendam executionem pertinent, admittere potest exceptionem, per quam executio retardatur, non etiam impugnatur sententia; verum si adversus eam aliquid opponatur, ex. gr. a tertio, qui latam fuisse sententiam ignoret, id principali iudici nunciandum est (1). At exequutor merus, cui non rei cognitio, sed merum exequendi officium commissum est, nullam ut plurimum admittere exceptionem potest, nisi sententiam manifesto injustam, aut nullam esse constaret (2).

(1) *L. 75. ff. de judic.*

(2) *L. 6. §. 8. Cod. de execut. rei judic., Cap. 28. de offic. et potest. delegat.*

§. XI. Ceterum qui tres passus est sententias, easque concordēs, si eas nullas esse contendat, audiendus non est, nisi

illae primum executionem consequantur (1). In actionibus realibus statim post decandiam executionis decerni potest in rem, de qua actum fuit, quia haec in promptu est, ut fiat restitutio, nisi possessor justo impedimento prohibitus eam restituere non possit; quo in statu rerum datis fidejussoribus, aut pignoribus certum ei tempus ad restituendum praefinitur (2). At in actionibus personalibus, et debitis, cum pecunia numerata non semper praesto sit, debitori ad solvendum quadrimestris conceditur (3). In criminalibus pro executione poenae corporalis inquit Imperator *juxta qualitatem criminis ultio differenda non est* (4).

(1) *Clem. 1. de sentent. et re judic.*

(2) *§. 2. 3. Inst. de offic. jud., Cap. 6. de sentent. et re judic.*

(3) *Cap. 15. de sentent. et re judic. l. 2. et 3. Cod. de usur. rejudic.*

(4) *L. 18. Cod. de poenis.*

§. XII. Illae autem, quae a lege dantur, induciae quatuor mensium in actione personali a die, quo lata, vel si provocatum fuerit, a die, quo est confirmata sententia, numerantur (1). Sed judex constitutum tempus, uti res postulat, vel producere, vel contrahere potest suo arbitratu (2). Tempus hoc per quod solutio retardatur, humanitatis gratia, ut inquit Papinianus (3), debitori conceditur, ut interim pecuniam quaerat, qua debitori satisfaciat; et olim quidem ex jure XII. tabularum erat dierum triginta, qui in iisdem tabulis dies justii appellantur (4), sed postea Justinianus illud ad menses quatuor prorogavit. Nunc fori usu, et consuetudine receptum est. ut vel statim post emissam sententiam, vel post aliquot dies, vel etiam post longum tempus judicii arbitrio constitutum expediantur literae executoriales, quarum vi apparitores, aliique inferiores ministri sententiam exequentur.

(1) *L. 68. ff. de rei vindic., Cap. 6. de sentent. et re judic., Cap. 26. de offic. et potest. delegat.*

(2) *L. 2. ff. de re judic., Cap. 15. de sentent. et re judic.*

(3) *L. 16. in fin. ff. de compensat.*

(4) Eodem hoc vocabulo utitur Cicero *de legibus lib. 2. §. 9. opp. tom. 4. pag. 198. edit. Olivet Genevae 1743, Praeter Idaeae matris, inquit, famulus, eosque justis diebus, ne quis stuprem cogito.*

§. XIII. Certus in facienda executione observandus est ordo,

qui in eo est positus, ut res ipsa restituenda, cum extat, vi quoque adhibita, auferatur (1); at si ea non extat, vel propter pecuniae debitum executio facienda sit, primum capiuntur bona mobilia, deinde immobilia, aut si ea desint, vel idonea non sint, jura et nomina debitorum, semper tamen pro modo debiti, creditori addicuntur (2). Hodie, praesertim cum creditum hypothecarium est, sine discrimine mobilia, et immobilia debitoris bona capiuntur. Speciali jure sancitum est ut nonnisi in subsidium executio fiat in stipendia, arma, et equos militum (3), ac praeterea instrumenta ad agriculturam necessaria executioni non subijciantur (4). Ad horum similitudinem executio non fit super instrumentis artis, quam quis exercet; itemque executionem non patiuntur vestes, quibus aliquis indatus est.

(1) L. 68. ff. de rei vindic.

(2) L. 15. ff. de re judic.

(3) L. 4. Cod. de execut. rei judic.

(4) L. 7. Cod. quae res. pignor. oblig. pos.

§. XIV. Fit executio, cum ea est de bonis mobilibus, ab apparitoribus, qui se in locum conferunt, ubi sunt bona, quorum pro debito partem capiunt, et inferunt in locum publicum, ubi retinenda est, donec auctione constituta vendatur, aut a debitore recuperetur. Quod si bona ad locum publicum deferri commodum nequeant, ubi sunt retinentur; sed clauso, obsignatoque ostio, et edicto proposito, ne quis ostium effringat, locumque ingrediatur. At cum de bonis immobilibus facienda executio est; praeter apparitores, et nuncium, sive cursorem, etiam notarius vocatur, a quo factae executionis publicum testimonium exhibetur.

§. XV. Post executionem certo elapso tempore distrahitur pignus, ac demum, visi judicato satisfactum fuerit, debitor in carceres detruditur; quo tamen dedecore minime afficiuntur mulieres, quae propter civile negotium in carceres conijci nequeunt (1), quo beneficio etiam clerici aucti sunt (2); et hoc etiam spectant certa quibusdam in pluribus locis concessa privilegia, quae non eadem ubique sunt. Ad vitandam carceris ignominiam, inductum est a Lege Julia beneficium cessionis honorum, quod habent qui magna aeris alieni mole

premuntur, et hi quidem sua omnia bona cedunt creditoribus, ut ipsi ea vendant, sibi que ex eorum pretio satisfaciunt. Sed bonorum cessione non indigent qui privilegio gaudent *competentiae*, ut vocant, quod in eo consistit, ut id tantum, quod facere possunt, praestare cogantur. Hujusmodi beneficium concessum est parentibus, patrono, socio, marito, quem uxor ad dotis restitutionem cogit, donatori, quem donatarius iudicio convenit (3), filiofamilias, qui in jus vocatus est pro contractibus gestis, cum adhuc esset in patria potestate, si haud est consecutus patris hereditatem (4). Omnes quoque clerici eodem beneficio fruuntur, modo tonsuram gerant, et clericalibus induti vestibus incedant (5). Cetera, quae ad sententiae executionem pertinet, exposuimus in Institutionibus Juris Canonici (6), et ideo nihil hic addendum putamus.

(1) *Novell. 134. Cap. 9.*

(2) *Cap. Othoardus de solut.*

(3) *§. 37. et. seq. Instit. de action.*

(4) *L. 2. ff. quod cum eo qui in alien. potest., L. 49. ff. de re judic., L. 3. §. 4. ff. de minor. 25. an.*

(5) Concilium Tridentinum sess. 23. cap. 6. de reform. minores clericos, qui nullum habent ecclesiasticum beneficium, fori beneficio minime gaudere statuit, nisi et tonsuram, vestesque clericales gerant, et simul ab Episcopo alicujus Ecclesiae servitio adscripti sint. Sed id quod de clerico ab Episcopo addicto certae Ecclesiae servitio statutum est, impune negligi posse, ostendit Benedictus XIV. de synod. dioec. lib. 12. cap. 6. num. 5.

(6) Vide nostras Institutiones lib. 3. tit. 14. §. 18. seq. pag. 182. seq. tom. 3.

APPELLATIONIBUS, RECUSATIONIBUS, ET RELATIONIBUS

T I T U L U S XXVIII.

- | | |
|----------------------------------------------------------------------------------|---------------------------------------------------------------------|
| I. Nullitas, aut injustitia sententiae. | XII. Appellatio ab executore sententiae. |
| II. Appellatiovis definitio, ejusque divisio in judicialem, et extrajudicialem. | XIII. Numerus appellationum. |
| III. Quibus appellatio conceditur. | XIV. ad XVII. Causae, quae omnes respuunt appellationem. |
| IV. Quomodo fiat, et quando necessaria sit appellatio? | XVIII. ad XXII. Intra quod tempus facienda sit appellatio? |
| V. Quando appellatio non permittatur? | XXIII. Effectus appellationis. |
| VI. Non ab omnibus judicibus appellare fas est. | XXIV. Quid sit recusatio? |
| VII. A sententia supremi Principis appellare nefas. | XXV. et XXVI. Recusationis causas, et quando afferendae? |
| VIII. Nefas quoque appellare a judicio Summi Pontificis in rebus ecclesiasticis. | XXVII. De recusationibus celeberrima constitutio Benedicti XIV. |
| IX. Appellatio a sententia interlocutoria. | XXVIII. Relatio ad Principem quando, et quomodo facienda sit? |
| X. et XI. Discrimen inter hanc, et appellationem a sententia definitiva. | XXIX. In quo conveniant, et in quo differant appellatio et relatio? |

Sextus Clementinae hoc tit. Decretum c. 2. q. 6. Tridentinum sess. 13. cap. 1. in fin., et cap. 2. 3. de reform. sess. 22. cap. 7. sess. 24. cap. 10. 18. 20. sess. 25. cap. 14. Pandectae lib. 49. tit. 1. ad 13. Codex lib. 7. tit. 62. ad fin. Novell. 23.

§. I.

Qui victi judicio sunt, sibi quoque adversariam sunt passi sententiam, remedium habent appellationis, per quam vis latae sententiae suspenditur, et quidquid contra jus fasque iudicatum est, emendatur. Cum nulla sententia est, quia neglecta sunt quae erant necessario observanda, remedium nul-

litis proponitur; cum injusta est, eamve passus injustam putat, praesidium imploratur appellationis. Plerumque nullitas cum appellatione conjungitur, ut si illa non satis perspicue demonstrari possit, propter sententiae iniquitatem appellatio impetretur. Querela nullitatis praecipue, ac seorsim proposita, expirat post annos triginta (1), nisi peculiares consuetudines, legesque populorum, aut longius, aut brevius hoc tempus faciant.

(1) *L. 3. Cod. de praescript. 30.*

§. II. Appellatio est ab inferiore ad superiorem judicem (1) provocatio, tum ut incommodum, detrimentumque, quod quis priori sententia accepit, avertatur, tum ut iniquitas, aut imperitia judicis novo judicio emendetur. Ea vel judicialis est; quae emittitur post inchoatum citata parte judicium adversus actum judicialem; vel extrajudicialis, quae fit de actibus extrajudicialibus, qui vel intulerunt, vel illaturi sunt damnum, aut gravamen, quod quis aequo animo ferre non potest (2). Ita si alicui tutela, aliudve onus deferatur, si privatus alimenta neget, si quis merito timeat, ne a privatis damni aliquid patiatur in praesentatione, electione, aliisque similibus, justus patet appellationi locus (3). Cum appellatur a gravamine extra judicium illato, potius provocatio ad causam, quam vera appellatio est (4). Quod sedulo debet animadvertere, quia si vera esset appellatio, ad superiorem ire oporteret, contra vero per hanc provocationem res deferretur ad judicem, qui de illato gravamine in prima instantia cognoscit.

(1) Hinc ei, qui parem, aut minorem judicem appellavit, errorem nocere, scriptum est in *L. 1. §. si quis 3. ff. de appell.*

(2) Divisio autem haec judicialis et extrajudicialis appellationis fundamentum habet in utroque jure. ut *cap. 19 et 29. de elect., cap. 5. 46. 51. de appellat., Cap. 8. cod. in 6., L. 1. §. 1. seqq. ff. quand. appell., L. 7. Cod. de appellat.*

(3) *Cap. 21. de elect., Cap. 1. 19. 20. cod. in 6., Cap. 8. de appellat. in 6.*

(4) *Cap. 5. et 11. de appellat. Vide nostras Institutiones lib. 2. tit. 15. pag. 188. seqq.*

§. III. Omnes generatim appellare possunt, quibus illatum

est gravamen, aut inferendum timetur, sive graviora, sive leviora negocia sint (1), et Imperatores appellantibus vim, aut minas inferri vetant, seque ultores futuros profitentur injuriæ, si quis victos appellare prohibeat. Et vero non solum qui condemnatus est, sed et omnes, quorum interest, appellare possunt, ut heres pro coherede, maritus pro uxore, pater pro filio, filiusque pro patre, fidejussor pro debitore, venditor pro emptore, quilibet pro condemnato ad supplicium, cum omnium intersit innocentem defendere (2). Interdum pars utraque appellationem emitit, si pluribus articulis comprehensa sententia in altero faveat, in altero inferat detrimentum (3). Excommunicato judicialis appellatio permittitur, quæ defensio est (4), non item regulariter extrajudicialis, quæ vim habet conventionis. In communi causa unius appellatio, quæque eam sequitur, victoria ceteris etiam prodest litis consortibus, qui non appellarunt (5).

(1) Cap. 11. et 61. de appellat., L. 1. ff. de appellat., L. 20. 28. Cod. eod.

(2) L. 6 ff. de appellat., et L. 29. Cod. eod.

(3) Cap. 7. de appellat.

(4) Cap. 5. 8. 11. de except.

(5) L. 1. et 2. Cod. si unus ex plur., Cap. 72. de appellat.

§. IV. Neque solum ille, qui victus judicio est, appellare per semetipsum potest, sed etiam recte appellat per procuratorem (1); quin etiam hic alius esse potest ab eo, qui fuerat judicio constitutus (2). Cum vero nulla est sententia, inutilis est appellatio, quoniam hæc sententiam attingit, quæ injusta quidem, et iniqua est, sed tamen valet, ideoque infirmanda est, ut iniquitas corrigatur; verum sententiam per se nullam infirmare supervacaneum est. Ergo nihil appellatione opus est contra sententiam latam a iudice non competente (3), aut contra expressam legem (4), aut contra juris ordinem (5); ut si quis neglecto Episcopo ad Metropolitam provocaverit (6), quod non est concessum; quoniam tantum Summum Pontificem, quem Ordinarius ordinariorum esse constat, omisso medio appellare licet. Adversus hujusmodi sententias satis est nullitates proponere, ut iis expensis, ac demonstratis nulla earum ratio habenda sit. Usu fori hæc sententiae, quæ nullæ sunt, *circumscribi* dicun-

tur, hoc est a medio tolli, et abrogari; id vero sit imperio Principis, qui nisi primum extinxerit, ac deleverit sententiam, ea semper in judicio vim obtinet, et firmitatem.

(1) *L. 2. ff. quand. appell.*

(2) *L. 4. in fin. ff. de appellat.*

(3) *L. ult. Cod. si canon. competen. jud.*

(4) *L. 1. §. 2. ff. quas senten. sine appellat. Capitularia Caroli M. lib. 7. cap. 249. tom. 1. col. 726. edit. Baluzii Venet. 1772. in cæcerem detradi jubeat judicem, qui oblatas sibi in judicio leges, vel juris species audire noluerit, et contra eas judicaverit, atque hujus facinoris convictus fuerit. His Caroli M. Capitularibus antiquior Chlotharii Regis constitutio edita circa annum 569. num. 60. loc. cit. tom. 1. col. 7. castigari vult judicem, qui aliquem contra legem injuste damnasset. Huc etiam referenda est graeca constitutio Justiniani apud Cœtium prætermis. gloss. 1. pag. 295. edit. Neapol. 1725.*

(5) *L. 4. Cod. de senten. et interlog.*

(6) *Cap. 66. de appellat.*

§. V. Saepe tamen evenit ut omnis rejiciatur appellatio, sive quia nimis vaga, et generalis est (1), sive ob personam appellantis, sive ob judicis, qui sententiam tulit, dignitatem, et potestatem, sive ob genus sententiae, sive ob numerum appellationum pluries interpositarum, sive ob indolem, et naturam causae, de qua controversia est. Ergo appellare nequit qui expresse, vel tacite sententiam approbavit, vel legitime citatus sese nolle in judicium venire professus est, atque ita non fictam, sed veram praesetulit contumaciam (2); qui in eadem causa non detulit legitimae appellationi adversarii sui (3); qui pacto cum litigatore convenit, ut cui eorum appellare liceat (4); imo etsi nihil conventum fuerit, si quis ante sententiam professus fuerit, se non provocaturum, provocandi facultatem amisit (5), maxime si id juratus spondit, nisi nota ac manifesta sit iniquitas, qua sententia infecta est (6). Carènt quoque appellationis beneficio insignes latrones, auctoresque turbarum, atque factionum, quos publica utilitas postulat statim debitis plecti poenis (7).

(1) *Cap. 2. et 18. de appellat.*

(2) *L. 23. §. ult. de appellat.*, ibique Glossa verb. non recte *L. 53. ff. de re judic.*, ibique Glossa verb. litis damno.

(3) *Cap. 23. et 42. de appellat.*

(4) *L. ult. §. ult. Cod. de tempor. appellat.*

(5) *L. 1. §. si quis ff. a quib. appell. non lic.*

Tom. III.

C 3

(6) *Cáp. 20. et 21. de appell. argum. cap. 13. de cler. non resid.*

(7) *L. constitutiones 16. ff. de appell.*

§. VI. Ut non omnibus, ita neque ab omnibus iudicibus appellare permittitur. Principio nefas est appellare a Principe, quod etiam monere stultum esse inquit Ulpianus, cum ipse sit qui provocatur (1). Quod si a Principe datus sit iudex, ut ipse ejus loco omnem controversiam expediat, ab eo etiam ab ipso Principe, fas non est appellare (2). Id vero de sententia quam Principes tulit re ab se ipso cognita et expensa intelligendum est, non de rescripto, in quo ipse rem ita accipit, ut proponitur, ac tantum respondet, quid in proposito faciendum videatur (3).

(1) *L. 1. ff. a quib. appell. non licet.*

(2) *L. 1. §. ult. ff. eod.*

(3) *L. 1. §. 1. ff. de appell.*

§. VII. Jus hoc, quo fruitur Princeps, ut ipse ab omnibus appellatur, ab ejus autem iudicio appellare liceat nemini, annexum est summæ potestati, quam ipse habet in totam Rempublicam, atque in omnes, qui ea continentur. Quare ipse in cunctis negotiis, quæ ad civilem Rempublicam pertinet, ab omnibus appellatur, ipseque infirmat, aut confirmat aliorum sententias, ab ejus autem in licio, quod supremum est, appellare non licet subditis, quos parere decet, non obistere imperio summæ potestatis, cui subjecti sunt (1). Hoc autem jus appellationis non solum pars est intimæ ejusdem potestatis, sed etiam est necessaria pars officii, quo tenetur quisque rempublicam cum imperio regit, qui in ejus custodia tamquam in specula collocatus, omnia circumspicere, atque observare debet. quemadmodum se unusquisque gerat in judiciis exerceendis (3).

(1) Vide Montesquieum *Esprit des loix* liv. 28. chap. 27.

(2) Confer Grotium *de jur. belli et pacis* lib. 2. cap. 4. §. 17. et Heineccium *Jur. natur. et gent. lib. 2. cap. 8. §. 157. tom. 8. pag. 213. edit. Neapol. cit.*

(3) Videendus Puffendorpius *de jur. natur. et gent. lib. 7. cap. 4. et Heineccius loc. cit. §. 150. et seq. pag. 210. et seq.*

§. VIII. Quod jure gentium Summo Reipublicæ Moderatori concessum, id jure Divino datum est Summo Pontifici, quem

Christus universae Ecclesiae tum dignitate, tum potestate praefecit: Itaque ut in re civili omnium appellationes ad Principem deferuntur, neque ab ejus judicio appellare fas est, ita in rebus Ecclesiae omnium appellationes ad Summum Pontificem deferendae sunt, nec quod ab eo constitutum, ac definitum est, inferiorum judicio subiectum esse potest. Pari modo quemadmodum rei civilis omnis cura, et sollicitudo est Principis, qui Reipublicae praees, ita rerum ecclesiasticarum gubernatio pertinet ad Summum Pontificem, qui toti Ecclesiae praepositus est, et uterque in sua provincia curare diligenter debet, ut rite, ac recte judicia exerceantur. Eo jure, et officio uterque recepit appellationes subditorum (unusquisque in sua republica, cujus discreti sunt fines (1).) Principes in rebus civilibus, Summus Pontifex in rebus ecclesiasticis; eorumque sententia ita firma, et saucta esse debet, ut ab ea provocari non possit. Nos de appellationibus ad Sedem Apostolicam fusius agendum putavimus peculiari dissertatione, quam in fine hujus libri describimus, et qua omnia refutavimus, quae ab invidis ejusdem Sedis vituperatoribus contra hoc jus certum, et contestatum proponi solent (2).

(1) Confer quae scripimus in *Prolegomenis* cap. 8. tom. 1. pag. 145. seqq. et cap. 12. pag. 233.

(2) Vide interim quae tradita sunt in *Institutionibus juris Canonici* lib. 3. tit. 15. §. 18. seqq. pag. 203. seqq.

§. IX. Sed et genus sententiae impedimento est, quominus appellatio recipiatur. Jus Romanum ab ea tantum sententia appellari posse decrevit, quae liti finem imponit, quaeque idcirco definitiva appellatur (1). Itaque ab interlocutione appellare vetat ante eventum ejus sententiae, nisi iudex id fieri jubeat, ejus facti damnum, aut injuria sententia definitiva sarciri non potest; veluti si quaestionem in civili negotio habendam iudex interlocutus sit, vel in criminali, si contra leges hoc faciat (2). Antiqui canonices iura a sententia definitiva, tum ab interlocutione appellationem permittebant (3); verum Tridentini Patres recte animadvertentes, saepe ad vexandos longa mora, et tergiversatione litigatores appellationes ab interlocutionibus interponi, sapienter decreverunt, ut hujusmodi appellationes recipiantur tantum, cum interlocutio vim habet sen-

sententiæ definitivæ, aut cum magnum ex ea natum est detrimentum, quod per appellationem a sententiâ definitiva revocari non potest (4).

(1) *L. 7. Cod. quor. appell. non recipi, L. 7. et 40. ff. de minor.*

(2) *L. 2. ff. de appell. recipi.*

(3) *Cap. 9. 15. 20. de appellat., Cap. 1. eod. in 6.*

(4) *Concilium Tridentinum sess. 13. Cap. 1. et sess. 24. cap. 20. de reform.*

§. X. Non eadem est ratio appellationis, quæ ab interlocutione, quæque a definitiva sententiâ interponitur. Hæc nimirum suspendit jurisdictionem judicis, a quo appellatum est (1); contra illa eam integram relinquit, modo non habeat vim definitivæ, aut magnum afferat detrimentum sacri circi nescium per sententiam, aut inferior judex ratam haberit appellationem, aut superior dederit inhibitionis literas (2); quas minime dat, nisi primum appellationis causam judicem agnoverit (3). Imo omnis expirat appellandi facultas, si ipse Judex inferior damnum a se illatum simplici interlocutione corrigat (4).

(1) *L. 3. Cod. de appellat., Cap. 7. eod. in 6.*

(2) *Cap. 10. de appellat., Cap. 5. et 7. eod. in 6., Cap. 2. de dol. et contumac. in 6.*

(3) *Cap. 3. et 7. de appellat. in 6.*

(4) *Cap. 60. de appellat.*

§. XI. Rursus appellatio ab interlocutione scripto mandatur, in quo appellationis causa exprimenda est (1). Cum enim judex definitivam sententiam mutare non possit (2), interlocutionem possit (3); significanda est causa, propter quam hæc possit, ac debeat emendari. Contra si a definitiva sententiâ illico appelletur (4), etiam viva voce appellatur (5); quamquam libello opus sit, cum ex intervallo emittitur appellatio (6), neque necesse est appellationis causas exprimere (7). Denique cum a definitiva sententiâ sit appellatio, qui eam interponit novis uti potest probationibus, causasque etiam non expressas iudicio persequi (8); sed qui appellat ab interlocutoria non alias persequitur causas, quam quæ nominatim expressæ sunt, neque novis utitur probationibus (9).

- (1) *Cap. 1. et 9. de appell. in 6.*
- (2) *L. 55. ff. de re judic.*
- (3) *Cap. 60. de appell.*
- (4) *L. 14. Cod. de appell., L. 2. ff. cod.*
- (5) *Satis erit si dicatur appello scriptum est in cit. L. 2.*
- (6) *L. 1. §. ult. ff. de appell.*
- (7) *L. 2. ff. cod.*
- (8) *L. 4. Cod. de temp. et repar. appellat.*
- (9) *Clementi 5. de appellat.*

§. XII. Huc etiam referri videtur posse executor sententiae, a quo appellare non licet, quoniam ita postulat publicae utilitatis ratio, ut quae iudicata sunt celerem exitum consequantur (1), Quod adeo verum est, ut ne a suspecto quidem executore appellatio concedatur (2): nisi quis dicat, male executorem sententiam interpretari (3). Male autem interpretari censetur qui modum excedit, quem retinere oportebat (4); quod tum in re civili, tum in re criminali observandum est. Sunt enim hodie poenae fere extraordinariae. Si legitimae essent, ut quae legibus publicarum quaestionum constitutae sunt, nullus a poena esset appellationi locus, quoniam hoc modo a lege appellaretur, quod non licet (5). Nunc cum sint extraordinariae, et arbitrariae, aequum est, ut cum modus in executione non est habitus, appellatio concedatur (6).

(1) *L. ab executore 4. ff. de appellat., L. ab executione 5. Cod. quor. appell. non recip.*

(2) *Cap. 43. de appell.*

(3) *L. 4. §. 1. ff. de appell.*

(4) *L. 5. Cod. quor. appell. non recip.*

(5) *Cap. 3. de appell.*

(6) *L. hodie ff. de poen.*

§. XIII. De numero appellationum jure cautum est, ut in eadem lite eadem de re tertio provocare non liceat (1). Si duo judicia dirimere litem nequeunt, tertium controversiae finem imponit. Tres autem concordēs sententiae requiruntur. Nam qui bis vicit tertio victus ipse quoque bis appellare potest, atque ita in eadem causa augetur, atque amplificatur numerus appellationum, licet eadem persona bis tantum provocare possit. Verum Urbis nostrae statuto receptum est, ut una tantum fiat appellatio, resque iudicata non non

ex tribus, sed ex duabus tantum sententiis efficiatur. Quod idem jure veteri ante Justinianum sancitum erat; sed ipse Justinianus his appellare permisit, ut novo, eoque repetito judicio vis prioris sententiae expendatur. Jus idem a Clemente III. proponitur (2).

(1) *L. unic. Cod. ne liceat in una ead. caus. tert. provoc. , Cap. 39. et 65. de appell.*

(2) *Cap. 39. cit.*

§. XIV. Plures quoque sunt causae, a quibus omne abest appellationis beneficium, quoniam eas remorari non decet judicio, et disceptatione longiori. Hujus generis sunt causae modicae summae, in quo spectare oportet populorum mores, et consuetudines, ut pateat, quae modica summa dici haberi queat (1), de praestandis alimentis, de restitutione spoli, ac momentanea possessione (2), de aperiendo testamento (3), de notoriis, gravibusve criminibus laesae majestatis, falsae monetae, haeresis, ac similibus, item causae executivae, quae ex populorum moribus, et legibus privilegium habeant paratae executionis, quae actae sunt cum clausula *appellatione remota* (4), aut ab arbitris ex compromisso. Idem sit judicium de sententia, qua irrogatae sunt censurae (5); de executione canonica electionis (6), de pensionibus ecclesiasticis, de decretis, quae pertinent ad ecclesiasticam disciplinam, morumque emendationem (7), nisi praeter modum res gesta sit, de causis, quarum executio a Concilio Tridentino cum clausula *appellatione remota* mandata est (8).

(1) Videndus Cornelius Bynkershoek *observ. jur. Roman. lib. 5. cap. 4. app. tom. 2. pag. 17. seq. edit. Lugdun. Batav. 1750.*

(2) *L. un. Cod. si de moment. possess. fuer. appell.*

(3) *L. ult. ff. de appell. recip. , l. 6. Cod. quor. appell. non recip.*

(4) *Cap. 53. et 71. de appell. , Cap. 1. de rescript. , Cap. 15. de offic. et potest. jud. delegat.*

(5) *Cap. 37. de appell. , Cap. 20. de senten. excom.*

(6) *Cap. 46. de appellat.*

(7) *Cap. 3. de appell.*

(8) Vide quae scripta sunt in *Justit. Jur. Canon. lib. 1. tit. 6. §. 3. pag. 325. de appellationibus ab Episcopi judicio in beneficiis eorum animarum annexam habentibus, quae per concursum collatae sunt.*

§. XV. Nulla quoque apud nos appellatio conceditur in

causis de menstrua, diurnae mercede, de alimentis futuris, de restituendo deposito, de facienda solutione, quam quis syngrapha se facturum permisit (1) pro totidem acceptis, de oneribus cameralibus, vel communitatis, de canonibus, pensionibusque domus, de obligationibus cameralibus, ceteris denum, quae a Benedicto XIV. expressae sunt (2).

(1) Haec sunt syngraphae, quas vulgo appellamus *pagarò per altrettanti*.

(2) Confer Benedictum XIV. *Constit. Romanae Curiae* 115. §. 10. et seq. tom. 1. *ejus Bullarii* pag. 287. edit. *Romae* 1754.

§. XVI. Verum de concedendis, negandisve suspensivis appellationibus digna in primis memoratu est Constitutio *ad Militantis* Benedicti XIV., qua plures recensentur causae, quibus suspensiva appellatio concedenda non est. Huc spectant decreta, quorum executio a Concilio Tridentino commissa est locorum Ordinariis, etiam uti Sedis Apostolicae delegatis, omni remota appellatione, vel inhibitione; quae pertinent ad divinum cultum, praesertim ad Missam celebrandam; atque ad curam animarum, et sacramentorum administrationem, aliaeque parochialia munera; quibus saeculares, et regulares clerici publicis supplicationibus interessè jubentur; quae vicarios etiam perpetuos constituunt in Ecclesiis parochialibus, eisque congruam attribuunt; quae spectant ad earundem Ecclesiarum visitationem, et reparationem, curamque animarum; ad cogendos Rectores earum Ecclesiarum, ut vocent in partem officii alios Sacerdotes, qui cum multis est populus, ejusque pars longe distat, praesto sint omnibus in administrandi sacramentis; ad unienda, cum licet, simplicia beneficia Parochiae valde pauperi; ad eligendum vicarium, seu coadjutorem in Ecclesiis parochialibus, in quibus Parochus propter imperitiam, suspensionem, pravosque mores ad suum munus gerendum aptus, et idoneus non est; ad transferenda simplicia beneficia, etiam jurispatronatus ex Ecclesiis collapsis, quae ob inopiam reparari nequeunt, ad matrices, aliasve Ecclesias cum omnibus emolumentis, et oneribus.

§. XVII. Eodem in numero sunt decreta de censuris, sequestratione, et subtractione fructuum contra non residentes,

qui habent curam animarum; de facultate audiendi confessiones saecularium denegata Sacerdotibus non Parochis, etiam regularibus, eave adempta, suspensa, cohibita; de electione oeconomi, qui vacuum Ecclesiam parochialem tempore administret; de clausura monialium; de pastoralis visitatione; de rejectis a sacris ordinibus clericis ob occultum crimen, sive ex informata conscientia, iisdemve suspensis; de executione piarum voluntatem; de censuris inflictis contra eos, qui concubinas habent, aut suspectarum mulierum consuetudine utantur; de adempto fori privilegio iis, qui legibus ea de re dictis a Concilio Tridentino non obtemperant; de reddenda ratione administrationis gestae ab oeconomo, et vicario capitulari, dum vacuae erat Sedes Episcopalis. Cuncta haec, aliaque non pauca accurate describuntur in Benedicti constitutione, cujus paulo ante facta mentio est, quam consulere oportet omnes, qui totum hoc argumentum plene exploratum habere cupiunt (1).

(1) Confer Benedicti XIV. constitutionem *ad militantis Ecclesiae* 48, in ejus *Bullario* tom. 1. pag. 81. edit. Romae 1754. Videendi sunt etiam Remigius Maschat *Inst. Canon. lib. 2, tit. 28, tom. 2, pag. 807. sqq. edit. Romae 1757.*, et Carolus Gagliardus *Instit. jur. canon. lib. 3. tit. 17, §. 15. sqq. tom. 3. pag. 435. edit. Neapol. 1768.*

§. XVIII. Post latam sententiam emittenda est appellatio, nam autem frustra provocatur (1). Qua in re observanda sunt tempora a lege constituta pro interponenda, et pro exercenda appellatione; quae tempora *fatalia* dicuntur, quoniam causae mortem, et interitum asserunt (2). Primum tempus est interponendae appellationis, quae sit, uti diximus, vel viva voce, ei quis statim post latam sententiam dixerit *appello* (3); vel libello, et haec quidem si fiat in propria causa, intra biduum, si in aliena, intra triduum facienda est (4). Sed postea Justinianus cuivis, qui appellare vellet, decem dierum spatium concessit (5). Justinianum jus probatum est Innocentio III. (6), idque tam in iudiciali, tum in extrajudiciali appellatione observandum esse Bonifacius VIII. decrevit (7). Hoc tempus in sententia numeratur a die, quo ea lata est; in aliis actibus ab ipso actu, unde appelletur (8). Quod sane verum est, si adversus praesentem fuerit pronuntiatum. Nam si adversus absentem, hujus temporis initum

sumitur non a die, quo res gesta est, sed a die, quo quis rei factus est certior (9).

(1) *L. eos 6. Cod. de appell.*

(2) Fatalis dies etiam temporalis dicitur in *L. 32. Cod. de appell.*, de quo videndus Cujacius *observ. lib. 12. cap. 4. opp. tom. 3. col. 307. edit. cit.* Fatalium autem dierum mentio est in *d. L. 32. Cod. de appellat.*, et in *L. 32. et ult. Cod. de temp. et repar. appellat.* Nomen hoc fatalium dierum recentius putat Bodinus *de Republ. lib. 2. cap. 6. num. 324.*, eosque potius statum tempus, statos dies appellandos contendit, atque errorem ex eo repetit, quod qui leges Codicis, et Novellarum in latium sermonem verterunt pro *fatalis* et *fatalis* legunt *fatalis*; sed Bodinum solide refellit Cujacius *ad ut. 63. Cod. L. 7. opp. tom. 9. col. 1014.*, ubi placet habere doctissimi viri de hoc nomine iudicium. Videendus est etiam Du-Cangius *Glossar. verb. fatalia*, ubi alia hujus vocabuli monumenta referuntur.

(3) *L. 14. Cod. de appellat.*

(4) *L. 1. §. 6. 11. et L. 2. ff. quand. appellat.*, *L. 6. §. ult. Cod. de appellat.*

(5) *Novell. 23. cap. 1. Auth. hodie Cod. de appellat.*

(6) *Cap. 15. de senten. et re judic.*

(7) *Cap. 8. de appell. in 6.*

(8) *L. 1. §. biduum*, et *§. 8. quod in sententiis ff. quand. appellat.*

(9) *L. 1. cit. §. ult.*, et *Cap. 8. de appellat. in 6.*, ubi cum dicat Bonifacius *infra decem dies postquam sciverit*, manifestum est, quod recte vulgo dicitur, appellationis interponendae tempus initio utile, postea continuum esse.

§. XIX. Appellatione interposita petendae sunt ab eo, qui appellat, daudaeque a iudice, qui appellatur; literae ad eum, qui de appellatione cogniturus est (1). Vocantur hae literae Apostoli a graeco verbo ἀποστέλλω, latine *dimitto*, quoniam per eas literas causa dimittitur ad iudicem, qui appellatus est (2). Harum literarum multiplex nomen, et ratio est. Nam dimissoriae vocantur, cum appellationem admissam fuisse confirmant, reverentiales, cum id factus est ob reverentiam superioris, non quod causa appellationis beneficium postulare videatur, refutatoriae, cum appellationem rejectam ostendunt. Saepe evenit, ut iudex non bene intelligat, concedenda ne sit appellatio, et tunc concedit testimoniales, quae vim accipiunt a jure, et ideoque vel suspendunt, vel minime retardant causas cursum, prout ea vel erat, vel non erat appellationis beneficio digna. Saepe etiam de appellatione inter litigatores convenit, et hi dicuntur apostoli conventionales.

(1) Verba haec sunt Marcianus in *L. un. ff. de libell. dimis.* etque
Tom. III, D d.

descripsit Gratianus in Decreto *can. 31. c. 2. q. 6.* Tum ipse Gratianus formulam proponit Apostolorum his verbis : « Ego ille S. Bononiensis Ecclesiae Episcopus te Presbyterum Rolandum Capellanum S. Apollinaris » ad Apostolicam Sedem, quam appellasti, ab observatione mei iudicii his » apostolis dimitto.

(2) *L. 106. ff. de verb. signific. Socrates Histor. Eccles. lib. 2. cap. 40. pag. 133. edit. Taurini 1747.* scribit, Cyrillum Hierosolymitanum Episcopali iudicio dominatum aetate Constantini primum appellatoriis libellis usum fuisse. At in Decreto Gratiani *can. synodum dist. 17. decretum extat Marcelli Pontificis* conceptum his verbis : « si saeculares in publicis iudiciis » utuntur libellis appellatoriis, quanto magis Sacerdotibus haec eadem agere » licet, qui super illos sunt. « Certe hoc decretum Marcello Pontifici tribui non potest, sed Isidori meritis annumerandum est. Verum ex Socratis testimonio intelligimus, morem illum adhibendi libellos appellatorios in iudiciis ecclesiasticis inventum non fuisse Isidori, sed ante eius aetatem usurpatum fuisse. Isidorus Marcello adscripsit, quod ejus revera non fuerat; sed sua jam aetate obtinebat.

§. XX. Jure veteri petebantur, et dabantur Apostoli intra dies quinque post emissam appellationem (1); novo autem jure intra dies triginta petuntur, et a iudice, a quo provocatur, petenti exhibendi sunt (2). Petendi sunt *instante*, et *saepius*, ne quis appellationem deseruisse videatur (3); atque etiam non petiti dandi sunt a iudice (4). Qui si eosdem dare noluerit, atque in causa processerit, quidquid ab eo gestum est ab appellationis iudice infirmatur (5). Tempus illud triginta dierum a iudice contrahi potest, produci non potest (6), ac scienti currit a die latae sententiae, ignoranti a die, quo eam novit (7). Qui hoc spatium temporis jure constituti inutiliter labi passus est, sese abdicasse, censetur beneficio appellationis, eaque est praesumptio juris, et de jure, quae omnem respuit contrariam probationem (8); nisi hae litterae objustum impedimentum peti nequiverint, vel culpa iudicis datae non fuerint. Aliquando tamen apostolorum loco appellanti traduntur acta iudiciali sigillo obsignata, eaque satis sunt, ne fatalia petendi apostolos elapsa censeantur (9). Sed nunc fere nullus in foro est apostolorum usus (10), ac per libellum appellationis intra decennium in actis exhibitum appellatio interponitur.

(1) Paulus *recept. sent. lib. 5. tit. 34. §. 1.* apud Schultingium *loc. cit. pag. 533.*, quem Pauli locum descripsit Gratianus *can. 24. c. 2. q. 6.*

(2) *L. 24. Cod. de appellat. Cap. 6. cod. in 6.* Verba illa ex die sententiae, quo occurrant in *cit. L. 24.*, forte a Triboniano addita sunt, certe non extant in *L. 32. Cod. Theodos. de appellat.*, unde *L. 24.* sum-

pta est. Eodem tamen modo tempus illud aestimatur in *L. 29. Cod. Teodos. cod.* Atque ea quidem verba *ex die sententiae* multi ita accipiunt, quasi scriptum sit *a die scientiae latae sententiae*, quae opinio magis videtur accedere veritati. Vide-sis Schultingium in *Paulum loc. cit.*, et Cujacium in *L. 5. Cod. de appellat. opp. tom. 9. col. 1036. edit. cit.*

(3) *Cap. 6. de appellat. in 6. ; Clement. 2. eod.*

(4) *L. 6. §. ult. Cod. de appellat.*

(5) *Cap. 4. de appellat. in 6.*

(6) *Cap. 5. de appellat.*

(7) *L. 24. Cod. de appellat.*

(8) *Clement. 2. de appellat.* Eum, qui idoneo tempore apostolos non petiit, praescriptione repellit Paulus *loc. cit.*, atque haec causa est, propter quam Modestinus in libro singulari *de praescriptionibus* egerit de Apostolis *L. 106. ff. de verb. signific.* Praescriptione ab agendo tantum a Paulo *loc. cit.* remouetur, qui statuto temporis spatio apostolos non petiit, accepit, reddidit, sed in libris quibusdam postremo additur et poenam *apellatoris inferre cogitur*, quae verba Gratianus etiam descripsit in *can. 24. c. 4. 6.* Sed Cujacius in *Paulum loc. cit. opp. tom. 1. col. 461. ed. cit.*, et Schultingius *cod. loc.* hanc lectionem improbat.

(9) *L. 2. Cod. de edendo.*

(10) *Consule Voetum in Pandect. lib. 49. tit. 6. num. 2.*

§. XXI. Impetratis apostolis, qui superiorein iudicem appellauit, ei se sistere praesentem debet, eique apostolos tradere, quod Jure civili non ubique fit eodem temporis intervallo, cum varii, dissimilesque ea de re sint populorum mores, et consuetudines (1). Varium hoc jus gentium moribus seruari vix potuit; nihil autem certi de eo tempore Decretales constituerunt. Itaque totum est in potestate iudicis, a quo provocatur (2); multisque in locis hoc tempus municipali lege definitum est. Exhibitis vero apostolis iudici superiori appellans instat, ut appellatio recipiatur, adversarius ad certum terminum citetur, iubeaturque iudex, a quo provocatum est (3). Denique prosequendi, ac finiendi appellationem tempus est annus unus, atque etiam alter ex justa causa (4). In quo jus canonicum cum civili consentit. At unde hujus temporis initium ex jure civili sumendum sit, non bene compertum est; sed jus canonicum hoc principium repetit ab interposita appellatione (5), quod etiam civilis fori usu receptum est.

(1) *L. 4. 2. et ult. de tempor. appell.*

(2) *Cap. 5. et 33. de appell. ; Clem. 4. eod.*

(3) Per simplices citationes typis Comaric impressae, quae vulgo cammerales dicuntur, quoniam a nullo Romanae Curiae iudice subscriptae sint, inhibitionem fieri statuit Benedictus XIV. *Constit. Romanae Curiae 115. §. 5. tom. 1. ejus Bullarii pag. 285. edit. cit.*

(4) *Auth. et qui et L. ult. §. 4. Cod. de tempor. appell. Clem. 3. eod.*

(5) *Cap. 8. de appell. et Clem. 3. cit.*

§. XXII. Nostris moribus intra biennium appellationis negotium expediendum est. Primo anno causa committitur iudici, quem quis appellavit, altero *transportanda* sunt acta, ut pragmatici loquuntur, nimirum exemplum actorum, et documentorum, quae priori iudicio gesta, dataque sunt, exhibendum est coram altero iudice, ad quem postremo itum est. Qui intra primum annum alteri iudici causam committere neglexit, is ne alterius quidem anni beneficium habet pro exhibendis actis; verum id praestare debet intra tempus a iudice constitutum. Quare videndum est, ut suo anno utrumque fiat, quique id ob justam causam praestare non potest, ampliandi facultatem a iudice petit, antequam definitum tempus elahatur.

§. XXIII. Appellatio legitime interposita (1) jurisdictionem suspendit iudicis inferioris, causamque deferit ad superiorem, ad quem provocatum est (2). Itaque, dum appellatio pendet, nihil interim inferior iudex in causa agere potest, et si quid actum fuerit, praesto est remedium *attentati, seu attentatorum*, quo abrogantur omnia, quae pendente appellatione innovata, vel post sententiam intra decennium acta sunt (3). At cum haec suspensio sententiae, ejusque executionis in causis quibusdam, quae habere debent exitum celeriore, minus congruens, et apta videretur ad rectum ordinem rerum, merito receptum est, ut sententiis quibusdam suspensiva vis adimatur; propterea saepe fit, ut sententia exitum interim consequatur, posteaque per appellationem causa deferri debeat ad superiorem, qui appellatus est. Tunc autem sententiae non *suspensivum*, sed *devolutivum* effectum habere dicuntur.

(1) Non recipiuntur autem appellationes, neque per eas conceduntur inhibitiones, nisi primum constiterit, intra legitima tempora, a quo a legitima persona, item a definitiva, vel habente vim definitivae, vel gravamine, quod per definitivam removeri non possit, appellatum fuisse, idque parere debet ex publicis monumentis, quae in actis exhibentur. Confer Benedictum XIV. *Constit. ad militantis* 48. §. 43. pag. 86. tom. 1. ejus Bullarj.

(2) *L. 32. §. 4. Cod. de appell. Cap. 55. eod.*

(3) *L. un. ff. nihil innovar. appell. interpos. Cap. 7. de appell. in 6.*

§. XXIV. Qui damnum in iudicio passus est, aut se passurum timet non tantum appellationis, sed etiam recusationis, ac relationis praesidio munitur. Tria haec Raymundus uno titulo, quo nullus est longior in hoc secundo Decretalium libro, complexus est; quoniam omnes sunt exceptiones, quae contra sententiam vel latam, vel serius ocius ferendam proponuntur. In hoc sane conveniunt haec tria, sed in multis valde differunt. Recusatio est iudicis suspecti declinatio, quae ex probata suspicionis causa litigatori conceditur. Talis erat vatns ejeratio iudicis, quae olim solemnibus verbis publice fiebat (1). Convenit cum appellatione, quod quis a iurisdictione, et foro iudicis per utramque recedit; differt, quod appellatio fit a iudice, qui damni causam dedit, ad superiorem, ac regulariter post sententiam; contra recusatio fit initio ante litem contestatam, nisi postea recusandi causa exoriat, fit a iudice, qui damnum non attulit, neque fit ad superiorem. Et licet a Vicario generali ad Episcopum appellari non possit, tamen recte coram hoc ille recusatur (2).

(1) Cicero de oratore lib. 2. num. 70. opp. tom. 1. pag. 289. edit. Oliveti Genevae 1743. P. Mucium, inquit, iudicem eiero, iniquus est, et Philippic. 12. num 7. tom. 6. pag. 537. sic me, inquit, iniquum ejurabant.

(2) Cap. 4. de off. delegat.

§. XXV. Recusatio dilatoria exceptio est, ideoque, ut plurimum, ante litem contestatam intra 20. ab oblato libello dies (1), eaque non viva voce, sed in libello recusatorio, causaque suspicionis, et recusationis expressa proponenda est (2). Justa autem causa censetur, quae a jure approbatur, uti est inimicitia (3), peculiaris animi affectio erga alterum ex litigantibus propter consanguinitatem, affinitatem, familiaritatem (4); aut specialis affectio erga causam, ut si iudex similem causam habet, aut in ea defensoris partes sustinuit, aut ex ea commodum, et utilitatem se consequuturn sperat; si iudex cum recusante litem habet, si ille minas jactavit, aut formidines opposuit, aut injuriam, damnumve intulit. His de causis recusari potest non tantum delegatus etiam Principis, sed et ordinarius iudex (5).

(1) Cap. 20. de senten. et re judic., L. 16. Cod. de judic.

(2) Cap. 41. in fin. et Cap. 61. de appellat.

(3) *L. 9. ff. de liber. caus.*

(4) *Cap. 4. ut lit. non contest.*, *Cap. 17. 25. 35. de offic. delegat.*

(5) *Cap. 41. et 61. de appellat.*, *Cap. 19. de for. compet.*

§. XXVI. Causa dubia suspicionis cognoscenda, et definienda est a duobus, tribusve arbitris, quos litigatores mutuo consensu elegerunt, et hi quidem si re diligenter expensa pronuntiaverint, nullam esse justam causam suspicionis, iudex in incepto iudicio progredietur; si vero justam agnoverint recusationis causam, iudex cum consensu recusantis causam committet, vel eam deferet ad superiorem (1). Non enim ipse post electos arbitros pristinam in eo negotio exercere jurisdictionem potest.

(1) *Cap. 41. §. tertio, et Cap. 61. de appellat.*

§. XXVII. De iudicium recusationibus pro ditione ecclesiastica multa sunt a Benedicto XIV. sapienter constituta (1). Scilicet his recusationibus non est locus, in causis executivis depositi, et futurorum alimentorum; in causis designatis per decreta edita a Congregatione Reformationis tribunalium Urbis die 4. Aprilis 1731., videlicet pro schedulis vulgo *pagarò per altrettanti*, literis cambii jam acceptatis, mercede, pensionibus domorum, et solutione canonum; in causis non excedentibus valorem scutorum vigintiquinque. In ceteris causis tam executivis, quam ordinariis, et in quacunque instantia (exceptis dumtaxat causis commissariis) unica permittitur recusatio iudicis absque allegatione causae suspicionis intra tres dies numerandos a die reproductionis monitorii, seu libelli, vel citationis ad dicendum contra iura: ceterae autem recusationes amplius non admittantur, nisi servata dispositione juris communis, ac proinde citationes etc. nisi in iisdem certa, atque justa causa suspicionis exprimitur. Quoad ultiores recusationes impune sperni possunt.

(1) Benedictus XIV. *Constit. Romanae Curiae* 115. in *eius Bullar. tom. 1. pag. 285. edit. Romae 1754.*

§. XXVIII. Denique hoc titulo Raymundus agit, etiam de relationibus, quarum brevis tractatio est. Scilicet cum difficile est causae iudicium, ac iudex de jure dubitat, non de fa-

cto, quod declarare non est Principis, de toto negotio refert ad eundem Principem, ut ejus judicio omnis dubitatio removeatur. Antequam vero haec relatio Principi exhibeatur, debet iudex litigatoribus apud acta consultationis exemplum edere, ut omnibus, quos ea res attingit, cuncta explorata, et comperita sint (1). Edita vero relatione iudex in ea causa amplius quidquam agere prohibetur, nisi primum iudicium Principis innotescat. Sed hodie huiusmodi relationes fere exoleverunt; et earum loco vel Academiae, vel viri juris scientia praestantes consuluntur, ut sententiam suam aperiant.

(1) *Cap. 68. de appellat.*

§. XXIX. Congruit relatio cum appellatione, quod utraque superioris auctoritatem implorat. Discrimen in eo est, quod litigatores post latam sententiam appellationem emittunt, relationem facit iudex inferior ad Principem, antequam sententia feratur. Differt etiam a consultatione, quod haec mittitur ad Principem, ut super juris dubio respondeat, non ut causam definiat, licet iudicis inferioris sententia a Principis responso abhorreere non debeat; contra relatio totam causam transfert ad Principem, ut ejus judicio expediatur.



DE CLERICIS

PEREGRINANTIBUS

TITULUS XXIX.

I. Iter ad sedem Apostolicam appellatious loco est.

II. Securitas, et tuitio praestanda est illis, qui hoc iter suscipiunt.

III. Hoc beneficium praestandum est et clericis, et laicis.

§. I.

Non solum verbis, sed etiam facto potest fieri appellatio; ac de altero appellationis genere hoc titulo disputatur. Facto appellat qui ejus rei gratia iter arripit ad Sedem Apostolicam, et huic praestanda est securitas, ut eo quo tendit sine periculo, et impedimento perveniat. Est enim sub patrocinio, et defensione ejusdem Sedis, quam suscepto itinere appellat (1). De his, aut similibus securitatibus lex extat in Codice Theodosiano (2), et hanc quidem tuitionem, seu defensionem Marculfus indicat *mundebordis* nomine (3), quod vocabulum in capitularibus quoque Regum Francorum atque in alijs medii aevi monumentis pluries occurrit (4).

(1) *Cap. unic. de cleric. peregrinan.*

(2) *L. 2, Cod. Theodos. de discussor.*

(3) Marculfus *Formul. lib. 1. Cap. 24.* apud Baluzium *Capitular. Reg. Franc. tom. 2. col. 264. edit. Fenn. 1773.*

(4) *Capitularia Caroli M., et Ludovici Pii lib. 6. cap. 247. col. 645.* apud Baluzium *Cap. Reg. Franc. tom. 1. Capitular. III. an. 813. cap. 13. ibid. col. 349. Lex Ripuar. 58. num. 12. ibid. tom. 2. col. 944. Mula de Mundeburdo, Mundurdo, Mundibrio, Mundiburdio cumulat Dy-Cangius *Glossar. med. et infim. Latinit.**

§. II. Hic autem titulus proprie ad eos pertinet, qui litis agendae causa ad Sedem apostolicam proficiuntur, atque ejus gaudent patrocinio; ideo circa tuitionem illorum, et re-

rum suarum vigilantior cura nobis incumbit, inquit Innocentius III. (1). *Peregrinantes* dicuntur, ut distinguantur a peregrinis, quos Ivo Carnotensis (2) *Strabaitas*, et Girovagos vocat, quosque ipse gravibus verbis insectatur. Horum peregrinatio non ociosa, sed iusta, ac necessaria est, eamque Cujacius recte distinguit a peregrinitate, quae Romae jus civium adimebat (3).

(1) Innocentii locum describunt Gonzalez *hoc tit.*, et Cironius *cod. loc.*

(2) Ivo Carnotensis *op.* 192. *pag.* 82. *opp. par.* 2. *edit. Paris.* 1647.

(3) Cujacius *observ. lib.* 23. *cap.* 26. *tom.* 3. *col.* 633. *et in edit. Pauli lib.* 32. *L.* 65. §. *Libeo, col.* 477. *tom.* 5 *edit. Venet. cit.*

§. III. Et quamquam titulus conceptus sit de clericis peregrinantibus, tamen ejus praescripta attingunt etiam laicos, qui ob beneficium appellationis, vel aliam ob causam peregrinationem suscipiunt ad Sedem Apostolicam; nam omnes eodem patrocinio gaudent, et omnium in tanto negotia sunt, itant nihil interim innovare liceat. Verum ut haec juris disciplina servetur, suscipiendum est iter intra decem dies post latam sententiam, illatimve gravamen, atque hoc iter iudici, vel adversario nunciandum est, licet apostoli non petantur, quoniam factum ipsam appellationem demonstrat, et apostolorum loco est (1). Praeterea capiendum est iter ante quam illud suscepturum citatio praeveniat, nam post eam irreporiet ad iudicem, qui potest in causa procedere (2); denique sciens rescriptum Apostolicum ab adversario impetratum se se itinere frustra committit (3).

(1) *Cap.* 52. *de appellat.*

(2) *Cap.* 9. *cod.*

(3) *Cap.* 15. *cod.*



CONFIRMATIONE UTILI, VEL INUTILI

T I U U L U S X X X.

- I. Quid confirmatio?
- II. Confirmatio in forma communis, et in forma speciali.
- III. Quando in forma speciali facta censetur?
- IV. Effectus confirmationis.
- V. Confirmatio Episcoporum a Sede Apostolica facienda est. Ejus auctoritate, et delegatione Orientales Patriarchae suos Episcopos confirmant.
- VI. Occidentales Episcopi omnes a Summo Pontifice confirmandi sunt.
- VII. Antequam confirmentur, Ecclesiae administrationem nequeunt suscipere. Decreta Concilii Lateranensis IV., et Lugdunensis II.
- VIII. Quibus *dispensative* liceat administrare Ecclesiam ante confirmationem?
- IX. Confirmatio Concilii nationalis, et Oecumenici. Concilium Nicaenum I. Oecumenicum.
- X. Concilium Constantinopolitanum II. Oecumenicum.
- XI. Synodus Ariminensis, quae a Sede Apostolica confirmata non est, nunquam oecumenica evasit.
- XII. Concilium Ephesinum Oecumenicum.
- XIII. et XIV. Primum a Coelestino Summo Pontifice, deinde a Concilio Nestorius condemnatus fuit; atque in hoc de exequendo Coelestini decreto actum fuit.
- XV. Concilium Chalcedonense Oecumenicum IV.
- XVI. Recentiora Concilia Oecumenica.
- XVII. Confirmationes supremorum Principum quales sint?

§. I.

Postremus hic Titulus materiam attingit, de qua supra actum est, de sententiis, appellationibus, et relationibus, cum res ad Sedem Apostolicam vel per appellationem, vel per relationem deferatur, ab eaque iudicii confirmatio, quam Graeci *κατάστασις* vocant, facta est. Confirmationis nomine intelligitur novum juris quaesiti adjumentum Principis auctoritate roboratum. Ea vel utilis est, quae scilicet vim tantam habet, ut rem conficiat, adeo ut iudex inferior neque contra eam dicere, neque de ea judicare possit (1); aut inutilis, quae de

jure non valet, ut si per obreptionem, vel subreptionem im-
petrata fuit (2).

(1) Cap. 4. et 2. de confirm. util. vel inutil.

(2) Cap. 3. et 5. eod., Cap. 20. de rescript.

§. II. Est et confirmatio *in forma communi*, seu simplex, atque ordinaria, et *in forma speciali*, siye ex certa scientia. Illa est, qua superior confirmat actum ab inferiore gestum in eo statu, in quo antea fuerat, quoniam hujusmodi confirmatio nullum jus novum tribuit, neque facit ut, quod irritum erat vim accipiat (1). Hand tamen inutilis est haec confirmatio; nam prudens est cautio, et electo administrandi facultatem tribuit. Confirmatio *in forma speciali* est, qua superior re diligenter cognita, et expressa confirmat actum, ut omnino valeat, summaque jus constituat, licet antea minus forte probatus, firmusque haberetur (2). Nam confirmatio ex certa scientia non est mera, simplexque confirmatio, sed potius nova concessio, jurisque novi largitio.

(1) Cap. 4. de confirm. util. vel inutil., Cap. 5. de concess. praeben.

(2) Cap. 1. de transact.

§. III. In forma speciali censetur facta confirmatio, cum totus in instrumento describitur actus, qui confirmandus est, vel cum rescriptum innuitur clausulis *ex certa scientia*, *ex plenitudine potestatis*, *contraria quacunque dispositione non obstante*, *omnes juris*, et *facti defectus supplentes*. Nam cum ita loquitur Summus Pontifex, omnino credendum est, eum rem totam plane exploratam habuisse, et supra, vel contra jus commune terre voluisse legem, cui parendum est (1). Excipe, nisi confirmatio attingat actum, qui laborat vicio, quod sanari nequit, vel removeri non solet, aut alteri, qui auditus non fuit, damnum affert, aut sit de rebus, quas Princeps facile ignorat, nisi de his facta fuerit expressa mentio. Fit autem in forma communi confirmatio, cum in ea minime declaratur, quod res antea cognita, et perspecta fuit diligenter, neque ulla adjuncta est clausula *ex certa scientia*, aut similis. Cum dubia res est potius *in forma communi*, quam *in forma speciali* facta censetur, quoniam haec

extraordinaria est, quae nisi perspicua, sit, praesumi non debet.

(1) *Cap. 8. de confirm. util. vel inutil.*

§. IV. Qualiscumque sit confirmatio, sive communis, sive specialis, iudex inferior de confirmatione Sedis Apostolicae sine ejus peculiari mandato directe judicare non potest (1); Nam cum Pontifex actum confirmavit, totum sibi adjudicavit negotium, neque alicui licet quidquam arripere potestatis, et jurisdictionis in ea, quae Summi pontificis iudicio servata sunt. Non ideo tamen iudex inferior cognoscere prohibetur, num aliquod in Apostolico rescripto insit vitium obreptionis, et subreptionis (2), num quis ad illud obtinendum aptus, et idoneus esse possit (3).

(1) *Cap. 1. et 2. de confirm. util. vel inutil.*

(2) *Cap. 2. eod., Cap. 5. de in int. gr. restit.*

(3) *Cap. 5. et 6. de confirm. util. vel inutil. Cap. 20. de rescrip.*

§. V. Transactiones de rebus ecclesiasticis, atque etiam iura, et privilegia Ecclesiarum, Regularium, piornumque locorum Apostolica auctoritate confirmantur, et in his eadem, quam supra indicavimus, distinctio confirmationis *in forma communis*, et *in forma speciali* retinenda est. Sed in primis Summi Pontificis propria est confirmatio Episcoporum. Quod sane ius annexum est Primatui Summi pontificis, oriturque ex ipsa ejus natura, quae in totam Ecclesiam suam explicat potestatem, ex officio Primatis, qui cum totius Ecclesiae administrationi sit praepositus, videre debet, ut qui particulares Ecclesias regunt tam gravi munere digni habeantur, ex officio item eorum, qui his particularibus Ecclesiis praeficiuntur, a quibus demonstranda est omnia cum unitatis centro communicatio, et societas. Ut ut ordinis potestas a Christo immediate repetatur, quod Patres Tridentini definire noluerunt (1), certe potestas jurisdictionis, quae pendet ex subditorum assignatione, quaeque angustior, latiorve est, uti minor majorve est numerus subditorum, Summi Pontificis auctoritate conceditur. Ut Ecclesiarum utilitati consulerent, et omnino studerent eorum, qui cum a Sede Apostolica confirmantur.

di essent, longum, ac periculosum iter suscipere debebant, Romani Pontifices Patriarchi Orientalibus Metropolitae, ipsis vero Metropolitae facultatem dederunt confirmandi suos Episcopos; sed primum Patriarchae ab eadem Sede confirmationem accipere debent, atque ita omnium confirmatio ex Apostolicae Sedis auctoritate procedit. Sic Nectarius Constantinopolitanus Episcopus a Damaso (2), Anatolius item Constantinopolitanus (3), et Maximus Antiochenus (4) a Leone confirmati sunt. Joannes Talaja Alexandrinus Episcopus confirmatus quoque est a Simplicio; qui postea re diligentius cognita sententiam suam abrogavit (5). Similiter Flavita Constantinopolitanus a Felice (6), Menas item Constantinopolitanus ab Agipeto (7) acceperunt confirmationem. Eandemque potestatem confirmandi orientales Patriarchas medio saeculo XI. Romanum Pontificem exercuisse constat ex litteris a Leone IX. datis ad Petrum, qui Antiochenae Ecclesiae Episcopus nominatus fuerat. Scribit enim haec: „Mea humilitas in culmine Apostolici throni, ideo exaltata, ut approbanda approbet, improbanda quoque improbet, tuae sanctissimae fraternitatis episcopalem promotionem libens approbat, colaudat, et confirmat (8).

(1) Confer Pallavellinum *Histor. Concil. Trident. lib. 18. cap. 14. et 15. et lib. 21. cap. 4. pag. 199. et seq. et 553. par. 3. edit. Antwerp. 1750.*

(2) Bonifacius I. ep. 15. ad Rufinum apud Constantium epist. Roman. Pontif. col. 1043. „Clementissimus, inquit, recordationis Princeps Theodosius Nectarii ordinationem, propterea quia in nostra notione non esset, habere non existimans firmitatem, missis e latere suo scribis cum Episcopis firmitatem huius a Sede Romana dirigi regulariter deponeret, quae ejus Sacerdotium roboraret.

(3) Leo M. ep. 104. cap. 2. col. 1147. edit. Ballerin. „Nos enim, inquit, vestrae fidei intercessionis habentes intuitum, cum secundum aquae consecrationis auctoritas ejus iustitia liquerent, benigniores erga ipsum quam iustiores esse volumus, quo perturbationes omnes, quae operante diabolo fuerant excitatae, adhibitis remediis leniremus. . . . Satis si praedictor, quod vestro pietatis auxilio, et mei favoris aemula Episcopatum tantae laudis obtinuit.

(4) Concilium Chalcedonense act. 10. tom. 3. col. 1599. *Concil. collect. Labbaei*, S. Leo, inquit, Episcopatum sancti, ac venerabilis Maximi Episcopi Antiochenae Ecclesiae confirmavit.

(5) Simplicius P. ep. 47. apud Labbaeum tom. 3. *Concil. col. 113.*

(6) Flavita in Constantinopolitana Ecclesia Aetio successore datus synodum ad Sedem Apostolicam de more misit episcopum: ut ab ea confirmationem obtineret, per quam, inquit Felix III. Pontifex ep. 13. apud eum-

dem Labbaeum tom. 5. Concil. col. 210. largientia Christo solidatur dignitas Sacerdotum.

(7) Liberatus in *Breviar. cap. 21. ibid. tom. 6. Concil. Col. 454.* rem narrat his verbis, „ denique (Agapetus) petentibus Principibus, ut Anthemium Papa in salutatione, et communionem susciperet, ille fieri inquit posse, si se libello probaret orthodoxum, et ad cathedram suam reverteretur. Impossibile esse ajebat translationem hominem in illa Sede permanere. Augusta vero, clam promittente munera multa, et rursus Papae minas intente, in hoc Papa perstitit, ne ejus audiret petitionem. Anthemius vero videns se Sede pulsum, pallium, quod habuit, Imperatoribus reddidit, et discessit, ubi eum Augusta suo patrocinio tueretur. Tunc Papa Principis favore Messam pro eo ordinavit Antistitem, concessurus eum manu sua in Basilica S. Mariae. „ His aliisque convinctis exemplis Michael Russellus *Histor. Pontific. jurisdict. lib. 2. num. 14.*, homo scilicet, qui non admodum favet Pontificiae jurisdictioni, sateri non dubitavit: haec mihi comperta ex veteribus exemplis ad servandam Romani Pontificis praerogativam in confirmandis Patriarchis Orientalibus, quae sane satis indicant Principatum ejus in omnes Ecclesias. Quod si non aequius, aut absolutius eam praerogativam exercuit, tribuendum est illius modestiae, qui non putavit summa sua potestate utendum, nisi ubi necessitas exigeret. „

(8) Leo IX. ep. 5. tom. 11. concil. Labbaei col. 1345.

§. VI: Sed in Ecclesiis Occidentalibus, quas universos Romanus Patriarchatus complectitur, omnes Episcopi sive a Romano Pontifice per se, sive ab ejus vicariis, ejusdem auctoritate, jussusque semper confirmati sunt (1). Ac plane ridiculum, et absurdum esset potestatem, quam in suos habet Patriarchae Orientales, in Episcopos Occidentales juvendere Summo Pontifici, qui Patriarcha est totius Occidenti, ac simul etiam Primas totius Ecclesiae, a quo ipsi Orientales Patriarchae suos confirmandi Episcopos potestatem repetunt, cui omnes, qui ad eam pertinent, obnoxii sunt. „ Majores nostri inquit *Gelasius I. (2)*, reverendi illi Ecclesiarum magistri, clarissimaque illa populi christiani lumina. . . ad illam Sedem, qua Princeps Apostolorum sederat Petrus, sui Sacerdotii sumpta principia. . . mittebant suae inde soliditatis gravissima firmitatis roboramenta poscentes, ut per hanc speciem omnibus appareat, vere unam esse per omnia, et indissolubilem Christi Ecclesiam „

(1) Patet id ex testimoniis Summorum Pontificum Siricii ep. 4. ad Anacletum col. 642. apud Constantium ep. Rom. Pontif. Bonifacii I. ep. 15. ad Episcopos per Macedon. Achajam etc. ibid. col. 1039. Leonis M. ep. 5. et ep. 6. opp. S. Leonis tom. 1. col. 618. et 621. edit. Baillet, „

aliorum complurium, quos collegit Zaccaria *Anti-Febron.*, et *Anti-Febron. vindic.* tom. 3. *dissert.* 8. *cap.* 2. §. 3. *seq.* edit. Caeserae 1771. Videntur est etiam Hallier *de sacr. election. et ordinat. par.* 3. *art.* 3. §. 2. *seq.* pag. 65. *seq.* tom. 3. edit. Romae 1740., qui copiose agit de jure Summi Pontificis in consecrandis, et confirmandis Episcopis; praeterea Auctor libri *observat. Theologiq. etc. sur l'Histoir. ecclesiastiq. de Fleury* liv. 21. num. 1. pag. 23. liv. 24. num. 31. pag. 425. liv. 27. num. 42. pag. 325. tom. 2. edit. a Avignon. 1737., et Emanuel a Schelestrate *antig. Eccles.* tom. 2. *dissert.* 6. *cap.* 4. pag. 436. *seq.* edit. Romae 1697.

(2) Gelasius L. *ep.* 14., quae tractatus inscribitur, tom. 5. *concil.* col. 341.

§. VII. Atque adeo verum est, electis Episcopis necessariam esse Apostolicae Sedis confirmationem, ut nisi eam primum obtinuerint, Ecclesiae, ad quam electi sunt, nullo modo suscipere administrationem possint, et si susceperint, jure, si quod eis per electionem quaesitum est, eo ipso priventur. Verum ut electorum commodo, atque Ecclesiarum utilitati consuleretur, oecumenicum Lateranense Concilium IV. sapienter constituit, ut Episcopi valde remoti, videlicet ultra Italiam constituti, qui a R. Pontifice confirmandi sunt, „ si „ electi fuerint *in concordia, dispensative* propter necessitates, et utilitates Ecclesiarum in spiritualibus, et temporalibus inter se administrent, sic tamen, ut de rebus ecclesiasticis nil penitus alienent. Munus vero consecrationis, seu benedictionis recipiant, sicut hactenus recipere consueverunt. „ Cumque hominum malitia saepe fraudaret hujus decreti vim, et auctoritatem, Lugdunense Concilium II. similiter oecumenicum (2), huic malo remedium adhibendum curavit; dicta lege; ut neque uti procurator, neque uti oeconomus Ecclesiam administrare possit, qui ad ejus regimen electus est, nisi primum fuerit confirmatus.

(1) Concilium Lateranense IV. *can.* 26. *col.* 663, *tom.* 12. *Concil. Labbasi.*

(2) Concilium Lugdunense II. *Can.* 4. *tom.* 14. *col.* 525. *collect. ejusdem.*

§. VIII. Illa autem a Concilio Lateranensi data administrandi facultas *dispensative* conceditur, laxata nimirum lege, qua omnes generatim obstringuntur; ideo ad eos tantum pertinet, qui a generali lege excipiuntur. Cum autem ii solum excipiuntur, qui *in concordia* electi sunt (1), consequens est,

ut hujus *dispensationis* beneficium traduci nequeat ad eos, in quorum electione similis concordia non extitit. Itaque ab eodem beneficio repelluntur qui a majori parte, haud tamen in concordia totius Capituli electi sunt, multoque magis ante acceptam confirmationem Ecclesiam administrare prohibentur, qui ab uno speciatim sunt nominati (2).

(1) Bene Thomasinus nov. et vet. Eccles. disciplin. par. 2. lib. 2. cap. 42. num. 3. pag. 462. edit. Venet. 1773. rationem affert, propter quam ea dispensatio concessa fuerit iis tantum, qui in concordia electi sunt. „Talia, inquit, suffragiorum consensio argumento erat, electionem infirmari, confirmationem recusari non posse.“

(2) Confer librum anno 1814. Parisiis editum cum titulo de l'abus de cette maxime, que l'usage abroge la loi. Sed perpennam Ecclesiae traditionem de Episcoporum confirmatione a Sede Apostolica absolenda solide, copiose, diligenter in primis explicat Cl. Auctor operis, cui titulus La tradition de l'Eglise sur l'Institution des Evêques a Liège 1814.

§. IX. Sed et nationale Concilium, ut certa habeatur ejus auctoritas (1), et OEcumenicum, ut hujus nominis vim, et dignitatem obtineat, a Romano Pontifice confirmandum est (2). Nam quae ab Episcopis unum in locum congregatis statuta sunt, totius Ecclesiae decreta, quae parendi afferant necessitatem, haberi nequeunt, nisi cum iis consentiat Ecclesiae Caput, sine quo vera Christi Ecclesia haberi nequit. Fieri quidem aliquando potest, ut nulla sit opus expressa confirmatione Summi Pontificis, quae postea Concilii decretis accedat, cum nimirum certa, atque omnibus explorata est Romanae Ecclesiae sententia, suosque Legatos Pontifex ad concilium mittit, ut eadem sit omnibus, annetaque membra suo Capiti conveniant. Tunc enim cum Concilium sequatur expressam sententiam Pontificis, idem est ac si ejus confirmatio accessisset, et in hac ejusdem Pontificis, et Episcoporum consensio ne nullus esse potest error loci (3). Ita Sylvester ad Nicaenam Synodum Legatos misit, ut omnibus asset fides, quae semper fuerat, Ecclesiae Romanae de tempore celebrandi Paschatis, de Baptismo haereticorum, de Verbi Divinitate, et Consubstantialitate. Quid opus erat nova Pontificis confirmatione; ut nullus esse posset ambigendi locus, quin a Synodo amissa sententia secundum Romanae Ecclesiae traditionem atque certa, ac firma haberetur? In quo miram in modum emicat Apostolicae Sedis potestas, et auctoritas, ex eoque pa-

et, quam ea procul sit ab omni erroris periculo. Magnae olim fuerant de Paschate, deque haeticorum Baptismo insignium Ecclesiarum concertationes. Unus contra Quartadecimanos Victor, et unus contra Rebaptizantes Stephanus Romanae Ecclesiae sententiam labefactari noluerunt, et qui antea vel aliud sentiebant; vel inspenso, et incerto animo pendebant, postquam omnes in Concilium convenerunt, edocti Divini Spiritus afflatu sine cunctatione Capituli iudicium amplexi sunt (4). Ut de Paschate, et Baptismo haeticorum, sic de Verbi Divinitate omnibus nota erat Romanae Ecclesiae sententia, quam manifestam fecerat Summus Pontifex Dionysius scriptis, quibus damnaverat eos, qui Filium Dei opus, aut creaturam esse affirmabant (5). Nova igitur, uti dicebamus, Pontificis confirmatione Nicaena synodus opus non habuit, cum satis expressa, ac declarata esset Sedis Apostolicae sententia, quam praesentibus, et Concilio praesidentibus ejusdem Legatis Patres sequuti sunt; sed tamen haec ipsa expressa confirmatio non defuit (6).

(1) Patres Concilii Carthaginensis sub Aurelio, et Milevitani sub Silvano eorum, quae egerant, confirmationem ab Innocentio I. Summo Pontifice postularunt, Sedisque Apostolicae auctoritatem implorant, ut Pelagii, et Celestii error damnaretur. Extant utriusque Concilii epistolae inter Augustini epistolae num. 375. et 176. opp. S. Augustini. tom. 2. col. 617. seqq. His referibit Innocentius ibid. ep. 181. et 182. col. 635. seqq. Patres laudat, quod Sedis Apostolicae iudicium exquisierint, ac negotium, de quo agebatur, non prius ducerent finiendum, nisi ad hujus Sedis pontificem perveniret, ut tota ejus auctoritate iusta, quae fuerit, pronuntio firmaretur, indeque sumerent ceterae Ecclesiae (velut de natali, quo fuit aquaeeductus procederet, et per diversas totius mundi regiones puri fontis capitis incorrupti manarent) quid praeciperent, quos abluerent, quos velut caeno inextricabili sordidatos munda digna corporibus munda vitaret. Denique sententiam praefert his verbis: Quare Pelagium, Celestiumque, idest inventores vocum novarum, Ecclesiae communionem privati Apostolici vigoris auctoritate censeamus, donec recipiant de Diaboli laqueis etc. Ad hunc eundem locum pertinet, quod a S. Caesario Arelatensi gestum est, antiquam II. Arasicae synodus habere. Ipse scilicet ante hanc Synodum Felicem III. Pont. rogavit, ut quaedam ad se mitteret doctrinae capita, quae loco essent certae regulae, quam in suis emittendis decretis Patres in Concilio sequerentur, Concilium Arasicae II. an. 529. in praefat. tom. 5. Concil. col. 809. Confirmationem autem, de qua Felix rogatus fuerat, concessit ejus Successor Bonifacius, uti patet ex ejus epist. 2. ad Caesarium Arelat. loc. cit. col. 831. atque observat Natalis Alexander Histor. saec. V. cap. 3. art. 10. tom. 5. pag. 56. Bonifacius II. Pontifex creatus Caesarii sibi amicissimi votis annui, syno-

Tom. III.

F f

dum confirmavit, Scenipelagianos ultimo seu confodit. = Confer Cl. Marchetum loc. cit. art. 1. §. 1. num. 8. tom. 1. pag. 39. seqq.

(2) *Sedes Apostolica*, inquit Gelasius l. ep. 13. ad Episcopos Nardani. tom. 5. Concil. col. 326., *unamquamque synodum sua auctoritate confirmat*. Videndus est etiam ejusdem Gelasii tomus *de anathem. vinculo* ibid. col. 352. Confer praeter ceteros Cardinalem Orsium *de R. Pontificis in synod. oecumenic. et eorum canones potestate*. Cardinalem Grudilium *confutatione ad duo libelli etc. par. 3. vol. 2. pag. 154. edit. an. 1789.*

(3) Melchior Canus *de loc. theolog. lib. 5. cap. 5. pag. 155. edit. Patavii 1727. Bellarminus de Concil. lib. 2. cap. 11. opp. tom. 2. pag. 41. seqq. edit. Venet. 1721.* = Quando Concilium, inquit, definit aliquid sequens expressam = sententiam Pontificis. idem est, ac si confirmatum esset. =

(4) Quod et postea, ut ait Nicolaus l. ep. 10. ad Cler. Constantinop. tom. 5. Concil. col. 137. in aliis quoque oecumenicis synodis factum est, ut quibus ante Concilium in ipsa Ecclesiae unitate indulgentia quadam a suo Capite dissentire permittebatur, in concilia congregati aul se Capitis iudicio subiecerunt, aut ab Ecclesiae Catholicae corpore avulsi sunt. = Haec sunt, inquit, quae de his Sedes Apostolica statuit; haec sunt quae synodice, regu- lariterque decrevit; haec sunt, quae tanto studiosius oportet amplecti, tan- to sollicitius observare, quanto certius notis, quae ab ea statuta fuerint. = haec universalem semper Ecclesiam tenuisse: ita ut contra singulos errores in Ecclesia exortos prior haec secundum Primatus sui auctoritatem sententiae terminum dederit. Et ita demum universalis Ecclesia, licet aliquando per aliquantulum temporis in quibusdam relictis sit, quae illa tamen probavit, quandoque probaverit, et quae illa refutavit. =

(5) Consule Baronium ad an. 263. num. 51. tom. 3. pag. 144. edit. Lacap.

(6) S. Sylvester Summus Pontifex in Concilio Romano an. 325. apud Labbaeum tom. 2. Concil. col. 417. collect. cit. aperte declaravit, = se quid- = quid in Nicæa Bithyniae constitutum est. . . . a sanctis Sacerdotibus trecentis decem et octo suo ore conformiter confirmare. = Concilium Felix III., qui in ep. 4. apud eundem Labbaeum tom. 5. col. 247. testatur, quod = trecenti = decem et octo SS. Patres apud Nicæam congregati confirmationem rerum, at- = que auctoritatem S. Romanae Ecclesiae dederunt. = Confer *Observations Theologiques etc. sur l'Histoire ecclesiastique de M. l'Abbé Fleury* liv. 11. num. 22. tom. 1. pag. 170. Avignon 1736.

§. X. Nicaenam synodum post annos quadraginta sex sequuta est Constantinopolitana, quae fuit oecumenica II., et ad quam Patres Orientales centum et quinquaginta convenerunt. Ea condemnata est haeresis Macedonii, qui Spiritum S. Deum esse negabat; quam haeresim et Occidentales Romae habita synodo, cui Damasus P. praesuerat, condemnarunt. Haec Synodus oecumenica evasit tantum postquam a Sede Apostolica recepta, et approbata est; ea vero Sedes eandem recepit, et approbavit in iis dumtaxat, quae pertinent ad dogma catholicum de Spiritu S. Divinitate (1), reliqui autem canones probati non sunt usque ad tempora Concilii Lateranensis IV.,

quod Pontifice Innocentio III. habitum fuit. Ita conventus Orientalium Episcoporum, qualis fuit Synodus Constantinopolitana, approbatione, et auctoritate Romani Pontificis oecumenica facta est.

(1) S. Gregorius M. ep. 34. lib. 7. col. 882. opp. tom. 2. edit. Maurin. Paris. 1705. » Ea canonum quidem, inquit, Constantinopolitani Concilii » Eudorianus damnant . . . Romana autem Ecclesia eosdem canones, vel » gesta synodi illius hactenus non habet, nec accipit. In hoc autem eadem synodus accepit, quod est per eam contra Macedonium definitum. » Reliquas vero haereseos, quae ibi memoratae sunt, ab aliis jam Patribus » damnatas reprobant.

§. XI. Quod contra evenit de synodo Ariminensi. Ad eam conveniunt Episcopi ex Occidente *quadringenti, et aliquanto amplius*, ut scribit Severus Sulpitius (1), pluresque Episcopi Orientales Constantinopoli Ariminensi formulae subscripserant; et tamen haec synodus, licet tot Episcoporum consensu probata, nunquam oecumenicae loco habita est, quia nimirum defuit Summi Pontificis approbatio (2); contra centum et quinquaginta Episcopi, qui Constantinopolitano Concilio interfuerunt, consentiente, et probante Pontifice, oecumenicam synodum constituerant. Ipse Basilus cum intelligeret, multos esse, quos in errorem induceret tantus ille numerus, et consensus Ariminensium Episcoporum, consulendum duxit S. Damasum Summum Pontificem, ut resciret, ecquid de eo negotio esset Romanae Ecclesiae sententia. Sic enim scribit datis ad S. Athanasium literis (3). „ Nobis autem „ operae pretium est ad Episcopum Romae scribere, ut res „ nostras invisat, et consilium dare, ut cum illinc communi, „ ac synodico decreto aliquos mitti difficile sit, ipse hoc negotium suo marte aggrediatur, eligens homines idoneos ad „ eos, qui apud nos perversi sunt, lenitate, ac animi constantia corrigendos; apte et attemperate utentes sermone, secumque habentes quaecumque post Ariminense concilium gesta sunt, ad eorum, quae per vim illic acta fuerant, dissolutionem „ Noverat enim vir ille pietate in Deum, et doctrina insignis illius negotii definitionem pendere a iudicio Romani Pontificis, ideoque ut literas accepit Synodi Romanae, quae eadem Pontifice auctore habita fuerat, eas illico suscepit, eis-

que sine cunctatione assensus est : „ Omnibus , *inquit* , quae
 „ canonice a vestra praestantia acta sunt , assensi sumus , A-
 „ postolicum vestrae doctrinae studium laudantes „ (4).

(1) Severus Sulpitius *histor. sacr. lib. 2. tom. 2. pag. 222. edit. Feron. 1754.*

(2) S. Damasus P. *epist. synod. Concil. Roman. II. tom. 2. Concil. col. lect. Eabbaci col. 1044.* „ Siquidem , *inquit* , numerus Episcoporum , qui
 „ erant Ariminii congregati , praepudicium vim habere non debet ; praesertim
 „ cum forma illa illa composita sit neque Episcopo Romano , cuius sententia prae
 „ ceteris omnibus expectanda erat , neque Vincentio , qui tot annis sacerdo-
 „ tium integre gesserat , neque aliis eidem consentientibus . „

(3) S. Basiliius ep. 69. *ad S. Athanas. opp. tom. 3 pag. 162. edit. Mau-
 rin. Paris. 1730.*

4 Idem ep. 92. *pag. 182. , et ep. 92. pag. 186.* „ Revera enim , *inquit* ,
 „ laude summa dignum est , quod a Domini pietati vestrae datum est , adulte-
 „ rium quidem a probo , ac pari discernere , Patrum vero fidem sine ulla
 „ dissimulatione praedicare ; quam quidem et nos suscipimus , agnovimusque
 „ Apostolicis notis signatam , et ceteris omnibus , quae in synodico scripta ca-
 „ nonice , et legitime statuta sunt , assentimur . „

§. XII. Post Nicaenam , et Constantinopolitanam synodum habita est Ephesina , quae III. fuit oecumenica , et qua Nestorii haeresis proscripta fuit. Huic concilio certum est praefuisse Legatos Coelestini Summi Pontificis , qui eos miserat , ut de *Episcoporum sententiis judicarent* , atque in ea , quae contra Nestorium acta fuerant , diligenter inquirerent , neque iis assentirentur , nisi primum omnia secundum Pontificis sententiam , et mandatum gesta esse intellexissent. Re cognita et expensa , postquam Legati perspicuam agnoverunt consensionem Pontificis , et synodi , tum denum latam in Nestorium depositionis sententiam confirmarunt. Id vero munus ex Legatis Philippus praestare se profitetur auctoritate Coelestini Successoris Petri , cuius gravissima oratione praedicat potestatem , et hujus orationis summam est , omnem a Christo datam Petro fuisse potestatem in Ecclesia universa , eam totam ad ejus successorem Coelestinum fuisse delatam , et hinc Legatos *ejus praesentiam supplentes* ejusdem nomine , et auctoritate synodi decreta confirmare (1). Post orationem tam gravem , tamque veram hac eadem Coelestini auctoritate nixus firmum esse pronunciat decretum contra Nestorium editum , remque concludit his verbis : „ Quamobrem intelligat
 „ Nestorius , se e communione Sacerdotii Ecclesiae Catholi-

„cae alienum esse „ Ac Projectus Episcopus Legatus alter
 „ Ego quoque , *inquit* , auctoritate legationis Sedis Aposto-
 „ licae , una cum fratribus sententiae executor existens definitio ,
 „ memoratum Nestorium , veritatis inimicum , fideique corrup-
 „ ptorem , tamquam iis , de quibus accensatus est , obnoxium
 „ a gradu Episcopalis honoris , et ab omnium praeterea Sacer-
 „ dotum orthodoxorum communione alienum esse „ omnes-
 „ que se subscribunt tamquam Legati Sedis Apostolicae „ Phi-
 „ lippus Presbyter ; et Apostolicae Sedis Legatus commenta-
 „ riis subscripsi etc. „ (2). Denique tota Synodus „ cum Ar-
 „ cardius , *inquit* , et Projectus . . . Legati , et Philippus Pre-
 „ sbyter , et Apostolicae Sedis Legatus consentanea sint locu-
 „ ti , consequens est , ut promissis suis satisfaciendes etiam
 „ subscribendo acta confirmant. „

(1) Concilium Ephesinum act. 3. *Concil. col.* 1154. 1155.

(2) *Ibidem col.* 1158.

§. XIII Ita acta , et transacta res est in Concilio Ephesino ,
 et ita de condemnando Nestorio iudicium ut a Coelestino in-
 cobatum , sic absolutum est. Nam ipse primus Nestorium con-
 demnavit , atque exactoravit , eique in Constantiopolitano
 Episcopatu Maximianum subrogari praecepit (1). Hujus au-
 tem sententiae executionem differri permisit non quod de ejus
 vi , et auctoritate dubitari vellet , sed quod ita potentia Prin-
 cipis postulabat (2) , cui noluit repugnare Pontifex , ut cueta
 facilius componerentur , orta quoque in Oriente haeresis , in ipso
 conspectu Principis , Orientalis quoque Ecclesiae sententia con-
 demnaretur. Sane acceperat ipse Coelestius a Cyrillo Episco-
 po Alexandrino literas conceptas his verbis : „ Non prius an-
 „ tem illius , *Nestorii* , communionem palam aperteque dese-
 „ rimus , quam haec ipsa pietati tuae indicaremus. Digneris
 „ proinde , quid hic sentias praescribere ; quo liquido nobis
 „ constet , communicare ne nos cum illo oporteat , an vero
 „ libere eidem denunciare , neminem cum eo communicare ,
 „ qui ejusmodi erroneam doctrinam fovet , ac praedicat „ (3).
 Nullo egent interprete haec verba , quibus Cyrillus exquiri
 Romanae Ecclesiae sententiam , ut ea cognita intelligat , quae
 de Nestorii negotio sua , quae totius Orientalis Ecclesiae fir-
 ma , ac certa sententia esse debeat. Pontifex *pro solitudine* ,

quae ad eum pertinet, Ecclesiae universae cum literis ad Concilium Legatos mittit, qui iis, quae aguntur, intersint, et „ quae a nobis antea statuta sunt, exequantur (4). „ Non enim Legati mittebantur, ut novam de Nestorii erroribus institueretur judicium, quod jam Sedes Apostolica ediderat, neque ut de hujus judicii veritate dubitatio aliqua esse posset, sed tantum ut quae a Sede Apostolica *antea statuta sunt, exequantur*. Ergo adeo firmum ac certum haberi debet ejusdem Sedis judicium, ut ejus omnino facienda exequutio sit.

(1) Vide epistolam Coelestini ad Nestorium *Conc. Ephesin. par. 1. cap. 18. tom. 3. col. 903. collect. Labbæi*. Vide etiam epistolam Coelestini ad Maximianum, qui ejus confirmationem petierat, et cui Pontifex rescribit his verbis: *Sane gubernacula nota tibi nris, canque, ut d. licisse te a tuis prioribus novimus, rege apud Constantium c.p. R. P. col. 1206.*

(2) Confer Christianum Lupum *Dissert. de Concil. Ephesin. cap. 3. opp. tom. 2. pag. 10. edit. Venet. 1724.* Garverium *opp. Martii Mercatoris in append. ad not. in epist. Nestorii ad Coelestinum seu dissert. de Illustrissimi Marci sententia etc. Antonium Charlas de libert. Eccles. Gallican. lib. 5. cap. 6. tom. 3. pag. 227. edit. Romae 1720.*

(3) Epistola Cyrilli ad Coelestinum in *actis Concil. Ephesin. col. 894. ibid.*

(4) Videnda epistola Coelestini ad Synod. *act. 2. concil. Ephesin. fol. 1146. ibid.* Recte Natalis Alexander *Histor. Eccles. P. sac. cap. 1. art. 12. § 6. tom. 5. pag. 59. a. l. i. Venet. 1776.* expendens eandem Coelestini epistolam, actaque Ephesini Concilii *ex quibus, inquit, patet Ephesinos Patres officii loco duxisse recipere Coelestini epistolam, eique obsequi.*

§. XIV. Quod datis ad concilium literis scripsit Coelestinus, idem expressit in *commonitorio*, sive *instructione*, quam dedit Legatis, cum Roma ad synodum ituri proficiscerentur. Sunt haec ejusdem commonitorii verba: Auctoritate Sedis Apostolicae custodiri debere mandamus. Si „ quidem et instructiones, quae vobis traditae sunt, hoc „ loquantur, ut interesse conventui debeatis; ad disputationem si fuerit ventum, vos de eorum sententiis judicare debeatis, non subire certamen (1). „ Itaque Coelestinus ratum firmum haberi praecipit quod ab se contra Nestorium definitum fuerat, Sedisque Apostolicae, quae sententiam tolerat, auctoritatem inviolatam esse jubet, neque de ejusdem sententiae veritate, et aequitate disputari permittit; adeo fixum, certumque habebat, imminotum esse oportere judicium, quod a Sede Apostolica emissum fuerat. Hinc Legati Pontificis

mandato obtemperantes minime voluerunt quaeri, iustum ne esset, fideique orthodoxae conveniens Coelestini iudicium: quin certum, exploratumque habent, nullam vel levem de illius aequitate oriri dubitationem posse „ Literarum, *inquiunt*. „ Sancti Venerandique Patris Coelestini Episcopi formam vestra Sanctitas consideret, qui Sanctitatem vestram hortatus „ est, non quasi ignorantem docens, sed tamquam gloriam „ commonefaciens etc. (2). „ Legatorum petitioni Pirinus Coesareae Cappadociae Episcopus Synodi nothine sic respondit: „ Apostolica, et sancta Sedes Coelestini sanctissimi Episcopi... etiam ante de praesenti negotio sententiam, regulamque praescipuit, quas nos quoque secuti.... formam „ illam executioni mandavimus, canonicum, Apostolicumque „ iudicium in illum proferentes (3). „ Denique Concilii Patres *formam* illam a Coelestino praesciptam *executioni mandantes* canonicum *Apostolicumque iudicium* in Nestorium protulerunt: „ coacti, *inquiunt*, per sacros canones, et epistolam sanctissimi Patris nostri, et comministri Coelestini Romanae Ecclesiae Episcopi... ad lugubrem hanc contra „ eum sententiam necessario venimus (4). „ Profecto quisquis non praepudicata opinione, sed studio veritatis ducitur ex iis quae narravimus, facile intelligit, hoc unum in Ephesino Concilio actum fuisse, ut sententia, quam antea Coelestinus tulerat, contra Nestorium executioni mandaretur. Hoc unum ipse Coelestinus literis ad Concilium datis declaraverat, hoc unum Concilii Patres ali se faciendum proposuerant, hoc unum negotii Apostolicis Legatis datum fuerat, hoc unum ipsi praestiterant, hoc unum denique a Patribus Concilii gestum est. Recte igitur, ac vere Nicolaus I. (5), quanta in damnando Nestorio Sedis Apostolicae auctoritas fuerit, explicat his verbis: „ In synodis prisco tempore collectis Apostolicae Sedis scripta non sub occultationis modio tegebantur, sed ut omnibus, qui in domo Dei erant, lucerent, in propatulo ponebantur; et ut si qua turpitudine, vel mala in fidei pulchritudine a quolibet tentaretur induci, facile patesceret, ac sic specula in omnibus habebantur, et quasi quaedam rectitudinis formula, quae imprimi ceteri possent, posita colebantur. Quod ut manifestius pateat, ex his huius epistolae pauca duximus inserenda. Primo etenim loco Sancta Synodus apud Ephesum congregata sa. me. Coelestini

„ P. prius epistolam legit, et ita demum ad alia exequenda
 „ vocavit . . . in tantum, ut per. ejus propemodum spe-
 „ cialis judicii tenorem perfidus Nestorius expulsus, dnm ea-
 „ dem Synodus in sententia contra eam prolata tali modo
 „ prosequitur: *necessario*, inquit, *coacti tam ex canoni-*
 „ *bus, quam ex epistola.... Coelestini etc.* Et ad eundem
 „ Papam postea scribens, praefatum Nestorium per episto-
 „ lam ab ipso sanctissimo Praesule scripta rationabiliter asse-
 „ verat fuisse damnatum. „

(1) Vide Commonitorium Coelestini ad Episcopos, et Presbyteros in Orientem euntes, quod extat in Concilio Romano an. 431. tom. 3. *Concil. col. 560. collect. cit.* Baronius quamvis hoc monitorium non vidisset, tamen *annal. tom. 7. ad an. 431. num. 9. pag. 352. edit. Lucae* ex sola Coelestini epistola ad Concilium Ephesinum collegit, in Ephesina synodo idactum fuisse, ut Legati Sedis Apostolicae exequutores essent sententiae, quae a Coelestino in Nestorium lata fuerat, non ut de ejus vi, et veritate disputaretur. Post Baronii obitum Christianus Lupus e teuebris eruit antiquitatis Coelestini *commonitorium*, ejus facta mentio est; quod et protulit Stephanus Baluzius in nova Conciliorum collectione, idque refert ad Concilium Romanum habitum Coelestino Pontifice; cum Synodi Ephesinae celebratio immineret. Inquit autem Baluzius, quod si hoc monitorium vidisset Baronius, *confidentius asseruisset*, quod in synodo Ephesina nulli prorsus subjecta est examini sententia a Coelestino lata contra Nestorium, sed tantum missi sunt Legati, ut quae a Coelestino decreta fuerant, exequerentur.

(2) Concilium Ephesinum *act. 2. col. 1147.*

(3) Concilium Ephesinum *ibid.*

(4) *Ibid. col. 1078.*

(5) Nicolaus I. *ep. 9. ad Michael. Imperat. tom. 9. Conc. col. 1350. fol. lect. cit.*

§. XV. Quartum ex oecumenici concilii Chalcedonense est, quo definitum fuit, duas esse in Christo naturas, uti antea Leo M. definiverat. Lecta est in concilio celebris ejusdem Leonis epistola ad Flavianum de Verbi incarnatione (1), quam audientes Concilii Patres una voce clamarunt; „ Haec est Patrum
 „ fides, haec Apostolorum fides: omnes ita credimus, or-
 „ thodoxi ita credimus: anathema qui non ita credit; Petrus
 „ per Leonem ita locutus est (2). „ Concilio praeferunt Le-
 „ gati Sedis Apostolicae, et in eo disputatum non est de verita-
 „ te judicii, quod jam Leo dederat, quodque ipse pullo modo
 „ in discrimen revocari permiserat (3), imo illud sanctum, et
 „ inviolatum habitum est, Patresque Concilii in eo omnes ac-
 „ quiescere oportere statuerunt. Eorum, quae acta fuerant, re-
 „ latio ab ipsa Synodo missa est ad Leonem (4), ab eoque ap-

probari, et confirmari postularunt, quae ipsi in Concilio decreverant, et, alia quaedam, *inquirunt*, pro rerum ipsarum ordinata quiete, et propter ecclesiasticorum statutorum delicti, originis firmitatem scientes, quia et vestra Sanctitas addis, scitis et probatura, et confirmatura est eadem. „ Similia scribit Marcianus Imperator S. Leoni (5), et similia item Anatolius Episcopus Constantinopolitanus (6). „ Et sic, *inquit*, gestorum vis omnis, et confirmatio auctoritati vestrae Beatitudinis fuerit reservata. „ Leo confirmavit quae sen nudum suam sententiam de Catholico dogmate a Synodo decreta fuerant; noluit tamen confirmare privilegia Ecclesiae Constantinopolitanae, quae in synodo fuerant stabilita (7).

(1) Leo M. ep. 28. tom. 1. col. 801. edit. Baillet.

(2) Concilium Chalcidonense act. 2. tom. 4. collect. Labbei col. 235.

(3) Confer S. Leonem M. ep. 82. 90. 94. ad Marcianum Imper. col. 1403. 1064. 1075. ep. 95. ad Pulcheriam col. 1076. ep. 93. ad Synod. Chalcedonem. col. 1067. tom. 1. edit. Baillet.

(4) Concilium Chalcedonense in relatione ad S. Leonem tom. 4. Concil. col. 1728.

(5) Marcianus ep. ad S. Leonem inter epistolas S. Leonis tom. 1. col. 1114. edit. cit.

(6) Anatolius Episcopus C. P. ibid. ep. 101. cap. 5. col. 1134. et ep. 132. cap. 4. col. 1263.

(7) Videlicet Leonis epistolas ad Marcianum, ad Synodum cit. tom. 4. Concil. col. 1775. 1827. in quibus per suam approbationem gestorum synodaliū rata firma se haberi velle proficitur ea solum, quae de catholico dogmate fuerant constituta. Videunda est etiam ejusdem Leonis ep. 117. ad Julianum Coesarem col. 1206. tom. 1. edit. cit. quae testatur, se quod Chalcedonense Concilium de fide sanxerat approbasse; idque omnibus significasse „ propter eos, qui ad occasionem velandae perfidiae suae, infirmas, vel dubia vitari voluit statuta; „ Videndus praeterea Gelasius tom. de eucharistia. vincul. torp. 5. Conc. 1. col. 352. Quae ex his duobus conciliis pro Summi Pontificis auctoritate educuntur arguuntur, copiose persequitur, ac Dupinii calumnias refellit Bonneus Bemarks sur l'Histoire de Conestes d' Ephese et de Chalcedonie de M. Dupin opp. tom. 15. pag. 550. seqq. a Liege 1767.

S. XVI. Quatuor haec sunt priora OEcuménica Concilia, quae S. Gregorius M. sicut Evangelii quatuor libros se suscipere, et venerari proficitur (1). Quintam quoque synodum oecumenicam, quae fuit Constantinopolitana II., reverentia, et obsequio pari idem Gregorius sese amplecti declarat; et ce rta ea pridem confirmata fuerat a Vigilio (2), deincepsque et iam approbata ab ejus successoribus Pelagio II., Leone II.,

Martino I., Synodi VI. confirmationem datis ad Agathonem litteris (3), postularunt ejus Concilii Patres his verbis: „quantum ut iterum per honorabilia vestra rescripto confirmetis, vestram oramus paternam sanctitatem „Mitto cetera Concilia oecumenica, ne longus sim, atque in Tridentino consistam, cujus Patres cum hanc in Romano Pontifice potestatem manifeste agnovissent, omnem dederunt operam ut quae in Concilio decreta fuerant, a Pio IV. confirmarentur. Pontifex igitur Concilii decreta confirmat, atque iis etiam jure derogat, quod in primis sit saepissime in impedimento cognitionis intra quatum gradum, quod est inductum a Concilio Lateranensi IV. Atqui neutrum facere posset Romanus Pontifex, nisi Concilio praestaret.

(1) S. Gregorius M. *lib. 1. ep. 25. opp. tom. 2. col. 515. edit. Maurini. Paris. 1705.* „sicut Evangelii quatuor libros, inquit, sic quatuor „Concilia suscipere, et venerari me fateor . . . quantum quoque Concilium, pariter veneror . . . Cunctas, quas praefata veneranda Concilia praesens respiciunt, respuo, quas venerantur, amplector, quia dum universali sunt consensus constituta, se et non illa deserviunt, quisquis aut praesens sumit solvere quos ligant, aut religare quos solvunt: quisquis ergo aliter „sapit, anathema sit.”

(2) Consule ipsius Vigili epistolam Decretalem apud Labbaeum *tom. 6. Concil. col. 239. seqq.*, in quam epistolam videnda est dissertatio Petri de Marca *ibid. col. 245. seqq.*

(3) Extant hae litterae apud Labbaeum *tom. 7. Concil. col. 1110.* De Romanorum Pontificum in his, atque in ceteris deinceps habitis conciliis auctoritate, solide copioseque disputat Cardinalis Orsini *De irreversibili R. Pontificis in definiendis fidei controversiis judicio.*

§. XVII. Saepo etiam Supremi Principes ecclesiastica jura, et privilegia confirmare consueverunt, non ut iis vim adjungerent, sed ut religionem, pietatemque suam demonstrarent, atque ea civili etiam auctoritate, et imperio roborata facilius conservarentur (1). Ea de causa honorum quoque, et possessionum confirmationem dari consuevisse exploratum est (2); imo et pro reverentia Ecclesiarum conservanda, custodiendaque diligentius saepius populis data sunt privilegia, ne censerentur, atque in centurias, et tribus distribuerentur (3).

(1) Confer *Leg. ult. Cod. Theodos. de Relig.*

(2) Vide *Formulas Marculfi cap. 4. et 16 lib. 1. apud Balazium Capite Reg. Francor. tom. 2. col. 256. et 262. edit. Fœnet. 1772.*

(3) Id de S. Martino memoratine prodidit Gregorius Tyrocinem *Historia Francor. lib. 9. cap. 30. col. 453. et 454. edit. Paris. 1699.*

A P P E N D I X ²³⁵

A D

TITULUM DECRETALIUM DE APPELLATIONIBUS

C A P U T I.

*Jus appellationum inherens, et insitum est in
Romano Pontifice Ecclesiae Capite.*

§. I.

U t cuncta diligenter expendatur, atque aestimentur, an-
tequam negotium aliquod finem accipiat, ac ne quis uno vi-
ctus judicio, quod facile errori obnoxium esse potest, uti o-
mnium hominum judicia sunt, semper in damno haerere co-
gatur, inventum est beneficium appellationis; quae definitur
ab inferiori ad superiorem judicem provocatio, ut quod ab il-
lo minus recte actum est, hujus auctoritate emendetur (1). Ex
quo intelligitur, huc beneficium ad ipsum jus naturae esse re-
ferendum, quoniam per appellationem rebus pluries cognitis,
et expensis, unusquisque jus suum debita ratione persequitur.
Cumque per appellationem prior sententia subiciatur judicio
alterius, qui ei vel omnem viam adimit, vel majorem attribuit,
prout eam vel infirmat, vel confirmat, sequitur, ut qui ap-
pellatur supra eum, a quo provocatur in illa, de qua agitur,
judicii ratione auctoritate valere debeat. Secus enim frustra
quaereretur nova sententia, per quam expertus auctoritatis ju-
dex antiquiorem abrogare non posset. Hinc recte Justinianus
(2). „ Cum non oporteat, inquit, ad compares judices appel-
lationes referri, sed a minore judicio in majus tribunal a-
scendere. „ In re civili primum causam cognoscit inferior

Judex, postea fit progressus ad superiorem, postremo appellatur Supremus Princeps, cujus sententia finitur controversia, quoniam id, quod ab eo judicatum est, subditorum potestati, et judicio subiectum esse non potest (3). Hoc autem jus appellationis non solum pars est intima summæ potestatis (4), sed etiam est necessaria pars officii, quo tegetur quisquis Reipublicæ eum imperio præest, qui in ejus custodia, tamquam in spæcila, collocatus omnia circumspicere, atque observare debet, ut rite, et recte judicia exerceantur, sitque exitus omnium controversiarum æquitati, ac veritati conveniens (5).

(1) *L. 17. ff. de minor.*

(2) *Novell. 22. Cap. 3.*

(3) Vide Montesquieu *Esprit des loix. liv. 28. chap. 27.*

(4) Videndi Grotius *de jur. belli, et pacis lib. 2. cap. 4. §. 13.* Barbeyracus in: *Puffendorffum de jur. natur. et gent. lib. 2. cap. 4. §. 5. not. 1. tom. 3.* Bohemerus *ius public. univers. lib. 2. cap. 7. §. 15. seqq.* Heineccius *Jur. natur. et gent. lib. 2. cap. 8. §. 155. opp. tom. 8. pag. 213. edit. Vapoli. 1759.*

(5) Consule Puffendorffum *de jur. natur. et gent. lib. 7. cap. 9. et Heineccium loc. cit. §. 150. seqq. pag. 210. seq.*

§. II. Remedium hoc appellationis, per quod plurimum judicio quaesita veritas liquido elucescit, nemo sane dixerit a Christo denegatum iis, qui ab se instituta Republica continentur. Eadem vero, quæ in civilibus, etiam in rebus ecclesiasticis expediendarum controversiarum est ratio; ac vetus sane, et omnium consensu probata est regula, ut a quibuscumque iudicibus ecclesiasticis ad alios iudices ecclesiasticos, ubi est major auctoritas, provocare liceat (1). Christus non alios constituit Magistratus, qui Ecclesiam regerent, quam Episcopos Apostolorum successores, et unum omnium Caput, ac Principem Summum Pontificem successorem Petri, qui et Episcopis, et cunctis Christianæ Reipublicæ civibus dignitate, et jurisdictione præsideret. Si secundum hanc Christi institutionem alicujus Episcopi iudicium emendari, abrogarique debuisset, quis id præstare, et quem injuria damnatus appellare potuisset? Hand sane alius Episcopus Episcopi sententiam infirmare potuisset, quoniam Christus nullam uni Episcopo supra ceteros auctoritatem, et jurisdictionem attribuit. Atqui appellatio provocatio est ab inferiori iudice ad superiorem. Ergo cum errori sint obnoxie omnium hominum sententiæ,

enim aequum, hominumque sit emendare errorem, qui alteri pernecium affert, cum hic error a superiore Magistratu per appellationem sit emendandus; cum Christi institutione omnes Episcopi potestate sint pares, ac nemo in alium habeat jurisdictionem, consequens est, ut tantum Summus Pontifex, cui uni haec jurisdictio, et potestas in omnes data est, Episcoporum sententias e medio tollere, atque abrogare possit. Id vero est quod jus appellationis vocamus.

(1) Concilium Carthaginense III. an. 397. can. 10, tom. 2. *Concil. Lab-bae* col. 140.

§. III. Post Christi mortem visum est alios etiam constituisse Ecclesiasticos Magistratus, qui supra Episcopos essent, atque infra Summum Pontificem; cujus Principatus a Deo ipso procedit; sed id solum hominum lege, et instituto factum est. Nimirum cum Petrus, ejusque successores Romani Pontifices nec ubique praesto esse, nec omnibus omnium Episcoporum negotiis ubique opportune consulere possent, ecclesiastica institutione provisum est, ut singulae provinciae unum haberent Antistitem, quique eorum Episcopis; et in quavis majori diocesi unus item esset Antistes, qui et illi, et sibi subjectis Episcopis praesideret. Ita Metropolitae et Patriarchae instituti sunt, omnino ex lege Ecclesiastica, non Divina, et utrisque data sunt iura eorum praefecturae, et jurisdictionis propria. Inter cetera vero datum est jus appellationis, quo adversus Episcopi sententiam Metropolita potitur, adversus sententiam Metropolitae Patriarcha, quod ille Episcopis, hic vero, et Episcopis, et Metropolitae superior est.

§. IV. Atque haec sane vetustissima Ecclesiae disciplina est, ac omnes, qui de jure appellationum editi sunt, canones illud semper firmum ratum haberi voluerunt, ut ab inferiore Episcopo superior appelletur. Quod Metropolitae in Episcopos, Patriarchis in ipsos Metropolitas omnium consensu adscribitur eo jure, quod superior habet in inferiorem, quis invidere poterit Romano Pontifici, qui et Episcopis, et Metropolitae, et Patriarchis superior est? Ac illa quidem Metropolitae, et Patriarcharum praerogativa tota est humani juris, contra vero Pontificis praerogativa ex jure Divino oritur. Neque tantum jurisdictio Metropolitae, et Patriarcharum supra ceteros infe-

riores Episcopus humani juris est, sed etiam auctoritate, ac tacito saltem consensu Summi Pontificis opus habuit ut institueretur. Cum enim Christus in nomen Petrum, ejusque successores omnem contulisset in alios Episcopos auctoritatem, consensus saltem tacitus, ac praesumptus requirebatur Romani Pontificis, ut pars aliqua ejusdem auctoritatis, quam ipse solus habebat, aliis etiam tribueretur. Sed neque Ecclesia cum partem jurisdictionis affixae Primatui Metropolitae, et Patriarchis attribuit, eam Primati adimere potuit, neque ipse Primas, cum id fieri permisit, sese illa abdicare voluit. Unde patet, quod appellationum ad Metropolitanos, atque ad Patriarchas, et appellationum ad summum Pontificem eadem est ratio, scilicet praerogativa dignitatis, et jurisdictionis; sed hanc illi in suos subditos repetunt ex solo jure humano, contra praerogativa Summi Pontificis in universam Ecclesiam prout ex jure Divino; et ideo quantum hoc alteri praestat, tantum jus Pontificis in appellationibus recipiendis Metropolitanorum, et Patriarcharum juribus firmitus, ac praestabilis est. Idem sit iudicium de conciliis provincialibus, quae similiter humano jure instituta sunt, neque potuerunt adimplere potestatem, quam Petri successores ab ipso Jesu Christo obtinuerunt. Quid quod appellationes non tantum ad jus, et praerogativam sunt referendae, sed etiam ad opus, et officium Primatus, cujus gratia Summus Pontifex omnium, quae in Ecclesia eveniunt, certior fieri, et curare debet, ut cuncta recte, et ordine peragantur?

§. V. Jamvero in Romano Pontifice non una inest Primatus ratio, sed ipse est etiam Metropolitanus Provinciae Romanae, et Patriarcha totius Occidentis. Tamquam Ecclesiae Caput, et Primas omnium, qui ad Ecclesiam pertinent, appellationes recipit, quod jus sibi cum nemine commune est; tamquam Patriarcha, et Metropolitae commune habet jus appellationum cum ceteris Patriarchis, et Metropolitanis. Itaque appellationes recipit ex Romana provincia, atque ex toto Occidente, cujus nomen Patriarcha est. Sed nobis agendum est de appellationibus, quas ad vim intimam, et naturam Primatus pertinere demonstravimus, quae de re luculentissima sunt etiam antiquorum testimonia. Ex eorum numero seligam Julium I. (1), Bonifacium I. (2), cujus haec verba sunt. „Certe si in quoquam ejus supra debitum fuit visa correctio, quoniam ideo tenet

„ Sedes Apostolica principatum, ut querelas omnium licentes
 „ acceptet, interpellari nos super hac missa legatione convē-
 „ nerat, quos curam omnium rerum manere videatis. „ Qui-
 „ bus sanē verbis ius episcopaliū appellatiōum ad Sedem A-
 „ postolicam repetit non ex peculiari ejusdem Sedis potestate
 „ super provincias Illyrici, sed ex *Principatu*, propter quem et
 „ omniū querelae ad Summum Pontificem deferendae sunt, et
 „ rerum omniū sollicitudo ad eum pertinere debet.

(1) Julius P. ep. ad Eusebian. apud Constantian. ep. Rom. Pontif.
 col. 586.

(2) Bonifacius I. eps 14. ad Episc. Thessali: num. 4. ibid. col. 1038.

§. VI. Concinnant Leo M. (1), Agapetus (2), Gelasius I.
 (3), qui his omnino utitur verbis „ Non reticemus autem,
 „ quod cuncta per matidum novit Ecclesia, quoniam quo-
 „ rumlibet sententiis ligata Pontificem Sedes B. Petri Aposto-
 „ li ius habeat resolvendi, utpote quae de omni Ecclesia
 „ ius habeat iudicandi, neque eniquam de ejus liceat iu-
 „ dicare iudicio. Siquidem ad illam de quolibet mundi parte
 „ Canones appellari voluerunt, ab illa autem nemo sit ap-
 „ pellare permittus. „ Canones nominat, sed simul etiam
 „ Canonum aequitatem ostendit a potestate iudicandi de omni
 „ Ecclesia, hoc est, a Primatu. Idem etiam scriptum reliquit In-
 „ nocentius I. (4): „ Si quae autem, inquit, causa, vel contentiones
 „ inter clericos tam superioris ordinis, quam etiam inferioris
 „ fuerint exortae, ut secundum Synodum Nicaenam congregatis
 „ ejusdem provinciae Episcopis iurgium terminetur, nec alieni
 „ liceat (sine praepudio tamen Romanae Ecclesiae, cui debet in
 „ omnibus causis reverentia custodiri) relictis his Sacerdotibus,
 „ qui in eadem provincia Dei Ecclesiam nutu divino guber-
 „ nant, ad alias convolare provincias. „ Recte, ac vero Petrus
 „ Constantius, qui ea verba secundum Nicaenam Synodum non
 „ ad eam exceptionem, quae clauditur parentesi, sed ad ante-
 „ cedentia tantum referri animadvertit. Ergo Nicaenis quidem
 „ canonibus sancitum est, ut a provinciae Episcopis clericorum
 „ disidia componantur; verum hi canones minime pertinent ad
 „ Romanam Ecclesiam, cui Primatus causa debet in omnibus re-
 „ verentia custodiri. Falsum igitur est, quod Hincmarus Remen-
 „ sis (5), scripsit, nulla esse Apostolicae Sedis privilegia, quae

non alicujus Synodi canone nitantur; et bene ac sapienter Nicolaus I. (6), expressit hic verbis: „ Si Instituta Nicaenae Synodi diligenter inspiciantur, invenietur profecto, quia Romanae Ecclesiae nullum eodem Synodus contulit incrementum, sed potius ex ejus forma, quod Ecclesiae Alexandinae tribueret particulariter, sumpsit exemplum. „ Cur autem Nicaena Synodus nullum Romanae Ecclesiae tribuerit incrementum ita declarat: „ Ecclesiae Romanae privilegia, Christi ore in B. Petro firmata, in Ecclesiae ipsa disposita, antiquitus observata, et a sanctis universalibus synodis celebrata, atque a cuncta Ecclesiae jugiter venerata nullatenus possunt minui, nullatenus infringi, nullatenus commutari, quoniam fundamentum, quod Deus posuit, humanus non valet amoverè conatus. „ Quo ex loco etiam Natalis Alexander (7) ostendit, jus appellationum non esse a Synodo Sardicensi institutum, sed confirmatum, et celebratum, quoniam illud *appendix est Primatus*, qui in Petrum, ejusque successores a Christo Domino collatus fuit. Huc etiam referendi sunt Sozomenus (8), Socrates (9), Theodoritus (10), Valentinianus III. Imperator (11), Stephanus Larissaeus Episcopus (12), S. Beraardus (13), cujus verba sunt haec: „ Appellatur ad te. Id quidem in testimonium singularis Primatus tui. „ Ipse Quesnellus qui tanta animi contentione appellationibus adversatur, fateri vel injuvius debuit „ Gallicanos cum appellationes receperunt, respexisse ad Primatus Pontificis dignitatem, ac potentiorē, ut Irepaus vocat, principatitatem „ (14). Praeclare Gallicanae Ecclesiae doctrinam, describit Archiepiscopus Senonensis *Instruct. Pastor. Paris. 1753.* „ Quod ex auctoritate, inquit, quam Christi institutione in nos (Episcopos) Pontifex habet, legitime sequitur, jus est judicandi fontes Episcopos. Quod si illos a Provinciae Episcopis in primae cognitionis causa judicari mores nostri postulant, jus tamen suscipiendarum appellationem est illi absque ulla controversia servatum. „ Mitto Agathonem P. de causa Vulfriidi Eboracensis dissertentem, Theodorum Ecdiniensem Episcopum, ceteros quos laudat Zaccaria *Anti-Febron. vindic. par. 3. dissert. 8. cap. 5. pag. 452. seqq. edit. Caesen. 1771.*

(1) Leo M. ep: 10. ad Vianent. Episc. cap. 2. opp. tom. 1. col. 386. edit. Ballerin.

(2) Agapetus' ep. 4. ad Justinianum Imper. tom. 5. Concil. col. 942. *coll. Labbaci edit. Coleti.*

(3) Gelasius I. ep. 13. ad Episc. Dardaniae tom. 5. col. 328. *collect. ejusd.*

(4) Innocentius I. *epist.* 2. ad Victric. Rotomag. cap. 5. col. 749. apud Constantium.

(5) Hincmarus Remensis *opuscul.* 47. cap. 12.

(6) Nicolaus I. ep. 8. ad Michaellem Imp. tom. 9. Concil. col. 1334. *seq. collect. ejusd.*

(7) Natalis Alexander *dissert.* 28. in *sac.* 4. tom. 4. *Histor. Eccles.* pag. 462. *edit. Venet.* 1676.

(8) Sozomenus *Histor.* lib. 3. cap. 7. pag. 93. *edit. Taurin.* 1747.

(9) Socrates *Histor.* lib. 2. cap. 11. pag. 78. *edit. ejusd.*

(10) Theodoretus *Histor.* lib. 2. cap. 4. pag. 63. *edit. ejusd.*

(11) Valentinianus III. ep. ad Theodosium opp. S. Leonis ep. 55. tom. 7. col. 961. *edit. Ballerin.*

(12) Stephanus Larissaeus Episcopus in libello, qui datus est Bonifacio II. *lectusque in Concilio Romano tom. 5. Concil. collect. Labbaci col. 836.*

(13) S. Bernardus *de consider. ad Eugenium lib. 3. cap. 2. opp. tom. 2. pag. 370. edit. Venet.* 1781.

(14) Quesnellus *dissert.* 16. in S. Leonem §. 14. num. 4.

§. VII. Non desunt tamen, qui jus invident appellationum; quo ex numero primum snere Eusebiani, qui cum aegre ferrent appellationem S. Athanasii ad Julium I., jus Sedis Apostolicae in discrimen revocare ceperunt (1); eosque sequuti sunt Acaciani, postea Photius auctor schismatis inter Latinam, et Graecam Ecclesiam, ac ceteri eidem schismati addicti Zacharias Episcopus Chalcedonensis, Theodorus Balsamon, Meletius Alexandrinus, Joannes Zonaras, et in Concilio Florentino Marcus Ephesinus. Exemplo horum omnium, quos odium in Sedem Apostolicam rapuit in hanc opinionem, idem quoque visum est non aliter animatis Calvino (2), M. Antonio de Dominis (3), Justo Heinnigio Boemero (4), Basnagio (5), Febronio (6), Leydekero (7); atque aliis e sectis haereticorum. Atque hi quidem in hunc errorem delapsi sunt, propterea quod Romano Pontifici vel omnem adimunt Primatum tum ordinaris, et dignitatis, tum auctoritatis et jurisdictionis, vel ei tantum Primatum dignitatis contra catholicam veritatem concedendum putant, Plures etiam Catholici, quamvis in Summo Pontifice tum dignitatis, tum jurisdictionis Primatum inesse fateantur, tamen ad eum referendum negant jns appellationum, sed tantum a Sardicensi Concilio attributum putant.

Tom. III.

H h

Atque hæc sententia est Petri de Marca (8), Stéphani Baluzii (9), Joannis Gerbaisii (10), atque ut ceteros mittam, Paschasios Quesnellus (11) omni opera, ac studio sententiam hanc tueri conatus est. Quinimo in Sardicensi Concilio ne acutum quidem hi putant de vera appellatione, sed tantum de *revisio-
ne*, quæ ab illa valde distat; quoniam appellatio integram transfert causæ cognitionem ad iudicem superiorem, qui rem totam cognoscit, eamque sententia definit. At revisio definitivum iudicium relinquit priori iudici ea tamen ratione, modoque, ut prioribus iudiciis novi adjungantur. Quod verba ipsa Synodi videntur ostendere, quæ vocabulis *provocandi*, et *ap-
pellandi* minus proprie utitur, quod retractatio vicem agat appellationis. Sed ius ipsum appellationum, quod in Primatu hæret, solide copioseque tinentur Baronius (12), Bellarminus (13), Franciscus de Simeonibus (14), Natalis Alexander (15), Christianus Lupus (16), Bianchini (17), Archiepiscopus Senonensis (18), David (19), Gerardus Casteel (20), Fratres Ballerini (21), Mamachi (22), Zacaria (23), Gerbonius (24), Benedictus XIV. (25), aliique complures (26).

(1) Confer epistolam Julii I. ad Eusebian: apud Constantium *epist. Romi Pontific.* col. 353. *seqq.*, et epistolam Eusebianorum datam ex Philippolitano conventiculo apud Hilarium *ex oper. histor. fragm.* 3. col. 647. *seqq.* tom. 2. edit. Feron. 1730. præterea Sozomenum *histor. eccles. lib. 3. cap. 7. pag. 93.*

(2) Calvinus *Instit. lib. 4. cap. 7.*

(3) Marcus Antonius de Dominis *de Republ. Christian. lib. 1. cap. 3.*

(4) Bohemerus *de causis arduis et major.*

(5) Basnagius *Annul. politic. Eccles. ad an. 347. num. 11. seqq.*

(6) Febronius *de stat. Eccles. cap. 5: §. 6. num. 2.*

(7) Leydekerus *dissert. de libert. Eccles. African., et transmarinis appellat.*

(8) Petrus de Marca *Concord. Sacerdot., et Imper. lib. 7. cap. 1: seqq.*

(9) Baluzius *præfat. ad Gratiani decret. ab Anton. Augustino emendat. num. 3. seqq.*

(10) Gerbaisius *de caus. major.*

(11) Quesnellus *dissert. 5. seu apolog. pro S. Hilario in edit. opp. S. Leonis.*

(12) Baronius *ad an. 347. num. 52. tom. 4. pag. 440. ibique Pagius in not. num. 6. seqq. pag. 438. seqq., et ad an. 419. num. 75. tom. 7. pag. 179. edit. Lucæ.*

(13) Bellarminus *de Rom. Pontif. lib. 2. cap. 21. seqq. opp. tom. 1. pag. 330. seqq. edit. Venet. 1731.*

(14) Franciscus de Simeonibus *de judiciar. Sum. Pontif. potest. lib. 2. cap. 20.*

- (17) Natalis Alexander *Histor. Eccles. dissert. 28. in saecul. 4. tom. 4. pag. 462. seqq.*
 (16) Christianus Lupus *peculiari opere de Roman. appellat. opp. tom. 8. edit. Fretet. 1724.*
 (17) Bianchius della *potestà e polizia della Chiesa lib. 3. cap. 5. §. 15. tom. 5. par. 1. pag. 223. seqq.*
 (18) Archiepiscopus Senonensis *Instructioni Pastorale contenant une troisieme Lettre à un Conseiller du Parlement de Paris an. 1753.*
 (19) David *des jugemens canoniq. chap. 8. art. 1. pag. 445. edit. Paris. 1671.*
 (20) Castrol *Controv. histor. eccles. contr. 31.*
 (21) Ballerini in *ed. 1. opp. S. Leonis M. observat. ad dissert. 5. Quenelli tom. 2. col. 327. seqq.*
 (22) Manschius *ut Auct. op. quid est Papa? ep. 3. tom. 1. pag. 234. seqq.*
 (23) Zaccaria *Anti-Febron. tom. 3. lib. 3. per tot., et in Anti-Febron. vindic. tom. 3. dissert. 7. cap. 5., et in collectione disertat. Romae ed. varum tom. 16. dissert. 1.*
 (24) Carbonius *de jur. et leg. disciplin. lib. 22. cap. 2. seqq. tom. 3. pag. 205. seqq.*
 (25) Benedictus XIV. *de Synod. dioeces. lib. 4. cap. 5. num. 2.*
 (26) Inter eos, qui de appellatimibus ad Summum Pontificem gravior, ac solide scripserunt, omnitendus non est Auctor dissertationis Romae editae an. 1768. de appellatimibus, itemque Auctor libri. *Quis est Petrus? seu qualis Petri Primatus? par. 3. corollar. 4. pag. 248. seqq.*

§. VIII. Haeretici, et Schismatici, uti dicebamus, pugnant contra jus appellationem, quia Primatum negant Summi Pontificis; vero jus hoc firmissimum esse Principatus argumentum fatetur Galvius *loc. cit.* his verbis: „ summum imperium penes eum esse constat, ad cujus Tribunal provocatur. „ Nos de his hominibus hoc loco non agimus, quoniam catholicam veritatem de Primatu Romani Pontificis, etque non tantum ordinis, et dignitatis, sed etiam jurisdictionis, et potestatis periti rerum Theologicarum viri copiosissime, atque apertissime demonstrant. Omnis igitur disputatio sit contra eos, qui se Catholicos profitentur, et tamen jus appellationum in discrimen revocant, neque illud in Primatu insitum, sed datum canonibus Conciliorum, ac de po primum in Concilio Sardicensi actum fuisse arbitrantur. Quae io re duo sunt aut cetera observanda. Primum est, aliud esse de iure generatim quaerere, num scilicet aliquis jus certum habeat, et aliud de ipsius juris usu disputare; num scilicet expediat jus illud semper exercere; cum aliud interdum videatur suadere praesens temporum, ac rerum ratio (1).

Alterum est, quod ecclesiastica jurisdictio triplici ex capite statui potest; nimirum ex consuetudine, et Jure Canonico, et Ecclesiastico, atque ex jure Divino. Consuetudinem dicimus, non quod ea per se jus aliquod tribuat, sed quia vel aliquem sibi sumit titulum ecclesiastici, aut divini juris, vel quod eam nullus initio titulus est, cursu temporis acquisita ostenditur jurisdictio sive ex consensu eorum, quorum interest, sive ipso juris perscripto, ut in praescriptionibus evenire constat. Hinc antiqua consuetudo pro jure Alexandrini Episcopi in Aegyptum, Lybiam, et Pentapolim laudatur canone 6. Concilii Nicaeni, eodemque modo Antiocheni, et ceterorum Episcoporum jura constituuntur. Canonico, vel ecclesiastico jure statuitur jurisdictio, cum Ecclesiae legibus eam alicui concessam fuisse constat, nisi ab alio fortiori jure abrogata sit, vel e medio sublata per contrariam consuetudinem, et praescriptionem. Denique ex jure Divino oritur jurisdictio, cum eadem ab ipso Deo immediate data est, etque nec contraria consuetudine tolli potest, neque ullo humano jure abrogari. Solum si huic jurisditioni nullus a jure Divino praefinitus est modus, potest ejus usus vel ecclesiastica lege, vel consuetudine certis coerceri finibus recti ordinis, et publicae utilitatis causa. Quod duabus ex causis fieri potest, primum ex voluntate ejus, qui cum potitur jure nullis finibus divinitus circumscripto, tamen ob bonum publicum ei certum modum expresse, vel tacite imponit. Atque ea quidem ratione Summi Pontifices consentire potuerunt de contriendis suis, vel Decessorum suorum decretis; usn scilicet et exercitio juris illius, quod nullis terminis finierat Deus. Ita Episcopalem jurisdictionem, licet ea in genere Divini juris sit, Pontifices, et generalia Concilia arctare potuisse exploratum est, eandemque quoad usum, et exercitum Romano Pontifici subjectam esse ipsi etiam Gallicani Scriptores confitentur (1). Ut autem in aliquo jurisdictionem inesse pateat, satis est unum, aut alterum eorum, quae commemoravi, demonstrare, contra eam abesse constat, eam nullum ex iis praesto esse certum est.

(1) Recte Natalis Alexander *Histor. Eccles. diser.* 20. in *suac.* IV. *prop.* 1. *tom.* 4. *pag.* 410. „ Aliud est, inquit, jure aliquo semper non uti; aliud „ jus illud non habere: in quo viri alioquin eruditi allucinati sunt, qui sub- „ stantiam juris a perpetuo, et non interrupto ejus usu non distinguunt. „

(2) Joannes Gersonius *de statib. eccles. consider. 2. opp. tom. 2. pag. 532. edit. Antwerpiae 1706.* = Status praelationis Episcopalis, inquit, habuit in Apostolis, et in successoribus eorum, vel exercitium auae potestatis sub Papa Petro, et successoribus ejus, usquam sub habente, vel habentibus plenitudinem fontalem Episcopalis auctoritatis. Unde et quoad talia minores Praelati, scilicet Curati, subiungunt Episcopis, a quibus usus auae potestatis quandoque limatur, vel areatur; et sic a Papa posse fieri circa Praelatos majores ex certis, et rationabilibus causis, non est ambigendum. = Et *dialog. de potest. legum. et solvend. eod. tom. 2. pag. 399.* = Cujus potestatis (jurisdictionis) plenitudo residet, inquit, penes summum Pontificem, et est in ipso tota potestative: ceteris vero per partes derivatur juxta determinationem legitimam, istius fontalis, et primae potestatis = nimirum ejusdem Summi Pontificis: cujus rei consequens esse inquit, eum posse prohibere Praelatis absolvere a quibusdam casibus, quod est recte solvendi facultatem. Clerus Gallianus in Conciliis extraordinariis diei 8. Maii de Episcopali disseniens potestate a Christo instituta ait: = At Jesus Christus ipse sua institutione limites praescripsit hanc potestati, quam subiecit Sedi Petri, in qua posuit plenitudinem Apostolicae potestatis.

§. IX. Divino jure ex Christi institutione Romanum Pontificem habere jus appellationem, superiore loco demonstratum est. Quod sane jus non in eo tantum est positum, ut Pontifex appellationes accipiat postremo loco, postquam scilicet ad Metropolitam, deincepsque ad Patriarcham provocatum est, sed etiam ut priore loco, neglectis mediis judicibus, omnes, cum libet, controversias expediat. Quod ex iis, quae supra animadvertimus, manifestum est. Scilicet jure Divino unus Petri successor omnibus Episcopis superior est. Ergo unus inferiorum sententias confirmare, aut infirmare potest. Jus humanum cum Metropolis constituit, et Patriarchas, qui supra Episcopos essent, jus appellationum superioribus ab inferiorum judicio concessit; sed jus Divinum Romani Pontificis neque abrogavit, neque abrogare potuit. Ipse igitur nemini injuriam infert, sed suo utitur jure, si illico post sententiam Episcopi (quae prima est, ac potior Divini juris institutio) omisso Metropolitae, et Patriarcha, alicujus controversiae judicium ad se deferri velit. Lex civilis quamquam certum in appellationibus ordinem praescribat, tamen propter summi Principis potestatem ceteris superiorem eum statim appellari permittit (1); cur non idem statuendum de Romano Pontifice propter hanc ipsam in Ecclesia eminentem potestatem? Rursus Ecclesiae lex, quae sola Patriarchas Episcopis superiores esse jussit, eos appellandi facultatem dedit, omis-

so iudice, quem recta appellandi ratio medium interponebat (2). An quod ex lege ecclesiastica Patriarchis licet, non licebit Summo Pontifici, quem unam lex Divina Episcopis superiorem constituit, et cui lex Ecclesiae semper integram reliquit eam quoque potestatis partem, quam Patriarchis, et Metropolitibus communicare fecit? Neque vero a naturali aequitate alienum videri potest, quod mediis iudicibus omissis statim ad Summum Pontificem appellatio deferatur. Nam naturalis quidem aequitas appellationem praescribit, rectaque appellandi ratio est, ut illa ex inferiori fiat ad superiorem; sed neque naturalis aequitas, neque eadem recta appellandi methodus postulat, ut appellatio fiat ad iudicem, qui alterius potestati subjectus est. Qui postremo appellatur nemini obnoxius esse debet, ut in eo sit omnis controversiae finis, qui nullus esset, si omnis iudex alterius iudicio, et potestati subijceretur. Atqui cum statim appellatur qui summam habet auctoritatem, neque alteri subditus est, nullum vitium, et culpa committitur; potius controversia clerius expeditur per eum, in quo compleri, ad exitumque perducere totam negotium debet.

(1) Consulte Bynkershoek *observ. jur. Romani lib. 3. cap. 4. opp. tom. 2. pag. 18. edit. Lugdun. Batav. 1750.*, et Van Espenium *Jur. Eccles. univers. par. 3. tit. 10. cap. 2.*

(2) Confer quae scripsi in *Instit. Jur. Canon. lib. 1. tit. 3. §. 38. not. 1. pag. 209.*, et 210. *edit. Romae 1792.*

§. X. Fieri quidem interdum potest, ut non expediat omittere medios iudices, ac statim ire ad Sedem Apostolicam; quin etiam interdum locorum distantia, fraudis metus, rerum difficultas, periculum, ne satis recte noscantur, quae procul gesta sunt, facere possunt, ut non videatur ad summum Pontificem deferenda appellatio. Tunc autem ipse suo jure non utitur; sed non ideo quia peculiaribus de causis interdum non expedit Summum Pontificem suoque jure uti, exinde efficitur, ut ipse revera non habeat potestatem (1). Nam aliud est, uti diximus, jus non habere, et aliud longe diversum interdum aliquem non uti jure, quod habet; quia scilicet certae quaedam occurrunt causae, propter quas ipse sibi ab eodem usu temperandum judicat. Ex quo intelligimus, quomo-

hrent in provinciis quibusdam praesertim a Romana Urbe longe distantibus antiquo usu receptum fuerit, ut causae a finitimis Episcopis, vel pleniori concilio desiniantur. Nimirum cum perdifficile esset rem procul actam bene cognoscere, testesque cogere ad longam, et periculosum iter suscipiendum cum facile in magna locorum distantia falsi aliquid obrepere, aut aliquid veri occultari posset, cum longa cunctatio plena esset periculi, illa est inducta consuetudo, quae abrogare quidem non potuit jus Divinum Romani Pontificis, sed tamen ob bonum publicum videtur retinenda. Nam ipsa quidem mutatio consuetudinis, inquit Augustinus (2), etiam quae adjuvat utilitate, novitate perturbat. Idem dictum volo de canonibus, qui causas appellationem Episcoporum a Summo Pontifice per delegatos in provincia iudices, vel per Legatum ab eo missum cognoscendas innuunt. Nam id similiter referendum est ad illud, quod magis expedire videbatur; sed non ideo Pontificia potestas angustioribus circumscripta finibus, aut in discrimen revocata est.

(1) Hoc sane referendi sunt canones Sardicensis, quibus nihil detrahatur potestati Summi Pontificis; tantum id, quod magis congruum videbatur rationi temporum, ac locorum constituitur. Imo can. 4. Concilii Sardicensis tom. 2. Concil. col. 659. diserit memorantur causae Episcopales agendae in urbe Roma, et in iudicio Romani Episcopi determinandae. Simili modo S. Bernardus de considerat. lib. 3. cap. 4. opp. tom. 2. pag. 192. edit. Fenet. 1765. aliquas reprehendit exemptiones, quas non expediebat concedere propter mala, quae ex his oriebantur, ab iisque concedendis detererere conatur Eugenium III., sed non ideo negat Pontificis potestatem. » Sic facitendo, inquit, probatis vos habere plenitudinem potestatis, sed iustitiae forte non ita. Facitis hoc quia potestis; sed utrum et debeatis, quaestio est.

(2) S. Augustinus ep. 54. opp. tom. 2. col. 126. edit. Maurin. Fenet. 1729.

„ laico ordine ab Episcopis *per unamquamque provinciam*
 „ sententia regulari obtineant, ut hi, qui rejiciuntur, ab aliis
 „ non recipiantur. Requiritur autem, ne pusillanimitate, aut
 „ contentione, aut alio quolibet Episcopi vitio, videantur a
 „ congregatione seclusi. Ut hoc ergo decentius inquiratur,
 „ bene placuit, annis singulis per unamquamque provinciam
 „ bis in anno concilia celebrari, ut communiter omnibus simul
 „ Episcopis provinciae congregatis, discutiantur hujusmodi
 „ quaestiones; et sic qui suo peccaverint evidenter Episcopo,
 „ excommunicati rationabiliter ab omnibus aestimentur, usque-
 „ quo vel in communi, vel Episcopo placeat humaniorem pro
 „ talibus ferre sententiam. „ Canon hic, uti unicuique ejus
 verba legenti et intelligenti manifestum est, de laicis tantum
 agit, deque clericis ab Episcopo excommunicatis, sed de cau-
 sis Episcoporum nulla mentio, nullum indicium, aut con-
 jectura est. Imo vero apertissime excluduntur Episcopi, cano-
 nisque praescriptum cohibetur solum intra eos, qui *seu ex cle-*
ro, seu ex laico ordine per Episcopi regularem sententiam
 communione privati sunt. Si eadem praescriptio ad Episco-
 pos etiam pertineret, nonne facta fuisset expressa eorum men-
 tio, qui licet a clero sint, tamen propter eminentem eorum
 dignitatem expressam mentionem requirant? Adde, quod
 canon loquitur de excommunicato *a suo Episcopo*, et ideo
 provinciale concilium habendum praecipit *bis in anno*; ut
communiter omnibus simul provinciae Episcopis congrega-
tis discutiatur quaestio, num hic communione privatus fuerit
pusillanimitate, aut contentione, aut aliquo quolibet Episco-
pi vitio, et si constiterit, quod suo peccaverit evidenter *Epi-*
scopo, excommunicatus rationabiliter ab omnibus aestimetur.
 An de Episcopo dici potest, quod a suo Episcopo excommu-
 nicatus fuerit, an Episcopus alium Episcopum sibi minime
 subiectum excommunicandi habet potestatem?

§. II. Falso igitur de Marca, et Quesnellus ad Romanas
 appellationes flectunt, et detorqueant quod de ordinario ju-
 dicio contra clericum, aut laicum in unaquaque provincia
 exercendo statutum est, neque ex eo afficitur, ut facultas
 eripatur juris experiendi penes judicem superiorem. Imo ve-
 ro suo ipso facto Niceni Patres longe aliud ostendunt; nam
 uti narrat Athanasius (3). „ Petrus apud nos ante persecu-

tionem Episcopus in persecutione martyr occubuit. Hic Meletitium, qui Episcopus in Aegypto erat, plurimorum convictum scelerum, ac potissimum quod immolasset idolis, in communi Episcoporum synodo deposuit. Meletius vero neque ad aliam Synodum confugit, neque curavit apud posteros se purgare. . . Interim Meletio haec agente Ariana exorta est haeresis: sed in Nicaena Synodo ipsa quidem haeresis anathemate damnata, Arianique rejecti, Meletiani aliquo modo recepti sunt. „ Habes hic facultatem appellandi a Synodo provinciali, quoniam Meletius *ad aliam Synodum confugere* poterat, habes ejusdem concilii iudicium a Concilio Nicaeno emendatum, quoniam recepti sunt Meletiani, quos synodus provincialis rejecerat. Ergo Nicaeni Concilii Patres synodi provincialis sententiam superiori iudicio obnoxiam existimarunt. Quod egregie confirmat Julius I. (4), qui Nicaenorum Patrum mentem exploratam habere debuit; cumque literas dederit septemdecim annos post Nicaenam synodum, et vero dederit ad Eusebianos, neque rem minus notam proponere, neque cavillari potuit. „ Inquit autem Julius Episcopi in magna synodo Nicaena congregati, non citra Dei consilium, prioris synodi acta in alia synodo disquiri permiserunt, ut qui iudicarent prae oculis habentes secundum futurum esse iudicium, cum omni cantela rem expenderent, et qui iudicarentur crederent, se non ex priorum iudicium odio, et inimicitia, sed ex aequitatis praescripto iudicatos. „ Quod si Nicaenis Patribus nunquam ea mens fuit, ut a provinciae synodo appellatio non permetteretur, multo minus ipsi decernere potuerunt, ne qui ad Apostolicam Sedem provocaret. Quanta enim reverentia Nicaeni Patres Romanam Sedem prosequuti fuerint, ignorat nemo, ejusque synodi, ut inquit Bonifacius I. (5) „ non aliud praecepta testantur; adeo ut non aliquid super eam ausa sit constituere, cum videret nihil supra meritum suum posse conferri; omnia denique huic noverat Domini sermone concessa. „ Quae eadem sententia fuit Patribus Concilii Romani habiti Felice III. Pontifice (6), quorum haec verba sunt „ Domino ad B. Petrum dicente: tu es Petrus, et super hanc petram aedificabo Ecclesiam meam etc. Quam vocem sequentes tercenti decem et octo sancti Patres apud

„ Nicaeam congregati confirmationem rerum; atque auctorita-
 „ tem S. Romanae Ecclesiae detulerunt; quam utramque us-
 „ que ad aetatem nostram successiones omnes, Christi gra-
 „ tia praestante, custodiunt. „ Vera haec Nicaenorum Pa-
 „ trum sententia est; et certe Sardicenses Patres, qui appella-
 „ tiones ad Sedem Apostolicam confirmarunt, magna ex parte
 Concilio Nicaeo interfuerant, et ideo credibile non est, eos
 tam sibi ipsis repugnantes esse potuisse, ut Sardicae proba-
 rent quod antea Nicaeae improbaverant (7).

(1) Petrus de Marca *Concord. Sacerdot. et Imper.* lib. 7. cap. 2. pag. 383. edit. Roboret. sen Venet. 1763.

(2) Berregius *Pandect. Canon. in can. 4. Sardicens.* tom. 2. pag. 199. edit. Oxonii 1672.

(3) Athanasius *apolog. contr. Arian.* tom. 4. opp. pag. 140. num. 59. edit. Patav. 1777.

(4) Julius I. *epist. ad Eusebian.* apud Constantinum col. 355. num. 20.

(5) Bonifacius I. *ep. 14. col. 1037. ibid.*

(6) Concilium Romanum II. tom. 5. *Concil. col. 243. collect. Labbaci.*

(7) Confer David *des jugemens canoniq. des Evêques chap. 1. art. 2. pag. 20. segg. edit. Paris. 1671.*

§. III. Quod attinet ad canonem 15. Concilii Antiocheni, ejus sane verba sunt haec : „ Si quis Episcopus de certis cri-
 „ minibus accensatus condemnatur ab omnibus Episcopis pro-
 „ vinciae, cunctique consonanter eandem contra eum formam
 „ decreti protulerint, hunc apud alios nullo modo judicari,
 „ sed firmam concordantium Episcoporum provinciae ma-
 „ nere sententiam „ (1). Sunt qui Antiochenos canones ab
 Arianis editos fuisse existimant, eaque de causa ab Innocen-
 tio I. (2) improbari; atque haec sententia est Baronii (3),
 et aliorum, qui eosdem canones adscribendos putant Antio-
 chensae synodo, quae contra Athanasium habita est anno 341.
 occasione Eusebiorum Ecclesiae Antiochenae, quam Constan-
 tinus aedificare caeperat. Sed quoniam hanc sententiam copiose refutat Schelestrates (4), qui catholicam fuisse ostendit
 synodum Antiochenam, unde illi canones prodierunt;
 idemque sentiunt Tillemontius (5), Fratres Ballerini (6),
 Ceillierus (7), alia est inveniunda via, ut omnis obex Antioche-
 ni canonis amoveatur. Scilicet eo canone neque omnium, ne-
 que ad omnes universe prohibentur appellationes. Vetatur tan-
 tum appellatio ejus, qui condemnatus fuerat consensu omni-

num Episcoporum provinciae; qui cuncti consonanter eandem contra eum formam decreti protulerint; hic quidem apud alios ejusdem, aut vicinae provinciae Episcopos denno judicandus non est, quoniam concordantium Episcoporum provinciae manere debet sententia. Superiori canone 14. concessa fuerat appellatio, cum judicatus ab aliis innocens creditur, reus ab aliis existimatur, hoc est cum discordes fuerant sententiae conprovincialium Episcoporum, et hinc sane appellatio conceditur. Duobus his canonibus constitutum est discrimen inter eum, qui cunctis provinciae Episcopis consentientibus damnatus fuerat, interque eum, qui multis dissentientibus passus fuerat iudicium adversarium sibi. Uterque appellare poterat; at ad quem, servato ordine, et methodo appellationum? Ad synodum provincialem, vocatis vicinae provinciae Episcopis. Itaque hoc num sibi voluerunt utroque illo canone Antiocheni Patres; ut ei, qui omnium consensu Episcoporum damnatus fuerat, appellandi ad synodum provincialem potestas denegaretur, concederetur autem ei, in cujus iudicio discordes fuerant sententiae Episcoporum. Uterque casus non agit de iudicio aut jam acto, aut rursus agendo intra illius provinciae fines; non de iudicio, quod, provinciali absoluto, a superiore ferendum erat. Quid igitur Antiochenum canoem 15. convertimus, et traducimus ad superiorem auctoritatem Concilii plenarii, aut Romani Pontificis, quorum nulla mentio, ac plane nullum indicium est, et quorum Antiocheni Patres ne volentes quidem potestatem imminuere, aut labefactare potuissent? Quod si adhuc hunc canonem, invita recta ratione, et veritate, ita interpretari quis velit; ut Episcopo omnium Episcoporum suae provinciae sententia damnato, cum se aliqua de causa damno, et injuria affectum sentit, omnis sit interdicta appellatio, aut iudicii renovatio, fateatur necesse est, eum hoc sensu neque a Latina, neque a Graeca Ecclesia umquam fuisse receptum; cum semper in Occidente, et Oriente usitatae fuerint appellationes, semperque vignerit auctoritas Sardicensium recentiorum canonum, qui dum integras reliquerunt appellationes, huic Antiochenum canoem emendarunt, simulque caverant, ut jus Sedis Apostolicae in appellationibus nihil caperet detrimenti. Non igitur ex Nicaeno, aut Antiocheno canone ullum educi argu-

mentum potest, ex quo efficiatur, tam firmum, et sanctum habitum fuisse iudicium synodorum provincialium, ut ab eo provocari non posset (7). Quod vero ait Petrus de Marca, id antea traditione fuisse receptum, falsissimum est, neque id ipse demonstrare potest; sed contra, quae occurrunt, vetera appellationum exempla, de quibus postea disseremus, longe aliud ostendunt.

(1) Concilium Antiochenum cap. 15. tom. 2. *Concil. Labbei* col. 601.

(2) Innocentius I. ep. 7. cap. 3. apud Constantium col. 799.

(3) Baronius ad an. 341. num. 1. seqq. tom. 4. pag. 360. seqq.

(4) Schelestrates *Sac. Antiochenum Concilium pro Arian. Conciliab. passum habitum nunc vero prim. auct. suae restit.*

(5) Tillemontius *Memoir. pour servir a l' Histoire Ecclesiast.* art. 24. tom. 6. pag. 321. edit. Venet. 1732.

(6) Ballerinii in S. Leonem *observat.* cap. 6. tom. 2. col. 943. et de *antiq. collect.* §. 2. pag. 25. tom. 3.

(7) Ceillierius *Histoire generale des auteurs sacrés* chap. 29. tom. 4. pag. 646. edit. Paris. 1733.

(8) Videndus Bernardus in *ius eccles. univers. dissert.* 2. cap. 1. tom. 1. pag. 33. seqq. edit. Venet. 1789.



CONCILIO CONSTANTINOPOLITANO , ET CHALCEDONENSI .

C A P U T I I I .

*In his duobus Conciliis minime agitur de
Romanis appellationibus.*

§. I.

Parvi momenti est canon 11. Concilii Constantinopolitani, et canon 6. Concilii Chalcedonensis, quos etiam contra Romanas appellationes asserri intelleximus; cum neuter eorum mentionem ullam faciat Romani Pontificis, ad eumque appellationes rejiciat. Sed illud accedit, quod neque Constantinopolitanos, neque Chalcedonenses canones Romana Ecclesia accepit; ac de illo quidem praeclarum extat testimonium S. Gregorii M. (1), qui ita scriptum reliquit: „ Romana Ecclesia canones synodi Constantinopolitanae hactenus non habet, nec accepit „. Imo neque alibi fuisse receptos, ostendunt exempla appellationum, de quibus inferiori loco disputabimus. Chalcedonenses quoque canones minime probavit S. Leo M., qui pluries in suis literis scribit, ab se acta ejus concilii fuisse approbata *in sola fidei causa*; neque certe in ejus scriptis ullus est locus, ex quo confici videatur posse, eum Chalcedonenses canones confirmasse (2). Ceteri Pontifices numquam eos canones ratos habuerunt, semperque obstiterunt praerogativis Episcopi Constantinopolitani, quae iis canonibus stabilitae fuerant (3). Adde quod iidem canones ad rem nostram nihil pertinent. Est enim canon 9. conceptus his verbis: „ Si quis clericus adversus clericum habet negotium, non deserat proprium Episcopum, et ad saecularia percurrat judicia, sed prius actio ventiletur apud Episco-

„ pum proprium, vel certe consilio ejusdem Episcopi, apud
 „ quos utraque partes voluerint iudicium obtinebant
 „ Quod si clericus habet causam adversus Episcopum pro-
 „ prium, vel adversus alterum, apud synodum provinciae
 „ iudicetur. Quod si adversus ejusdem provinciæ Metro-
 „ politanum Episcopus, vel clericus habet querelam, petat aut
 „ Primatem diocesis, aut Sedem Regiæ Urbis Constantino-
 „ politanæ, et apud ipsam iudicetur. „ Canone autem 17.
 „ habentur hæc: „ Quod si quisquam a suo Metropolitano
 „ læditur, apud Primatem diocesis, aut S. Constantiopoliti-
 „ tanam Sedem iudicetur, sicut superius dictum est. „ Nulla
 „ hic appellationis ad Supremum iudicem mentio; imo si ita
 „ nonus ille canon explicetur, ut Orientalibus liceat apud Episco-
 „ pum Constantiopolitanum iudicium institui, relicto pro-
 „ prio Metropolita, multo magis licebit coram omnium Episco-
 „ porum Capite iudicium exercere. Sed non ita eum canonem
 „ intelligendum esse monet Christianus Lupus (4), cum: nullus
 „ umquam Constantinopolitanus Episcopus sibi huiusmodi pri-
 „ vilegium facto arrogaverit. Imo horum canonum, et Patriarcha-
 „ tus Constantinopolitani magnus vindex Justinianus in legibus
 „ Novellis ad Petrum officiorum Magistrum datis diserte statuit,
 „ coram proprio Patriarcha omnino ageudum esse adversus
 „ Metropolitanas, easque leges veluti accurate observatas suo
 „ Nomo-canoni inseruit Photius, consentiuntque Theodo-
 „ rus Balsamon, Joannes Zonaras, Matthæus Blastares, alii-
 „ que canonum Graeci interpretes, qui omnes affirmant, con-
 „ tractarum controversiarum iudicia ex uno ad alium Patriarcha-
 „ tum traduci non posse.

(1) S. Gregorius M. *lib. 7. ep. 34. opp. tom. 2. col. 882. edit. Pa-
 ris. 1705.*

(2) Confer Bartholum *Instit. Jur. canon. cap. 30. §. 9. pag. 233. seqq.*

(3) Videsis eundem Bartholum *loc. cit.*

(4) Christianus Lupus *in not. ad eund. canon. opp. tom. 2. pag. 78.,
 et cap. 4 loc. cit. pag. 129.*

§. II. Quid vero de illa dicemus perabsurda sententia Pe-
 tri de Marca, qui olim laicorum Principum fuisse affirmat
 præcipere, et mandare revisiones causarum Episcopaliū;
 et ideo Sardicenses canones potestate illa, quam in Romanos
 Pontifices contulerant, eosdem participes fecisse juris Angu-

stalis ? Contra hoc commentum gravissime, verissimeque invehitur Christianus Lupus (1). qui illud *numquam evomuisse* monet acerbiorum inimicum, atque hostem Sedis Apostolicae, non ipsum Nicomediensem Eusebium, non Photium, nec forsitan Michaellem Cerularium, multoque minus Remensem Hincmarum. Sed nos alio loco demonstravimus, nihil ad laicos Principes ecclesiastica negocia, et causas pertinere; ac bene idem Lupus Gallicano Scriptori de Marca opponit verba Ludovici Pii, qui in capitularibus Regum Francorum. (2) ita loquitur „Placuit, ut accusatus, vel iudicatus a comprovincialibus in aliqua causa Episcopis licenter appellet, et adeat „Romanae Ecclesiae Pontificem, qui aut per se, aut per suos „vicarios retractari ejus negotium procuret; Et dum iterato „iudicio Pontifex causam suam agit, nullus alius in ejus loco „ponatur, aut ordinetur Episcopus; quoniam quamquam „comprovincialibus Episcopis accusati Pontificis causam scrutari liceat, non tamen definire inconsulto Romano Pontifice „permissum est, cum B. Petro Apostolo non ab alio, quam „ab ipso Domino dictum est: quaecumque ligaveris super „terram erunt ligata et in coelis, et quaecumque solveris super „terram erunt soluta et in coelis. „Et paulo post, „Ut „omnes Episcopi, qui in quibusdam gravioribus pulsantur, „vel criminantur causis, quoties necesse fuerit, libere Apostolicam appellent Sedem, atque ad eam, quasi ad matrem, „confugiant, et ab ea, sicut semper fuit, praefulciantur, defendantur, et liberentur. Cujus dispositioni omnes majores „ecclesiasticas causas, et Episcoporum judicia antiqua Apostolorum, eorumque successorum, atque canonum auctoritas reservavit. Quoniam culpantur Episcopi, qui aliter erga fratres egerint, quam ejusdem Sedis Papae fieri placuerit; canonibus quippe jubentibus, in talibus absque Romano nihil decerni Pontifice, nec ad synodum Episcopum convocari debere, et quidquid ex his, ea inconsulta praesumptum fuerit, viribus carere. „Afferit etiam Lupus contra de Marca aliquam saltem in ecclesiasticis judiciis adscribentem auctoritatem laicis Principibus illud S. Athanasii (3) de Imperatore Constantio: „Quis enim videns illum iis, qui „Episcopi putantur, praefici, in ecclesiasticisque judiciis praesidere, non merito dicat, illam esse eam ipsam abominam-

tionem desolationis, quae a Daniele praedicta est? Nam cum amicus sit Cristianismo, et in loca sancta penetret, et ubi consistens devastet Ecclesias abrogans canones, et vi agens, ut sua obtineant decreta, quis unquam audebit dicere, hoc tempus Christianis pacatum esse, non potius persecutionem? Et talem persecutionem, qualis nec antea fuerit, et qualem fortasse nemo unquam fecerit, nisi filius ille iniquitatis? His vimirum verbis agebatur Athanasius, cum Eusebiani sibi adversariam sentientes Mediolanensem synodum, quam postulaverant, aliud de Athanasio iudicium in palatio habendum curarent. Neque mirum, falsissimam illam sententiam literis consignasse Petrum de Marca, qui suos illos scripsit de concordia Sacerdotii, et Imperii libros, cum Praeses esset Curiae Parlamenti, velletque videri non valde inimicus Ecclesiae, revera tamen extollere velle laicam potestatem. Neque illud minus vere, et recte eadem de re scribit Lupus (4).

„Tertius error est, quod damnatis Episcopis, aut clericis olim nullum suppeteret remedium, nisi refugium ad rescripta Principum. Etenim usque ad M. Constantium Principes erant Gentiles, professi hostes Ecclesiae, ac persecutores res Episcopaliū synodorum. Quis tum ad ipsos accedere poterat ad postulandam maiorem synodum? Quis unquam accessit? Nullum suppetit exemplum, nisi forsitam facinorosi Pauli Samosatensis? (5) „ Neque vero de Marca sententiam suam confirmare potest exemplo Donatistarum, quos ad Constantinum Imperatorem confugisse tradit Optatus Milevitanus. Quis enim mirabitur, facinorosos, et schismaticos homines abnormem hanc appellandi methodum adhibuisse, ut a laico Principe extorquerent, quod Ecclesiae iudicio sese consequi posse diffidebant? Verum Constantinus negotium hoc ad se pertinere negavit, illosque misit ad Melchiadem Pontificem; rogavit tamen, ut etiam Gallicani Episcopi iudices adjuungerentur, ut Donatistis gratiae aliquid tribuere videretur. Atque hoc ipsum Donatistarum factum memorat Augustinus (6), qui Concilio non ad Principem deferri, neque ab eo iudices postulari, sed transmarinos implorari Antistites, hoc est Romanum Pontificem, debuisse animadvertit. Itaque de Marca nullum proferre potest idoneum monumentum, ut effi-

ciat, ante synodum Sardicensi Clericos; et Episcopos post ecclesiastica iudicia a Principum rescriptis opem, et praesidium obtinuisse. Fuere quidem postea sub Christianis Principibus Episcopatum causarum augustae delegationes; sed tantum ab Ecclesia approbatae sunt, quae sacris canonibus convenirent, neque de his loquitur de Marca, qui Sardicensi ipso concilio jus Principis imminutum, atque ad Summum Pontificem translatum contendit.

(1) Christianus Lupus de Roman. appellat. opp. tom. 8. pag. 98. cap. 26.

(2) Capitulari Ludovici Pii addit. IV. cap. 29. apud Baluzium Capitular. Reg. Francor. tom. 1. col. 604. edit. cit.

(3) Athanasius Histor. Arian. ad Monach. num. 77. opp. tom. 1. par. 1. pag. 308. edit. Patavii 1777.

(4) Lupus de Roman. appellat. opp. tom. 8. cap. 19. pag. 74.

(5) Rem narrat Eusebius Histor. Eccles. lib. 7. cap. 30. pag. 319. edit. cit. his verbis: „verum cum Paulus ex Episcopi domo ejus Ecclesiae propria exire nollet, Imperator Aurelianus ea de re rogatus sententiam, sanctissime, quid esset agendum, decrevi. Praecepit enim, domus Ecclesiae illis tribueretur, quibus Christiani Italiae, et Urbis Romae Episcopus per litteras tribuendam praescriberent. „

(6) Augustinus ep. 105. num. 8. opp. tom. col. 2. 299.

DE

CONCILIO SARDIGENSI

CAPUT IV.

Ab hoc Concilio repetenda non est origo Romanarum appellationum, neque in eo actum de simplici causae revisione. Ejus canones ab Orientalibus recepti. Sardicense Concilium OEcumenicum fuit. Sardicenses canones pro Nicaenis habiti.

S. I.

Jam igitur omnis sit disputatio de canonibus Concilii Sardicensis, ex quibus de Marca primam in iudiciis Episcoporum juris Pontificii originem repetendam putat. Id si verum esset quo jure Julius P. ad Eusebianos (1) scribere potuisset? „ Non solum Athanasius, et Marcellus Episcopi huc se contulerunt, ac secum injuste actum esse conquesti sunt, sed „ et plurimi alii Episcopi ex Thracia, Caelesyria, Phaenicia, „ Palaestina, et una Presbyteri non pauci, et alii quidem Alexandria, alii ex aliis partibus ad synodum huc coactam accesserunt, qui praeter alia, quae in medium protulerunt, „ conquesti sunt insuper, Ecclesias vim; injuriamque esse perpessas, ac in suis, aliisque Ecclesiis paria iis, quae Alexandriae gesta esse asseveraverunt non solum verbo, sed „ rebus ipsis. Ex Aegypto quoque, et Alexandria cum denuo supervenissent Presbyteri, literas secum attulere, quibus „ plurimorum Episcoporum querimonia continebatur, se, „ cum huc ad concilium pergerent, detentos fuisse, atque „ etiam nunc detineri. „ Ecce etiam ante Sardicensem synodum inferior clerus pari cum Episcopis jure Romam provocabat. Hujus autem appellationis exitum ipse Julius declarat (2), literis ad Eusebianos, et ad Clerum Alexandrinum. Si iudicium synodi provincialis tam firmiter, et sanctum esse debuis-

set, ut nonnisi rescripto Principis res iterum cognosci posset, haud illa certe Romana appellatio, praesertim obsistentibus Eusebians, probari potuisset. Nihil aptem refert; ita rectissime observant Fratres Ballerinii (3): „ si Athanasius appellationem proprie non interposuit, quando delata ad Romanam Sedem ejus condemnatione ab Eusebians Athanasii hostibus, ut Summum Pontificem praerocuperent, ille quoque suos legatos ad Pontificem misit, et Romam accitus ad judicium accurrit, et hoc judicium, in quo sententiam retulit, non primae, sed secundae cognitionis judicium fuit, anterioris retractatorium, et a tota Ecclesia approbatum. Non enim ipsa appellatio per sese displicet Petro de Marca, Quesnello, ceteris, eaque ab iis vehementer impugnatur, sed judicium secundae cognitionis, cui primae cognitionis judicium subjicitur. Quare si in causa Athanasii itum est ad Sedem Apostolicam, ut altero judicio primum emendaretur, quod revera emendatum est, neque synodi provincialis sententia causa finiebatur, neque Principis rescriptum unam erat perfugium, et praesidium eorum, qui priori judicio victi fuerant.

(1) Julius P. ep. ad Eusebiam. num. 18. col. 279. apud Constantium.

(2) Confer Julii epistolam ad Eusebiam, itemque ejusdem epistolam ad Clerum Alexandrinum apud Constantium col. 354. et 399., et epistolam Concilii Sardicensis ad Ecclesiam Alexandrinam tom. 2. Concil. eccl. lect. Labbaei col. 698. et Sozomenum Histori lib. 3. cap. 11. pag. 99. edit. Taurin. 1747.

(3) Frauges Ballerinii opp. S. Leonis tom. 2. cap. 5. num. 13. pag. 935.

§. II. Sed videndum est diligentius, quid Sardicensibus canonibus provisum, prospectumque fuerit. Sunt autem hi canonibus, qui ad rem nostram pertinent, apud Dionysium Exiguum canones III., IV., et VII., qui postremus in Graeco rectius est canon V. Canonis III. tantum postrema pars ad hunc locum referenda est, eaque idcirco in MSS. aliarum Latinarum collectionum separato numero describitur, atque his est concessa verba: „ Si aliquis Episcoporum judicatus fuerit in aliqua causa, et putat se bonam causam habere, ut iterum concilium (aliae collectiones, Latinae cum Graecis habent judicium) renovetur. Si vobis placet, S. Petri Apostoli memoriam honoremus, ut scribatur ab his, qui causam exa-

„ minarunt, *(aliae collectiones Latinae addunt, vel ab E-*
 „ *piscopis, qui in proxima provincia morantur)* Julio Ro-
 „ mano Episcopo; et si judicaverit, renovandum esse judi-
 „ cium; renovetur, et det iudices. Si autem probaverit talem
 „ causam esse, ut refricentur ea, quae acta sunt, quae decre-
 „ verit confirmata erunt. Si hoc omnibus placet; synodus re-
 „ spondit placet. Canon quartus. Gaudentius Episcopus
 „ dixit: addendum, si placet, hanc sententiae, quam ple-
 „ nam sanctitate protulisti, ut cum aliquis Episcopus deposi-
 „ tus fuerit in eorum Episcoporum iudicio, qui in vicinis lo-
 „ cis commorantur, et proclamaverit, agendum sibi nego-
 „ cium in Urbe Roma, alter Episcopus in ejus cathedra post
 „ appellationem ejus, qui videtur esse depositus, omnino
 „ non ordinetur, nisi causa fuerit in iudicio Episcopi Roma-
 „ ni determinata. Denique canon septimus, seu quintus ha-
 „ bet haec. Osius Episcopus dixit; placuit autem, ut si Epi-
 „ scopus a censuris fuerit, et judicaverint congregati Episcopi
 „ regionis ipsius, et de gradu suo deiecerint, si appel-
 „ laverit qui dejectus est, et confugerit ad Episcopum Roma-
 „ nae Ecclesiae, et voluerit se audiri, si justum putaverit, ut
 „ renovetur iudicium, vel discussionis examen, scribere his
 „ Episcopis dignetur, qui in finitima, et propinqua provin-
 „ cia sunt, ut ipsi diligenter omnia requirant, et juxta fidem
 „ veritatis definiant. Quod si is, qui rogat, causam suam ite-
 „ rum audiri, deprecatione sua moverit Episcopum Romanum;
 „ ut de latere suo Presbyterum mittat, erit in potestate Epi-
 „ scopi quid velit, et quid aestimet. Et si decreverit, mitten-
 „ dos esse, qui praesentes cum Episcopis iudicent, habentes
 „ ejus auctoritatem, a quo destinati sunt; erit in suo arbitrio.
 „ Si vero crediderit, Episcopus sufficere, ut negotio terminum
 „ imponant, faciet quod sapientissimo consilio suo judicave-
 „ rit. Notum est omnibus, hos canones conditos fuisse con-
 „ tra Eusebianos, qui condemnato S. Athanasio, ut ei spem
 „ omnem adimerent restitutionis, in Pseudo-synodo Antioche-
 „ na Gregorium successorem elegerant. Itaque Sardicensis Patres
 „ sicuti dederant synodicas literas, ut Athanasium innocentem,
 „ suaeque Sedi restitutum declararent, ita hos canones edidisse
 „ videntur, ut injustas querelas repellerent contra Julium Pon-
 „ tificem, quasi ipse Orientalium jura violasset, cum ipsius A-

thanasii, et aliorum Orientalium Episcoporum, qui Romanam Sedem appellaverant, causas post eorum depositionem iudicandas susceperat. Aiebant enim, uti constat ex Julii epistola ad eos data, atque ex ipsorum Pseudo-synodo Sardicensi, quod sicut Orientales suo iudicio non subiecerant causas ab Occidentalibus definitas, ita neque his, neque Summo Pontifici licebat de Orientalium negotiis aliquod ferre iudicium, eaque infirmare, atque convellere, quae eorum synodis decreta fuerant.

§. III. Jam igitur scrutemur verba, ac sententias canonum, quorum tertius his verbis: *Si aliquis Episcoporum iudicatus fuerit in aliqua causa*: sine dubio significat condemnationem, sive depositionem Episcopi, ut colligitur ex canone IV., in quo sermo est de Episcoporum depositione. Verba autem *addendum si placet. huic sententiae* perspicue demonstrant, hunc canonem ad superioris argumentum pertinere. Hinc Dionysius (1), damnati Episcopi mentionem facit „quod si damnatus appellaverit Romanum Pontificem etc. „ idemque Dionysius, et Auctor collectionis Quesnellianae, praeterea Ferrandus (2), eo loco rem sese existimant de appellatione ad Summum Pontificem, propterea quod ei res tota decernenda committitur. Verum si de propria, ac germana appellatione ageretur, eaque ad Sedem Apostolicam, profecto Osius in canone eandem diserte expressisset, uti expressit in canone VII. seu V.; neque ea de re decretum iteratum fuisset initio canonis VIII. Certe ipsa canonis III. verba manifestum faciunt, eum tantum spectare Episcopum, qui prima cognitione damnatus, ut fieri solebat, a suae provinciae Episcopis, novum postulabat iudicium „putans se bonam causam habere, ut iterum „concilium renovetur „ quod quidem iudicium, cum nulla interposita fuerat ad Sedem Apostolicam expressa appellatio, a finitimis Episcopis in concilio congregatis ferri consueverat. Antequam ergo id fieret, Episcopi, qui primum iudicium tulerant, juxta Dionysii versionem, vel etiam alii, qui in proxima provincia commorabantur, juxta alias Latinas collectiones, quique de Episcopi depositione iudicare debebant, ad Summum Pontificem ea de re scribere jubentur, ut si ipse iudicium renovandum putet, ejus causae iudices constituat; secus vero quae priori iudicio decreta fuerant, rara firma habent.

da sunt; atque hoc est, quod Osius ad honorandam memoriam S. Petri decerni postulavit, quodque Concilii Patres decreverunt. Nam ecclesiastica lege, uti patet ex Concilio Antiocheno I. (3), cautum erat, ut si in Episcopi condemnatione inter se non convenirent sententiae Episcoporum, novum a Metropolitano cum aliis quibusdam alterius provinciae Episcopis iudicium ageretur. Hanc legem Osius, ut *B. Petri memoriam honoraret*, temperandam putavit, eaque de causa voluit, ut hoc novum iudicium, quod hactenus sine venia Sedis Apostolicae fieri consueverat, in posterum fieret eadem consulta Sede, quae iudices daret, posteaquam renovandum esse decreverat.

(1) Dionysius in titulo can. 3. tom. 2. Concil. col. 672.

(2) Ferrandus Breviar. can. 59. tom. 1. thes. Meerman, p. 151.

(3) Concilium Antiochenum can. 14. tom. 2. Concil. col. 591.

§. IV. Nova res erat, atque insueta, quam Osius proponerebat, neque habebat legem ullam, quae id faciendum praescriberet, sed tantum suae in Apostolicam Sedem observantiae argumentum exhibebat; quod et a ceteris Patribus exhibendum cupiebat, idcirco ea formula usus est: *si placet, honoremus memoriam B. Petri*, quasi dicere voluerit, is quoque honos mihi habendus videtur Sedi Apostolicae, ut ipsum secundum iudicium, quod agendum est, antequam ad illam postrema appellatio deferatur, nonnisi ea consulta fiat, ut ipsa videat, num ea res novo sit digna iudicio, iudicesque constituat. His porro verbis nulla omnino comprehensa est dubitatio de jure Sedis Apostolicae in appellationibus; tantum novus honos proponitur exhibendus memoriae B. Petri, ut post primum iudicium alterum non permittatur, nisi illud Sedes Apostolica de re omni certior facta permittendum iudicet. Quis autem ad eam ire debet huius novi iudicii causa? Res incerta, et obscura non esset, si eo canone de appellatione ageretur. Nemo enim ignorat, hanc esse interponendam ab eo, qui priori iudicio victus est. Verum in canone III. ne nnum quidem est verbum huius hominis, qui cum causa cecidisset, novum postulat iudicium, ut primum infirmetur. Iudices, qui causam examinarunt, jubentur scribere *Julio Romano Episcopo*, non ut ipse confirmet, aut in-

firmet priorem sententiam, in quo sedet vis tota appellationis, sed ut videat, num ob rei gravitatem, vel ob iniustitiam sententiae novi iudicii periculum sit faciendum. Re cognita, ubi alterum instituendum videtur iudicium, hoc minime agitur a Summo Pontifice, a quo agi deberet, si ad eum facta fuisset appellatio, sed tantum *dui iudices*, quod rectissime statutum est, ut alterum hoc iudicium accuratius, et facilius expediatur. Cum enim secundum Antiochenum canonem XIV. Metropolita ex propinqua provincia *alios evocare deberet Episcopos* iudicatus; melius profecto, et citius negotium confici poterat a Romano Pontifice, qui propter Primatum suum in omnes Ecclesiae provincias jurisdictionem habebat, quam a Metropolita, qui per se ipsum in Episcopos alienae provinciae nihil juris obtinebat. Verum eadem formula in reliquis canonibus, in quibus agitur de appellatione proprie dicta ad Summum Pontificem, minime usurpata est, cum Patres recte intelligerent, in iis comprehendi jus proprium Sedes Apostolicae, non merum honorem alias non necessarium. Mirum est, Quesnellum putare, verba illa *si vobis placet* esse trepidantium, et dubitantium; cum formula sit communis decernentium, ut ex innumeris ecclesiasticis monumentis, atque etiam ex ethnicis apud Brissonium compertum est.

§. V. Veram appellationem ad Sedem Apostolicam, non petitionem novi iudicii, continet duo, qui sequuntur, canones, nimirum IV. et V. sive VII., et hinc postremum hunc canonem, non III. laudavit Zosimus (1), ut ostenderet, propriam, ac veram appellationem a Sardicensi Concilio fuisse confirmatam. In his duobus canonibus non agitur de novo aliquo honore exhibendo, per quem *honoretur memoria B. Petri*, sed agitur de jure Sedis Apostolicae, eoque jam omnibus comperto, ac longo usu probato. Itaque hoc jus non constituitur, sed jam constitutum ponitur, modus datur, quo post interpositam appellationem iudicium in provincia exercendum est, si Romanus Pontifex illud Romae agere per se ipsum nolit. Canon IV. pertinet ad Episcopum, qui duo pertulerat sibi adversaria iudicia, alterum Episcoporum provinciae, alterum finitimorum, quos Romanus Pontifex iudices dederat, uti decretum fuerat canone superiori,

Quid reliquum erat huic Episcopo, ut post duo judicia tertium fieret? Una videlicet ad Sedem Apostolicam appellatio restabat, et hoc appellationis iudicium duobus modis fieri poterat, primo si Pontifex per se ipsum causam noscere hominæ vellet, altero, si eam aliis iudicibus committeret. Primus, ille modus nullo indigebat praescriptio unius, alteriusve methodi: at modus alter, in quo non una poterat adhibere methodus, explicandus erat accuratius, ut omnis in posterum ea de re disputandi locus removeretur. Itaque in canone IV. si Episcopus duobus judiciis depositus *proclamaveri agendum sibi negotium in Urbe Roma*, nihil aliud derernitur, nisi ut vis priorum iudiciorum, uti fert natura appellationis, suspensa sit, neque alius ordinetur Episcopus, *nisi causa fuerit in iudicio Episcopi Romani determinata*. Quod sancitum est contra Eusebianos, qui, cum adhuc penderet Athanasii iudicium, ei Gregorium surrogaverant. Quod si Pontifex malit aliis negotium committere, quam per sese Romae cognoscere, id fieri potest duobus modis, primum, si *ipse scribere his Episcopi dignetur, qui in finitima, et propinqua provincia sunt*, ut causam noscant, atque definiant; deinde si totius negotii expediendi causa *de latere suo Presbyterum mittat*, aut plures etiam Presbyteros, *qui praesentes cum Episcopis judicent*. Uterque modus *delegationem* continet, hanc quidem rariorem, et difficiliorem, illam autem magis obviam, et expeditam; integrum tamen est Summo Pontifici alterutrum ex propositis modis suo lubitu eligere, sive, ut in canone scriptum est; *erit in potestate Episcopi Romani, quid velit, et quid aestimet*: quod paulo mutatis verbis his, ac tertio repetitur, ut nulla prorsus de hac potestate, et arbitrio dubitatio esse possit. Tres hi canones, quos exposuimus, omnes pertinent ad Summum Pontificem, sed inter eos hoc discrimen est; quod tertius jus novum constituit, ideoque Osius Patres rogat, ut *honoretur memoria B. Petri* (2), neque in posterum post primum iudicium alterum fiat, nisi Romanus Pontifex faciendum decreverit, secus ac antiqua lex, et consuetudo praescribebat; contra vero canones quartus, et quintus confirmant jus constitutum, ideoque Osius non postulat a Patribus, ut jus appellationum constituent, sed illud firmum, certumque habet, eoque posito proponit modum, quo post

appellationem iudicium exerceatur. Re non antea constituta, probata, recepta, nonne ridiculum fuisset rei tractandae modum constitinere? Neque in hoc solum, quod hi tres canones omnes ad Summum Pontificem referuntur, sed in eo etiam, quod omnes depositum Episcopum respiciunt, eorum nexus, et conjunctio est. Canon tertius pertinet ad Episcopum uno tantum iudicio depositum, reliqui duo canones ad Episcopum depositum duobus iudiciis, nimirum Episcoporum provinciae, et Episcoporum provinciae finitimae, quos Summus Pontifex secundum superiores canones iudices dederat; et hanc conjunctionem evidenter ostendunt verba canonis IV., *addendum, si placet, huic sententiae, quam plenam sanctitate protulisti etc.*; unde patet, hunc canonem additamentum esse, atque appendicem superioris. Addendum scilicet, ut si Episcopi depositio ab Episcopis provinciae primo iudicio decreta confirmata fuerit secundo iudicio Episcoporum, qui in vicinis locis commorantur, quamquam utraque sententia concors, et consentiens fuerit, tamen depositio vim, et exitum habere non debeat: cum Episcopus Romanam Sederi appellavit.

(1) *Zosimus in Commemor.* quod an. 418. dedit Legatis apud Constantium col. 981.

(2) Rectissime observant Fratres Ballerini, eam formulam in hoc tantum canone usurpatam fuisse tom. 2. *opp. S. Leonis observ. in 1. par. dissert.* 5. *Quaesnelli num. 8. col. 947.*, quoniam hoc tantum canone novum jus Romano Pontifici tributum est.

§. VI. Hic sane verus est sensus Sardicensium canonum, quem ex Latina eorum lectione expressimus, quae hoc praesertim in canone eisdem non est tum in omnibus mss. Dionysii, tum in codicibus sex aliarum collectionum, quae licet in radice cum Dionysiana in canonibus Sardicensibus conveniant, a Dionysio tamen non prodeunt, nimirum Veronensis, Vaticana Reginae, Barberina, Lucensis, Quesnelliana, et Hispanica (1): ex quo vel maxime confirmatur, quod expresse affirmat Dionysius Exiguus (2), horum canonum authographum Latinum fuisse, cum interpretationes ex Graeco diversae originis tantam similitudinem conservare non possent, Hinc etiam congruit eorumdem canonum lectio cum lectione

duorum canonum, qui ex Romano archivo educti a Zosimo in Apiarii causa, et Fanstini Legati comminitorio inserti in Concilio Carthaginensi an. 419. lecti sunt (3). Non inficiamus, quod canonis IV. Lectio Graeca tam expresse non memorat appellationem, ac iudicium in Urbe exercendum, ut memorat discrete lectio Latina; verum canon Latine, non Graece conceptus fuit. Accedit quod res eadem non obscure in Graeco indicatur iis verbis, quibus nulla prorsus memorata nova aliorum iudicium delegatione, exigitur ipsius Romani Episcopi iudicium, ut causa finiatur „ Si quis Episcopus fuerit „ depositus iudicio Episcoporum, qui sunt in vicinitate, et „ dicat rursus sibi defensionis locum competere, non prius „ in cathedram ejus alius substituatur, nisi Romanus Episcopus cognoscens de hoc finem imposuerit. „ Profecto „ qui potest per iudices ab se delegatos, vel per Legatum causas cognoscere, eodem jure potest et per se illam definire; uno jus delegandi ampliorem continet jurisdictionem, quoniam is, qui delegat, illam per se ipsum exercere, et aliis tribuere potest. Ipsa sane Osii formula, qua canone VII. seu V. delegatio finitimorum Episcoporum, vel Legati missio proponitur per verba *scribere dignetur*, non legem Pontifici imposuit, sed faciliores, et expeditiores respicit modos cognoscendarum in provincia appellationum per Episcopos ab eodem Pontifice electos, neque hic prohibetur, ubi expedire videat, extra provinciam causas Romae, aut etiam alibi cognoscere. Ita Julius Romae Athanasii causam judicavit, quod probatum est Patribus Sardicensibus, qui etiam datis ad eundem Julium literis graviter reprehenderunt Eusebianos (4), quia conventi „ per Presbyteros tuos, et per epistolam ad „ synodum, quae futura erat in Urbe Roma, venire noluerunt. „ Et in epistola ad omnes ubique Catholicae Ecclesiae Episcopos (5). inquit, „ Accersiti (*Eusebiani*) a dilecto nostro Communiistro Julio iudicio non steterunt, et ex ipsius Julii literis manifesta illorum sycphantia apparuit; accessissent enim, si actorum suorum in comministros nostros fiduciam habuissent; fraudem tamen suam per ea, quae in hac sacratissima synodo gesserunt, longe manifestius declararunt. „ Nemo certe plus Patribus, qui Sardicenses canones condiderant, scire poterat, quid iis de-

cretum fuisset; atqui cum hi Eusebianos increpant, quod Romam vocati venire nolissent, manifestum faciunt, Romanum Pontificem eos Romam ad iudicium vocandi ius, et potestatem habuisse. Seens enim quinam fuisset eos reprehendendi locus? Neque secus Graeci ipsi Sardicenses canones intellexerunt, antequam in Photianum schisma delaberentur; nimirum Summo Pontifici integrum esse declararunt, sive per Legatos, sive per semetipsum causas judicare. Sic celeberrimus eorum interpretes Theodorus Prodromus, in opere, cui titulus *ἡ περὶ ἐκκλησιαστικῆς πολιτείας*, cuius in canones Sardicenses haec verba sunt, quae ex eodem opere mss. edidit Nicolaus Comnenus Papadopolus (5). „Semper et in omni „iudicio damnatis licet Romanum Episcopum appellare, atque „que eo iubente iterum judicari vel ab ipso, vel ab eius „Legatis. „

(1) Confer Fratres Ballerinos in 1. par. dissert. 5. Quesnelli num. 11. opp. S. Leonis M. tom. 2. col. 949.

(2) Dionysius in epist. ad Stephanum Salonitanum statuta quoque, inquit, Sardicensis concilii, atque Africani, quae Latine sunt edita. Concilia Labbaei tom. 1. col. 2.

(3) Consulto Fratres Ballerinos loc. cit., et in dissert. de collect. canon. opp. S. Leonis M. tom. 3. pag. 99.

(4) Concil. collect. Labbaei tom. 1. col. 690.

(5) Ibid. col. 699.

(6) Praemot. Mystag. pag. 367.

§. VII. Jamvero ex his canonibus Concilii Sardicensis quis non praejudicata opinione, sed tantum amore trahitur veritatis, facile intelligit, quam falso de Marca, et Quesnellus contendant, primam huic concilio deberi earum appellationum originem. Nam in duobus canonibus IV. et V., seu VII. ne unum quidem est verbum, ex quo vel coniectura quis duci ad suspicandum possit, novum aliquod ius fuisse constitutum. Non loquendi inodus, non verba, neque tacita voluntas Patrum argumento esse potest, quod Summo Pontifici tunc primum tributum fuerit ius accipiendarum appellationum, aut Episcopis earum interponendarum facultas; imo vero utrumque ponitur tamquam exploratum, et jam antea receptum, ac solum canone V. sive VII. designatur modus agendi iudicium appellationis, ita tamen ut Summo Pontifici in-

tegrum sit ea in re uti arbitrati suo. Canone autem IV. auctoritas coercetis eorum, qui pendente appellatione ad Sedem Apostolicam, quasi Episcopus omnino depositus fuisset, alium Episcopum eligere niterentur. Quod quidem in Ensebianis decretum est, qui Athanasii causa Romam delata in Pseudo-synodo Antiochena, uti diximus, Gregorium in ejus locum substituerant. Accedit, quod cum canone VII. declaratur, Apostolicos Delegatos, si a R. Pontifice missi judicent, *habere auctoritatem ejus, a quo destinati sunt*, jus in hujusmodi causis non a concilio tributum, sed proprium, et nativum Summi Pontificis ostenditur, ex vi scilicet Primatus, cujus causa ipse omnibus Occidentis, et Orientis Episcopis non tantum ordine, sed etiam jurisdictione praepositus est. Nec praetereundum, quod cum Valentinianus III. Imperator in epistola Chalcedonensi concilio inserta (1) asseruit, Flavium Constantinopolitanum Episcopum a Pseudo-synodi Ephesinae sententia Romanam Sedem appellasse *secundum solemnitatem*, seu ex Graeco *secundum solemnem usum conciliorum*, hujus rei originem non a Sardienensi concilio repetit, sed Primatui adscribit. Nam memorato eodem Primatu, ob quem Romanus Episcopus *locum habet, et facultatem de fide et Sacerdotibus judicare*, his utitur verbis: *Hoc enim (Primatus) gratia secundum solemnitate conciliorum, et Constantinopolitanus Episcopus eum (Romanum Antistitem) per libellos appellavit.*

(1) Exstat haec epistola inter Leoninae num. 55. opp. S. Leonis tom. I col. 96 edit. Ballerin.

§. VIII. Hactenus Petrus de Marca, quique in eodem Intro haesitat, Paschasius Quenellus omnem dederunt operam, ut tantum a Sardiensis concilio surerent Romanarum appellationum originem. Sed hoc dejecti praesidio sese alio vertunt, atque instant, et urgent, in eo concilio haud actam fuisse de appellationibus, sed tantum *revisionem* causae, de qua Episcopi judicium tulerant, Romano Pontifici fuisse concessam. Illud autem inter utramque discrimen constituunt, quod per appellationem cognitio deferretur ad judicem superiorem, qui *quaestionem*, ut ajant, *excutit, et definit in suo tribuna-*

li; at contra *revisio definitivum judicium relinquit priori jurisdictioni ea ratione*; ut prioribus judiciis novi adjudantur. Alia hæc fallaria est aut par, aut deterior superiore. Nam ad veram appellationem; qualis est, atque ab omnibus vocatur, Sardicensis canones sine dubio referendi sunt. Tertius quidem canon, uti diximus, ad eam non pertinet, tantum decernit, ut Romanus Pontifex, *si judicaverit renovandum esse judicium . . . det judices*. Sed veram appellationem manifestam faciunt reliqui duo canones IV. et V. sive VII. In illo decernitur, ut *si Episcopus fuerit depositus judicio Episcoporum, qui sunt in vicinia* (prima hæc est appellatio, quæ a judicio Episcoporum provinciae progreditur ad Episcopos vicinæ provinciae); ac tertium petierit judicium Episcopi Romani (quæ tertia, ac postrema appellatio est) *alter Episcopus in ejus cathedra post appellationem ejus qui videtur depositus esse, omnino non ordinetur, nisi causa fuerit in judicio Episcopi Romani determinata*. Habes hic judicium Episcoporum provinciae, quod est primum, et ordinarium; judicium alterum Episcoporum provinciae finitimæ, quod appellationis judicium est; tertium denique judicium Episcopi Romani, hoc est postremam appellationem per quam omnis controversiæ finis imponitur, et habes non tantum nomen, sed etiam vim, et effectum appellationis, quæ priora judicia suspendit, adeo ut alius Episcopus ordinari nequeat, *nisi causa fuerit in judicio Episcopi Romani determinata*. Hinc Episcopus, qui Summum Pontificem appellavit, non depositus dicitur, sed *qui videtur esse depositus*, quoniam ipse ante judicium Episcopi Romani revera depositus non est. Eodem spectant Canon V. seu VII., in quo agitur de appellatione ad Sedem Apostolicam tum post primum judicium Episcoporum provinciae, tum post alterum Episcoporum provinciae finitimæ. Primo obsoleto judicio si is, qui causa cecidit, *appellaverit, confugerit ad Episcopum Romanæ Ecclesiæ*, hic rogandus est, ut *scribere his Episcopis dignetur, qui in finitima, et propinqua provincia sunt*, ut ipsi causam definiant. Si tertium adhuc postuletur judicium, neque illud Romanus Pontifex agere per se ipsum velit, ejus est constituere judices *habentes ejus auctoritatem, a quo destinati sunt*. Quesnelli

error ex falsa opinione manavit Petri de Marca putantis Summum Pontificem per eos canones debuisse causam committere prioribus iudicibus, quibus et alii finitimarum provinciarum iudices, vel etiam Legatus adjungerentur; verum revisio, non vera appellatio est, cum novum iudicium etiam per priores iudices absolvendum est. At canon quintus, seu septimus sine ulla obscuritate verborum finitimos designat Episcopos, quo eodem sensu explicanda sunt verba canonis III. *det iudices*; verum de prioribus, iudicibus in novo iudicio adhibendis, ne levissimum quidem iudicium est. Quidquid igitur de prioribus iudicibus a novo iudicio non reinovendis, ac de priori jurisdictione retinenda dicitur, falsum est, verbisque canonum plane repugnans. Sed ea illud de retractatione in ipsa provincia decernenda commentum refellunt diserta verba canonis IV., et refellit interpret canonum tutissimus usus, et consuetudo, unde constant causas bene multas appellationum Romae actas fuisse; uti opportuniori loco demonstrabimus.

§. IX. At qui Apostolicam Sedem habere negant ipsam appellationum, non tantum Sardicenses canone pervertunt, sed eos etiam ab Orientalibus minime receptos fuisse contendunt. Quod ut conficiant, id Orientalibus certum, ac firmum fuisse asseverant, quod res in Oriente iudicatae nulli essent obnoxiae novo iudicio Occidentalium, idque colligunt ex Concilio Antiocheno, atque ex epistola Iulii Pontificis, quae id non videtur negare, ac tantum in Athanasii facto insistit. Verum illa non Orientalis Ecclesiae, sed Eusebianae factionis sententia est. Nam ab Eusebianis Antiochena illa synodus est habita, propterea nulla ejus fides, et auctoritas esse potest; ejus vera, ac germana epistola periit, falsaque est, quae in Isidori collectione describitur, uti a Joanne Harduino clarissime demonstratum est. Quin etiam haec eadem epistola ne illud quidem dicit, quod Adversarii volunt, sed solum postulant qui eam scribunt: „Quos a communione suspendimus, a vobis esse
 „ suspensos, et quos in ordine confirmamus Episcoporum, a
 „ vobis esse confirmandos, nec nos secundo loco habendos,
 „ cum ex his partibus ad vos usque dogmatizantes Apostoli
 „ pervenerint. Nec enim nos vestris resultavimus, quando hoc
 „ agere potuissemus, quando Novatianus a Romana pulsus

„ est Ecclesia Nec crimine carere potest, qui alterius ex-
 „ communicatum absque ejus licentia , a qua communione
 „ est privatus , in communionem susceperit , canonibus scilicet
 „ jubentibus , ut excommunicatus ab aliis non suscipiatur ,
 „ viventibus illis , a quibus communione privatus esse digno-
 „ scitur. Nec solum in his nobis contumeliam irrogatis , sed
 „ etiam in his , quod concilia nostra dissolvitis , neque ea rata
 „ sinitis esse. Sunt namque a nobis , et maxime a totius Ori-
 „ entis Episcopis damnati Athanasius etc. „ (1), Queruntur
 ergo quod statuta in Oriente infirmantur in Occidente , pro-
 pterea sibi injuriam inferri ajunt, quod quilibet Superior , aut
 Praeses facere posset, si Successor abrogaret , quae pridem
 ab alio in eodem munere fuerant constituta.

(1) Vide *epistolam Orientalium ad Julium tom. 2. Concil. Labbaei*
col. 502.

§. X. Zomenus (1), veram describit epistolam, seu potius
 summam epistolae, quam tamen et Eusebianis adscribendam
 monte. Postquam enim dixit , Athanasium , *cum adversaretur*
Arianis, fuisse ab iis depositum cum aliis Episcopi Catholicis ,
 ab Episcopo vero Romano *cum singulorum causas cognovisset*,
 in communionem receptos , addit haec „ Et quoniam
 „ propter Sedis dignitatem omnium cura ad ipsum spectabat ,
 „ suam cuique Ecclesiam restituit., praeterea scripsit Epi-
 scopis Orientalis eos reprehendens , quod non recte judicassent
 „ deditque mandatum , ut quidam illorum omnium nomine ad
 „ diem constitutum accederent, perspicue dedeclaraturi senten-
 „ tiam , quam de his tulerant , eamque , et justam esse. Quin
 „ etiam minatus est, se de reliquo non passurum, eos inultos
 „ esse , nisi novis rebus studere desistant. „ Cum hae literae
 ad ipsos essent perlatae Antiochiam convenerunt , scripserunt-
 que Julio Pontifici epistolam exquisita verborum elegantia , et
 oratorio more compositum , nec minarum expertem. Nam ait ,
 „ quamquam literis suis fatebantur , Ecclesiam Romanam pri-
 „ mas apud omnes ferre , quippe quae Apostolorum schola , et
 „ pietatis origo , ac metropolis esset , tamen indignati sunt ,
 „ se posteriori loco haberi , quod magnitudine Ecclesiae supe-
 „ rarentur , quippe qui virtute, et animi proposito essent lon-

„ *ge superiores.* Quin etiam criminis loco Julio obijciebant ,
 „ quod cum Athanasio , et reliquis cum eo Episcopis com-
 „ municasset. „ Quod aegre ferebant propter abrogatam cum
 summa injuria eorum sententiam, idque facinus tanquam ini-
 quum , et legi ecclesiasticae adversarium accusabant. „ His
 „ de causis , *inquit ipse Sozomenus* , cum ad hunc modum
 „ criminati essent , et sibi factam injuriam testati Julio pa-
 „ cem , et communionem pollicebantur , si depositionem eo-
 „ rum, qui ab ipsis fuerant expulsi, et ordinationem illorum,
 „ qui in priorum locum substituti fuerant , admittere voluis-
 „ set. Si vero decretis ipsorum resisteret , contraria denun-
 „ tiabant. Nam et Episcopos Orientis , qui ipsos aetate anteces-
 „ sissent , nentiquam contradixisse affirmabant , tunc cum
 „ Novatianus Ecclesia Romana ejectus est. „ Summa haec est
 epistolae , quam tradidit Sozomenus , et qua idem continetur,
 quod falsa , quae hinc expressa videtur.

(1) Sozomenus *Hist. Eccles. lib. 3. cap. 8. pag. 95. edit. Taurin.*

§. XI. Hic epistolae rescripsit Julius alia epistola data ad
 Danos, sive Diogninum , qui etiam Diognitus appellatur, fuit-
 que post Eusebium Arianæ factionis præcipuus fautor, atque
 patronus (1). In ea Pontifex queritur , quod illæ Arianorum
 literæ pleuæ essent contumeliae, et contentionis, quodque in
 iis adhibita esset eloquentia, quam non adhibere oportebat.
 „ In rebus enim , *inquit*, ecclesiasticis non ostentatio eloquen-
 „ tiæ quaerenda est, sed canones Apostolici. „ Deinde osten-
 dit, vetustam esse Ecclesiae consuetudinem, ut quae in aliqua
 synodo decreta sunt, in alia quoque examinentur, idque
 etiam a Nicaeno concilio statutum ait (quod quo sensu in-
 telligendum sit, ostendimus, atque hic ipse de Marca „ al-
 „ ludit , *inquit*, ad synodum Alexandrinam , cui C. Episco-
 „ pi interfuerunt, in qui damnatus fuit Arius , cujus causa
 „ de integro jussa fuit in Concilio Nicaeno „) ideoque eis
 indignum videri non debet, ut quae ab illis decreta fuerunt
 postea novo judicio subiciantur, praesertim cum eorum Le-
 gati synodum postulassent. Deinde pergit ad demonstrandum
 ipsos potius synodo injuriam intulisse, propterea quod da-
 mnatos a Nicaena synodo receperant, et concludit : „ ergo ,

Tom. III.

M m

„ dilectissimi , oportuit vos hinc accedere , et non abnuere , et
 „ negotium ad finem deducere ; id enim ratio postulat. „
 Tum inanes refellit excusationes , quas attulerant ; ne ad
 synodum venire cogerentur , propter angustias , rationesque
 temporis , et statum rerum Orientalium. Transit ad demon-
 strandam aequitatem sententiae ab se latae pro Athanasio ,
 quod ipse eam dederat ex consilio aliorum Episcoporum , ex
 fide idoneorum testium , ex iniquitate rerum gestarum in
 Mareotide , ubi eorum perverse facta improbantur , disserit
 de Marcelli fide , eique licuisse negat siue consensu Romani
 Pontificis gradu movere Alexandrinum Antistitem , ubi illud
 praeclarum , quod supra descripsimus. „ An ignoratis , hanc
 „ esse consuetudinem , ut primum nobis scribatur , et
 „ hinc quod justum est decernatur. Si qua hic suspicio in
 „ ullius Urbis Episcopum cadebat , ad hanc Ecclesiam scri-
 „ bendum fuit. „ Quo ex loco manifestus est error Petri de
 Marca agentis , Julium non refutasse Eusebianos contenden-
 tes , res Orientis a Romano Pontifice , et in Occidente non
 esse regnoscendas , sed tantum Athanasii facto inhaesisse.
 Pluribus hoc argumentum persequitur Christianus Lupus (2) ;
 qui cuncta , quae a de Marca proponuntur , non Orien-
 tali Ecclesiae , sed Eusebianae factioni tribuenda esse de-
 monstrat.

(1) Julius apud Constantium *vol.* 354.

(2) Lupus *loc. cit.* *cap.* 28. *tom.* 8. *pag.* 107.

§. XII. Sed quoniam de Marca, Quesnellus , ceteri similes
 nullam in Oriente fuisse putant Sardicensium canonum au-
 ctoritatem , ea de re paulo diligentius quaerendum est. Porro
 Sardicenses Patres synodicam epistolam scripserunt non tan-
 tum Episcopis Lybiae , et Aegypti , sed etiam *omnibus ubi-
 que Episcopis , et Comministris Ecclesiae Catholicae* , quae
 utraque epistola extat apud Athanasium (1) ; eaque hortati
 sunt omnes , ut secum de iis , quae ab se constituta fuerint ,
 una mente consentirent , eaque probarent , et confirmarent.
 „ Quin potius , *inquiunt* , studete Fratres , et Comministri ,
 „ ut spiritu nostrae synodo praesentes , suffragium vestrum per
 „ vestram subscriptionem ipsi adjiciatis , ut ab omnibus ubi-

„ que comministris nostris concordia servetur „, quod teste ipso Athanasio (2), Catholici Episcopi praestiterunt. Revera Concilio Orientales Episcopos complures interfuisse, ejusque decreta confirmasse, certum est Nam. Athanasius (3), postquam de dolis egerat, et fallacis Eusebianorum, deque eorum fuga a concilio scribit haec : „ Sacra vero synodus ex „ plus triginta quinque provinciis congregata, animadversa „ Arianorum malignitate, Athanasium, sociosque admisit, „ ut se purgarent de allatis criminationibus, quorum causa „ tot fuerant calamitatibus afflicti. Postquam autem illas repulissent eo, quo supra retulimus, modo a synodo admisi, si, ac summae venerationi habiti sunt, adeoque eorum communionem amplecterentur, ac missis ubique literis, missis item in unamquamque paraeciam, maximeque Alexandriam, in Aegyptum, et in Lybias, Athanasium, et socios pueros, omnisque criminis expertes esse declararunt. „ Eas vero provincias, quarum hoc loco mentionem facit, distincte memorat in Apologia contra Arianos (4), his verbis : „ Iis vero, quae nostri gratia decreta fuerunt, suffragati sunt „ plusquam trecenti Episcopi ex provinciis Aegypti, Libiae, „ Pentapoleos, Palaestinae, Arabiae, Isauriae, Cypri, Pamphiliae, Liciae, Galatae, Daciae, Mysiae, Thraciae, Dardaniae, Macedoniae, Epirorum, Thessaliae, Achajae, Cretae, Dalmatiae, Sisciae, Pannoniarum, Norici, Italiae, „ Piceni, Tusciae, Campaniae, Calabriae, Apuliae, Bruttiae, „ Siciliae, totus Africae, Sardiniae, Hispaniarum, Galliarum, Britannicarum. „ Quando igitur S. Athanasius (5) scribit ; „ conveniunt cum ex Oriente, tum ex Occidente in „ Sardica Urbe Episcopi plus minus centum septuaginta, „ cum et Occidentalium, et Orientalium Episcoporum rationem habuisse dicendum est. Nam in synodica Concilii Sardicensis ad Ecclesiam Alexandrinam haec extat inscriptio (6). „ Sancta synodus per gratiam Dei Sardicae congregata ex „ Urbe Roma, ex Hispaniis, Galliis, Italia, Africa, Sardinia, Pannoniis, Mytiis, Dacia, Norico, Tuscia, Macedonia, Thessalia, Achaja, Epyro, Thracia, et Rodope, „ et Palaestina, et Arabia, et Creta, et Aegypto Presbyteris, et Diaconis. „ In altera autem synodica ejusdem concilii ad omnes Episcopos Ecclesiae Catholicae (7), quae

exstat apud Athanasium, nomina recensentur provinciarum, et Episcoporum, qui ut inquit ipse Athanasius (8), si addantur iis. „ Qui etiam ante hanc synodum nostri gratia scripserunt, „ ex Asia scilicet, Phrygia, et Isauria, quorum nomina in „ propriis eorum epistolis circumferuntur, prope sexaginta tres, „ una omnes trecenti quadraginta quatuor sunt. Quo in loco et illud monet Athanasius, quod „ hoc suum rescriptum Sardicensis synodus ad illos misit, quibus accedendi facultas „ non esset, qui et ipsi suffragiis suis decreta synodi appro- „ barunt. „ Ex quo evidens est error Samuelis Basnagii (9), qui pro certo statuit, Orientales, hoc est Eusebianos fuisse Sardicensibus numero non multum inferiores.

(1) S. Athanasius apol. num 41. seqq. opp. tom 1. pag. 125. seqq.

(2) Idem loc. cit. num. 1. pag. 97.

(3) Idem Histor. Arian. num 17. tom 1. pag. 297.

(4) Idem Apol. contr. Arian. num. 1. pag. 97.

(5) Idem Histor. Arian. num 5. pag. 278.

(6) Concilium Sardicense tom. 2. Concil. col. 894. edit. Venet. Coleti.

(7) Athanasius apolog. contr. Arian. loc. cit.

(8) Idem loc. cit.

§. XIII. Non inficior, scriptum reliquisse Hilarium (1), quod huic synodo Episcopi sexaginta, et unus praesentes fuerint. Sed nutare non potest Athanasii fides, tum quod omnibus comperta est ejus probitas, ac peritia rerum, de quibus scribebat, quibusque ipse interfuerat, tum quod cum eo consentit ratio temporum, ac personarum, cum quibus res ipsi erat, et synodica Epistola Patrum Sardicensium ad Ecclesiam Alexandrinam, cujus paulo ante facta mentio est. Accedunt testimonia Theodoriti (2), Severi Sulptii (3), quorum uterque cunctos ex toto orbe Episcopos ad concilium vocatos testatur, ac Vigillii Tapsensis (4), qui de hoc Concilio scribit haec: „ Item apud Sardicam omnium provinciarum „ Orientis Episcopi congregati, idest Thebaida, Palestina, „ Phaenicia, Mesopotamia, Aegypto, Arabia, Syria, Cilicia, „ Cappadocia, Ponto, Paphlagonia, Galatia, Bithunia, Hellesponto, Asia, Phrygiis duabus, Pysidia, Cycladum insularum, Pamphilia. Caria, Lydia Europae, Thracia, AEni- „ ponto, Mysia, Pannoniis duabus. „ Quare dubitari non potest, quin Sardicensis Synodus, ad quam omnes tum

Occidentis, tam Orientis Episcopi vocati sunt, revera oecumenica fuerit, quod a Viris doctis apertissime demonstratum est (5). At Epiphanius (6), et Hilarius (7), ait cum Petro de Marca Basnagius (8), Sardicensem synodum oecumenicarum numero non habent, sed potius solius occidentis concilium judicant, Hic enim scribit haec Constantio Imperatori: „Da-
„nnas quoque et substantiae nomen quo te et Sardicensi sy-
„nodo, et Syrmienti pium esse Occidentalibus mentieba-
„ris. „ Verum Hilarius loquitur de Pseudo-Sardicensi, idest philippolitana deque Syrmienti Synodo, quae duo Orientalium conventicula fuerunt, iisque opponit Occidentales, seu Sardi-
censes, quibus Imperator pium se mentiebatur, cum eorum fidem esset professus. De vera quidem, ac legitima Sardicensi Synodo loquitur Epiphanius, sed eam Occidentalem vocat, ut a Pseudo-Sardicensi Synodo distinguat. Nam Sardica civitas erat, quae ad Occidentale, Philippopolis, quae ad Orientale Imperium pertinebat. Alinnde vero Philippopolitanum conciliabulum conflatum erat ex Episcopis Antiochei Patriarchatus, qui proprie Orientis dicebatur.

(1) Hilarius in *oper. histor. fragm.* 2. num. 15. *opp. tom. 2. col. 631. edit. Veron. 1730.*

(2) Theodoritus *Histor. eccles. lib. 2. c. 4. pag. 64. ed. Taurin. 1748.*

(3) Severus Sulpitius *Histor. sacr. lib. 2. num. 36 tom. 2. pag. 198. edit. Peronae 1754.*

(4) Vigilii Tapsensis *contr. Eutych. lib. 5. num. 3. pag. 58. edit. Divion. 1664.*

(5) Oecumenicam fuisse Sardicense Concilium negat Petrus de Marca *de Concil. lib. 7. cap. 3. num. 5.*, sed cum graviter, copioseque refellunt, ac fuisse revera Oecumenicum ostendunt Baronius *ad an. 347. num. 7. tom. 4. pag. 423. edit. Lucas, Bellarminus lib. 2. cap. 21. de Rom. Pontif. opp. tom. 1. pag. 330. et seq. edit. Venet. 1721. Severinus Binius not. in Concil. Sardicem. tom. 2. Concil. collect. Labbaei col. 717.*, David, *des jugemens canoniques chnp. 8. art. 3. pag. 43. seqq. edit. Paris. 1671.*, Ballerianii *opp. S. Leonis tom. 3. col. 49. seqq.*

(6) S. Epiphanius *Haeres. 71. num. 1. opp. tom. 1. pag. 829. edit. Coloniae 1682.*

(7) Hilarius *contr. Constant. Imper. num. 25. tom. 2. opp. col. 581. edit. Veron. cit.*

(8) Basnagius *Annal. politic. eccles. ad an. 347. num. 8. tom. 2. pag. 798. edit. Rotterdami 1706.*

§. XIV. Illud inanissimum, quod Eusebiani sese a Sardicensibus Patribus separaverint, quasi hoc eorum factum

evertere possit Concilii auctoritatem. „ Nam non satis est
 „ quidem, *inquit Melchior Canus* (1), ad Concilium gene-
 „ rale, si evocatio generalis est, quando adeo pauci congregan-
 „ tur, ut major, meliorve provinciarum pars relicta esse vi-
 „ deatur, praesertim si causa legitima sit, cur Episcopi sy-
 „ nodo non adfuerint. At si per malitiam hominum pessimo-
 „ rum una, et item altera provincia desit, non propterea
 „ concilii generalis nomen amittitur. „ Revera complurium
 Episcoporum absentia, qui cum ad Concilium vocati fuissent,
 Constantinopoli discesserunt triginta sex numero, quoniam a
 Nicaena fide obhorrebant (2), impedimento non fuit, quo-
 minus I. Concilium Constantinopolitanum ab omnibus oecum-
 enicum haberetur; neque eadem de causa nominis sui ja-
 cturam fecerunt generalia Concilia Ephesium, aut Sextum,
 licet multi abessent Orientales Episcopi, qui propter metum
 Saracenorum ad synodum non venerant. Hoc ipsum argu-
 mentum in medium asserunt Sacerdotes Orientis in sua ad
 Tarasium Patriarcham Constantinopolitanum epistola, quae
 lecta fuit actione 3. Concilii OEcumenici VII., ut eam ad
 habendam synodum inducerent, quamvis tres Patriarchae, eis-
 que subjecti Episcopi abfuturi essent, quoniam et ad VI. sy-
 nodum neminem eorum, *qui per idem tempus in his par-
 tibus Episcopi erant*, convenisse affirmabant. Agebant enim
 (3). „ Illud autem tamquam necessarium penes pontificalem epi-
 „ cem vestrum commonendum ducimus, ut si de beneplaci-
 „ to cunctorum, Regis Christi videlicet Dei nostri, et eorum,
 „ qui cum eo regnare meruerunt, Dei scilicet amicorum, et
 „ triumphatorum nostrorum, volueritis celebrare synodum,
 „ ne molesta vobis appareat trium Apostolicarum Sedium a-
 „ morum Patriarcharum, et sanctissimorum Episcoporum,
 „ qui sub ipsis degunt, absentia, non ex proprio eorum
 „ accidens proposito, sed ex tenentium, seu dompnantium illis
 „ terribilibus minis, et mortiferis poenis. Hoc autem subti-
 „ lius est considerandum etiam ab ipsa sancta, et universali VI.
 „ Synodo, in qua nullus eorum, qui per idem tempus in
 „ his partibus Episcopi erant, convenisse inventus est ob
 „ obscoenorum obtineptiam. Sed nullum ex hoc sanctae Si-
 „ nodo adhaesit praejudicium, neque vires habuit prohibitio
 „ aliqua statuendi, et manifesto faciendi recta dogmata pie-

„ tatis , praecipue cum Sanctissimus , et Apostolicus Papa
 „ Romanus concordaverit , et in ea inventus sit per Apo-
 „ crisarios suos ; et nunc , Sanctissimi , hoc cum consilio
 „ Dei similiter fiat. Nam sicut tunc illius fides in orbis ter-
 „ rae personuit fines , ita et synodus , quae nunc per gratiam
 „ Dei congreganda est , per interventionem vestram , et ejus ,
 „ qui moderatur Apostolorum Principis Sedem , praedicabitur
 „ in omni loco , qui sub Sole est. „ Quod si complurium
 Episcoporum absentia nihil de auctoritate detraxit oecumeni-
 carum Synodorum , quis non videt voluntariam illam disces-
 sionem Eusebianorum haud sane labefactare potuisse vim
 Concilii Sardicensis ?

(1) Melchior Canus *de locis theolog.* lib. 5. cap. 3. pag. 149. edit. Patav. 1727. Videndus est etiam Gravesonius *Histor. Eccles.* tom. 1. saec. 4. pag. 86. edit. August. Vindelic. 1756.

(2) Socrates *Histor. Eccles.* lib. 4. cap. 8. pag. 227. edit. Taurin. cit.

(3) Concilium Nicaenum II. act. 3. tom. 8. *Concil.* col. 823.

§. XV. Eoque magis ; quia licet ipsi absuerint , consensus tamen non defuit Orientalium Ecclesiarum. Porro Eusebiani , qui primo decreto subscripserunt Concilii Nicaeni , posteaque redierunt *ad primum impietatis vomitum* , ut ait Athanasius (1) , cum sibi maxime adversarium fore intelligerent Concilium Sardicense , eidem interesse noluerunt , licet ab Julio fuissent vocati , atque illud ipsi antea postulassent. Imo acris indixere bellum Athanasio praecipuo Nicaenae fidei propugnatori , et post multa contra eum conficta crimina , factasque insidias Tyri simul congregati tum eum , tum ceteros ejusdem fidei defensores a catholica communione repulerunt , atque ab Episcopatu dejecerunt. Postea vero quamvis Macario Presbytero , et Martyrio , et Hesychio Diaconis , quos pro se Romam miserant , jam refutatis , et convictis causa cecidissent ; ideoque Athanasius tantorum criminum accusatus reus , etiam judicio quinquaginta Episcoporum absolutus fuisset , suaeque Sedi restitutus , Antiochiae simul congregati literas impudentiae plenas ad Julium dederunt , quibus de Athanasii judicio querebantur. Denique cum ad indictum Sardicense concilium una cum aliis convenissent , posteaquam intellexerunt , longe alium futurum rerum exitum , quam quem ipsi

animo conceperant, neque ferre aequo animo possent, quod Athanasius, qui tum Alexandrino, tum Romano concilio absolutus fuerat, communionis particeps factus fuisset, noctu auferunt, seque contulerunt Philippopolim Thraciae civitatem, ubi simul congregati Julio anathema dixerunt. Profecto si quod schismaticorum hominum factione gestum est, tanti valeret, ut Sardicensis synodus neque OEcumenica haberi posset, neque vim, et auctoritatem obtineret, nullum jam esset oecumenicum concilium, cujus aliquo simili dissensu, et factione hominum perditorum non elevaretur auctoritas.

(1) Athanasius *de decret. Nicaen. synod. num. 4. tom. 1. pag. 166. edit. cit.*

§. XVI. Quid quod ex vetustissimo Orientali Concilio manifestum est, quanta etiam in Oriente fuerit canonum Sardicensium auctoritas? Nam Patres synodi Constantinopolitanae an. 381. in epistola ad Damasum, aliosque Occidentales, quam describit Theodorus (1), Nicaeni Concilii nomine Sardicensem canonem in medium protulerunt his verbis: „ De particulari autem administratione singularum Ecclesiarum antiqua, ut probe nostis, obtinuit sanctio, et sanctionem Patrum, qui Nicaeae congregati sunt, regula: ut in singulis provinciis Episcopi illius provincia, et, si illis placuerit, una cum ipsis finitimi, prout utile judicaverint, ordinationes faciant. „ Atque in Nicaeno concilio *can. 4.* decretum est: „ Episcopum convenit, maxime quidem ab omnibus, qui sunt in provincia, Episcopis ordinari, sed de finitimis Episcopis, ubi placuerit, convocandis nihil plane dederunt. Verum in *can. 5.* Concilii Sardicensis ex interpretatione Dionysii Exigui (2), provisum est, quando quis debeat a vicinis provinciae Episcopis ordinari, et recte Petrus Constantius (3) „ Nicaeni Concilii, *inquit*, *canone 4.* „ sancitur: Episcopum convenit ab omnibus, qui sunt in provincia, Episcopis ordinari, sed de finitimis Episcopis, ubi placuerit, convocandis nihil habetur. Sardicensis vero canon quintus, seu secundum Graecos sextus, quando quis debeat a vicinis provinciae Episcopis ordinari, explicat.

„ Ad quem canonem si nunc respiciunt Orientales, dicendum
 „ erit, Sardicenses canones non modo in Occidente, sed et
 „ in Oriente pro Nicaenis fuisse habitos. „ Neque mirum
 „ est, Sardicenses canones laudatos fuisse tamquam Nicaenos,
 „ quoniam ut recte monent Fratres Ballerinii (4), in pluribus
 „ antiquissimis exemplaribus canones Sardicenses Nicaenis, et
 „ quidem sub eodem titulo, Nicaenorum canonum subjiunguntur;
 „ quae in re concors est sententia codicum, quibus tum Latini,
 „ tum Graeci utebantur, unde omnis doli, fraudisque sus-
 „ spicio removetur. Hoc sane tam antiquum Orientalium testi-
 „ monium manifeste demonstrat, ab iis etiam Sardicenses ca-
 „ nones fuisse receptos, atque habitos loco certae regulae, quam
 „ sequerentur, multoque ante synodum Trullanam eorum
 „ fuisse in Oriente vim, et auctoritatem. Hinc in eadem epi-
 „ stola, cujus paulo ante facta mentio est, habentur haec.
 „ Ex cuius legis, et decisionis scripto scitote, tum alias quo-
 „ que Ecclesias apud nos administrari, tum illustrissimarum
 „ Ecclesiarum Sacerdotes delectos, et hinc etiam iidem O-
 „ rientales Nectarii Constantinopolitani, et Elaviani Antiocheni
 „ ordinationes ad ejusdem concilii normam factas demonstra-
 „ runt.

(1) Theodoritus *Histor. Eccles. lib. 5. cap. 9. pag. 183. edit. Tau-
 rini 1748.*

(2) Concilium Sardicense *can. 5. col. 674. collect. Labbaei.*

(3) Constantius *epist. Rom. pontif. col. 566. adnot. C.*

(4) Ballerinii *de antiq. collect. canon. par. 2. cap. 1. §. 3. opp. S.
 Leonis tom. 3. pag. LVII.*

§. XVII. Accedit quod Patres Chalcedonenses Sardicensis
 synodi constituta laudarunt (1); postea Justiniani Imperato-
 ris aetate, medio fere saeculo sexto Joannes Scholasticus Epis-
 copus Constantinopolitanus Sardicenses canones inseruit in
 collectionem suam, quam *Nomo-canonem* appellavit (2);
 denique VII. fere exeunte saeculo Orientales, qui ad Trul-
 lanam synodum convenerant, sese eosdem canones suscipere
 professi sunt (3), quod postremum etiam de Marca confite-
 tur. Ex quibus evidens apertumque est, magnam in Orien-
 te fuisse auctoritatem canonum Sardicensium; et ideo falsus
 est Petrus de Marca, qui eos minime receptos, atque in
Tom. III.

N n

schismate conditos fuisse asseverat. An canones in schismate conditi, et in eo quidem schismate, quod de Marcæ ortum putat, quia Orientales edita ab se decreta Occidentalium iudicio obnoxia esse volebant, tanti ab ipsis Orientalibus fieri potuissent, ut in concilio, quod Occidentalibus certe non favebat, contradicente nemine, probarentur? Adde his omnibus, quod Romana Ecclesia, a qua Sardicenses canones receptos, et probatos fuisse constat, eorum auctoritatem proposuit contra Orientales; neque hi de ea dubitare ausi sunt. Sic Liberius Pontifex in literis ad Eusebium Spadonem, et in dialogo cum Constantio Imperatore (4) Sardicensem synodum commendavit; sic Innocentius I. (5) professus est, tantam in Sardicensi Concilii gestis insidere auctoritatem, ut per eam canones Antiocheni damnati fuerint. Quod est animo retinendum diligenter, ut pateat, quam falso Petrus de Marca usque ad eam ætatem Sardicenses canones receptos fuisse neget; idque ex eo colligit, quod cum Innocentius ius appellationum adversus synodum Macedoniæ tueretur in causa Bubalii, et Tauriani ab eadem synodo damnatorum, nullam eorumdem canonum mentionem fecit adversus concilii Patres, qui de appellatione ad Sedem Apostolicam vehementer questi sunt. Verum, hæc querelæ non universe fuerunt de iure appellationum. Quasi hoc novum, aut injuria usurpatum haberetur, sed de illius, de qua tunc speciatim agebatur, appellationis iniustitia, et inanitate. Nam concilii Patres editi ab se iudicii iustitiam ita manifestam esse contendebant, ut ea de re nullum novum fieri iudicium posse existimarent. Quod ipsa Innocentii verba demonstrant (6); nam inquit, „ Verum illud videt movisse animos vestros, quod in multis Bubalius fallacis sæpe deprehenso objecerit exempla „ ria fictarum quasi a nobis literarum, cum pro consuetudine hominis nihil, quod proferret, jam fide dignissimum videretur. „ Illud quoque Lupus putat, Innocentium Bubalii appellationem admittere noluisse; sed importunis ejus petitionibus, ac precibus aliquid concessisse, atque ut omnem præcideret querelarum locum, tandem retractationis eorum suscepisse, hand tamen absolvisse, et Bubalium restituisse. Id videntur indicare postréma epistolæ verba: „ hanc autem paginam nostram sollicitius Cretensibus Episcopis relegere

„dum mittite, ut sciant plenissime, quid sit de Bubalio, et
 „Tauriano, ceterisque pronuntiatur, ut servant, qui digni
 „administratione sunt, cavere a talibus, ne talia sortiantur,
 „hoc est, uti etiam Constantius in eum locum observat, ut
 „scientes quid de Bubalio, et Tauriano sit iudicatum, caveant
 „ne talia agant, indeque in parem poenam incurrant, cum
 „ab administratione Ecclesiarum fuissent dejecti. Quod ve-
 „ro Innocentius neque Sardicenses canones laudaverit, neque
 „antiquam consuetudinem, eamque unam attulerit causam
 „quia veritatis exagitata saepius magis splendescit in luce,
 „et perniciēs revocata in iudicium gravis sine illius, qui pri-
 „mum iudicavit, poenitentia condemnat; nam fructus di-
 „vini est iustitiam saepius recenseri, nil mirum videri de-
 „bet, cum necesse non sit omnes aliquid agendi proferre can-
 „sas, sed ea tantum asferri soleant, quae sunt extra omnem
 „invidiam posita, et aptiora temporibus, atque ingenio eorum
 „cum quibus agitur. Ita jus Divinum, et Primatus interdum
 „expresse laudantur, interdum omittuntur.

(1) Concilium Chalcedonense in allocut. ad Marcianum Imper. tom. 4. concil. col. 1766. collect. ejusd.

(2) Vide Justellum Biblioth. Jur. Canon. tom. 2. pag. 610. 612. 615. 616. seq. edit. Paris. 1661.

(3) Concilium Quinisextum seu Trullanum in orat. ad Justinian. Imper. pan. 2. tom. 7. concil. col. 1346.

(4) Apud Constantium col. 431. et 435.

(5) Innocentius I. ep. 18. ad Rufum Gerontium etc. apud Constantium col. 841.

(6) Innocentius I. loc. cit.



CAPUT V.

*Constans omnium aetatum consuetudo de appellationibus
ad Sedem Apostolicam.*

§. I.

Satis jam de Sardicensi concilio disputatum est; nunc ut magis inagisque perspicuum sit, quod supra demonstravimus, non eo concilio primum Romano Pontifici tributum jus appellationum, sed illud „ adeo necessario connexum esse cum „ Romani Pontificis in universam Ecclesiam jurisdictionis „ Primatu, ut nemo possit illud in controversiam adducere, „ nisi et hunc velit prae fracte inficari (1) „; replicemus memoriam temporum, et antiqua scrutemur Ecclesiae monumenta, unde efficiemus, hanc semper in omnium animis fixam fuisse, certamque sententiam. Multa temporum injuria periere monumenta, sed ea, quae adhuc extant, ita rem testantur, atque illustrem faciunt; ut non nisi illi, quorum animos caecat odium in Sedem Apostolicam, eam negare possint. Primum, quod ad nos pervenerit, appellationis exemplum praebet Marcion Synopensis Ecclesiae Presbyter, qui cum propter stuprum puellae illatum a proprio Patre, et Episcopo excommunicatus fuisset, neque veniam impetrare potuisset, Romam venit, ut de Patris sententia quaereretur, eique remedium adhibendum curaret. Vacua tunc erat Sedes Apostolica, ideoque Marcion Romanum clero adiit, ab eoque postulavit, ut in communionem reciperetur. Negavit id plane Clerus inquit „ nobis injussu venerandi „ Patris tui facere istud non licet. Una siquidem fides est, „ et animorum una consensio, neque contra spectatissimum „ collegam patrem tuum moliri quidquam possumus. „ Non solum litigius, et Walchius, sed etiam Laundjus (2), de Marca (3), Dupinius (4), ipseque Natalis Alexander (5),

(quamquam pro jure appellationum graviter propugnet) negant Marcionem ad Apostolicam Sedem provocasse. Sed eum Romam venisse certum est, uti narrat Epiphanius (6); cur Romam potius, quam ad aliam Civitatem propinquirem, et commodiorem iter arripuit, quaeque alia potuit esse causa Romani itineris longi, et incommodi, nisi illa fuit, ut a Sede Apostolica veniam impetraret, quam frustra ab Episcopo Synopensi postulaverat? Haud quidem expresse petiit, ut Episcopi sententia infirmaretur, quod certe si petiisset, nulla prorsus esset vel levissima de appellatione dubitatio, sed petiit, quod eodem recidit, ut in communionem reciperetur Ecclesiae Romanae, unde *unitas sacerdotalis exorta est*, ut inquit Cyprianus (7). Id vero fieri non poterat nisi e medio tolleretur sententia Episcopi Synopensis; quoniam Ecclesiae disciplina sic ferebat, ut nullus Episcopus alienum Presbyterum, aut Diaconum sua communione participem faceret, nisi sui Episcopi commendatitias haberet literas. Synopensis autem Episcopus non modo nullas hujusmodi literas Marcioni dederat, sed etiam, quae valde similis veri est conjectura Christiani Lupi (8), cum primum ejus fugam rescivit, statim de ejus crimine Romanum Clerum certiores fecit. At quod petierat Marcion, minime obtinuit; quid ex eo effici poterit? Satis est quod revera confugerit ad Clerum Romanum, atque opem ab eo petierit a suo Episcopo condemnatus, neque appellatio ab exitu, sed a facto ipso provocationis ad Superiorem aestimanda est. Ac merito sane Marcion repulsum tulit. Non enim cleri Romani communionem consequi poterat, nisi infirmaretur sententia Episcopi, quae cum esset justissima, infirmari non poterat. Accedebat eorum temporum, quae ubique saepta, et inviolata erat, Ecclesiae disciplina, quae publicos homicidii, idolatriae, machinae reos a perfecta in externo Ecclesiae foro, publicae reconciliatione, et pace repellebat, quaeque semper obtinuit usque ad Pontificatum Zephirini. Unus Pontifex laxare potuisset hanc disciplinam; neque eadem potestate Romanus Clerus fruebatur. Labentibus tamen annis illam, quam dare non potuerat clerus, reconciliationem Marcion obtinuit ab Eleuthero Summo Pontifice, ea lege, ut a se deceptos Ecclesiae restitueret, quod tamen morte occupatus praestare non potuit.

(9). Ex his facile intelligitur, quamobrem Romanus Clerus suae communionis participem non fecerit Marcionem; primum scilicet, quia justissima erat Synopensis Episcopi sententia, deinde quia non ei licebat mollire disciplinam, quae contra maechos obtinebat. Pertinet haec appellatio ad secundum Ecclesiae saeculum.

(1) Benedictus XIV. *de synod. dioec. lib. 4. cap. 5. num. 1.*

(2) Launojus *epist. 8. num. 5.*

(3) De Marca *de Concil. lib. 7. cap. 3.*

(4) Dupinius *de antiq. Eccles. discipl. dissert. 2.*

(5) Natalis Alexander *Histor. eccles. disser. 2. in saecul. II, art. 3. tom. 3. pag. 299. edit. Venet.*

(6.) Epitaphius *haeres. 32. vel 42. num. 1. pag. 302. edit. Coloniae 1682.*

(7) Cyprianus *ep. 54. ad Cornelium pag. 266. edit. Amstelod. 1700.*

(8.) Christianus Lupus *de Roman. appellat. Gallie. Eccles. cap. 18. pag. 73. opp. tom. 8. edit. Venet. 1727.*

(9) Tertullianus *de praescript. num. 30. pag. 212. edit. Venet. 1744.*

§. II. Medio tertio saeculo Privatus Lambesitanus Episcopus cum in haeresim incidisset, atque alia patrasset crimina, a synodo Lambesitana, cujus approbavit iudicium Donatus Carthaginensis Episcopus, et Primas Africae, condemnatus, graduque motus ad Fabianum Pontificem provocavit ac Romam venit. Hic quoque propter Fabiani mortem vacuam repperit Sedem Apostolicam, et ideo convertit sese ad Clerum Romanum, ut ab eo pacificas literas obtinere, per quas et priora tollerentur iudicia, et ipse communioni restitueretur. Eam ob rem Romam misit *ex ipsius nequitiae cohorte vexillarium*, uti loquitur clerus Romanus (1), ut per fraudem negotium absolveret. Quod ut nuntiatum est Cypriano, ipse statim literas dedit ad eundem clerum, ne callidi hominis insidiis deciperetur; sed ante has literas jam clerus fraudem noverat, speinque omnem Privato ademerat communionis. An ad Fabianum Pontificem provocasset Privatus, nisi inesse intellexisset in eo potestatem recipiendi appellationem, dandaeque communionis, atque e medio tollendi iudicium, quod contra se latum fuerat a synodo Lambesitana? Recte igitur Constantinus (2) hoc Privati exemplum inter Romanas appellationes recensendum putat.

(1) Clerus Romanus *epist. 37. inter Cyprian. epist. pag. 220.*

(2) Constantinus *ep. Rom. Pontifex col. 223.*

§. III. Non multo post Felicissimus cum aliis quatuor Presbyteris caput extulit contra Cyprianum electum Episcopum, paucisque aliis sibi sociis adjunctis Fortunatum Episcopum elegit. Cyprianus habita synodo eos a communione reiecit; quatinus illi omnes provocarunt ad Cornelium Summum Pontificem, ut ab eo causa iudicaretur. Dedit ad Cornelium literas Cyprianus (1), quibus de hoc eorum facto queritur; sed omnis querelarum ratio in eo est posita, quod ipse illos omnes Presbyteros meros, sibi que subditos iudicabat. Manifestum id faciunt verba, quibus Cypriani litterae conceptae sunt, quaeque ad meros Presbyteros, qui sunt subiecti Antistiti, non ad Episcopos, qui alios regunt, referenda sunt. Inquit enim quod cum, singuli Pastoribus, „ portio gregis sit adscripta, quatuor regat unusquisque, et gubernet, rationem sui actus Domino redditurus, oportet „ utique eos, quibus praesumus, non circumcursare. „ La- quitur hic apertissime Cyprianus de clericis sibi subiectis, qui scilicet pertinebant ad gregem, qui sibi adscriptus fuerat, cui praeeerat; quemque ipse regere, et gubernare debebat; quod de Episcopis, qui non ab alio Episcopo reguntur, sed ipsi alios regunt, dici nulla ratione poterat. Erat autem in Africa non universale, sed peculiare decretum, quod meros Presbyteros Romanum appellare prohibebat, idque forte in illo turbulante schismatis tempore sancitum est, ne nimis facile liceret omnibus ite in regiones longinquas, atque ita retardare negotium, quod celerem exitum postulabat. Ad hoc decretum sese refert Cyprianus, qui omnes, qui Romanum provocaverant, simplices habebat Presbyteros sibi subditos, quibus praesumus, inquit, non Episcopos, qui aliis praeeissent. Et licet Fortunatus consecratus fuisset Episcopus, tamen quia consecratus fuerat ab haeretico Privato Lambesitano, nullam huius consecrationis rationem habendam Cyprianus putabat, secundum sententiam, in qua ipse erat, quamque postea Catholica Ecclesia condemnavit, quod scilicet Baptismi, atque Ordinis sacramenta ab haeticis collata vim nullam haberent. En igitur decretum, ad quod spectat Cyprianus, decretum scilicet proprium, et peculiare Ecclesiae Africanae, quod forte paucos ante annos emissum fuerat, praesente ipso Cypriano, uti ostendunt ea verba, cum statu-

tum sit omnibus nobis, ut removerentur tergiversationes schismaticorum, qui contra bonum Ecclesiae abutebantur beneficio appellationis. Atque in hoc ipso decretó laudando commotus, et exultatus animus Cypriani longius progressus est, et erupit in verba, quae una Episcopi sententia totum negotium finitum statuunt, ita ut non modo ad Summum Pontificem, sed etiam ad synodum provinciale interdicta sit appellatio. Id eúm significant ea verba; cum „ singulis „ Pastoribus portio gregis sit adscripta, quam regat, et gubernet unusquisque soli Domino rationem redditurus. „ Neque vero Cyprianus negavit universe jus appellationum ad Sedem Apostolicam; tantum invecus est vehementius in illam Fortunati appellationem, quam nullam justam habere causam defendebat „ quae autem, *inquit*, causa veniendi „, et Pseudo-Episcoporum contra Episcopos factum nunciandi „ Non negavit jus superioris iudicis, sed et tacite confessus est „ navigare audent ad Petri cathedram, atque ad Ecclesiam „ principalem, unde unitas sacerdotalis exorta est „ Hujus ergo unitatis necessitatem *cum principali Ecclesia*, seu, quod idem est, in eam subjectionem agnovit. Ne multa; cum jus appellationum connexum sit cum Primatu, divinitus dato Petro, ejusque successoribus, haud sane Africani Patres partem hanc divini juris amputare, et circumcidere potuerant. Hinc Cyprianus haud revocat in discrimen jus Primatus, neque negat, jus Ecclesiam quoque Africanam attingere, tantum proponit decretum, quod Afri emisierant, et rationem etiam addit, ut illud aequitati consentaneum esse demonstret „ cum „ aequum sit pariter, ac justum, uniuscujusque causa illic „ audiat, ubi est crimen admissum. „ Quibus verbis Cyprianus minime negat jus appellandi Summum Pontificem; sed tantum probabilem affert rationem, propter quam iudicium illud in Africa potius, quam Romae expediendum videtur; quia scilicet in Africa *et accusatores haberi, et testes criminis*, et reliqua scitu necessaria facilius, et commodius, quam procul, poterant.

(1) Cyprianus ep. 59. pag. 266. edit. cit.

§. III. Cypriani mentem clarius explicant, quae non mul-

tos post annos evenerunt. Basilides Asturicensis, et Martialis Emeritensis in Hispania Episcopi tamquam libellatici, aliorumque criminum rei per synodalem sententiam depositi appellarunt Stephanum Pontificem, qui eos suis sedibus restituendos judicavit. Asturicenses nullam, atque irritam esse rati hanc restitutionem, deceptumque Pontificem, et latam obreptione sententiam Basilidi Sabinum Episcopum subrogarunt; sed Emeritenses Romae Sedis judicio acquieverunt. Reversis in suas Sedes Basilidi, et Martiali cum plures et clerici, et laici communicassent, alii vero eos Sedi Apostolicae obreptione rati rejicendos, graviterque puniendos censerent, turbae ortae sunt maximae, quarum tollendarum causa utrumque Ecclesiae clerus per literas S. Cyprianum, ejusque clerum consultit. Cyprianus ne quum quidem habet verbum contra appellationem, imo eam tacite approbare videtur; tamen dicit, deceptam fuisse Pontificem, ejusque sententiam infectam vitio obreptionis, cum praesertim secundum decretum Corneli Pontificis de clementia erga lapsos clericos, et Episcopos adhibenda, si quidem ad poenitentiam per laicam communionem tantum admitti potuissent, sed ab ordinatione cleri, et sacerdotali honore prius repelli debuissent. Itaque Basilidem, et Martialem a communione arcendos statuit, neque Stephani sententiam vim ullam habere posse, quoniam omnibus compertum est, nullius esse momenti quae per obreptionem, et subreptionem impetrata sunt. Nihil attinet quaerere, utrum eorum deceptus fuerit, Stephanus ne, an Cyprianus (1); satis est, quod duo illi Hispani Episcopi revera Summum Pontificem appellaverint, quod Cyprianus hanc appellationem improbare ausus non fuerit; quinimo quod ius ipsum appellandi tacite approbaverit. Quorsum enim insistere in fraude, qua circumventus fuerat Summus Pontifex, si nullam in ipso Pontifice potestatem, Cyprianus agnovisset? Hinc Baluzius, haud certe fautor Romanarum appellationum (2), recte, *inquit*, ex hoc loco collegit Baronius, antiquissimum in Ecclesia usum esse; ut ex remotissimis or-
his partibus Episcopi, qui se injuste perpassos esse a col-
legis suis crederent, provocarent ad Romanum tamquam
primarium Ecclesiae universalis Antistitem. Vide Marcum
lib. 1. de concord. cap. 10., et Pamelium ad hanc Cy-
priani epistolam. Futilia sunt quae hic adversus Pamelium
scripsit Goulartius.

(1) Non Stephanum a Basilide, sed Cyprianum a Felice, et Salino deceptum fuisse, observant Fratres BaHeriui tom. 2. opp. S. Leonis col. 931.

(2) Baluzius in not. ad Cyprian. ep. 68. not. 1. col. 286. edit. Venet. 1758.

§. V. Pertinent haec ad secundum, ac tertium Ecclesiae saeculum. Quarto saeculo celebre est, quod de Coeciliano Carthaginense Episcopo memoriae proditum est. Cum enim ipse a Felice Apungitano, quem Donatistae traditorem putabant, consecratus fuisset Episcopus, hi verum Episcopum eum habendum negabant; et hinc non solum ab ejus communione discesserunt, sed etiam Carthaginem vocarunt. Secundum Tigistanum Numidia Primatem cum aliis ex eodem grege septuaginta Episcopis, habitoque concilio, non solum Coecilianum ex Episcopatu dejecerunt, sed etiam ejus loco Majorinum Episcopum elegerunt. Totum hoc negotium, ut omnes facile intelligunt, non ad fidem, sed ad iuram disciplinam, et ad Coeciliani ordinationem pertinebat, et tamen Coecilianus, ut inquit Augustinus (1), posset non curare

„ conspirantem multitudinem inimicorum, cum se videret et

„ Romanae Ecclesiae, in qua semper Apostolicae cathedrae

„ viguit Principatus, et ceteris terris, unde ipsum Evangelium ad Africam venit, per communicatorias literas esse

„ conjunctum, ubi paratus esset causam dicere, si adversarii ejus ab eo illas Ecclesias alienare conarentur. „ Coecilianus plurimum provinciarum synodis damnatus fuerat, et tamen enim non curare potuisse *conspirantem multitudinem inimicorum*, hoc est plane despicere contra se celebratas synodos, testatur Augustinus, quia *per communicatorias literas* conjunctus erat *Ecclesiae Romanae, in qua semper Apostolicae cathedrae viguit Principatus*, ibique paratus erat *causam dicere*. Quid hoc illustrius ad demonstrandum, Episcopum a synodo condemnatum suas ad Sedem Apostolicam querelas jure, ac merito deferre posse, neque ab Ecclesiae communione esse repellendum, cum habet Romanae Ecclesiae communionem? Neque in hoc negotio defuit ea, quae vero, ac proprio vocabulo dicitur, et est appellatio. Cum viderent Donatistae Coeciliani communionem cum Ecclesia Romana tanti fieri ab omnibus Catholicis, ut nullo in pretio haberetur synodalis sententia, quae eum condemnauerat, impudentissime

confugerunt ad Imperatorem Constantinum, ut a Gallicanis Episcopis iudicium ageretur. Imperator cum recte intelligeret, nullam his Episcopis esse potestatem in Africanam Ecclesiam, iudicium fieri iussit a Melchiade Summo Pontifice, cujus ut in totam Ecclesiam, sic in Africanam setri sciebat auctoritatem, ut cum tribus Galliae Episcopis rem omnem cognosceret. Pontifex negotium suscepit non tamquam Imperatoris delegatus, sicuti visum est Calvinianis quibusdam (2), sed eo jure, quod ob Primatum habebat in Ecclesiam universam, et hoc eodem jure alios quindecim adiunxit Episcopos, omnesque Italos, quod facere non potuisset uti simplex delegatus, cui dictas a delegante leges, et judicandi modum, ac methodum nulla ex parte immutare permittitur.

(1) Argumentum hoc solide, graviterque persequitur Natalis Alexander *Histor. Eccles. ad saec. IV. dissert. 3. quaest. 2. pag. 341. tom. 4. edit. Venet. cit. contra quosdam*, ut ipse protestetur, e Calviniano grege Theologastros. Sunt hi Magistri, quorum praeceptis imbuti, et quorum disciplinae instituti sunt Du-Pinuis, Quesnellus, Febronius, ceteri similes.

(2) Confer Christianum Lupum *de African. appellat. cap. 19. et 20. opp. tom. 8. pag. 224. seqq. edit. Venet. cit.*

§. VI. Ventum jam est, uti constat ex iis, quae de Coeciliano narravimus, ad aetatem Constantini Imperatoris, nimirum ad eam aetatem, qua modus est facius furori ethnicorum in Christianorum caede baccantium, et Christi Religio publice dominari coepit. Ante hoc tempus res Christiana occulta, et latens vim suam, atque instituti rationem in omnium conspectu explicare non potuit; et ideo vel non integrum semper fuit Apostolicam Sedem appellare, vel multa formidolosis illis temporibus occulte sunt gesta, vel non sunt mandata literis, vel ad nos minime sunt delata; injuria vetustatis. Sed tamen hoc ipso tam rei Christianae iniquo tempore, plura, uti paulo ante demonstravimus, exempla occurrunt, ex quibus apertissimae fiunt illae, de quibus loquimur, ad Romanum Pontificem appellationes. Nolumus in iis immorari, quae proprie appellationes non sunt, sed quae tamen ostendant, quanti omnes semper ubique fecerint iudicium, et auctoritatem Romani Pontificis, ita ut nemo mirari debeat, ad eum delatas fuisse disceptationes, ut eodem iudicio, et auctoritate omnis controversia expediretur. Sic

secundo Ecclesiae saeculo cum illa vehementius exarsisset disputatio de die celebrandi Paschatis, quae primum orta fuerat inter Anicetum, et Polycarpum, Victor, qui tunc Pontificatu maximo fungebatur, ad Polycratem Ephesiorum Episcopum, qui inter Asianos Primatum agere videbatur, literas dedit, quibus synodos haberi mandavit, damnavitque sententiam, quae Romanae adversaretur (1). Tertio saeculo Dionysius Alexandrinae Ecclesiae Episcopus, cum esset de fide in filium Dei suspectus, apud Romanum Pontificem Dionysium accusatus est, et is quidem ab eodem iussus de objecto crimine non provinciali synodo, sed Summo Pontifici sese purgare debuit (2). Ac dignum quoque memoratum est decretum Aureliani Imperatoris, qui a Romano Pontifice iudicari voluit controversiam inter Paulum Samosatenum, quem Episcopatum moverant Patres Antiocheni, et Domnum, quem ei subrogaverant, atque illi tradi praecepit domum episcopalem, cui Italici Christianae Religionis Antistites, et Romani Episcopus scriberent (3). Manifestum est, ab ethnico Imperatore, qui neque gnarus, neque sollicitus erat huiusmodi rerum Christianorum, id fieri debuisse suasu Episcoporum, qui compertum habebant Ecclesiae disciplinam, et Romani Pontificis supra synodos auctoritatem (4). Quid opus est pluribus? Tanta semper pones omnes vis fuit, tantumque pondus, et gravitas literarum, quae a Summo Pontifice dabantur, ut eas auctoritatis vocabulo appellarent, ut nomen ipsum ostenderet, quanta eas observantia omnes excipere, et revereri deberent. Non enim in iis legitur *epistola Siricii*, sed *auctoritas Siricii ad Himerium*, et sic deinceps *auctoritas Innocentii ad Vitricium*, *auctoritas Zosimi ad Hesychium*, idemque legitur in ceteris literis, quae a Romano Pontifice procedunt (5).

(1) Negat Du-Pinius has synodos fuisse celebratas iussu Romani Pontificis. Sed ut mittam quae tradit Beda de *Paschae celebratione. opp. tom. 2. pag. 232. edit. Coloniae Agrippinae. 1612.*, qui expresse memorat ea de re *auctoritatem*, hoc est literas Victoris Pontificis, quaeque item descripta sunt a Labbaeo tom. 1. *Concil. col. 603. seqq. edit. cit.*, tum ex eodem Beda, tum ex nova Baluzii collectione, apertissime Eusebius *Hist. Eccles. lib. 5. cap. 24. pag. 212. edit. Taurini 1746.* docet, synodos illas de Paschatis celebrandi die iussu Romani Pontificis Victoris fuisse convocatas. Consulto Constantium *epist. Roman. Pontif. in Victor. col. 91. et seq.*

(2) Athanasius *de sentent. Dionys.* num. 13. *opp. tom. 1. pag. 198. cit. edit. Patavii.*

(3) Eusebius *Histor. Eccles. lib. 7. cap. 30. p. 319. cit. edit. Taurini* » Interpellatus, inquit, Imperator Aurelianus hoc negotium rectissime me dijudicavit, iis domum tradi praecepit, quibus Italici Christianae Religiois Antistites, et Romanus Episcopus scriberent ».

(4) Quod recte animadvertit Franciscus Antonius Zaccaria *raccolta di dissertazioni di storia Ecclesiastica dissert. 1. tom. 16. pag. 27. seqq.*

(5) Vide Constantium *loc. cit. s. 1. num. 2. col. 93.*

§. VII. Sed reddita Ecclesiae pace, et Christiana Religione dominante, pene innumera ad Sedem Apostolicam appellationum exempla sunt. Quaedam ex his pertinent ad Julium, qui ea tempestate Ecclesiae universae praerat; et certe eum appellasse Athanasium tradit Liberatus Diaconus (1), idque firmissimis argumentis a Bellarmino (2), et Baronio (3), demonstratum est. Natalis Alexander (4), qui de hac appellatione late disputat, egregie fallitur, dum scribit, Athanasium venisse Romanum, cum adversus eum quærelae ad Julium ab Eusebianis delatae fuerunt, neque ulla contra eum, praeter Tyriam, synodus tunc habita fuerat. Nam vere Athanasius Romam petiit vocatus a Julio, postquam anno 341. ab Eusebianis Antiochiae gradu motus fuerat, et ejus loco Gregorius electus fuerat Episcopus Alexandrinus, uti certissimis argumentis et Constantius (5), et Piacovichius (6) ostendunt. Revera Julius Eusebianis rescribens circa mensem Septembris an. 342. de Gregorio loquitur, ac praeterea querelas memorat, quas ad se detulerant non tantum Athanasius, sed etiam Marcellus, aliique complures Episcopi ex Thracia, Coesytia, Phaenicia, et Palaestina (7). Cur ab hoc novo Antiocheno Concilio Athanasius Romam appellare non poterat, quamquam antea in eam urbem vocatus fuisset a Julio? Sed non opus est verbis; hoc certum est, Julium Romae condemnasse Eusebianos, atque Athanasium absolvisse, hoc est, quod eodem recidit, eorum cognovisse iudicium, expendisse, abrogasse. Negat Febronius id factum a Pontifice, quem tantum ait inquisivisse in Athanasii defensionem, eumque in communionem recepisse, et Episcopi habuisse locum. Sed quomodo Julius suam cum Athanasio tamquam Episcopo communionem confirmare potuisset, nisi eum restituisset Episcopatu Alexandrino, unde ab Eusebianis pulsus fuerat? Porro

Sozomenus (8), et Socrates (9) deserte tradunt, Julium ad suas remisisse Sedes Athanasium, et Paulum, et ceteros Episcopos, qui ab Eusebianis ejecti fuerant. Idem quoque confirmant Summi pontifices Julius (10), cujus unius abunde sufficeret testimonium, Bonifacius (11), Caelestinus (12), Felix III. (13), Gelasius (14), Nicolaus I. (15), qui omnes affirmant, Athanasium a Sede Apostolica fuisse absolutum, atque in pristinam dignitatem vindicatum. Ipse Athanasius omnem amovet dubitandi locum. Inquit enim (16) „ iudicatum „ est non semel secundum nos. Primum quidem in nostra „ provincia ipse unum coacta ab Episcopis prope centum, „ secundo Romae, cum post missas illuc ab Eusebio literas „ tum ipsi, tum etiam nos in iudicium vocati sumus, con- „ gregatique sunt ibi Episcopi plus quinquaginta. Tertio in „ magna synodo Sardicae coacta. „

(1) Liberatus *Diaconus Breviar. cap. 18. apud. Labbaeum. tom. 6. concil. col. 448.* de Joanne Talaja scribit haec: „ Et sumpti ab eo (Calendione Antiocheno) intercessionibus synodicalis literis Romanum Pontificem Simplicium appellavit, sicut Beatus fecit Athanasius. „

(2) Bellarminus *de Rom. Pontif. lib. 2. cap. 14. opp. tom. 1. pag. 316. et cap. 21. pag. 331. edit. Venet. 1721.*

(3) Baronius *ad an. 341. num. 49. tom. 4. pag. 381. edit. Lucae.*

(4) Natalis Alexander *Histor. Eccles. saec. 4. dissert. 22. prop. 1. tom. 4. pag. 428. edit. cit.*

(5) Constantius *monit. in epist. 1. Julii col. 351.*

(6) Piacovichius in *Thesaur. Theolog. tom. 7. par. 1. pag. 725.*

(7) Julius apud Constantium *col. 379.* „ Non enim, inquit, Athanasius „ dumtaxat, et Marcellus Episcopi huc se contulerant, ac secum injuste „ actum esse conquesti sunt, sed etiam complurimi alii Episcopi ex Thra- „ cia, Coele Syria, Phoenicia, et Palaestina, et una Presbyteri non pauci, „ atque alii quidam Alexandria, et aliis ex aliis partibus ad suum huc „ coactam accesserunt, qui coram omnibus Episcopis congregatis, praeter „ alia, quae in medium protulerunt, conquesti sunt insuper, Ecclesias „ vim, injuriamque esse perpassas. „

(8) Sozomenus *Histor. Eccles. lib. 3. cap. 8. pag. 95. edit. cit.* „ Athanasius, inquit, Alexandria profugus Romam venit. Eodem tempore „ Paulus quoque Constantinopolis Episcopus eo accessit. Episcopus igitur „ Romanus cum singulorum causas cognovisset, omnesque in Nicenum „ fidei doctrina constantes repperisset, in communionem recepit. Et quon- „ niam propter Sedis dignitatem omnium cura ad ipsum spectabat, suam „ cuique Sedem restituit. „

(9) Socrates *Histor. Eccles. lib. 1. cap. 15. pag. 80. edit. ejusd.* „ Porro Athanasius, inquit, post diuturnos labores segre tandem in Ita- „ liam pervenit. . . . Eodem tempore Paulus quoque Constantinopolis „ Episcopus, Asclepas Gazae etc. in Urbem Regiam adveniunt; ubi cum

» Julio Romanae Urbis Episcopo causam suam exposuissent, ille, quae est
 » Romanae Ecclesiae praerogativa, liberioribus literis nos communiter in
 » Orientem remisit singulis Sedes suas restituit.

(40) Julius I. *epist. 4. ad Eusebian. apud Constantium col. 353.*

(11) Bonifacius I. *ep. 15. ad Rufum Thessalonicens. hum. 6. ibid. col. 1042. scribit haec i.* » Sed quia res postulat, approbandum documen-
 » tis est, maximas Orientalium Ecclesias in magnis negotiis, in quibus
 » ipus essem disceptatione majori, sedem semper consuluisse Romanam,
 » et quoties usus exegit, ejus auxilium postulasse. Sanctae memoriae Atha-
 » nassius, et Petrus Alexandrinae Sacerdotes Ecclesiae hujus Sedis auxilium
 » postulavit. »

(12) Coelestius *ep. 14. ad Clerum et Populum Constantinopol. num. 7. ibid. col. 1143.* agens de clericis a Nestorio degradatis, a se relegatis:

» Habetis vos, inquit, quicumque ex Ecclesia estis ejecti, pene nostrorum
 » temporum beatae recordationis Athanasii Alexandrinae Ecclesia penden-
 » tissimi Sacerdotis exemplum. Fugatus illic scilicet ex Oriente in no-
 » stris partibus roboratus est. Denique hic ei redintegratus est status, et
 » in hac Sede quietem communionis invenit, a qua semper Catholicis
 » subvenitur. »

(13) Felix III. in literis, quibus Acacium ad suum evocavit tribunal
 » apud Labbaeum *tom. 5. Concil. col. 217.*, habet haec: » Superveniens

» Frater, et Coepiscopus noster Joannes fugatus ab haeretice pervasoribus
 » Sedis Alexandrinae, libellum nobis, quem sanctae memoriae Praedeces-
 » sori meo paraverat porrigendum, ingressit. Quem morem Majoris sui
 » beatae memoriae Athanasii exemplo, et priorum nostrorum non potuimus
 » refutare. »

(14) Gelasius *epist. 13. ad Episcop. Dardaniae ibid. col. 329.* » Sed
 » nec ista praeterimus; inquit, quod Apostolica Sedes frequenter more
 » Majorum, etiam sine ulla synodo praecedente, et absolventi, quos sy-
 » nodus inique damnaverit, et damnandi, nulla existente synodo, quos
 » oportuit, habuerit facultatem. Sanctae memoriae quippe Athanasium sy-
 » nodus Orientalis addixerat, quem tamen exceptum Sedes Apostolica, quia
 » damnationi Graecorum non convenit, absolvit. »

(15) Nicolaus I. *epist. 8. ad Michael Imper. ibid. tom. 9. Concil. col. 1332.* dicit haec: » Quasi non et venerandae memoriae Methodius in

» Gratia persecutionis fervens, hic apud Beatum Petram, et apud nos,
 » ubi olim Athanasius, ubi Paulus, ubi plurimi cum illis, et praeter il-
 » los, ubi denique semper Catholicis subvenitur, consecuti sint requiem. »

(16) S. Athanasius *apolog. contr. Arianos num. 1. opp. tom. 1. pag. 97. edit. Patavii 1777.*

§. VII. Perridiculum est dicere, quod Julius tamquam Ju-
 dex electus ab iis, quorum agebatur negotium, poterat vo-
 care Eusebianos, in eos, qui venire renquebant, animadver-
 tere, atque Athanasium absolvere. Nam hujus causae judi-
 cium suscepit Julius non tamquam iudex electus ab iis, qui
 inter se contendebant, sed summo jure suo, suaeque Sedis
 auctoritate; quod testimonio Socratis, ac Theodoreti eviden-
 ter ostendit Natalis Alexander (1). Revera ex literis ab Ju-

lio datis ad Eusebianos constat, eos id aegre tulisse, ea-
que de re graviter fuisse conquestos, quod Julius hanc cau-
sam traxisset ad sese, eosque Romam vocasset, et exemplo
Orientalium, qui in causis Occidentalibus Novati, et Nova-
tiani nihil negotii susceperant, ne Occidentalibus quidem li-
cere censebant de rebus Orientalium laborare. Quinam his que-
relis potuisset esse locus, si Eusebiani una cum Athanasio
communi consensu iudicem elegissent? Nonne Julius respon-
disset, inanes esse, ac prorsus ineptas huiusmodi quereles,
cum ipse ab iis constitutus fuisset iudex? At enim ipse A-
thanasius (2) narrat, Julium ab Eusebianis totius controver-
siae iudicem electum fuisse, eique optionem datam, utrum
vellet synodum cogere, an potius ipse iudicium suscipere. Nam
ait „ Eusebiani quoque ad Julium scripsere, ac sperantes,
„ se nobis terrorem incussuros, rogabant, ut synodus co-
„ geretur, et ipse Julius, si vellet iudex foret. „ Scriptum id
quidem ab Eusebianis fuit; at meris verbis, non ex animo,
atque ex voluntate eligendi suae causae iudicem, quem sibi
sciebant adversarium maxime, et studiosum, ac fautorem
Athanasii; nimirum ut ostenderent, adeo suae se causae con-
fidere, ut Julium ipsum non recusarent iudicem. Sed breviter in-
tellectum est, qualis esset haec Eusebianorum liberalitas de-
ferendi causam vel ad synodum, vel ad Julium ipsum, si vel-
let. Sperabant, se hac simulatione, et alacritate verborum
Athanasio *terrarent incussuros*, et sperabant a iudicio abusu-
turum eum, qui eorum mendacia, calumniasque refelleret.
Verum „ ut de nostrae adventu audierunt, *sicut ipse scribit*
„ Athanasius (3), consternati, quod nullatenus expectarunt,
„ nos illuc venturos, accedere noluerunt, absurdas causas
„ commenti, sed revera timentes, ne de illis illi convinceren-
„ tur; quae Valens, et Ursacius postea confessi sunt. „ Ita
illa evanuit Eusebianorum ostentatio, neque habitata est syno-
dus, quam petierant; neque Julius in ea causa iudicium tulit;
tamquam iudex electus ab Eusebianis, qui ab se propositum
simulate iudicium recusaverant, sed suo summo iure idem
iudicium egit. Atque hoc profecto summum jus, cuius
gratia in eo negotio iudicaverat, tum praesefert ipse Ju-
lius (4), tum agnoscit epistola Synodi Sardicensis (5), in
qua mirifice laudatur „ sequitas iudicii Fratris, et Coepiscopi

„ nostri Julii , qui non temerario consilio , sed cum debita
 „ accusatione sententiam tulit , adeo ut nihil sit dubii de
 „ communionem Fratris nostri Athanasii relictum. „ Nihil
 occurrit vel unum verbum iudicii ab Eusebianis commissi Ju-
 lio , imo graviter reprehenduntur , quod ad synodum vocati
 ad eam venire nolissent. Quid sibi illa volebat synodi petiti-
 o , in qua Eusebianorum Legati tantopere insistebant , nisi illud
 volebat , ut declinarent iudicium Julii , quod sibi adversa-
 rium fore prospiciebant ? Quis autem credat , hos homines
 iudicem eligere voluisse Julium , cuius animi sensus explora-
 tos habebant ?

(1) Natalis Alexander *Histor. Eccles. saec. 4. dissert. 22. prop. 2. tom. 4. pag. 429.*

(2) S. Athanasius *cit. apolog. num. 20. pag. 110.*

(3) Idem *ibid. loc. cit. pag. 110.*

(4) Julius *epist. ad Eusebian. apud Athanasium pag. 111.*

(5) *Ibidem pag. 122.*

§. VIII. Ex his omnibus illud perspicuum est , haud pri-
 mum Romano Pontifici tribuisse jus appellationum synodum
 Sardicensem , sed contra illud multo ante habuisse Pontificem
 tanquam annexum Primatui , quo jure Divino fruitur in Ec-
 clesia universa. Quae vero ante , eadem et post synodum Sar-
 dicensem fuit Ecclesiae disciplina , et constans , atque invio-
 lata consuetudo ; scilicet utriusque temporis cursu omnes ,
 qui se superiore iudicio damno affectos putabant , Apostoli-
 cam Sedem libere appellarunt. Ita optima illa legum interpre-
 observantia rem conficit , atque aperte declarat , quae vera
 fuerit Sardicensium Patrum sententia , cum jus appella-
 tionum debitum Romano Pontifici et ex natura Primatus ,
 et ex perpetuo consensu totius Ecclesiae confirmarunt. Sit
 initium a gestis ipsius synodi Sardicensis. Ea quidem Ursa-
 cium , et Valentem Episcopos tum ob Arianam haeresim ,
 tum ob patrata in Athanasium , aliosque Orthodoxos crimina
 de Episcopatu deiecerat , atque omnis Fidelium communionis
 expertes esse voluerant. Cum autem in Illyrico , quod ad
 Constantis Augustis impetium pertinebat , Episcopatum gere-
 rent , et Constantis iram , cuius pura , et integra religio erat ,
 pertimescerent , ostendentes , aut potius simulantes poeniten-

tiam, confugerunt ad Julium Pontificem, ut ejus auctoritate, jussuque solverentur poena, quam sibi Synodus inflixerat. „Romam profecti, uti narrat *Athanasius* (1), peccata sua, cum poenitentia confessi sunt, gratiamque facti postularunt, et catholicam fidei formulam dederunt, quam probavit Julius, eosque per *dispensationis* beneficium fidelium communioni restituit. Ex quo duo efficiuntur. Primum est, semper firmam, immotumque stetisse jus appellationum spectare ad Sedem Apostolicam; alterum, Synodum Sardicensem non suam revisionem Summo Pontifici dedisse, sed veram, germanamque appellationem, cujus gratia novum poterat agere iudicium, et aliam, quam quae superioribus sententiis dicta fuerat, legem constituere. Haud sane Julius irritam fecit sententiam, quippe quae justitiam erat, synodi Sardicensis; sed dum duo illi Episcopi ad eum provocarunt, dumque ipse eos liberavit poena a synodo constituta, manifestum fit, eum recte fuisse appellatum, et ei fuisse supra synodum auctoritatem, et jure potuisse contra ejusdem synodi sententiam veniam dare. Quod autem Apostolica Sedes quorumvis Episcoporum, et synodorum iudicia solvere per gratiam *dispensationis* possit, hoc ipso Ursacii, et Valentis exemplo demonstrat S. Hilarius Episcopus Pictavensis (2). Recte igitur Henrico Leodicensi Episcopo, qui de Dioresano quodam suo Romae absoluto graviter conquestus fuerat, perinde ac Romano Pontifex non illam, quam exercuerat, amplissimam potestatem haberet, rescripsit S. Gregorius VII. „Intelligas, te aut praesumptionis spiritu, aut ignorantia, contra auctoritatem S. Romanae Ecclesiae verba jactasse, quasi imitando Orientales (*nimirum Eusebianos*), qui contra beatum Papam Julium obloqui praesumpserunt, eo quod ipse sanctissimum Athanasium Patriarcham sine eorum consensu absolverat (3). „

(1) S. Athanasius *apolog. contr. Arian.* num. 58. *opp. tom. 1. pag. 139. edit. cit.*

(2) S. Hilarius *fragmen.* 2. num. 19. *opp. tom. 2. col. 635. edit. Veron. cit.* „Quam opportunitatem, inquit, nacti Ursacius, et Valens, Romae plebis Episcopum adeunt, recipi se in Ecclesiam deprecantur, et in communionem per veniam admitti rogant. Julius ex consilio veniam, quam orabant, impertit. ut cum lucro Catholicae Ecclesiae vires quaque detraheret Arianis, cum eos, qui veritatem aut turbarent, consilii

• hujus, et audaciae poenitentes in communione catholicam per veniam
• reconciliatae pacis admitteret.

3. S. Gregorius VII. *ep. 4. lib. 6. apud Labbeum tom. 12. Concil. eol. 429.*

§. IX. Haec, quae de Ursacio, et Valente narravimus, ad ipsam pertinent synodum Sardicensem, ipsamque attingunt tempus; quo eadem habita fuit; et ideo monumentum proferri nequit illustrius, et luculentius ad declarandam mentem Patrum Sardicensium. Triginta post annos Petrus Athanasii successor in Episcopatu Alexandrino cum ab haereticis Sede pulsus fuisset. ejusque loco electus Lucius, Romam venit praesidium imploraturus a Damaso, qui tunc Pontificatum maximum obtinebat, Damasus judicium Romae suscepit, et absolvit, tantaque fuit hujus judicii vis, et auctoritas, ut Clerus Populusque Alexandrinus nihil metuens isam haeretici Imperatoris statim Lucium pelleret. suaeque Sedi Petrum restitueret. Quo spectavit Bonifacius I. (1), cum literis datis ad Rufum, et alios Macedoniae Episcopos scripsit haec; „ Sanctae memoriae Athanasius, et Petrus Alexandrinae „ Sacerdotes Ecclesiae hujus Sedis auxilium postularunt. „ Atque idem sibi voluerunt Enterius Thianensis, et Elladius Tarseasis, cum scribentes Sixto Summo Pontifici (2), his asi sunt verbis: „ Et olim siquidem saepius jam ex Alexandria hujusmodi haereticis zizaniis inurgentibus suffecit vestra Apostolica Sedes per universum n tempus illud ad mendacium convincendum, impietatemque reprimendam, et corrigenda, quae necessarium fuit, muniendumque orbem terrarum ad gloriam Christi, tam sub illo ter beato, et inter sanctos habendo Episcopo Damaso, quam sub pluribus aliis etc. (3) „

(1) S. Bonifacius I. *epist. Rom. Pontif. col. 1042.*

(2) *Ibid. col. 1246.*

(3) Christianus Lupus, et Emmanuel a Schelestrate inter Romanas appellationes referunt etiam appellationem Maximi Cincii Episcopi Constantinopolitani, atque hujus sane opinionis fundamentum est epistola S. Ambrosii, et Episcoporum Italiae ad Theodosium tom. 3. *Concil. edit. Mansi eol. 631.* Sed primum haec epistola non Pontificis, sed S. Ambrosii, etque aliorum Episcoporum nomine scripta est, ideoque ad Romanas appellationes, de quibus agimus, proprie, ac vere traduci non potest. deinde vero quamquam de hujus epistolae veritate minime dubitarint Sirmondus, qui eam primus edidit, Belarius, Quosquellus, Dupinius, Maurini editores operum

S. Ambrosii, Mensius, tamen firmissima sunt argumenta, quae ad ejus falsitatem ostendendam a Joanne David *jugemen. canon. chap. 4. art. 2. pag. 7. 6. edit. Paris. 1671.* Nitali Alexandro *Histor. Eccles. saec. 4. dissert. 28. tom. 4. pag. 472.*, et Antonio M. Merenda in *opusc. S. Damasi diatrib. cap. 1. seqq. pag. 180. 1. qq. edit. Romae 1754.*

§. X. Eodem Summo Pontifice Damaso cum a Caesaraugustana Synodo condemnati fuissent Instantius, Salyianus, et Priscillianus, Romam profecti sunt, ut apud Damasum, Urbis ea tempestate Episcopum objecta purgarent, uti narrat Sulpicius Severus (1). Quid sibi hoc iter, et quid itineris causa haec purgatio volebat? Hoc certe volebat nnum, ut Damasi auctoritate; abrogata sententia Synodi Caesaraugustanae, purgatis locus pristinus restitueretur. Haud sane restituit Damasus, quoniam eo beneficio dignos non putavit homines jure, ac merito condemnatos, sed non ideo vera, ac germana appellatio haberi nequit, propterea quod ejus vis, et veritas non ex rei exitu, sed ex facto ipso appellantis aestimatur, et in ea tam probanda, quam rejicienda jus appellationis elucet (2). Qua in re illud in primis dignum observatu est, quod Instantius, ejusque socii sese etiam Mediolanum contulerunt ad S. Ambrosium, cujus praeclara erat ubique fama, et existimatio, tum propter dignitatem Sedis, tum propter viri sanctitatem. Verum Ambrosio sese minime purgare studuerunt, uti se purgare voluerant Damaso, quia scilicet hic tantum poterat summa, qua in tota Ecclesia potiebatur, auctoritate, ille vero non poterat purgationem utilem reddere, et salutarem.

(1) Sulpicius Severus *Histor. sacr. lib. 2. cap. 481. tom. 2. pag. 225. edit. Verona 1754.*

(2) Ibidem *pag. 256.* Videsis Fratres Ballerinius *observat. in dissert. 5. Quirinelli tom. 2. opp. S. Leonis col. 933.*

§. XI. Ensthatius Episcopus cum ab Arianis Episcopis in synodo Melitinensi in Armenia circa annum 357. de gradu dejectus fuit, appellavit Liberium Pontificem, a quo communicatorias accepit literas, per quas suae Sedi restitutus est. Rem omnem narrat S. Basilus (1), his verbis: „Quaenam „antem ei proposita fuerint a beatissimo Episcopo Liberto, „et quibusnam assensus sit, ignoramus, nisi quod epistolam

attulit, quae eam restituebat, eaque ostensa synodo Ty-
nensi in suum locum restitutus est.

(1) S. Basilii ep. 263. num. 3. opp. Tomi 3. pag. 406. edit. Maurin.
Paris. 1730.

§. XII. Sed illustris in primis est appellatio S. Joannis Chry-
sostomi, qui, cum iniusto iudicio synodi ad Quercum prope
Chalcedonem condemnatus fuisset, ad S. Innocentium I.
Summum Pontificem provocavit. Pontificiae potestati adver-
santes (1), primum hujus appellationis testem putant S. Ge-
lasium I., perinde ac alia desunt monumenta, quae eam te-
statissimam faciunt. Sed principio magnum his hominibus
praejudicium facit auctoritas tam antiqui, ac tam vitae inté-
gritate illustris Pontificis, qualem Gelasium fuisse omnes no-
runt, qui cum haec scriberet, ut Acaciorum improbitatem
retunderet, summa cautione opus habuit, ne quid mandaret
literis, quod non esset certissimum, longeque remotum ab
omni cavillandi loco. Deinde vero Chrysostomum revera ap-
pellasse Summum Pontificem, ut ejus auctoritate, et iudicio
adversus eum lata sententia e medio tolleretur, manifestum
faciunt tum ipsius Chrysostomi literae (2), tum literae Ho-
norii Imperatoris (3), ad Arcadium Imperatorem datae. In
illis Chrysostomus narratis omnibus, quae iniquissime acta
fuerant, Innocentium Pontificem rogat his verbis: „ ne igi-
tur tanta confusio omnem, quae sub coelo est, terram in-
vadat, rogo ut per epistolas denunciatis, ea quae tam ini-
que acta sunt ab una parte, absentibus, et non declinanti-
bus iudicium (*ἡ ἀποφασὶς τῶν ἀπόντων*) nullum habere robur, si-
cut ex sua natura nullum habent; et ut qui talia ausi sunt,
ecclesiasticarum legum poenis subiciantur. Nos igitur, qui
nec convicti, nec reprehensi sumus, nec rei demonstrati,
literis vestris quamprimum frui date, et caritate vestra, ce-
terisque omnibus, ut antea. „ An non vera haec, et germa-
na appellatio est, cum Chrysostomus confugit ad Romanum
Pontificem, ut ante actum iudicium nullius roboris esse sta-
tuat, iniquos iudices canonicis poenis obnoxios esse decernat,
sibique injuria deposito concedat communionem, pacem, car-
itatem, quemadmodum iis ante depositionem fruebatur? Si-

litteras Honorii literas ad Arcadium datas memorant appellationem ad Sedem Romanam interpositam, missasque ad eam ex utraque parte Legatos, et *pacificam Joanni Episcopo permissam communionem*, quae nonnisi abrogata synodi sententia permitti potuisset, detrusosque violententer in exilium antistites *non examinatis rebus*, antequam institutum Romae iudicium absolveretur (3).

(1) Petrus de Marca *de Concil. lib. 7. cap. 9. Dupinius de antiq. Eccles. discipl. dissert. 2. cap. 2. §. 2. Basnagius Annal. Polit. Eccles. ad an. 404. §. 9. et 10. tom. 3. pag. 204. edit. Roterodam. 1706.*

(2) Sunt haec Chrysostomi verba apud Palladium *dial. de vit. Chrysost. opp. S. Jo. Chrysost. tom. 33. pag. 9. edit. Venet. 1754.* secundum interpretationem Emerici Bigotii, qui certe suspectus esse non potest, quod nimium Sedi Apostolicae favere voverit, et hanc ipsam interpretationem probat Petrus Constantius *ep. Ron. Pontif. col. 786.* Quod si placet Palladii verba ita interpretari, ut visum est Eberhardo: *obscuro, ut scribit, quod haec tam iniqua facta sint, non habent robur: res eodem recidit. Innocentium enim rogabat Chrysostomus, ut quae contra sese acta fuerant, irrita declararentur, quod certe non fecisset, nisi eam in Summo Pontifice auctoritatem agnovisset. Quid enim opus habebat epistola unius, alteriusve privati Episcopi, in quo non inerat potestas, quam unus habebat Summus Pontifex, iudicandi ea quae gesta fuerant, cum praesertim suis faverent paribus quadraginta Episcopi, qui latam sententiam injustam, hac nullam in omnium conspectu profitebantur?*

(3) Honorius *epist. ad Arcad. Imper. opp. S. Jo. Chrysostomi tom. 3. pag. 525. edit. ejusd. Consule David jurem. canoniq. chap. 7. art. 5. pag. 430. Natalem Alexandrum Histor. eccles. sarc. 4. dissert. 28. prop. 3. tom. 4. pag. 466. Baronium ad an. 404. num. 20. tom. 6. pag. 442. Pagium Critic. ad eund. num. 16. pag. 443. Christianum Lupum de appellat. dissert. 1. cap. 25. et 34., et dissert. 3. cap. 3. pag. 97, 134. 301. opp. tom. 8. edit. Venet. 1727., Bianchium delle esterior polizia della Chiesa tom. 5. par. 2. cap. 5. lib. 3. pag. 81. seqq.*

§. XIII. Fateamur sane, Chrysostomum etiam ad Venerium Mediolanensem, et ad Chromatium Aquilejensem Antistites dedisse literas (1); verum hae literae, non solum anno 406, datae sunt, hoc est biennio post, quam antiquior illa ad Innocentium epistola scripta fuerat, sed etiam nihil habent simile eorum, quae hac epistola continentur; uti facile intelligit quisquis hanc cum illis conferre velit. Neque aliud snadet clausula, qua Innocentii epistola concluditur, qualis a Palladio describitur, his concepta verbis: „ Haec ipsa etiam scripta „ est ad Venerium Episcopum Mediolani, et ad Chromatium „ Aquilejae Episcopum. Vale in Domino (2). „ Principio haec

clausula minime invenitur in Codicibus manuscriptis, quos laudat Constantinus (3), neque item extat in omnibus editionibus operum S. Joannis Chrysostomi, neque in exemplari ejusdem epistolae, quam Fronto Ducaeus veteris adjunxit epistolis Chrysostomi, neque in altero exemplari, quod Montfauconius separatim descripsit inter easdem epistolas (4), neque demum in accuratioribus collectionibus conciliorum (5), in quibus omnibus epistola concluditur his verbis, „semper vale, „et ora pro me Domine reverendissime, et sanctissime. „Ex quo facile intelligitur, eandem clausulam praeiisse ex penu alicujus interpolatoris, qui Palladii Codicem, quo Ambrosius Camaldulensis, et Bigotius usi sunt, depravavit. Deinde etiamsi vere Chrysostomus ad Venerium, et Chromatium perferendum curavit exemplar epistolae, quam ad Innocentium per Legatos misit, haud tamen efficitur, quod in his duobus parum cum Innocentio potestatem residere existimaverit. Ipsi sane principem habebant locum inter Italiae Episcopos, quibus ordinarium constabat Summi Pontificis concilium, a quo graviora quaeque ad Sedem Apostolicam delata negotia expediebantur; et hinc mirum non est, quod Chrysostomus ad Innocentium provocans, his quoque Episcopis, qui tunc soli erant Italiae Metropolitae, scripserit, ac datarum ad Innocentium literarum exemplar miserit, ut ad concilium vocati rem totam, de qua agendum erat, compertam haberent. Verum quatuor Episcopi, qui Chrysostomi legatione functi sunt, non solum Joannis, sed etiam quadraginta Episcoporum, qui in ejus communione perseverabant, clerique Constantinopolitani, eisque, et Chrysostomi adversarii aures praeiit Innocentius, qui tum illi, tum Clero rescripsit, et hae literae per totum Orientem sparsae, ac disseminatae sunt.

(1) Joannes Chrysostomus *ep. 155. ad Chromatium, et ep. 182. ad Venerium opp. Chrysost. tom. 3. pag. 689. et 702. edit. Venet. 1734.*

(2) Palladius *de vit. S. Jo. Chrysostomi opp. Chrysost. tom. 13. pag. 9. edit. ejusd.*

(3) Constantinus *epist. Rom. Pontif. col. 787.*

(4) Montfauconius in Chrysostom. *ep. ad Innocent. cit. tom. 3. pag. 315.*

(5) Labbaeus *tom. 3. Concil. col. 59. edit. Venet. cit.*

§. XIV. At quod demum Innocentii, quem Chrysostomus appellavit, in ea controversia judicium fuit? Ipse scilli-

cet rebus diligenter cogitis, auditisque Chrysostomi adversariis abrogavit, atque rescidit, sicuti narrat Palladius, qui utitur verbo *ἀναιρέω*, quod est participium verbi *ἀναιρεῖν*, quodque latine significat non tantum *improbare*, sed etiam *infirmare*, *abrogare*, uti pluribus datis exemplis contra Dupinium Biauchius (1), contra Basnagium Manius (2) ostendunt. Quam Palladii sententiam ita explicatam egregie confirmat omnis antiquitas; nimirum Gelasius, qui datis ad Episcopos Dardaniae literis (3) scribit, *Apostolicam Sedem ab solvisse Joannem Constantinopolitanum, quem synodus etiam Catholicorum Praesulum certe damnaverat*; Vigilius (4), qui Chrysostomum, et Flavianum a Catholica Ecclesia se junctos haberi non posse affirmat, *quod semper inviolatum eorum communionem Romani Pontifices servaverunt*; Facundus Episcopus Herminianensis (5), qui memorat *judicium Sedis Apostolicae, quae per beatissimum Papam Innocentium praedicti sancti Joannis in exilio constituti damnationem solverat*. Sunt haec monumenta certissima, ex quibus apertissimum est, Joannem Chrysostomum ab Innocentio Pontifice solutum fuisse poena a synodo constituta, et vero solutum methodo judiciali, hoc est auditis Chrysostomi adversarii, excussisque omnibus, quae recta, et diligens judicandi ratio postulabat. Neque vero quod Innocentius affirmavit necessariam esse synodum, ut omnis de tam gravi negotio controversia tolleretur, argumento esse potest, uti visum est Dupinio, et Febronio, quod Summus Pontifex eam ab se potestatem abesse existimaverit. Jam enim Innocentius in gradum pristinum restituerat Chrysostomum, et eum participem fecerat ecclesiasticae communionis, a qua eum rejecerat Theophili synodus; quod satis superque est, ut dubitari non possit, quin Pontifex voluerit, et potnerit ejusdem synodi antiquare sententiam. Eodem jure praecideret potuisset omnem disputationem, sed maluit obtemperare prudentiae regulis, quod erat necessarium ea maxime tempestate, qua Arcadii uxor Eudoxia male animata in Chrysostomum omnem certe dedisset operam, ut solius Innocentii judicium et suspectum esset, et ab omnibus despiceretur. Sed has ipsas prudentiae leges consonas esse voluit legibus justitiae, et Pontificis auctoritati, Justitiae inquam legibus,

Nam Chrysostomus violentum spoliū pertulerat, quo vi ejectus fuerat ex Episcopatus possessione, justitiæ autem leges sic ferebant, ut primum vi erepta possessio redintegraretur, postea de violentiæ crimine judicium fieret (6). Itaque Chrysostomo primum restituta est antiqua possessio, quam vis injusta rapnerat, dictaque lex ab Innocentio, ut postea de violentiæ crimine quaereretur. Ita satisfactum est justitiæ legibus, quæ hunc judicii ordinem postulabant, sed simul etiam ea, quem habere oportebat, ratio est habita Pontificiæ auctoritatis. Innocentius reddiderat, ac restituerat Chrysostomo locum, gradumque suum, quod vel unum satis erat, ut hæc auctoritas tum infirmandi synodi sententiam, tum in integrum restituendi spoliatum nota esset, ac manifesta omnibus; neque ullus dubitandi locus esse poterat, quin ille qui hæc præstiterat, posset etiam de violentiæ crimine judicare. Sed prudens Pontifex sciebat, quantum gratia, et auctoritate valeret Theophilus, quam multos haberet sibi concordēs, et consentientes, quam infensa esset Chrysostomo Imperatrix, ei hinc intelligebat fore, ut cum omnibus compertum esset quanta ipse caritate, et concordie amicitia complecteretur Chrysostomum, sui solius judicium suspectum traduceretur, neque aptum esset ad omnem præcidendam controversiam. Itaque ut os omnibus obturaret, maluit de suo jure decedere, et Concilio Occidentalium, et Orientalium Episcoporum cognoscendam relinquere irimen violentiæ, dicta tamen lege, ut firmum immotumque esset quod ipse judicaverat, neque „ Joannes judicium ingredi deberet, nisi ipsius prius restituta fuisset et Ecclesia, et „ communicatio (7). „

(1) Biauchius dell' *esterior polizia della Chiesa* lib. 3. cap. 5. §. 7. num. 6. tom. 5. par. 2. pag. 88. seqq.

(2) Mansius in *not. ad Natal. Alexandr. dissert.* 28. sæc. 4. tom. 4. pag. 482. edit. Venet. 1776.

(3) Gelasius *ad Episc. Dardan. ep.* 13. apud Labbaeum tom. 5. concil. col. 329.

(4) Vigilius in *consit.* apud Labbaeum tom. 5. Concil. col. 1348.

(5) Facundus Hermianensis *pro defens. trium capit.* lib. 6. cap. 5. *inter oper. varia Sirmondi* tom. 2. col. 432. edit. Venet. 1728.

(6) Cujacius *ad tit. 62. lib. 7. Cod. opp. tom. 9. pag. 1035.* „ Major rem celeritatem, inquit, desiderat reformatio, et restitutio possessionis „ vi ereptæ, quam executio criminis ex L. Julia de vi publico, vel pri-
Tom. III. Q q

- * vera, et hoc est quod ait L. si quis int. ad L. Iuliam de vi publicæ
- * ante omnia causam violentiæ examinari, id est causam possessionis vi ca-
- * repte: examinari ut quamprimum redintegretur, non publicam violenti-
- * æ crimem, quia, ut ait eadem lex, prius est finiendæ causæ posse-
- * sionis, quam perveniatur ad crimem violentiæ.

(7) Palladius loc. cit. pag. 13.

§. XV. Adhuc Pontificatu Maximo fungebatur Innocentius, cum Africani Patres non obscurum dederunt novæ ad eundem appellationis argumentum. Primosus Episcopus in Mauritania Caesariensis criminis accusatus reus cum ad provinciae synodum ire nollet, literas ab Imperatore impetravit, ut a plenario Africae concilio judicaretur. Sed ne in hoc quidem plenario concilio sui facere copiam voluit, quamquam huc Imperatoris rescripto vocatus fuisset. Quare Episcopi Mauritaniae in Concilio Charthaginensi rem omnem Innocentio significari voluerunt, ut ei compertum esset. „ Primosum per „ Principales Civitatis Thiganensis conventum, literis eorum „ fuisse, ut secundum principalia scita plenario Concilio sui „ praesentiam faceret; et ut oportuit requisitus Primosus re- „ pertus non est, sicut Diaconi renunciaverunt. Sed qui po- „ poscerunt eidem Mauri de plenario concilio oportere literas „ destinari ad venerabilem fratrem Senem Innocentium has „ placuit mitti, ut agnoscat Primosum requisitum a Concilio „ et minimè fuisse repertum (1) „. Quid hanc sibi voluisse dicamus solitudinem Episcoporum Mauritaniae, ut Innocentio compertum esset, Primosum ad Concilium fuisse vocatum, neque tamen sui copiam fecisse? Profectio vel appellavit Primosus Innocentium, vel ne eum appellare posset, metuebant Africani Patres, quia secus inutilis fuisset tanta illa eorum sollicitudo, ut summus Pontifex de rebus omnibus a Primoso gestis certior redderetur. Nisi accipiendae appellationis potestatem in Romano Pontifice agnovissent, frustra laborassent de ostendendo negocio, cuius ille iudex minime esse debebat. Aliarum quoque Africanarum appellationum exempla memorat Augustinus (2), de quibus alius erit agendi locus.

(1) Concilium Carthagenense, quod laudat Franciscus Antonius Zaccaria *raccolta di dissertazioni etc. disser. 1. tom. 16. pag. 78.*

(2) Augustinus ep. 209. ad Carlesim. num. 8. opp. tom. 2. edit. Maurin. Fenes. 1729. col. 779. Constantius col. 1056. not. c. haec dicta

esse existimat eo temporis intervallo, quo Afri Romam Appellare permiserant, donec expensis Nieneni concilii exemplaribus perspicuum fieret, eum in iis laudati a Zosimo cauones reperirentur; sed eum solide refellit Joſeph Franciscus Antouius Zaccaria cit. *dissert.* 1. pag. 78. et 79.

§. XVI. Triennio post ipse Innocentius per appellationem judicavit causam Bubalii, et Tauriani, quos Macedoniae synodus condemuaverat. Petrus de Marca, et Constantinus hanc appellationem aegre tulisse existimant Macedoniae Episcopos, eaque de re graviter cum Summo Pontifice fuisse conquestos; Verum egregie falluntur, uti a Davidio (1), Christiano Lupo (2), Natali Alexandro (3) demonstratum est. Ipsi enim Macedoniae Episcopi plus semel contra Bubalium, et Taurianum suas ad Innocentium querelas detulerant, eumque iteratis querimoniis rogaverant; ut iterum in homines perditissimos insurgeret (4). Quis dicat his Episcopis displicuisse susceptum ab Innocentio iudicium, quod ipse eorum suam, ac precibus susceperat? Accedit, quod quidquid egerant Macedoniae Episcopi non sine consilio, et auctoritate egerant Rufi, quem Summus Pontifex in toto Illyrico sui Vicarium constituerat (5). An est credibile, Rufum; et qui eo vel auctore, vel suavore Turianum, et Bubalium condemnauerant, iniquo animo ferre potuisse, quod Innocentius ea de re novum ab se ipso iudicium institui vellet? Sed non opus est verbis; nam ipse Innocentius aperte declarat causam, propter quam Episcopis Macedoniae non liceret quiescere. Scilicet Innocentii literas Bubalius fluxerat, quas per totam provinciam pervulgaverat, et quibus suadere conabatur, habere se Innocentii communionem, dum contra ipse Episcoporum Macedoniae iudicium confirmaverat (6).

(1) David *jugemen. canon. chap.* 10. art. 5. pag. 542. *seqq.* edit. Paris. 1671.

(2) Christianus Lupus *de Rom. appell. Eccles. Gallican. dissert.* 1. tom. 31. *opp.* tom. 8. pag. 122. *edit. cit.*

(3) Natalis Alexander *Histor. ecclrs. in saec.* 4. *dissert.* 28. *prop.* 3. tom. 4. pag. 476.

(4) Innocentius ep. 18. apud Constantius ep. *Rom. Pontif.* col. 841. „Mora, inquit Coepiscoporum nostrorum Maximiani, et Eumenii, vel „potius importunitas temporum fecit, ut vos iteraretis de Bubalio, et „Tauriano querimoniam, et vos iterum in homines perditissimos insurgeremus.”

(5) Innocentius ep. 13. col. 817. *loc. cit.* „Arripe itaque, inquit,

„ dilectissime Frater, nostra vice per superscriptas Ecclesias, salvo earum
 „ primatu, curam; et inter ipsos Primates primus, quidquid eos ad nos
 „ necesse fuerit mittere, non sine tuo postulent arbitrato. Ita enim aut
 „ per tuam experientiam, quidquid illud est, suietur; aut tuo consilio
 „ ad nos usque perveniendum esset mandamus. „

(6) Innocentius *cit. ep.* 18. *col.* 842. » Verum illud, *inquit*, video
 » movisse animos vestros, quod in multis Bupalis saepe fallaciis depre-
 » hensus objecerit exemplaria fictarum quasi a nobis literarum, cum pro
 » consuetudine hominis nihil, quod proferret, jam fide dignissimum vi-
 » deretur. „

§. XVII. Innocentio in Pontificatu maximo successit Zosi-
 mus, et duae extant ad eum memoriae hominum traditae ap-
 pellationes, altera Coelestii, quem Carthaginensis synodus
 condemnauerat (1), altera Patrocli Episcopi Arelatensis. Pro-
 culo Episcopo Massiliensi Taurinensis Synodus adscripserat
 ordinationes provinciae Narbonensis secundae; hinc Patroclus,
 qui grave eo decreto detrimentum acceperat, Zosimum ap-
 pellavit, a quo Taurinensis synodi sententia e medio subla-
 ta est (2). Hanc appellationem ne ipse quidem Paschasius
 Quesnellus in discrimen revocare ausus est; inquit tamen, id
 immerito, suoque arbitrato a Patroclo factum fuisse. Sed
 eodem Pontifice magna in primis inter eum, et Episcopos Af-
 ricanos exarsit controversia. Milevitana synodo II. Presbyte-
 ria, et clericis vetitae fuerant transmarinae, hoc est Roma-
 nae appellationes, nihilotamen minus Apiarius Presbyter,
 quem Urbanus Episcopus Siccae in provincia proconsulari de
 gradu dejecerat, Zosimum appellavit. Pontifex de Milevita-
 no decreto certior factus animo magno, ac fortiter negotium
 hoc suscipiendum putavit, ut obsisteret rei novitati, Sedisque
 Apostolicae iura tueretur; sed in hoc tam gravi negotio sum-
 mam cautionem adhibere voluit, ne turbas cicerent Afri, quo-
 rum ingenium servens, ac petulans magnum ejus rei metum
 afferebat. Itaque in Africam misit Legatos tres Faustinum E-
 piscopum Potentiae, ac Philippum, et Asellum Presbyteros
 Ecclesiae Romanae, qui jussi sunt una cum vicinis Episcopis
 Apiarii causam cognoscere. Quod plane consentaneum erat
 Africanis canonibus, quibus sancitum fuerat, ut irent ad vi-
 cinos Episcopos Presbyteri, aliique inferiores clerici, qui se
 a suis Episcopis damnum accepisse querebantur. Sed cum haec
 legatio commovere animos Afrorum posset, quaedam Zosi-
 mus scripto mandavit, de quibus monitus Legatos voluit; in

primis vero tradidit canones Sardicenses, quibus ius appellationum explicatur. Hos canones Nicaenos appellavit non ut aliquid per fraudem, et malitiam fingeret, sed ut sequeretur consuetudinem Ecclesiae Romanae, quae in suo codice post Nicaenos continuo descriptos, et sub eodem titulo habebat canones Sardicenses, uti in Codice Justelli, aliisque manuscriptis codicibus reperti sunt (3). Neque nova, et inaudita videri poterant Africanis Patribus praescripta synodi Sardicensis. Nam huic synodo interfuerat Gratus Episcopus Carthaginensis, et Primas totius Africae cum aliis trigintaquinque Episcopis Africanis. iique omnes subscripserant, et approbaverant quae ab eadem synodo decreta fuerant. Quis vel conjectura adduci ad suspicandum poterat eosdem Episcopos non probaturos ejus Concilii auctoritatem; praesertim cum Carthaginensi Concilio II. (4) statutum fuisset, ut ab ipsis *veterum statuta servari deberent*? Itaque Zosimus ea in re sequutus est consuetudinem Ecclesiae Romanae, quae nullam faciebat discrimen inter Nicaenos, et Sardicenses canones; cui quoque consuetudini obsequutus est Innocentius I. (5), et obsequuti Zosimi successores, ne ipso quidem excepto Leone M., qui semper tamquam Nicaenos laudarunt canones Sardicenses. Bellarmini (6), et Baronii (7) opinio est, eosdem canones habitos fuisse tamquam Nicaeni Concilii partem, aut appendicem, propterea quod utrique Concilio iidem Patres magna ex parte, Osio Praeside, interfuerunt. Sic unum ob omnibus numeratur Concilium Florentinum habitum Eugenio IV. Pontifice, licet magna pars sessionum, et definitionum ejus Ferrariae contigerit. Pari modo facile evenire tunc potuit, quod synodi Nicaena, et Sardicensis ab iisdem Patribus celebratae eodem fine proposito argumento pro una synodo haberentur. Amortius (8) in Archivio Diessensi sese invenisse testatur antiquissimum codicem, in quo post Concilium Nicaenum alterum describitur *Concilium Nicaenum XX. Episcoporum*; quod secundum appellatur. Ex quo conjicit, viginti Episcopos Occidentales post discessum aliorum Patrum aliud Nicaeae Concilium habuisse, in quo illi conditi fuere canones, quos postea Sardicensis synodus probavit, et uberius, ac fusius explicavit. Quod si verum est, facile intelligitur, quamobrem in codicibus Occidentis hi canones continuo post Nicaenos descri-

pti, ac Nicaeni appellati fuerint. Sed ejus rei causam investigare, et perscrutari curiosius, nihil attinet, cum res ipsa certa, et comperta est.

(1) Confer Facundum Hermaniensem *lib. 7. cap. 3. inter. opp. Sirmondii t. 2. col. 440. edit. Venet. 1728.*, et Zosimum P. *ep. 2. ad Aurelium et alios African Episc. apud Constantium ep. Rom. Pontif. col. 944.*

(2) Zosimus *ep. 5. apud Constantium col. 959*

(3) Vide Ballerinius *de antiq. collect. Latin. par. 2. cap. 1. §. 3. vol. LVII. t. 3. opp. S. Leon.*, et Joan. David *des jugemens canoniques des Eveques chap. 1. art. 6. p. 43. seqq.*

(4) Concilium Carthagineuse II. *un. 390. can. 10. tom. 2. Concil. col. 1247. Concil. Labbaci.*

(5) Innocentius I. *ep. 6. apud Constantium col. 790.*

(6) Bellarminus *de Rom. Pontif. lib. 2. cap. 25. opp. tom. 1. pag. 335. edit. Venet. 1721.*

(7) Baronius *ad an. 347. num. 108. pag. 458. edit. Lucae.*

(8) Amortius *elem. jur. canon. in praefat. §. 8. pag. 5. edit. Ferrariae 1763.*

§. XVIII. Ut in Africam Zosimi Legati venerunt, Aurelius concilium Carthagine convocavit, in quo magna, concertationumque plena disputatio de his canonibus acta est. Ea certe nullo negotio sublata fuisset, si Africani Episcopi compertos habuissent veros, et germanos canones Sardicenses (1). Sed hos illi ignorabant, quia descripti non erant in codicibus, quibus utebantur, oecumenici concilii Nicaeni, et quamquam Gratus Carthaginensis Episcopus huic concilio, uti diximus, interfuisset, tamen ita ejus memoria absoleverat, ut non aliud in Africa nosceretur Sardicense concilium, quam conciliabulum Philopolitanum, quod Schismatici in Thracia habuerant, ementito nomine Sardicensis, ut hac fraude incautos deciperent, veroque concilio Sardicensi auctoritatem adimerent (2). Verum in eo concilio controversia sublata non fuit; et ideo statutum, ut ea de re diligentius quaereretur concilio, quod erat habendum anno, qui proxime sequebatur; sed interim (tanta erat Afrorum erga Summum Pontificem reverentia) laudati a Zosimo canones observarentur (3). Habitu demum est hoc Concilium cui praeter Pontificis Legatos Episcopi CCXVII. interfuerunt. Synodica, quam Patres scripserunt, epistola primum nunciant (4) Bonifacio I., qui post Zosimum Summus Pontifex creatus fuerat, Apiarium, qui suorum criminum veniam postulaverat, communioni, non item Siccensi Ecclesiae ob bo-

nam pacis fuisse restitutum, atque datas literas communionis, ut ubique suo libitu Sacerdotii munera exerceret. Postea de canonibus, in quibus omnis posita erat controversiae ratio, sermonem instituunt, iisque se parituros profitentur usque ad inquisitionem, investigationemque meliorem canonum Nicaenorum, rogantque Pontificem, ut ea de re consulat Episcopus Orientales. Nullum in hac tota epistola verbum est, quod contra Pontificiam auctoritatem facere videatur.

(1) Quod diserite fatentur Constantius in *ep. 15. Zosimi col. 982.*, et Tillemontius in *vita S. Augustini art. 324. Histoir. eccl. s. tom 13. pag. 861. edit. Venet. 1732.*, quorum neuter haud sane haberi potest fanior appellativum.

(2) Vide S. Augustinum *ep. 44. num. 6. opp. tom. 2. col. 103. edit. Maurin. Venet. 1729.*

(3) Patet id ex literis plenarii concilii Africani ad Bonifacium Zosimi successorem apud Constantiam *epist. Rom. Pontif. col. 1012.*

(4) Vide eandem Africani Concilii synodicam epistolam *num. 2. col. 1011. loc. cit.*

§. XIX. Non inulto post, nimirum circa exitum anni 425. haec in Africa controversia reerudit. Quamquam Afri totum de perquirendis Nicaenis canonibus negotium Summo Pontifici commississent, haud tamen ipsi totam ejus curam abjecerant, sed ad Attienum Constantinopolitanum miserant Marcelum Subdiaconum, ad S. Cyrillum Alexandrinum Innocentium Presbyterum, ut per eos vera haberent exemplaria canonum Nicaenorum. Cum his exemplaribus tantum contingerentur Nicaeni canones jam Afri noti, non item illi, quos Zosimus laudaverat, fuit id Bonifacio significatum; sed tunc nihil novi actum est contra appellationes. Denique Apiarius, cujus causa Zosimo Pontifice tota illa contentio orta est, ejus redintegrandae auctor, fuit cum Coelestinus Pontificatum gereret. Cum enim iterum ob ejus scelera communionis expertus factus fuisset, appellavit Summum Pontificem, a quo non tantum, poena solutus, sed et in Africam missus est cum Faustino Legato, ut hujus auctoritate sustentaretur. Legatus potius se Apiarii patronum, quam judicem praebuit, omniumque odium ob intolerabilem superbiam, et arrogantiam in se concitavit. Dum haec gerebantur, Apiarius angore, et solitudine conscientiae vexatus sponte sua confessus est scelera, quae omnium animos, adeo gravia erant, horrore perfunderunt. Hinc Afri obla-

tam sibi putarant occasionem scribendi ad Coelestinum rogantes eum, ut non facile suscipiat appellationes, quoniam magna exinde mala, et incommoda oriebantur. Has literas paulo diligentius expendere oportet, quoniam invidi vituperatores Sedis Apostolicae magnam ex iis contra jus appellationum educti argumentum posse arbitrantur (1).

(1) Omissis Joanne Calvino, M. Antonio de Dominis, ceterisque similibus, qui se Romani Pontificis Primatui bellum indixisse profitentur, Paschasius Quesnellus Africanam Ecclesiam numquam Romanum Pontificem appellasse contendit, ideoque recentiori aetate jus hoc appellationum Sedem Apostolicam injuria arripuisse contendit. M. Antonium de Dominis, ac ceteros praesertim haereticos refutavit M. Antonius Cappellus *dissert. de appellationibus Ecclesiae Africanae ad Romanam Sedem*. Quesnello satisfecit Christianus Lupus *dissert. 2. de Africanae Ecclesiae ad Sedem Apostolicam provocacionibus opp. tom. 8. pag. 145. seqq.* Multa etiam ex de re habent Orsius *de Rom. Pontif. auctoritate lib. 7. cap. 14. tom. 4. pag. 705. seqq. edit. Romae 1711.*, et Istori. *Ecclesiast. lib. 27. num. 36. seqq. tom. 12. pag. 124. seqq. edit. Romae 1753.* Ballerinii *opp. S. Leonis M. tom. 2. col. 933. 958. 961.*; Cerbonius *de jur. et leg. disciplin. lib. 22. cap. 5. §. 4. tom. 3. pag. 320. seqq. edit. Romae 1777.*

§. XX. Ut rectum de hoc controversia judicium ferri possit, videndum est diligenter, quid in illo ipsa aestu contentionis Afri contenderent. An quod proprium non esset Summi Pontificis jus suscipiendi appellationes ex tota Ecclesia, an quod ipsi non liceret de rebus Afrorum ad se provocantium judicare? Rem sane postulassent et injustam, plenam intolerabilis arrogantiae, si solis Afris concessum contendissent jus hoc summum, et singulare, ut in Ecclesiae capite non agnoscerent supremam illam potestatem, quam in Orbe Christiano ceterae omnes Ecclesiae agnoscebant. Ad Summum Pontificem cunctae non solum ex Occidente, sed etiam ex Oriente suo libitu provocabant, neque de his appellationibus ullae umquam querelae sunt habitae, neque ullae contentiones fuerunt. Provocaverant Marcion (1), Basilides Asturicensis, et Martialis Emeritensis, S. Athanasius Alexandrinus Episcopus, Paulus Episcopus Constantinopolitanus, Asclepa Gazensus, et Lucius Adrianopolitanus, Marcellus Anteyranus, Ursacius, et Valens, Petrus Alexandrinus, Justantius, Salvianus, et Priscillianus; Patroclus Arelatensis, quorum supra facta mentio est, et fortasse multi alii, quorum vetustate evanuit memoria. Quin ex ipsa Africa Romam appellaverant Privatus Lambesitanus Episcopus, Novatus, Fortunatus Felicissimus, et quatuor Afri-

canæ Ecclesiæ Presbyteri, Coecilianus Antistes Charthaginiensis, Coelestius, Primosus Episcopus Thigauensis in Mauritania Caesariensi. Quis sibi illud in animum inducere poterit, ut credat; ea ætate Africanos Episcopos in tantam audaciam erumpere potuisse, ut contra exempla Majorum suorum, contra totius Ecclesiæ sententiam, et disciplinam jus sibi esse crederent, quod neque sui Majores habuerant, neque habebat Ecclesia universa? Neque tantum jus Primatus in totam Ecclesiæ, sed etiam jus Patriarchicum in totum Occidentem, ideoque etiam in Africam impugnassent. Forte minus grave, et molestum fuisset, si contra Romanas appellationes caput extulissent Orientales, qui suos habebant Patriarchas; sed absurda, et intolerabilis fuisset contentio illa Afrorum, qui non alium habebant Patriarcham, quam Romanum Pontificem, cui uno iectu et jus Primatus in tota Ecclesia, et jus patriarchæ in Occidente eripere voluissent. Ita scilicet evertendi ordinem, et rationem ecclesiasticæ Hierarchiæ, quæ ubique vigeat, et autocephalam faciendi totam Africam eorum fuisset optio, et potestas.

(1) Consule quæ supra scripsimus pag. 310.

§. XXI. Id si opinione, verisque similitudine non est credibile, omnem sane evellunt scrupulum, remque ponunt in illustri loco ipsæ Afrorum literæ datæ ad Zosimum, Bonifacium, Coelestinum Summos Pontifices, ex quibus manifestum est, nunquam Afros novam illam, et absurdam opinionem animo concepisse, ut putarent, Romanum Pontificem non habere potestatem suscipiendi Africanas appellationes. Ordiamur ab iis, quæ Zosimo Pontificem gesta sunt, cum ob Apiarii appellationem illa inter Sedem Apostolicam, et Afros primum exarsit disceptatio. Is quidem Apiarii appellationem suscepit, et eum communioni restituit, misitque in Africam Legatos tres, qui eum restituendum curarent, eisque dedit commonitorium, quod coram 217. Patribus Carthagine congregatis lectum fuit. Quatuor autem mandata eo commonitorio continebatur, sicuti constat ex literis Patrum Carthaginensium ad Bonifacium datis (1): „Unum de appellationibus Episcoporum ad Romanæ Ecclesiæ Sacerdotem; al-

Tom. III.

R r

„terum ne ad Comitatum Episcopi importune navigent; ter-
 „tium de tractandis Presbyterorum, et Diaconorum causis
 „apud finitimos Episcopos, si a suis excommunicati perpe-
 „ram fuerint; quartum de Urbano Episcopo excommuni-
 „cando, vel etiam Romam vocando, nisi ea, quae videban-
 „tur corrigenda, corrigeret. „ Quid ad haec Patres Cartha-
 „ginenses? Ipsi sane rem totam explicant in literis, quas mor-
 „tuo Zosimo ad ejus successorem Bonifacium dederunt: „ Quo-
 „niam Domino placuit (*Inquiunt*) ut de his, quae nobis-
 „cum egerunt sancti Fratres nostri, Coepiscopus Faustinus,
 „et Compresbyter Philippus, et Asellus, non beatæ me-
 „moræ Episcopo Zosimo, a quo ad nos mandata, et liti-
 „ras attulerunt, sed tuæ venerationi, qui es divinitus con-
 „stitutus, humilitas, nostra rescriberet, ea breviter insinua-
 „re debemus, quae utrorumque concordia terminata sunt,
 „non ea, quae prolixis gestorum voluminibus continentur,
 „in quibus, salva quidem caritate, non tamen sine parvo al-
 „tercationis labore demorati sumus, ea gestis deliberantes,
 „quae nunc ad causam pertinent . . . Apriarius Presbyter,
 „de cujus et ordinatione, et excommunicatione et provoca-
 „tione fuerat exortum non solum Siccensi, verum etiam to-
 „ti Africae Ecclesiae non leve scandalum, de omnibus er-
 „ratis suis veniam petens, communioni est restitutus. Prior au-
 „tem Coepiscopus noster Siccensis Urbanus, quod in eo cor-
 „rigendum visum est, sine ulla dubitatione correxit. Quia
 „vero paci, et quieti Ecclesiae non tantum in praesens, sed
 „etiam in posterum prospiciendum fuit, quoniam talia mul-
 „ta praecesserant, ut vel similia, vel etiam graviora dein-
 „ceps praecaverit oporteret; placuit nobis, ut de Siccen-
 „si Ecclesia, retento scilicet honore gradus sui, Presbyter
 „removeretur Apriarius, et accepto epistolio, ubicumque ali-
 „bi vellet, et posset Presbyterii munere fungeretur. „ Nihil
 „sane in his literis, et nihil in iis, quae in ea disceptatio-
 „ne acta sunt, quod jus Romani Pontificis perfringant, et labefa-
 „ctet; imo cuncta manifestam faciunt reverentiam, qua Africani
 „Episcopi Sedem Apostolicam prosequabantur. Pontifex Apriarii
 „appellationem suscipit, eumque restituit in gradu pristinum;
 „tres in Africam Legatos mittit, ut ad exitum perducenda en-
 „rent, quae ab se decreta sunt; Urbanum Episcopum excom-

municandum, vel Roman vocandum statuit, nisi mandatis pareat. Nullae in his omnibus Afrorum querelae contra Pontificis potestatem, nullae quod Urbanus vel Roman ire iuberetur, vel ecclesiasticae communionis expers declaratur, ut si Apiarium restituat. Legati non tantum cum omnium consensione tranquille recipiuntur, sed etiam a Patribus, qui numero 117. Carthaginem convenerant, ad ferendum in eo negotio iudicium secum admittuntur, eaque sententia Pontifici significatur. Cuncta haec evidenter ostendunt, ex contentione, quae Zosimo Pontifice excitatae sunt, argumentum educi plane nullum, quo confici videatur posse, Africanos Episcopos jus appellationum ad Sedem Apostolicam in discrimen revocare voluisse.

(1) Vide epistolam omnis Concilii Africani apud Constantium *ep. 2. Bonifacii col. 1010. seqq.*

§. XXII. Non multo post nova efferebatur materia contentione. Quamquam Africani Patres professi essent inquisitionem canonum Nicaenorum curae esse Romano Pontifici, haud tamen ipsi omiserunt ad S. Cyrillum Alexandrinum Innocentium Presbyterum, et ad Atticum Constantinopolitanum Marcellum Subdiaconum mittere, ut ad se certa Nicaeni Concilii exemplaria perferrent. Certior ea de re statim est factus Summus Pontifex Bonifacius; sed tamen in suo statu mansit illa de appellationibus concertatio. Ita acta res est, donec Apiarius ob graviora, quae postea patravit, crimina iterum ab ecclesiastica communione eiectionis, ad Bonifacium provocavit, qui deceptus simulatione pietatis, falsique nunciis, quos accepit, eum poena liberavit. Atque ut ea, quae decreverat, exitum habereat celeritatem, iterum in Africam misit Faustinum Legatum, qui asperere, et acerbe Afros tractare cepit, partesque potius egit defensoris, quam iudicis. Quae res quantum Afrorum animos concitarit, facilius est intelligere, quam sermone explicare. Accessit postea factum ipsius Apiarii, qui suorum scelerum conscientia cruciatus cuncta sponte confessus est, quae cum Afrorum animos horrore compleverunt, tum manifesto demonstrarunt, minus rectum fuisse Bonifacii iudicium, qui communioni restituit Apiarium.

de cujus criminibus amplius dubitari non poterat. Hinc tota orta est controversia de appellationibus. Hactenus exitum consequuta fuerant mandata Pontificis, qui Apiarium restituerat, non solum antequam de veritate quaereretur Canonum Nicænorum, sed etiam posteaquam re quaesita diligenter comperitum est, in illorum numero non haberi canones, quos Zosimus proposuerat. Afrorum animi jam exulceritati arrogantiæ, et asperitate Legati nullum amplius modum ab se habendum putarunt; vimque omnem explicarunt, excusserunt ingenii, ut efficerent, liniendas esse omnes controversias in Africa, ubi initium habuerant. Haud tamen eo usque progredi ausi sunt, ut jus Romani Pontificis in discrimen adducerent, negareutque ad eum pertinere Africanas appellationes, uti cæterae ex toto Christiano orbe appellationes pertinebant. Tantum contenderunt, quod magis expediret, essetque magis congruens, et conveniens ecclesiasticae disciplinae rem finire in Africa, ubi reus, ac testes aderant, cunctaque in promptu erant ad ostendendam rei veritatem necessaria; quam negotium committere transmarino Judici, qui propter locorum distantiam copiam habere non poterat omnium rerum scitu necessarium, et ideo facile induci in errorem poterat. Recens memoria iudicii, quod Romae latum fuerat, et quod poena solverat Apiarium, qui certe omnium concessu, ipsoque confitente multorum criminum reus erat, illustre ejus rei praebebat argumentum; et hinc Afri majores sumpserunt animos, ut transmarinis appellationibus intercederent.

§. XXIII. Sed in illo ipso aestu disputationis de jure summi Pontificis recipiendi omnes appellationes nemo dubitare ausus est. Quod manifesto patet ex ipsa Apiarii appellatione. Licet enim ipse merito gradu motus ob crimina Afria certa appellationis effugio sese protexisset, licet Faustinum Legatum a Pontifice missum ita circumvenisset, ut sui patronum potius, quam judicem haberet, ejusque patrocinio fretus non nisi post longam disceptationem ad suorum scelerum confessionem compulsus fuisset, licet Africani Patres hinc appellationum abusu irritati hujusmodi *clericorum improba refugia*, ut vocant, averti summopere vellent, nihilominus non modo Faustinus, et duos alios Legatos ab Apostolica Sede

missos non repulerunt, sed eorum etiam sententiae acquiescentes Apiarium communioni restituerunt. Adeo vero Pontificiam auctoritatem in his ipsis clericorum appellationibus venerati sunt, ut quamquam idem Apiarius post primam restitutionem iterum in alia crimina lapsus, et idcirco depositus ad Romanum Pontificem iterum confugisset, quamquam nova delegatio Faustini transmissa eo tempore fuisset, cum jam Afri certo sciebant, inter veros, et proprios Nicaenos canones eum non reperiri, de quo quaerebatur, ac proinde non amplius teneretur conditione, qua se obligaverant usque ad diligentiorum Nicaenorum canonum inquisitionem, adhuc tamen in obsequium Sedis Apostolicae eundem Faustinum Legatum ut iudicem receperunt, et solum cum Coelestino con-questi sunt, quod ille Apiarii patrociniū potius, quam iudiciū suscepisset, partesque ageret defensoris potius, quam iudicis. Quamquam vero sibi appellationes displicere declaraverint, tamen numquam negarunt, numquam se dubitare professi sunt, quod Romanus Pontifex ius haberet ad eas suscipiendas; quod quidem ad eas omnino repellendas argumentum fuisset plane maximum.

§. XXIV. Imo Afri non modo nullum umquam fecere verbum de hoc tanto, tamque gravi argumento, quod unum rem conficere potuisset; sed potius inania quaedam, et exco- gitata solerter in medium attulerunt, ut propositum tuerentur suum. Non erat quidem in numero canonum, qui proprii, ac veri Nicaeni dicebantur, canon, quem Zosimus laudave- rat, licet Romana Ecclesia eum tamquam Nicaenum haberet sed certe conditus erat ab antiquissima synodo, hoc est Sardicensi, et Afris firmum ratumque erat, ut in Concilio Carthaginiensi II. sancitum (1), et in Codice canonum Ecclesiae Africanæ (2) repetitum erat, ab se *veterum statuta servari debere*. Itaque dubitari non poterat, quin et hic Sardicensis canon, qui certe inter *veterum statuta* recensebatur, ab Afris observari deberet. At Sardicensem canonem de appellationi- bus ad Sedem Apostolicam, quem Zosimus tamquam Nicae- num proposuerat, Afri ignorasse videntur, quoniam aperte inquirunt, plures se legisse codices, atque illum nullibi re- perisse. Vnum difficile est suadere sibi aliquem posse, quod ipsi revera Sardicenses canones ignorarent. Huic con-

cilio interfuerat Gratus Primas Africae cum aliis 35. Episcopis, et hos secum detulisse canones, cunctaque synodalia veri simillimum est; imo et ipse Gratus hoc concilium in sua Carthaginensi synodo laudaverat (3), eique, prae fuerat Osius Afris valde familiaris, et ideo credibile non est, illud Afris multum commendare noluisse. Forte in hoc toto negotio perspici videtur posse Africanum ingenium, et callidas. Zosimus tantum in Nicaeno Concilio insistebat, atqui ab eo certe aberat canon, quem ipse in medium attulerat. Satis id fuit Afris, qui cum tantum operae, studiique ponerent in removendis transmarinis appellationibus, refutato argumento, quo Zosimus nitebatur, rem omnem se confecisse existimarent, ignorationem simulantes canonis Sardicensis, cujus Pontifex mentionem non fecerat. Fac tamen hunc canonem revera Afros ignorasse; res adhuc eodem recidit. Nam qui cuncta veterum statuta observare debebant, sine dubio et canonem observassent tam insignis concilii, quale fuit Sardicense, si illum revera exploratum, perspectumque habuissent (4). Neque hoc solum argumento nitebantur Afri, ut transmarinas appellationes averterunt; sed etiam proponebant Nicaenum canonem 5., quo cautum est, ut *hi, qui abjiciuntur ab aliis non recipiantur*, quem canonem etiam ad Episcopos producendum contendebant; praeterea ipsius Nicaeni Concilii decretum, quo Metropolitaram iudicio tam inferiorum clericorum tum Episcoporum causae committuntur, et quoad *improba clericorum refugia* nulla definitione derogatum esse aiebant Ecclesiae Africanae. De hoc Nicaeno canone supra actum est; hic tamen panca in memoriam revocanda sunt. Hujus canonis verba sunt haec (5): „De his, qui a communione segregati sunt seu ex clero, seu ex laico ordine, ab Episcopis per unamquamque provinciam sententia regulariis obtineat; ut hi, qui abjiciuntur ab aliis non recipiantur. Requiratur autem, numquid vel pusillanimitate, vel contentione, vel alio quolibet Episcopi vitio, videantur congregatione pulsati sint. Ut hoc ergo decentius inquiratur, bene placuit annis singulis per unamquamque provinciam bis in anno concilia celebrari, ut communiter omnibus simul Episcopis provinciae congregatis discutiantur hujusmodi questiones, et sic qui suo peccaverint evidentem Episcopo ex-

„ communicati rationabiliter ab omnibus aestimentur, usque-
 „ quo vel in communi, vel Episcopo placeat humaniorem
 „ pro talibus ferre sententiam. „ Canon hic unamquamque
 provinciam singulatim acceptam respicit, sibi que illud unum
 vult, ut qui ab uno Episcopo excommunicatus fuerit ab altero
 ejusdem provinciae Episcopo particeps non fiat communionis,
 totaque ejus vis unius provinciae finibus continetur, neque
 ad alias provincias traduci post. Quod pars altera ejusdem
 canonis egregie confirmat. Ibi enim decernitur, ut res tota in
 provinciali concilio expendatur, ut nosci possit, num cle-
 ricus, vel laicus *pusillanimitate, aut contentione, aut alio*
quolibet Episcopi vitio a communione amotus fuerit. Quod
 si in concilio constituerit, clericum, vel laicum con-
 tra suum Episcopum revera peccasse, tunc sane statuitur,
 ut qui revera peccaverit *excommunicati ab omnibus rationa-*
biliter aestimentur, ab omnibus inquam ejusdem provinciae,
 extra quam decreta concilii provincialis vim cogendi non ha-
 bent. Totus ergo Nicaenus canon singulos cujusvis provin-
 ciae Episcopos respicit, eoque ipsi prohibentur in suam com-
 munionem recipere qui ab alio ejusdem provinciae Episcopo
 excommunicati fuerint, novumque judicium, si quo forte opus
 fuerit, synodo provinciali committitur, et in eo, quod sit
 iudicatum omnes in eadem provincia stare debent.

(1) Concilium Carthaginense II. *can. 10. col. 1393. Concil. collect. Labbaci tom. 2.*

(2) Codex canon. Eccles. African. *cap. 13. apud Labbacum tom. 2. Concil. col. 1265.*

(3) Concilium Carthaginense I. *can. 5. tom. 2. Concil. col. 749. col-lect. Labbaci.*

(4) Recte Constantius in *ep. 15. Zosimi col. 982.* „ Satis illi (Zosimo, „ inquit,) erat, Afris, qui in Carthaginensi II. Concilio *can. 10.* pro-
 „ titentur, atque Codice canonum Ecclesiae Africanae *c. 13.* repetunt: a
 „ nobis veterum statuta servari debere, Sardinensis synodi proponere aucto-
 „ ritatem, neque ipsi meliendum erat, ne decreta respuerent, quae Pri-
 „ matem suum vel praesentia, vel subscriptione comprobare didicisset.
 „ Tantum ea de causa decretis illis, quae Zosimus Nicaena appellaret,
 „ concedere non posse *epist. 2. ad Coelestinum num. 4.* scribunt, quia
 „ iniquum in nulla invenimus Patrum synodo scriptum. Si hoc tam gravi
 „ in synodo constitutum reperissent, eos statim Zosimi voluntati obsequantur
 „ ros fuisse, quis dubitet?

(5) Concilium Nicaenum *can. 5. tom. 2. Concil. Labbaci col. 35.*

§. XXV. Idem scilicet Afri praejudicata opinione, studioque partium abrepti Nicaenos canones interpretabantur; et ita quod pro singulis Episcopis uniuscujusque provinciae ab eo concilio sancitum est, non solum, referebant ad omnes Episcopos quarumlibet provinciarum, sed etiam argumentum sumebant, ut Afrorum negocia intra Africam finienda esse demonstrarent. Deinde quod in Nicaeno pro clericis, et laicis, statutum est, etiam ad Episcopos producendum putabant agentes. „ Decreta Nicaena sive inferioris ordinis clericos, sive ipsos „ Episcopos suis Metropolitanis commiserunt. „ Haud vero cautum est a Nicaenis Patribus, uti Afri existimabant, *quaecumque negocia in suis locis, ubi orta sunt, finienda*, sed tantum, ut omnes cujusvis provinciae Episcopi obstringantur legibus sui concilii provincialis; sed ne unum quidem est verbum de altero iudicio, quasi hoc neque ab oecumenico concilio, neque a Summo Pontifice fieri possit; imo hoc nullo modo excludunt Nicaeni Patres, semel ac eorum decreta tantum cujusvis singularis provinciae Episcopos attingunt. Addebant etiam Afri in hac de appellationibus concertatione, in transmarino iudicio testes facile adesse non posse; praeterea nullo Patrum decreto fuisse sancitum, ut a Sede Apostolica Legati in Africam mitterentur, ut expenderent iudicia, de quibus emissae fuerat appellatio. Sed quod ad testes attinet, eorum absentiae incommodo per scripta, quibus certa sit fides, et auctoritas, facile remedium adhiberi poterat; quoad Legatos vero in Africam mittendos, id quidem Afri vere affirmare poterant, si in Sardicensium canonum ignoratione versabantur. Certe in Nicaeno Concilio, quo uno Zosimus nitebantur, secundum exemplaria, quae ad eos ex Oriente missa fuerant, nihil tale reperiebatur. Sed non ideo propter hanc ignorantiam, fiebat, ut non immerito, et injuria querebantur.

§. XXVI. Excitabant etiam, et inflammabant Afrorum animos splendor Ecclesiae Africanae, ingensque numerus Episcoporum, quibus ea constabat, ita ut ab iis res quaeque arduae, et difficiles expedire facile possent; neque oporteret quaerere externos iudices, qui redintegrarent negotium tot, ac tantorum virorum iudicio absolutum. Porro civiles provincias sex, ex quibus Africa constabat, ecclesiasticas quoque fuisse, et in eis frequentissimas etiam Sedes Episcopales exploratissimum esse, ait Christianus Lupus (1). Jacobus Sirmon-

duſ (2) Notitiā vulgavit provinciarum eccleſiaſticarum Africae, atque in ea provinciae p̄conſulari assignantur Sedes LIV., Numidia CXXV., Bizacena CXIII., Mauritaniae Caesariensi CXXVI., Mauritaniae Sitifiensi XLIV., Provinciae Tripolitanae V., atque in ea etiam numerus delicti videtur. Nam in Caesarensi provincia omittitur ipsa Ecclesia Caesarensis; et Cartaginensi Synodo, quam ex sola sua provincia contra Pelagianos celebravit Aurelius Primas, adfuerunt Episcopi LXVIII. Victor quoque Vitensis (3), scriptum reliquit, in Proconsulari tunc provincia fuisse Episcopos CLXIV., ubi solum etiam de solis Episcopis superstitionibus loqui videtur. Magno igitur Episcoporum numero constabant uniuscujusque synodi provinciae, et frequentissima erant plenaria totius Africae concilia; ideoque in hac tam ingenti copia Episcoporum videbantur judicia recte procedere, et omnem fraudis suspicionem procul esse debere. Atque hoc est quod inuunt. Africani Patres in epistola ad Coelestinum (4), cum inquam credibile non esse cuilibet posse Deum nostrum examinis „ inspirare justitiam, et innumerabilibus „ congregatis in concilium Sacerdotibus denegare. „ Hoc peculiare habebat Africa, propter quod domestica judicia satis esse videbantur, ut omnia penitus absoluta haberentur, eaque praesertim de causa Africani aegre ferebant transuaria judicia, uti ea semper aegre tulerunt tum antea, tum postea, quod etiam Cyprianus, et Augustinus ostendunt.

(1) Christianus Lupus de African, Eccles. Rom. appellat, cap. 2. opp. tom. 8, col. 149.

(2) Sirmoudus opp. tom. 4. pag. 257. edit. Venet. 1728.

(3) Victor Vitensis persec. Fandal. lib. 4. pag. 6. edit. Paris. 1569.

(4) Apud Constantium ep. 2. inter epist. Coelestini num. 3. col. 1061.

§. XXVII. Omnia haec conjunctim, uti par est, accipiuntur, et facile patebit, quam effrenata cupiditate arderent Africae avertendi transmarinas appellationes, et quanta animi contentione laborarent, ut conficerent quod sibi proposuerant. Nilominus quamquam tanto essent incensi desiderio finiendi intra Africam sua judicia, causasque haberent haud plane despicendas, tamen nunquam de Summi Pontifici potestate

susciendi ex toto orbe appellationes dubitare ausi sunt. Imo vero cum *deprecantur* ut non *facilius* admitiat appellationes eorum, qui Romam ex Africa provocaverint, atque ut hæc preces eum, quem optant, exitum consequantur, argumenta conquirunt, ut quod sibi, idem et Pontifici persuasum sit. Quod *de inferioribus clericis*, deque *laicis* a Nicaeno concilio constitutum fuit, id argumento est Afris, quod etiam Episcopi eadem lege teneantur; quod eadem synodus et inferiores clericos, et ipsos Episcopos suis Metropolitans subiectos esse voluit, id ipsis consequens esse videtur, ut nemo sit supra ipsos Metropolitanas, qui ab horum iudicio provocantes audire possit; quod salius esset expedire negocia eo in loco, uti originem habuerunt, id tanti faciendum putarunt Afri, ut nefas esse crederant extra eum locum redintegrare iudicium, ac victis nullam spem esse reliquam appellationis vellent. His argumentis Afri sententiam suam tuebantur, uti evenit in omnibus disputationibus, in quibus duo inter se certant, et exquirunt uterque argumenta, quibus omnes suae sententiae causam, rationemque cognoscant. Simili modo Afri argumentatione probabilem, et prope veram sententiam suam reddere conabantur, ut permoverent animum Pontificis ad suscipiendam *deprecationem* suam, atque ad rejiciendas appellationes, quae ad sese ex Africa deferebantur; sed nullam umquam fecere mentionem ejus rei, quae tunc rem confecerat; scilicet numquam visi sunt dubitare de potestate Summi Pontificis suscipiendi appellationes tum ex Africa, tum ex orbe universo. Itaque res illae ab Afris in toto illo negotio gestae rediguntur omnes ad meram disputationem, qua illi suas proponebant rationes, non quod non agnoscerent auctoritatem Patriarchae, et Primatis, quam reliquae nationes agnoscebant; sed quod, ut putabant, magis expediret, magisque esset utile, et congruum ecclesiasticae disciplinae cuncta negocia finire in Africa, ubi praesentes erant testes, omniaque occurrebant ad iudicium recte exercendum necessaria, ac tantus aderat Episcoporum numerus, quam ire ad externos iudices, qui non gnari rerum gestarum, neque instructi rebus necessariis ad iudicium recte exercendum facile delabi in errorem poterant, in quem et Pontifex ea de causa delapsus fuerat. Sed qualis exitus hujus disputationis fu-

it? Nihili factae sunt iuvenes illae rationes, quae Primatus iura intervertere non poterant, et quas antea recipere consueverat appellationes Afrorum ad se provocantium Sedes Apostolica; easdem et postea repugnante nemine recipere perrexit, uti paulo post ostendimus.

§. XXVIII. Postremo dicendum aliquid est de canone 22. Concilii Milevitani II., quo Presbyteri, Diaconi, ceterique inferiores Clerici ad transmarinos iudices ire prohibentur his verbis (1): „Item placuit, ut Presbyteri, Diaconi, vel „ceteri inferiores Clerici, in causis, quas habuerint, vicini „Episcopi eos audiant Quod si ab eis provocandum „putaverint, non provocent nisi ad Africae concilia, vel „ad Primates provinciarum suarum. Ad transmarina autem „qui putaverit appellandum a nullo intra Africam in com- „munionem suscipiatur. „Hic idem Canon his est descrip- „ptus in Codice Canonum Ecclesiae Africae, prius in *cap.* 28. deinde iisdem omnino verbis in *cap.* 125. (2), cum hoc ta- „men discrimine, quod hoc solum habet, quod extat in Con- „cilio Milevitano, non de sumptione est; illud vero post veti- „tam Presbyteris, clericis prae inferioribus appellationem ad tran- „smarina iudicia abstinentum habet conceptum his verbis; *sicut et de Episcopis saepe constitutum est*. De hoc addita- „mento, quod ad Episcopos pertinet, non una doctorum ho- „minum sententia est. Natalis Alexander (3), et Cardinalis Orsini (4) adjecta deinceps putant ea verba: *sicut et de Episcopis saepe constitutum est*; cum nullum extet Africanum concilium, a quo huiusmodi Episcoporum appellationes ad summum Pontificem vetitae sint. Quomodo igitur *saepe* vetitae in eo canone dici possunt? Accedit quod hic canon sum- „ptus ex canon 22. Concilii Milevitani II., ubi de his agitur Epis- „coporum appellationibus et in quo nullum est ea de re verbum; quod in ipso Codice Ecclesiae Africae, ubi idem decretum his describitur, et vero describitur iisdem verbis tantum in *cap.* 28. illud de Episcopis additamentum extat, abest a *cap.* 125; quod desideratur in collectione Cresconii, in qua imo longe aliud ha- „betur (5), qui et illum canonem Milevitanum et ceteros, quibus „Africa Ecclesia regebatur, diligentissime collegit. Illud quo- „que observatu dignum, quod si illa de Episcopi disciplina sae- „pe constituta fuisset, haud sane Africani Patres in negotio, de

quo tanta animorum contentione disputabatur, unum aut alterum proferre non omisissent, et tamen nullum proferre potuerunt; neque credibile est, Pontificios Legatos, qui praesentes erant, additamentum illud, quod nulla auctoritate nitebatur, tolerare voluisse. Quid quod Afri in literis ad Coelestinum datis, ut rejiciant Episcoporum appellationes, nullum asserunt canonem, quo eae vetitae habeantur? Ut ostendant non licere Sacerdotibus, clericisque minoribus trans mare appellare, nituntur canone 5. Concilii Nicaeni, quo cautum est, ut clerici in una provincia excommunicati ecclesiasticae communionis participes in alia provincia fieri nequeant, tum ajunt *si de inferioribus Clericis, vel de laicis videtur ibi praecaveri, quando magis hoc de Episcopis voluit observari?* Si aliquis extitisset canon, qui Episcopos ea in re quibusvis clericis, et laicis aequaret, nonne eum in medium attulissent? Quod certe magis aptum fuisset, et accomodatum ad causam, quam tuebantur, quam insistere in inani argumento, quo ad Episcopos trahitur quod de inferioribus clericis, et laicis constitutum est; quasi eadem sit omnium conditio, ratio, gradus. Longe alia mens est Augustino (6), qui postquam statuit potuisse Coecilianum non curare conspirantem multitudinem inimicorum, cum se videret communionem conjunctum Romanae Ecclesiae, in qua semper apostolicae cathedrae vixit principatus, magnum inter Episcopos, interque Presbyteros, Diaconos, clericosque inferiores discrimen facit his verbis: „neque enim de „presbyteris, aut diaconis, aut inferioris ordinis clericis, „sed de collegis agebatur, qui possent aliorum collegarum „judicio, praesertim apostolicarum ecclesiarum causam suam „integram servare. „

(1) Concilium Milevitanum II. can. 22. tom. 3. Concil. col. 585. collect. Labbæi edit. Coletti.

(2) Codex Canonum Eccles. African. cap. 28. et cap. 125. col. 1276. et 1348. apud Labbaeum tom. 2. Concil.

(3) Natalis Alexander Histor. Eccles. in saec. 4. dissert. 28. prop. 3. tom. 4. pag. 479.

(4) Cardinalis Orsius Ist. eccles. lib. 27. num. 36. tom. 12. pag. 134. seq. edit. Romae cit.

(5) Cresconius Breviar. canon. apud Voellam Bibliot. Juris Canon. cap. 149. tom. 1. pag. 457. edit. Paris. 1661. „ut inter discordes Episcopos

* comprouineiales Antiatites audiant ; quod si damnatus appellaverit Romam
 * num Pontificem, id observandum, quod ipse censuerit, = et in libro
 canon. ibid. in append. pag. 33.

(6) S. Augustinus ep. 43. num. 7. opp. tom. 2.

§. XXIX. Contra Fratres Ballerinii (1) verba : illa *sicut et de Episcopis saepius constitutum est* : vera concilii verba esse arbitrantur, sed tamen referenda ad alteram canonis partem, hoc est ad ea verba : *sed ad Primates suarum provinciarum, aut ad universale concilium*. Scilicet ante eum canone Presbyteris licebat ab Episcopi sententia provocare ad vicinos Episcopos sex (2), quorum iudicio controversia fiebatur. Sed cum Presbyteri, ut longius producerent beneficium appellationis, Romam appellare incepissent, idque aegre ferrent Africae Episcopi, visum est decretum emitte, per quod et Presbyteri haberent, qui de eorum controversiis tertio loco iudicaret, nimirum Primates, aut Patres universalis concilii Africani, qui pariter et Episcopis iudices dati fuerant. Haud igitur prohibentur Episcopi Romam provocare, sed ne provocarent Presbyteri, quia nullum habebant tertio, ac postremo loco iudicem, qui eorum querelas cognosceret, sancitum est, ut hic iudex esset Primas provinciae, aut universale concilium Africanum, quorum ab alterutro ut causae iudicentur Episcoporum, constitutum est. Quod egregie confirmant ea, quae paulo post hoc concilium a Laurentio Episcopo gesta sunt, quem Romanum Pontificem appellasse non obscure indicat Augustinus (3). Sunt haec de Episcoporum appellationibus; quod vero attinet ad appellationes Presbyterorum, aliorumque inferiorum clericorum, non inficiamur, in can. 22. Concilii Milevitani II., qui descriptus est in Codice canonum Ecclesiae Africanae (4), eorum appellationes ad transmarina iudicia expresse fuisse interdictas. Sed in hoc ipso canone quamquam condito, cum jam Afrorum animos transversos agere caepisset illa de appellationibus altercatio, quae biennio post eos acri, et vehementi quadam incitatione inflamnavit, nullum excidit verbum, quo jus pontificium in discrimen adduci posse videretur. Tantum Patres suo illo decreto avertendam curant nimiam appellandi licentiam, qua Presbyteri, alique Clerici abutebantur, et qua fiebat, ut Episcopi jus suum libere exercere non possent, et negotia minus commode, ac minus cito, et

accurate expedirentur. At quale hinc licentiae remedium adhibetur? An statuunt Afri, nefas esse appellare, an lex directo fertur in eosdem clericos, ut non appellent, an appellantes depositionis, privationis clericatus, aut simili poena plectuntur? Nullum de his omnibus verbum est. Lex directo fertur in ipsos legislatores Episcopos, qui sua sponte constringunt potestatem suam, sibi quae ipsis legem dicunt, ut qui *putaverit* (leni hoc utuntur verbo, non acerbo illo, et imperioso, *qui ausus fuerit*, aut simili) appellandum, a nullo eorum intra Africam in communionem recipiatur. Itaque si recte vim verborum, ac legis intelligimus, tota illa lex pactum conventum fuit inter Episcopos, qui sibi ipsis mutuo consensu legem imposuerunt, ut eorum nemo in communionem susciperet Presbyteros, ac ceteros clericos, qui putaverint appellandum. Odiosae, ac molestae erant Afri transmarinae Appellationes, illisque omnis cura, atque opera posita erat in iis removendis. Quid agerent, ut quod animo agitabant, consequerentur? Fas non erat appellationes absolute interdicere, quoniam omnibus compertum erat jus Summi Pontificis; non item licebat privatione clericatus, aut simili poena plectere appellantes, propterea quod poena consequens est criminis, neque illi criminis ullius rei haberi poterant propter appellationem. In hoc rerum discrimine Africani Episcopi quasi mediam sequuti sunt viam, per quam neque aliquid detraherent de jure Summi Pontifici, et simul non locum ponerent appellationibus, a quibus adeo voluntate, ac studio abhorrentes erant, et quae multa secumferre incommoda existimabant. Longe dispari ratione usi sunt Patres adversus eos, qui ab Africanae Ecclesiae communione rejecti confugientes ad Ecclesias transmarinas per dolum, et fallaciam, hoc est per crimen, eorum communionem impetrasent. Nam in eodem Codice Ecclesiae Africanae (5), sancitum est ut „ quicumque non communicans in Africa, in transmarinis ad communicandum obrepserit, jacturam clericatus „ excipiat. „ Hic quidem reus criminis judicatur, quoniam in transmarinis ad communicandum *obrepserit*, hoc est per dolum, et fallaciam communionem obtinuit (6), et ideo tamquam reus criminis clericatus munere, et officio privatur. At qui iustae, et legitimae appellationis beneficio ad Apostolicam Sedem provocavit, cum nullius criminis argui possit, nulli poe-

nae directo subicitur, sed ipsi Episcopi pacto inter se inito jubentur eum non participem facere communionis suae. Quid quod in eo Codice, quem Hadrianus I. dedit Carolo M., canon ille conceptus est his verbis (7): „ Clerici, qui ad trans-
 „ marina, non ad Primates suos, provocaverint, in commu-
 „ nionem non recipiantur „ Quod egregie congruit cum alio
 canone ejusdem Codicis (8), quo sancitum est ut „ a quibus-
 „ cumque iudicibus ecclesiasticis ad alios iudices ecclesiasti-
 „ cos, ubi est major auctoritas fuerit provocatum. non eis ob-
 „ sit, quorum fuerit soluta sententia, si convinci non potue-
 „ rint, vel animico animo iudicasse, vel aliqua cupiditate, aut
 „ gratia depravati. „ Hoc sane canone disertissime permittitur
 appellatio a quibuscunque iudicibus ecclesiasticis ad alios
iudices ecclesiasticos, ubi est major auctoritas, neque id ob-
 esse statuitur iudicibus, qui priorem tulere sententiam, nisi
 convicti fuerint, *vel inimico animo iudicasse, vel aliqua cu-*
puditate aut gratia depravati. An non major auctoritas inest
 in Summo Pontifice, non solum tamquam Primati totius Ec-
 clesiae, sed etiam tamquam Patriarcha Africae universae? Quo-
 modo igitur haec duo inter se pignantia componi poterunt, ut
 secundum canonem 15. provocare liceat ad maiorem auctori-
 tatem ecclesiasticam, contra vero secundum canonem 103. non
 liceat provocare ad Patriarcham Africae, et Primatem Eccle-
 siae, hoc est ad maiorem ecclesiasticam auctoritatem? Contra
 nulla pugna est, si legamus canonem uti est in Codice Ha-
 driani descriptus, per quem integra relinquitur facultas pro-
 vocandi ad maiorem ecclesiasticam auctoritatem, modo ap-
 pellatio fiat ordine, et gradatim, non *per saltum*, ita ut non
 liceat neglecta media auctoritate statim ad maiorem provocare.

(1) Ballerini in *S. Leonem* tom. 2. in 1. part. dissert. 5. Quaeselli
 cap. 6. §. 28. col. 966. et 967.

(2) Concilium Hippunense an. 393. et Carthaginense an. 397. in quo
 Breviarium Canonum Hypponiensium lectum, et confirmatum fuit, unde Au-
 gustinus *ep. 65. opp. tom. 2. col. 154. edit. cit.* „ sex Episcopi, inquit,
 „ causam Presbyteri terminari Concilio statutum est. „

(3) S. Augustinus *ep. 209. num. 8. opp. tom. 2. col. 779. edit. Mau-*
rin. cit.

(4) Codex canonum Ecclesiae Africanae *can. 28. apud Labbaeum tom.*
 2. *Concil. col. 1276.*

(5) Citatus Codex *can. 103. eod. loc. 1336.*

(6) Natalis Alexander *Histor. Eccles. saec. 4. dissert. 28. quaes. u-*

nic. prop. 3. tom. 4. pag. 379. edit. Venet. cit. = Cum obreptum, inquit,
 = ex Ulpiano idem sit, quod mendacio, et dolo impetratum, hujus cau-
 = nis genuinus sensus est: si quis excommunicatus in Africa mendaciis,
 = et dolis impetraverit communionem a Romana Sede, Clericatu privetur.
 = Verum eos non percellit canon iste, qui legitimae appellationis suffra-
 = gio ad Sedem Apostolicam confugerint.

(7) Capitula Hadriani I. cap. 28. apud Labbaeam tom. 8. Concil.
 col. 578.

(8) Codex Canon. Eccles. African. can. 15. tom. 2. col. 1268.

§. XXX. antequam hoc de Africanis appellationibus argu-
 mentum deseramus, operae pretium est et alia proferre ap-
 pellationum exempla, quae ad eadem regionem pertinent:
 ut ex his pateat, qualis fuerit exitus contentionis, quae inter
 Sedem Apostolicam, interque Afros acta est. Mihius quae
 de Prisco, Victore, Laurentio, omnibus Episcopi Maurita-
 niae Caesariensis narrat Augustinus (1), cujus verba sunt:
 „Existunt exempla, ipsa Sede Apostolica judicante, vel alio-
 „rum judicata firmante, quosdam pro culpis quibusdam nec
 „episcopali spoliatos honore, nec relictos omnimodis impu-
 „nitos. Quae ut a nostris temporibus remotissima non requi-
 „ram; recentia memorabo. Clamet Priscus provinciae Cae-
 „sariensis Episcopus, aut ad Primum locus, sicut ceris, et
 „mihi patere debuit, ut Episcopatus mihi remanere non
 „debuit. Clamet alius ejusdem provinciae Victor Episcopus
 „cui relicto in eadem poena, in qua et Priscus fuit, nusquam
 „nisi in diacesi ejus ab aliquo communicatur Episcopo;
 „clamet, inquam, aut ubique communicare debui, aut e-
 „tiam in meis locis communicare non debui. Clamet ter-
 „tius ejusdem provinciae Laurentius Episcopus, et prorsus
 „hujus vocibus clamet: aut in cathedra, cui ordinatus sum,
 „sedere debui, aut Episcopus esse non debui., Praeclarum
 hoc Augustini testimonium est, *Sedem Apostolicam* in causis
 Afrorum vel *judicasse*, vel *aliorum judicata firmasse*, et vero
 Augustinus ea tantum memorat, quae *recentia* sunt, mi-
 nime requirit ea, quae *a nostris temporibus sunt remotis-
 sima*. Sed in his exemplis non insistimus, quoniam certo
 statui non potest, quo haec tempore evenerint, quamquam
 circa hanc aetatem contigisse, simillimum veri est. Sed cer-
 te cum illa ferretur controversia propter Apiarii appellationem,
 ad summum Pontificem Bonifacium Antonius Fussa-

lensis Episcopus provocavit. Hunc hominem Episcopum creaverat S. Augustinus, sed ei postea Ecclesiae administrationem propter ejus scelera eripere coactus est. Primum quidem in hac sententia acquiescere visus est Antonius, sed postea conciliata sibi gratia Valentini Numinidae Primatis, ab eo literas impetravit ad Bonifacium, quibus tanquam sceleris purus magnopere commendabatur. Tam gravi testimonio, et commendatione Primatis, ad quem III. Carthaginense Concilium causas omnes Episcoporum, qui accusati fuerat, deferri voluit (2), fretus Bonifacius Antonium absolvendum putavit, modo vera essent quae ab eo narrata fuerant. Sed interim vita functus est Bonifacius, et illa inquirendi provincia ad ejus successorem Coelestinum delata est. Ad eum Augustinus literas dedit, observantiae in Sedem Apostolicam, et reverentiae plenas, in quibus non modo nulla vel levissima querela est adversus Bonifacium, qui Antonium poena solverat, imo eum excusat, quod deceptus commendatione Primatis iudicium illud ediderit; laudat vero, quod *pastorali, vigilique cautela*, ut inquit, *beatissimus Papa Bonifacius in epistola sua posuit de Antonio loquens Episcopo, et ait si ordinem rerum nobis fideliter indicavit*. Mox hunc ordinem fideliter indicatum non fuisse demonstrat, ipseque rem gestam narrat, qualis revera est, ut ostendat, Antonium pro suis sceleribus justas, ac debitas solvisse poenas. Denique Pontificem rogat, ne in Africam mittat publicas potestates, quae *Apostolicae Sedis sententiam exequantur*, omnemque dat operam, ut suadeat, rata firma habenda esse a Summo Pontifice, quae ab se gesta sunt (3). An hos animi sensus, et haec literis mandare potuisset Augustinus, nisi ei certum fuisset, in Summo Pontifice inesse potestatem infirmandi ea, quae ab se gesta fuerant, et Antonium restituendi in locum, unde fuerat dejectus? Quem ea res habuerit exitum, incertum est; quamquam valde simile veri sit, Antonio adeptam fuisse Ecclesiam, cui praefectus fuerat (4).

(1) S. Augustinus ep. 209. num. 8. opp. tom. 2. col. 779.

(2) Concilium Carthaginense III. can. 7. tom. 2. Concil. col. 1400.

(3) S. Augustinus loc. cit. num. 9., quem in locum videndus est Christianus Lupus de appellat. dissert. 2. cap. 21. 22. 23. pag. 232. seqq. tom. 8. opp.

(4) Sic Monachi S. Mauri in not. ad eamd. epist. loc. cit., et alie etiam Cardinalis Orsius histor. Eccles. lib. 27. num. 16.

§. XXXI. Est etiam ex eadem Africae regione celebris appellatio Lupicini Episcopi, qui Afrorum iudicio damnatus provocavit ad S. Leonem M., qui eum communioni restituit. Audiendus ipse Leo (1), cujus verba sunt haec: „ Causam quoque Lupicini Episcopi illic jubemus audiri, cui multum, et saepius postulanti communionem hac ratione reddidimus, quoniam cum ad nostrum iudicium provocasset, immerito eum pendente negotio a communionem videamus fuisse suspensum. „ His verbis praeclarum habemus ipsius Leonis testimonium de Lupicini appellatione; habemus quoque expressam vim, et effectum ejusdem appellationis, quae pendente neque Lupicinus suspendi, neque alius ejus loco ordinari poterat. Paschasius Quesnellus, homo singularem in modum male animatus in Sedem Apostolicam, partem illam epistolae Leonis, quae pertinet ad Lupicini appellationem, Leoni tribuendam negat, sed eum solide graviterque refellunt Fratres Ballerini (2).

(1) S. Leo M. ep. 12. opp. S. Leonis tom. 1. col. 668. edit. Ballerini

(2) Confer Fratres Ballerinos in admonit. ad eamd. epist. 12.

§. XXXII. Superiorum Pontificum vestigiis insistent S. Gregorius M. et alias bene multas suscepit appellationes, quarum sibi ipse firmiter esse profitebatur (1). Hoc loco de iis tantum loquimur, quae ad Africam spectant, reliquas alibi persequemur. Argentius Leigensis Ecclesiae Episcopus Catholicis Donatistas in Ecclesiis praeferrere permiserat; quamobrem Felicissimus, et Vincentius Diaconi negotium hoc ad Gregorium detulerunt. Is vero rem totam commisit Hilario Monacho, ut praefatum Episcopum idoneae satisfactioni committere non omitteret, haberetque concilium, in quo omnia sedulo noscerentur (2). Ad eundem Gregorium Constantius, et Mnestellus Ecclesiae Pudentianae Diaconi in Numidia suas detulere querelas, quod Maximianus corruptus praemio Donatistarum Episcopum Donatistam ordinari permiserat. Is autem Columbo Episcopo negotium dedit, ut Concilium cogeret, ac Maximianum a dignitate, officioque, quo fungitur, degradaret, si

reus criminis revera deprehenderetur (3). Non hic Primatis, neque universalis Africae concilii iudicium exquiritur, sed Pontifex rem totam committit primum Monacho, deinceps Episcopo, eorumque sententia negocium finiri jubet. Eidem Columbo Episcopo Gregorius causam commisit Donadei Diaconi, qui a suo Episcopo Victore dejectus e gradu dignitatis ad se provocaverat, ut rem diligenter nosceret, et si eum innoxium deprehenderet, in ipsum Episcopum caonicis poenis animadverteret (4).

(1) S. Gregorius M. *ep.* 29. *lib.* 10. *opp. tom.* 2. *col.* 1061. *edit. Paris* 1705.

(2) S. Gregorius M. *ep.* 84. *lib.* 1. *col.* 567.

(3) Idem *ep.* 48. *lib.* 1. *col.* 611.

(4) Idem *ep.* 8. *lib.* 12. *lib.* 12. *col.* 1186.

§. XXXIII. Nunc me referam ad ordinem temporum, a quo me abduxerunt Africanae appellationes, de quibus praepostere agendum putavi, ut uno in conspectu ponerem initium, cursum, exitum controversiae, quae inter Afros, Sedemque Apostolicam acta est, Pontificatum Maximum obtinentibus Zosimo, Bonifacio, Coelestino. Huic vero circa annum 432. in Pontificatu successit Sixtus III., quo Pontifice huiusmodi appellationes ad Sedem Apostolicam, quarum alteram Episcopi ex Euphratesia, ex utraque Cilicia, secunda Cappadocia, Bythinia, Thessalia, et Moesia emisierunt (1). Hi omnes a iudicio Concilii Ephesini provocant ad Summum Pontificem, eumque rogant, ut manum porrigat salutarem, et „ auferat mundi naufragium. omniumque horum inquisitionem inbeant fieri ut revocentur quidem sancti Pastores, qui iniuste sunt a sui ovibus effugati, et reddatur gregibus ordo, et antiqua concordia. „ Alteram appellationis exemplum praebet id, quod ab Iddua Smyrnensi Episcopo eodem Sixto Pontifice gestum est. Non satis convenit inter doctos, et intelligentes viros, cujus iudicio damnatus Iddua Romanae Sedis auctoritatem imploraverit. Lucas Holstenius, qui primus Sixti epistolam vulgavit, eum a Proclo Constantinopolitano damnatum, atque ab hoc iudicio ad Sixtum provocasse arbitratur. Contra Christianus Lupus (2), eum a

Basilio Primate damnatum, atque a Proclo absolutum putat, et ejus judicio, sive ipse Basilius, sive alius Idduae accusator appellavit. Hoc certum est, delatam fuisse appellationem ad Sixtum, qui ea de re testimonium perhibet his verbis: „Habet recentissimum nuper habitae actionis exemplum fratris nostri Idduae, circa quem tuae fraternitatis decrevimus iudicium custodiri: cognitioni tuae facere nolentes injuriam.“ (3)

(1) Sixtus III. *ep. 4. n. 16. col. 125a. apud Constantinum ep. Romae Pontif.*

(2) Christianus Lupus *de appellat. dissert. 1. cap. 34. opp. tom. 8. pag. 137.*

(3) Sixtus III. *ep. 9 num. 3. col. 1266. ibid.*

§. XXXIV. Ventum est ad aetatem S. Leonis M., quo Pontifice Sedis Apostolicae auctoritas in suscipiendis appellationibus sese in primis mirifice explicavit. Antequam vero de singulis, quae hoc temporis intervallo evenerunt, dicere incipiamus, ipse audiendus est Leo, qui his omnino verbis Episcopos provinciae Viennensis alloquitur (1). „Nobiscum itaque vestra fraternitas recognoscat, Apostolicam Sedem, pro sui reverentia, a vestrae etiam provinciae sacerdotibus innumeris relationibus esse consultam, et per diversarum, quemadmodum vetus consuetudo poscebat; appellationem causarum, aut retractata, aut confirmata fuisse se iudicia.“ Nullum certe praeclarum, aut illustrius proferri monumentum potest, ut pateat, Romanum Pontificem etiam in Gallia jus appellationum exercuisse. Tam insigne, tanque perspicuum Leonis testimonium pupugit Paschasium Quesnellum, qui ut inde evadat, omnes persequitur vias, et modo fidem Leoni negandam praedicat, quoniam in propria causa idoneus testis esse nequit, modo id ab eo scriptum putat errore memoriae, aut dolo Chelidonii, modo victus vi veritatis Leonem respexisse contendit antiqua monumenta rerum in Gallis gestarum, quae ad nos minime pervenerunt (2). Sunt haec retinenda animo diligenter, antequam eorum, quae dicturi sumus, narrationem expediamus. Chelidonius in synodo, cui praeerat S. Hilarius Arelatensis, accusatus fuerat, quod viduam habuisset uxorem, antequam Episcopus crearetur,

quodque antequam inter clericos cooptaretur, dam judicis munere fungebatur, reum criminis morte mulcasset, quod utrumque Episcopum dedecebat. His de causis synodi sententia ipse ab Episcopatu dimotus est. Chelidonius Romam venit, secumque detulit testes, qui sibi iniustam notam abstergerent. Leo autem re cognita, atque habita synodo Chelidonium suae Sedi restituit, datisque literis ad Episcopos provinciae Vienneusis suam hanc sententiam significavit. In his porro literis narrat, quomodo Chelidonius, et Hilarius in Concilio Episcoporum, praesente Leone suam causam egerint. „ Hilarius, *inquit*, rationabile, quod in Sanctorum concilio „ Sacerdotum posset respondere, non habuit; Hinc absolutus est Chelidonius Episcopus, quoniam se injuste Sacerdotio fuisse dejectum manifesta testium responsione coram Hilario monstravit, ita ut Hilarius, quod contra opponeret, „ non haberet. Remotum est ergo iudicium, quod prolatum „ in hac sententia legebatur; quod tamquam viduae maritus „ Sacerdotium tenere non posset (3). „ Nihil hic sane desiderari potest, ut vera, numerisque omnibus absoluta appellatio habeatur. Chelidonius Hilarii iudicio condemnatus Romam venit, ut Leonis auctoritate illius sententia infirmetur, Romam quoque venit Hilarius, ut coram Summo Pontifice causam tueatur suam, Pontifex habita synodo utrinque rationum momenta diligenter expendit, et cum nihil *rationabile* Hilarium habere deprehendisset, contra vero cum Chelidonius *se injuste Sacerdotio fuisse dejectum* ostendisset, Hilarii sententiam a medio tollendam, et suum Chelidonio locum restituendum iudicavit. Quia in re illud in primis est observatu dignum, quod tum Hilarius, tum Chelidonius ius suscipiendi appellationem, potestatemque infirmandi latam sententiam in Leone agnoverunt. Non enim Chelidonius id consilii cepisset, si Leonis sententiam nihil sibi obesse existimasset, neque Hilarius tam longum iter suscepisset, ut se Leoni probaret, suamque causam diceret coram eo, et Patribus concilio congregatis, nisi probe intellexisset, integrum esse Summo Pontifici confirmare, aut infirmare sententiam, quae ab se lata fuerat. Ex quo intelligitur, quam falso Queanellus statuat, de Gallicanis iudiciis apud Sedem Apostolicam agi non potuisse, quod a primis Ecclesiae temporibus usque ad eam aetatem obtinuisse

contendit. Cur igitur Hilarius Romam venit, ut iustam esse sententiam suam, eamque ratam firmam esse habendam Leoni demonstraret? Hujus avertendi iudicii facilis, et expedita fuisset via, si ea, quam Quesnellus suo ingenio fingit, viguisset disciplina, ut Gallicanae sententiae Apostolicae Sedis iudicio non subjicerentur. Neque Hilarius tantum Sedis Apostolicae auctoritatem agnovit, spreto illo, quod numquam fuit, Gallicanae Ecclesiae privilegio, sed omnes etiam agnoverunt Patres, qui ad Concilium convenerant, et omnes agnoverunt Gallicani Episcopi, quos Leo per literas (4) totius rei gestae certiores fecit nunciatis: „ remotum fuisse iudicium, quod prolatum „ in hac sententia legebatur, et redditum Ecclesiae suae, et „ huic, quam amittere non debuerat, dignitati Coepiscopum „ Chelidonium, sicut gestorum series, et post decursam cognitionem sententia, quae a nobis est prolata, testatur. „ Quis credat ex tot Galliarum Episcopis ne unum quidem fuisse, qui de hac Leonis sententia, quasi ea esset adversaria disciplinae Ecclesiae Gallicanae, quereretur?

(1) S. Leo M. ep. 10. cap. 2. col. 634. *edit. Hallerin.*

(2) Quesnellus in *S. Leonem dissert.* 5. par. 1. cap. 16. „ Cum Leo „ dixit, inquit, diversarum appellationum casuum, sicut vetus consuetudo „ poscebat, aut retractata, aut confirmata fuisse iudicia, vel memoria „ „ plus est, vel a Chelidonio palpante, et imponente delusus. vel denique „ alia penes se rerum in Galliis gestarum monumenta habuit, quae ad nos „ usque non pervenerunt. „ Consule Fratres Hallerinius *observ. in cit. dissert.* Quesnelli *opp. S. Leonis M. tom. 2. col. 939. seqq.*

3) S. Leo M. ep. 10. cap. 3. col. 635.

(4) *Ibidem.*

§. XXXV. At neque Hilarium, neque Gallicanos Episcopos Leonis decreto paruisse, Quesnellus contendit. Quod de Hilario dicit, id colligi putat posse ex Auctore vitae ejusdem Hilarii, qui tradit quod ille: „ in Civitatis recessu totum se ad placandum animum S. Leonis inclinata humilitate convertit, missa primum S. Ravennio tunc Presbytero, postmodum proprio successore, deinde S. Nectario, Sanctoque Constantio praecipuis Sacerdotibus. Et quia quantum in hac causa dictaverit, nulla possum ratione connectere. „ Hoc loco Auctor vitae S. Hilarii narrat quae idem Hilarius scripsit, postquam *inclinata humilitate se totum con-*

vertit ad placandum Leonis animum, eaque de causa tres ad eum Legatos misit. Quis credat, ex hac narratione illud posse colligi, quod Quesnellus putat; Hilarium, qui tantopere studebat placare, ac lenire animum Leonis, sui instituti rationem defendere, ac Leonem refutare voluisse, quasi iniquam sententiam protulisset? Neque solum Quesnellus Auctori vitae Hilarii adscribit quod nusquam scripsit, sed etiam dolose, et malitiose confundit tempora, quaeque Auctor vitae gesta narrat ab Hilario, dum Romae morabatur, transfert ad tempus, quo Hilarius ex hac vita discesserat. Inquit enim Quesnellus: „numquam tamen Hilarius resiliit (a pristina „sententia) sanctae post mortem memoriae ab ipso Leone „appellatus, et ut testatur laudatus toties ejus vitae scriptor, „etiam in discrimine vitae positus communioni ejus, quem „cum tantis viris damnaverat, conjungi nullatenus acquie- „vit, „Scribit quidem Auctor vitae de Hilario, quod ipse: „in discrimine vitae positus communioni suae, quem cum „tantis viris damnaverat, conjungi nullatenus acquievit: „verum id refert ad tempus, quo Hilarius Romae commorabatur, ibique suam causam defendebat. Unde post quaedam alia, quae tum in eodem *capite* 17., tum in *sequenti* 18. de Hilario tradit, et illud praesertim, quod „in civitatem „regressus totum se ad placandum tunc animum S. Leonis „inclinata humilitate convertit „*cap.* 19. ejus obitum describit. Quesnellus igitur, ut quod sibi proposuit efficiat, narrationem Auctoris vitae S. Hilarii pervertit, quaeque hic vivens fecit cum iis confundit, quae post ejus obitum acta sunt. Revera si, ut ipse animadvertit, Hilarius sanctae post mortem memoriae ab ipse Leone appellatus fuit, id argumento est plane maximo, eum decreto Leonis usque ad mortem non obstitisse. Ac quomodo obstare potuit, si Valentinianus sua constitutione in Gallias missa decretum Leonis ab omnibus observari jussit, et nominatim Hilario praecepit, ne auderet huic decreto repugnare? „Quid enim, *inquit Valentinianus*, tanti Pontificis auctoritati in ecclesiis non liceret? „Sed nostram quoque praeceptionem haec ratio probavit, ne „ulterius nec Hilario, quem adhuc Episcopum nuncupari „sola mansueti Praesulis permittit humanitas, nec cuiquam „alteri ecclesiasticis rebus arma miscere, aut praeceptis Ro-

„ mani Antistitis liceat obviare Hac perenni sanctione
 „ censemus, ne quid tam Episcopis Gallicanis, quam alia-
 „ rum provinciarum contra consuetudinem veterem liceat si-
 „ ne venerabili Papae Urbis aeternae auctoritate tentare. Sed
 „ hoc illis, omnibusque pro lege sit quidquid sanxit, vel
 „ sanxerit Apostolicae Sedis auctoritas; ita ut quisquis Epi-
 „ scoporum adjudicium Romani Antistitis evocatus venire ne-
 „ glexerit, per moderatorem ejusdem provinciae adesse co-
 „ gatur. „

(1) Confer Constitutionem Valentiniiani post cit. epist. 10. S. Leonis opp. tom. 1. col. 642. seqq. De hoc toto argumento videndus Cæronius de jur. et leg. disciplin. lib. 22 cap. 5. §. 5. tom. 3. pag. 335. seqq.

§. XXXVI. Nunc videamus, num Gallicani Episcopi Leonis decreto obtemperaverint; quoniam et eos restitisse Quenellus putat. Cujus sententiae argumentum est, quod Ravennius, qui Hilario in Episcopatu Arelatensi successit, Metropolitanam dignitatem obtinuit, quam Leo ademptam Arelatensi Episcopo Viennensi tribuerat. Sed mera haec fallacia est, praeterea nihil. Nam Leo solum Hilarium, non item Arelatensem Ecclesiam Metropolitanam dignitate privavit, et ideo mirum non est, quod Ravennius una cum Episcopatu Arelatensi eidem affixam dignitatem obtinuerit. Clara sunt Leonis verba, quae demonstrant, dictam esse sententiam contra unum Hilarium, non contra Ecclesiam Arelatensem. Inquit enim (1). „ Nec ultra Hilarius conventus audeat indicere
 „ synodales, et Sacerdotum Domini judicia, se interserendo
 „ turbare. Qui non tantum noverit se ab alieno jure depul-
 „ sum, sed etiam Viennensis provinciae, quam male usur-
 „ paverat, potestate privatum. . . . Non ergo intersit ordina-
 „ tioni, non ordinet etc. „ Ac tantum abest, Gallicanos Praesules Leonis decreto repugnasse, ut potius sua agendi ratione maximam ei subjectionem, et obsequium declaraverint. Nam cum eidem per literas significarunt, concordiam omnium consensu Ravennium electum fuisse Episcopum Arelatensem, rogarunt, ut ei restitueret Metropolitanam Dignitatem, ex qua excederat Hilarius, quod ejus in se offensionem concitaverat, uti manifestum est ex literis, quas ea de re ad Leonem dederunt. Sic enim ajunt „ unde praemissis officiis, quae Apo-

„ stolatui vestro jure debentur, suggestionem nostram, quae
 „ justitiae partibus fungitur, audiendam a corona vestra mi-
 „ nime dubitamus; quippe cum non aliqua nova institui,
 „ sed prisca per vos optamus, et antiqua reparari. Nec enim
 „ justum est, ut honorem ejus, quem, ut probavimus, im-
 „ pense diligitis, illa res minuat, qua pietatem vestram al-
 „ ter offendit. Et sane manifestum est, Ecclesiae Arelatensi
 „ Divinae gratiae favorem adesse, cui talem habere contigit
 „ sacerdotem; per quem privilegia dignitatis antiquae, quae
 „ dolebat sibi pro tempore diminuta, gauderet in perpe-
 „ tuum, recentioribus Apostolicae Sedis auctoritatibus re-
 „ formata (2). „

(1) S. Leo M. ep. 10. cap. 7. opp. tom. 1. col. 639. edit. Ballerin.

(2) Sic epistola Comprovincialium Episcoporum Metropolis Arelatensis
 inter epistolas S. Leonis num. 65. opp. ejusd. tom. 1. col. 993. seqq. e-
 dit. ejusd. Videodi Ballerinii observat. in cap. 2. par. 3. dissert. 5. Que-
 snelli num. 2. opp. S. Leonis tom. 2. col. 998.

§. XXXVII. Pertinet etiam ad Leonem appellatio Projecti
 Episcopi; cui cum adhuc vivo Hilarius Patroclum surrogas-
 set contra leges Sacrorum Canonem, is ad Leonem provo-
 cavit. Hic vero quidquid Hilarius gesserat, in Concilio Epi-
 scoporum ob Projecti ad se delatas querelas, lacrimabilesque
 literas civium, qui Projecto Episcopo suberant, plane infir-
 mavit, ac decrevit, ut Projectus Episcopus in suo Sacerdo-
 tio permaneret; atque ab Episcopatu removeretur qui ejus
 loco ordinatus fuerat. Audiendus ipse Leo, cujus verba sunt
 haec (1); „Nos tamen quod vobis credimus, Deo iudice, pla-
 „ citum, in commune cunctis fratribus consulentes, et male
 „ ordinatum submoveri, et Episcopum Projectum in suo
 „ sacerdotio remanere debere decrevimus; id statuentes, ut
 „ si quisquam fratrum nostrorum in quacumque provincia
 „ decesserit, is sibi ordinationem vindicet sacerdotis, quem
 „ illius provinciae Metropolitanum esse constiterit. „ Hoc de-
 cretum una cum alio, cujus paulo ante facta mentio est, quod
 ad Chelidonium pertinet, Leo misit per literas ad Episcopos
 provinciae Viennensis, et utrumque fuit Valentiniani consti-
 tutione firmatum. Quae a Quesnello, ceterisque similibus ad-
 minuendum Leonis fidem in medium afferuntur, copiose, ac

scienter refutata sunt a viris doctrina praestantibus (2), et ideo nihil est, quod in iis iterum refutandis nostra quoque opera collocanda videtur.

(1) S. Leo M. cit. ep. 10. cap. 5. col. 639.

(2) Confer Cerbonium loc. cit. §. 6. pag. 348., et Fratres Ballerini, qui Quersnelli rationibus uberrime satisfecerunt tom. 2. opp. S. Leonis in dissert. 5. Quersnelli col. 756. seqq.

§. XXXVIII. Cum his appellationibus, quarum nunc facta mentio est, consentiunt, et concinunt, appellationes tres, quae eodem Leonem Pontifice emissae sunt. Earum prima est Eutychis, qui cum a Concilio S. Flaviani Constantinopoli condemnatus fuisset, Leonem appellavit. Quod manifestum faciunt literae tum Eutychis, qui Pontificem rogat, ut nullum sibi ex lata sententia detrimentum inferri patiatur (1), tum S. Flaviani (2), qui Leonem orat, ut ratam firmam esse velit depositionis sententiam, quae contra hunc hominem a Concilio dicta est. Hanc sententiam confirmavit Leo, uti constat ex literis, quas ad eum dederunt ejusdem Concilii Patres (3), qui narrantes ea quae Dioscorus contra jus fasque egerat in latrocinio Ephesino, illud quoque memorant, quod ipse in gradum suum restituisset Eutychen, quem Summus Pontifex ex eo dejecerat.

(1) Extat haec epistola inter opera S. Leonis M. ep. 21. col. 741. tom. 1. « Et obsecro, inquit, nullo mihi praesidio facto ex his, quae per insidias contra me gesta sunt, quae visa vobis fuerit super fidem proferre sententiam, et nullum deinceps permittere a factionis contra me calumniam procedere etc.

(2) Haec quoque epistola descripta est inter opera S. Leonis ep. 26. col. 788. « Commotus igitur, inquit, Sanctissime Pater, ob omnia, quae ausus est, et propter ea, quae adversus nos, sacratissimamque Ecclesiam facta sunt, atque sunt, solita fiducia utere, sicut Sacerdoti convenit, et vindicans communem rem, sanctarumque Ecclesiarum compositionem, dignare per proprias quidem literas suffragari depositioni canonicae adversus eam factae.

(3) Sic Concilii Patres Leoni scribunt ep. 98. col. 1092. Et Eutychen pro impietate damnatum, suae tyrannidis decretis innoxium statuit, et dignitatem, quae a vestra illi ablata fuerat Sanctitate (quippe ut ab eo, qui hac gratia erat indignus) ille restituit. » Consule David des jugem. canon. chap. 6. art. 2. pag. 285. Natalem Alexandrum Histor. Eccles. saec. 4. dissert. 28. prop. 3. tom. 4. pag. 468. Christianum Lupum de appellat. dissert. 3. opp. tom. 8. pag. 290. Bianchini dell' esterior po-

dictum della Chiesa lib. 3. cap. 5. tom. 5. par. 3. pag. 189. seqq. Ballerini tom. 2. oper. S. Leonis col. 1123. seqq. Zaccariam Raccolta di dissertazioni tom. 16. dissert. 1. pag. 109. seqq.

§. XXXIX. Altera appellatio est S. Flaviani Episcopi Constantinopolitani, qui cum a Concilio Ephesino, quod se oecumenicum esse existimabat, condemnatus fuisset, ad S. Leonem provocavit. Nulla prorsus ea de re dubitatio esse potest, quoniam Pontificis Legatis *libellum appellationis Flaviani Episcopum dedisse*, ipse Leo diserte testatur (1), idque etiam confirmat Valentinianns Augustus literis ad Theodosium datis (2), et Liberatus Garthaginensis Ecclesiae Archidiaconus (3). Leo vero habita Romae synodo Ephesini conciliabuli decreta abrogavit, et Flavianum suae Sedi restituit; uti constat ex literis, quas Pontificius Legatus Hilarinus, qui Concilio interfuit, ad Pulcheriam Augustam dedit (4). Sed rem ipsa evidentia illustriorem faciunt complures synodicae literae, quae a Leone scriptae sunt. In literis ad Pulcheriam inquit (5): „ Quoniam Flavianus Episcopus in nostra „ omnium communione persistit, atque hoc, quod factum „ est sine consideratione iustitiae, et contra omnein canonum „ disciplinam, ratum haberi nulla ratio permittit. „ In synodica ad Constantinopolitanos (6), scribit haec: „ Quisquis „ enim incolumi, atque superstite Flaviano Episcopo vestro „ sacerdotium ejus fuerit ausus invadere, nunquam in com- „ munionem nostram habebitur, nec inter Episcopos poterit un- „ merari. „ Denique in Synodica ad Faustum, Martinum, Petrum, Magnum Emanuellein Presbyteros, et Archimandritas Constantinopolitanos (7), haec habentur: „ Et custodien- „ tes unanimitem cum Fratre nostro Flaviano Episcopo, „ quem ad tempus Dominus permisit impiorum factione ten- „ tari, ut probatum sibi Sacerdotem suum perseverantiae „ merito faceret clariorem. „ An non hoc judicium est, quo abrogatur sententia pseudo-synodi Ephesinae, et Flaviano restituitur locus, unde ejus decreto injuria dejectus fuerat? Nolumus immorari in refutandis ratiunculis, iisque inanissimis Quesnelli, Dupinii, Launoj, Gerbaisii, quoniam id doctissimi Viri solide, copioseque praestiterunt (8).

(1) S. Leo ep. 44. col. 915. cit. ed. Ballerini. » Ut quia, inquit, et

» nostri fideliter reclamantur, et eidem libellum appellationis Flavianus
» Episcopus dedit. »

(2) Valentinianus Imperator literis ad Theodosium datis inter epistolas
S. Leonis ep. 55. col. 962. » Dehemus, *inquit*, cum omni compententi de-
» votione defendere fidem, et dignitatem propriae venerationis B. Apostolo
» Petro intemeratam et in nostris temporibus conservare, quatenus B. Apos-
» tolicus Romanus Civitatis Episcopus, cui Principatum Sacerdotii super
» omnes antiquitas contulit, locum habeat, ac facultatem de fide, ac sacer-
» dotibus judicare . . . Hujus enim rei gratia, secundum solemnitatem
» Conciliorum, et Constantinopolitanus Episcopus eum per libellos appellavit,
» propter contentionem, quae orta est de fide. »

(3) Liberatus *Breviar. cap. 12.* apud Labbaeum *concil. tom. 6. col.*
438. » Flavianus autem, *inquit*, contra se prolata sententia, per ejus Le-
» gatos Sedem Apostolicam appellavit libello. »

(4) Hilarius literis ad Pulcheriam datis inter epistolas S. Leonis ep. 44.
col. 928. scribit haec : » Vestra itaque veneranda clementia cognoscit a
» praefato Papa cum omni Occidentali concilio reprobata omnia, quae in
» Epheso contra canones per tumultus, et odia saecularis a Dioscuro Epi-
» scopo gesta sunt, et nulla ratione haec in his partibus suscipi posse, quae
» per potentiam praedicti, non sine laesione fidei, et praedictio Sanctis-
» simi Viri, innoxiae commissae sunt. » Vide etiam Joannem VIII. p.
ep. 199. apud Labbaeum *tom. 11. Concil. col. 129.*

(5) S. Leo ep. 45. col. 923.

(6) Idem ep. 50. col. 933.

(7) Idem ep. 51. col. 937. Digna est etiam quae legatur ejusdem Leo-
nis ep. 44. col. 909. ad Theodosium, in qua describuntur gesta a Dioscuro
praeterea synodo, rectaeque fidei illata injuria.

(8) Videndi David *des jugemens canoniques chap. 6. art. 3. pag. 294.*
seqq. Natalis Alexander *Histor. Eccles. in saec. 4. dissert. 28. prop. 3.*
tom. 4. pag. 468. Christianus Lupus *de appell. dissert. 4. tom. 8. pag.*
318. Bianchini *dell' esteriore polizia della Chiesa lib. 3. cap. 5. §. 15.*
tom. 5. par. 2. pag. 223. seq. Ballerini *Observat. in Quernelli dissert. 8.*
tom. 2. opp. S. Leonis col. 1153. seqq. Zaccaria *Raccolta di dissertazioni*
di Storia Ecclesiastica dissert. 1. tom. 16. pag. 112. seqq.

§. XL. Postremum exemplum appellationis ad Leonem
praebet Theodorus Episcopus Cyri, qui in eodem Conci-
liabulo Ephesino Episcopatu motus fuerat. Cujus rei testimo-
nio sunt literae, quas ipse ad Leonem dedit, et quibus haec
scribit (1) : » At ego Apostolicae vestrae Sedis expecto senten-
» tiam, et oro atque obtestor Sanctitatem tuam, ut mihi re-
» ctum, ac justum tribunal vestrum invocanti opem ferat, jubeat.
» quae ad vos venire, et doctrinam meam Apostolicis vestigiis
» inhaerentem ostendere. » Et paulo post Leonis judicium
sese expectare proficitur, ut intelligat, parere ne ipse debeat
depositionis sententiae adversus se latae a synodo Ephesina.
» Ante omnia, *inquit*, ut a vobis docear oro, an me oportet

„ In hac injusta depositione acquiescere, an non vestram
 „ enim sententiam expecto. „ Has literas, cum ipse eas per
 „ se Romam deferre non posset, *regiarum literarum vinculis*,
 „ ut ipse inquit, impeditus, ad Leonem misit per Hispatium,
 „ et Abramium Chorepiscopos, et Alypium Exarchum Mona-
 „ chorum. His legatis alias etiam tradidit Theodoritus literas,
 „ quas inter erant et literae ad Renatum Presbyterum, quem
 „ adhuc vivum putabat, et qui tamquam Leonis Legatus Ephe-
 „ sino Conciliabulo interfuisse ferebatur. Harum autem litera-
 „ rum verba sunt haec (2): „ Hac igitur de causa tuam oro san-
 „ ctitatem, ut persuadeas sanctissimo, ac beatissimo Archie-
 „ piscopo, ut Apostolica utatur auctoritate, et praecipiat ad
 „ vestrum convolare concilium. Habet enim sanctissima illa Se-
 „ des Ecclesiarum, quae in toto orbe sunt, principatum mul-
 „ tis nominibus: atque ante haec omnia, quod ab haeretica
 „ labe immunis mansit, nec ullus contraria sentiens in ea
 „ sedit; Apostolicam gratiam integram conservavit. Quae a vobis
 „ fuerint iudicata, in iis, qualiacumque erunt, iudicii vestri se-
 „ quitati confidentes acquiescemus, et rogamus, ut iudicium ex
 „ scriptis constituatis. „ Porro si Theodoritus vult Leonem
Apostolica auctoritate praecipere, ut Romam veniat ad Con-
 „ ciliium, quod a Summo Pontifice habebatur de ecclesiasticis
 „ negotiis, non id certe aliam ob causam postulare potuit, nisi
 „ ut Ephesina sententia suae depositio nis Apostolicae Sedis
 „ iudicio, et auctoritati subijceretur. Et vere fuisse sub-
 „ jectam, ab eaque infirmatam, testatur Leo, qui literis
 „ postea datis ad Teodoritum disertissime memorat iudicium
 „ ejusdem Sedis Apostolicae, a qua Teodoritus sceleris pu-
 „ rus declaratus, in suumque locum restitutus est. „ Ait enim
 „ Benedictus Deus noster, cujus invincibilis veritas ab omni
 „ haereseos macula nudum te, secundum Apostolicae Sedis
 „ iudicium, demonstravit (3). „ Hinc in synodo Chalcedo-
 „ nensi Marciani Imperatoris Ministri mandarunt, ut secundum
 „ Imperatoris voluntatem Theodoritus ad Synodum veniret, quo-
 „ niam a Leone Episcopatu restitutus fuerat. „ Ingrediator,
 „ inquit, et Reverendissimus Episcopus Theodoritus, ut sit
 „ particeps synodi, quia et restituit ei Episcopatum Sanctis-
 „ simus Archiepiscopus Leo (4). „ Cumque iudices pro eo
 „ synodi sententiam postulassent, *ut Ecclesiam suam reciperet,*
 „ sicut et sanctissimus Leo Archiepiscopus iudicavit; Epi-

scopi plaudentes responderunt : *Theodoretus dignus est Sede . . . post Deum Leo iudicavit.* (5).

(1) Theodorus *inter apistol.* Leon. ep. 52. tom. 1. opp. S. Leonis col. 947. edit. Ballerin. Quem in locum videndi sunt Ballerini in not. num. 6., qui recte animadvertunt, quod Graecus textus habet ἐπαλαμύνα. Verbum autem ἐπαλαμύνα pro appellare ad superiorum iudicem frequenter accipitur, uti multis datis exemplis ostendunt.

(2) Theodorus ep. 116. opp. Theodorit. tom. 3. pag. 989. edit. Paris. 1642.

(3) S. Leo ep. 126. col. 1226. edit. ejusd.

(4) Concilium Chalcedonense act. 1. tom. 4. collect. Labbaei col. 874.

(5) Idem Concilium act. 8. col. 1523. ibid. Recte Cardinalis Orsius *histor. eccles.* tom. 14. lib. 33. num. 20. pag. 245. edit. Romae 1755. » De » il Santo Pontefice, inquit, non avesse giudicato altrimenti in favore di » Teodoro, se non in quanto aveva rescritto gli atti del Concilio di » Efeso, non avrebbe fatto per esso nulla più, che per Iba d'Edessa, e » per Sabino di Perra. E nondimeno quando questi due vescovi furono » rivisitati dal Sinodo di Calcedonia, nè essi, nè il Concilio, nè i Legati Apostolici dissero, che fossero già stati ristabiliti da S. Leone. Da hac Theodori appellatione videndi sunt David *jugum. canon. chap. 6. art. 4. pag. 316.*, Natalis Alexander *Histor. eccles. saec. 4. dissert. 28. tom. 8. pag. 169.* Christianus Lupus *de appellat. dissert. 5. opp. tom. 8. pag. 348.* Ballerini *opp. S. Leonis tom. 2. col. 1257. seqq.*

§. XLI. Mitto appellationem Contumeliosi Rejensis in secunda Narboneensi provincia Episcopi, cui testimonio est Agapetus Pontifex (1), Salonii Ebredunensis, et Sagittarii Vapigensis, quam memorat Gregorius Turonensis (2), ceteras, quas collegerunt viri multum in his studiis, et multa cum laude versati (3); ut veniam ad Gregorium M., quo Pontifice luculentissima occurrunt exempla appellationum ad Sedem Apostolicam, quibus nos finem, et modum faciemus hujus disputationis, quam longiorem esse sentimus; sed rerum copia, ut aiebat Cicero, verborum copiam genuit. Sane, ut verbis utar Petri de Marca (4). „ Inter omnes Pontifices nemo „ peritior fuit iurium Sedis Apostolicae quoad appellationes, „ quam Gregorius Magnus. Rebus ille gerendis adnotus per „ multos annos Ecclesiae Orientalis mores introspererat, quum „ Sedis Apostolicae Apocrisarium ageret Constantiopolit. „ Quaedam nos seligemus, exempla appellationum, quas ad Gregorium delatas fuisse hominum memoriae proditum est. Honoratus Salonae Archidiaconus summa animi contentione adversabatur Natali Archiepiscopo, quod neglectis sui officii

partibus sumptuosis conviviiis, et omni voluptatum genere delectaretur, et Ecclesiae reditus ad affines, cognatosque suos locupletandos converteret. Ut hanc ab se molestiam removeret Archiepiscopus, Honoratum Archidiaconatus dignitate dimovit; hic vero appellavit Pelagium II., qui utrumque Romam venire jussit. Pelagio interim in Pontificatu successit Gregorius, qui Natali imperavit, ut illico Honoratum in pristinam dignitatem restitueret, amoto Archidiacono, quem ipse creaverat, ac nisi pareret, graviores ei poenas ininitatus est (4).

(1) Agipetus *ep. 7. ad Caesarium Arelaten.* tom. 5. *Concil. Labbaei* col. 316.

(2) Gregorius Tironensis *Histor. Franc.* lib. 5. cap. 21. col. 231. edit. Paris 1799.

(3) Christianus Lupus de *Africanæ Ecclesiæ Romanis appellationibus* cap. 34., et de *Romanis Gallicanæ Ecclesiæ appellationibus* opp. tom. 8., et alia affert hujusmodi appellationum exempla, aliaque etiam *Zaccaria Raccolta di dissertazioni di storia ecclesiastica* tom. 16. dissert. 1. cap. 6. pag. 132. seqq., et *Ancor dissertationis de appellationibus ad R. Pontificem* par. 3. cap. 4. et 5.

(4) Petrus de Marca *Concord. Sacrorum et Imper.* lib. 7. c. 18. n. 3.

5) Gregorius M. *ep. 19. 20. lib. 1. opp. tom. 2. col. 503. et 504. edit. Paris. 1705.*

§. XLII. Hadrianus Thebarum in Thessalia Episcopus quorundam criminum a Joanne, et cosma Diaconis accusatus fuerat, ideoque a Metropoli Joanne Larissæ Episcopo gradu motus fuerat. Ab hoc judicio Hadrianus ad Joannem Episcopum primæ Justinianæ Vicarium Apostolicum provocavit, qui quidem Larissensis Episcopi sententiam ratam firmam habendam esse decrevit. Ægre hoc judicium tulit Hadrianus, suamque causam ad Gregorium detulit, ac Romam venit. Gregorius autem postquam se legisse affirmavit quæ coram utroque Episcopo tum Larissæ, tum primæ Justinianæ gesta fuerant, initio hunc arguit de injusto judicio, deinde graviter reprehendit, quod ad Sedem Apostolicam misisset neminem, qui acti judicii rationem redderet, cum sciret ad eam delatam fuisse appellationem; postremo Hadrianum absolvit ab utroque judicio, atque Episcopo primæ Justinianæ triginta dierum spatio sacra communio interdicti voluit. Gregorii verba sunt hæc: „ Sed tantum fraternitas tua nescio quo mentis motu, Divino, humanoque jure contempto, abruptam protulit in ejus damnatione sententiam :

„ quae licet non esset appellatione suspensa, contra leges ta-
 „ men, canonesque prolata, ipsa non poterat jure subsistere.
 „ Postquam autem ex abundanti appellationem tibi constat
 „ esse porrectam, mirati sumus, cur nec homines tuos secun-
 „ dum cautionem Honorato Diacono nostro per responsales
 „ tuae Ecclesiae expositam, qui tui iudicii rationem pos-
 „ sent reddere, transmisisti. Quod factum te vel de contu-
 „ macia, vel de conscientiae trepidatione redarguit. Si igitur
 „ haec, quae nobis oblata sunt, veritate vallantur, quo-
 „ niam occasione vicium nostrarum consideramus vos injus-
 „ ta praesumere: de his alias secundum id quod a nobis
 „ deliberatum fuerit, Christo auxiliante, decernemus. Quod
 „ vero ad praesens attinet, cassatis prius, atque ad nihilum
 „ reductis praedictae sententiae decretis, ex B. Petri Prin-
 „ cipis Apostolorum auctoritate decernimus, triginta dierum
 „ spatio te sacra communione privatum. (1) „ Haec de pri-
 „ mae Justinianae Episcopo a Gregorio decreta sunt; quod
 „ vero attinet ad Episcopum Larissensem, eum graviter incre-
 „ pat propter eam, quam cum Hadriano servaverat, agendi ra-
 „ tionem, et quamvis, ut ait, *humanius decernendo* eum sa-
 „ crae communionis expertem esse nolit, tamen eum excidia-
 „ se statuit omni potestate, quam in Hadrianum, ejusque Ec-
 „ clesiam obtinebat (2). Illud vero audiri aequo animo non po-
 „ test quod scribit Petrus de Marca (3), qui dum memorat
 „ duas constitutiones Gregorii IV. et Leonis IV. quibus cau-
 „ tum est, *ut post auditionem Primatum dioeceseos* liceat
 „ Episcopo appellare Sedem Apostolicam, neque interim de
 „ illius causa liceat judicare, id receptum affirmat „ ex more
 „ usurpato a Gregorio M., qui tamen Gallias, et Africam
 „ distinguebat ab aliis provinciis, et diverso prorsus modo se
 „ gerebat cum aliis. „ Ita scilicet de usurpato more arguit
 „ Gregorium, quo *inter omnes Pontifices neminem fuisse*
 „ *peritiorum confitetur jurium Sedis Apostolicae quod appel-*
 „ *lationes*, quique pluries professus est „ de ecclesiasticis vero
 „ privilegiis, quod vestra fraternitas scribit, hoc postposita du-
 „ bitatione, teneat, quia sicut nostra defendimus, ita singu-
 „ lis quibusque Ecclesiis sua jura servamus. Nec cuilibet
 „ favente gratia; ultra quam meretur, impertior, nec ulli
 „ hoc, quod sui juris est, ambitu stimulante derogo, sed

„ fratres meos per omnia honorare cupio, sicque studeo honore singulos subvehi, dummodo non sit, quod alteri jure ab altero possit apponi. (4) „ Quid quod Gregorio antiquiora pene innumera sunt appellationum exempla, quae singula supra descripsimus? Neque illud magis verum, quod affirmat Petrus de Marca, Gregorium aliam cum Afris, et Gallis agendi rationem adhibuisse; nam longe aliud ostendunt, quae supra allata sunt monumenta, et certe Gregorio, uti ipse profitetur, ratum firmum erat Apostolicae Sedi jure competere aliorum sententias retractare (5).

(1) S. Gregorius M. lib. 3. ep. 6. col. 627. tom. 2.

(2) Idem ep. 7. col. 628. tom. cit.

(3) Petrus de Marca concord. Saeculor. et Imper. lib. 7. cap. 21. num. 1. et 2.

(4) S. Gregorius M. lib. 2. ep. 47. col. 611. Videnda est etiam ep. 52. ejusd. lib. et ep. 29. et 30. lib. 3. col. 616. et 644.

(5) Vide epist. 29. ad Constantium Mediolanensem Episcopum lib. 10. col. 1061.

§. XLIII. Preclarum etiam ad Sedem Apostolicam appellationis exemplum habemus in Florentio Episcopo Epidaurensi. Cum enim eum Natalis Salonitaeus Episcopus, et Metropolitae de Episcopatu dejecisset, Epidaurenses cives ad Gregorium provocarunt, ut suum sibi Episcopum apostolica auctoritate restitueret. Gregorius autem Sabiniano Iaderae Episcopo mandavit, ut si quid nosset de causa Florentii se de omnibus certiore faceret; at si nihil noverat, in omnem rem diligenter inquireret, sibi que cuncta aperiret, ut certum de ea judicium ferre posset. „ Praeterea, inquit, Habitatores Epidaurensis civitatis Florentium, quem suum esse dicunt Episcopum, sibi a nobis restituendum studiosissime me poposcerunt, asserentes frustra eum ad solam tantummodo voluntatem Natalis Episcopi detrusum exilio. Et ideo si quod de ejus causa fraternitas vestra cognovit, requirat, nobisque renuntiet; ut quidquid de eo statuendum sit, certum deliberare, adjutore Domino, valeamus (1). „

(1) S. Gregorius M. ep. 10. lib. 13. tom. 2. opp. col. 902.

§. XLIV. Ad hoc idem argumenti genus pertinent appellationes.
Tom. III.

tiones tres; quarum in epistolis ejusdem Gregorii disertâ mentio est, altera quae respicit Claudium Abbatem, altera quae ab Athanasio Presbytero, tertia quae a Petro Clarico data est (1). Postremo huic, in quo hactenus versati sumus, argumento modum et finem faciet quod Gregorius scripsit Joanni Defensori, quem Legatum in Hispanias miserat, ut de causa Januarii Episcopi Malacitani, et cujusdam Presbyteri, ac praeterea Stephani Episcopi judicaret. His omnibus hæc epistola Pontificis auctoritate provisum est (2). Primum ipse ab exilio Presbyterum revocari, suaeque Ecclesiae restitui jubet, si ita se res haberet, sicuti a Januario Episcopo narratum fuerat, contra rem omnem a Januario Episcopo narratum fuerat, criminis reus deprehenderetur; deinde Sacerdotio motum ab omni Ecclesiae ministerio repellendum praecipit eum, qui Joannis loco ordinatus fuerat, si adversus ipsum Januarium nulla criminalis causa, quae exilio, vel depositione digna sit, mota, sive probata fuerit; Episcopos vero, qui illum ordinaverat, vel ordinationi consenserant, sex menses a Domini corpore, et sanguinis comunione arcendos, atque in monasterium ad agendam poenitentiam detrudendos mandat, ita tamen ut tempus contrahatur, si eos metu compulsos facinori assensus constet. Denique de Stephano Episcopo, qui contra rectum ordinem, et injuria sese condemnatum querebatur, hæc statuit; et mandat nominatim Legato, ut diligenter in veri investigatione versetur, suamque Ecclesiam Stephano restituta, cum comperit, nec *solemniter* omnia acta fuisse, *nec causam probatam, quae exilio, vel depositione digna sit*. Tum hæc addit: „ Quod si forte aliqua de „ objectis contra memoratum Stephanum Episcopum probata „ sunt, aliqua vero doceri minime potuerunt, cauta omnino „ consideratione pensandum est, ntrum leviora capitula, an „ certe graviora probata sint, ut ex eis qualiter definitionem „ tuam formare debeas, possis scire. Si autem talem culpam „ antedictum Episcopum commississe constiterit, quod absit, „ ut constet eum non irrationabiliter fuisse depositum, eadem „ ejus depositio confirmetur, et Ecclesiae res suae omnes restituantur, quae ablatae claruerint. „ Quae de Stephano Episcopo, deque Presbytero sententia a Joanne defensore Apostolica auctoritate lata fuerit, ignoramus; compertum tamen est,

quale de Januario Episcopo Malacitano iudicium emissum fuerit. Nam sententia his est concepta verbis: „ Dum igitur ex
 „ deputatione Beatissimi, atque Apostolici Domini mei Papae
 „ Gregorii, ego Joannes Defensor inter Januarium Episcopum
 „ Malacitanae Civitatis, atque inter illos, et illos Episcopos
 „ cogitor resedissem, necesse habui causam praedicti Janua-
 „ rii interna inquisitione discutere, et a partibus subtiliter
 „ quaerere veritatem, si ut petitio ejus continet, transmissis
 „ clericis a memoratis Episcopis una cum hominibus gloriosi
 „ Comitoli de Ecclesia fuerit violenter abstractus. Qui dum
 „ multa contra se invicem, sicut gesta testatur, objicerent, ad
 „ conclusionis huius utraeque partes aliquando terminum per-
 „ venerunt, petentes me de agnitis debere judicare. Unde
 „ sollicite relegens, quae acta sunt, et veritatem diligenti investi-
 „ gatione perquirens, nullam in antedicto Januario culpam, quae
 „ exilio, vel depositione digna esset, puniri sed magis illum
 „ ejectum de Ecclesia violenter inveni. Et quamvis hujusmo-
 „ di temeritatem legum censura districtissime seriat, ego tamen
 „ legum vigorem sacerdotali moderatione temperaus, mediis
 „ sacrosanctis Evangelii, quibus praesentibus ab initio in hoc
 „ cognitor resedi iudicio, ea, quae contra eum statuta sunt,
 „ licet jure non teneant, nec alicujus sit momenti, injusta ta-
 „ men, et infirma esset pronuntio (3). „ Quae hactenus per-
 „ sequuti fuimus manifestum faciunt, jus appellationum haud
 „ primum a Sardicensi Concilio, aut lege alia ecclesiastica con-
 „ cessum fuisse Romano Pontifici, sed illud inhaerens, ac pe-
 „ nitus insitum esse in Primatu, quem ipse Pontifex a Christo
 „ Domino accepit, idemque jus semper consensu omnium Sum-
 „ mum Pontificem exercuisse. Sunt igitur veluti aegrorum somnia
 „ quae literis consignarunt homines male animati in Sedem Apo-
 „ stolicam, quorum alii jus illud repetunt a Concilio Sardi-
 „ censi, alii hac aetate recentius putant, alii eo sive impuden-
 „ tia, sive inscitiae adducuntur, ut jus appellationum adscri-
 „ bant falsis decretalibus Isidori Mercatoris, quae nono demum
 „ saeculo in manus hominum pervenerunt. Ex eo numero sunt
 „ Baluzius, Petrus de Marca, Bohemerus, Febronius; atque
 „ alii, quos viri docti solide, copioseque refutarunt (4).

(1) S. Gregorius M. lib. 6. ep. 24. et 66, et lib. 10. ep. 41, col. 809.
 842. et 1072.

(2) *Idem lib. 13. ep. 45. col. 1250.*

(3) *Extat haec sententia post eandem epistolam 45. col. 1255.*

(4) *Consule Cardinalem Aguirriam collect. Concil. Hispan. tom. 1. in praefat., Cerbonium de jur. et leg. disciplin. lib. 12. cap. 5. §. 8. tom. 3. pag. 357., Mamachium, Zaccariam, Ballerinium, Bartolum, Blaschum, ceteros, qui toties repetitam calumniam de Isidorianis Decretalibus penitus profligarunt.*

§. XLV. Postremo totam hanc de appellationibus ad Sedem Apostolicam disputationem concludam fidei professione, quae in II. Lugdunensi Concilio oecumenico, cum de concilianda Graecorum unione ageretur, lecta, et probata fuit his verbis: „ Ipsa quoque sancta Romana Ecclesia summum, „ et plenum Primatum, et Principatum super universam Ecclesiam Catholicam obtinet ad quam potest gravatus „ quilibet super negotiis ad ecclesiasticum forum pertinentibus appellare (1).

(1) *Concilium Lugdunense II. tom. 14. Concil. collect. Labbasi col. 512. et 541*



APPELLATIONIBUS A JUDICIO DOGMATICO R. PONTIFICIS.

CAPUT VI.

*Abnormis, et illicita est appellatio a judicio
Summi Pontificis ad Concilium.*

§. I.

Quae cum ita sint, facile intelligitur, quantum a veritate abhorreant qui a judicio Summi Pontificis oecumenicum concilium appellari posse arbitrantur. Nam si tenere volumus rationem Monarchiae, qualem esse Ecclesiam omnes Catholici confitentur, profecto qui Monarchiae praepositus est, nimirum Summus Pontifex, Supremus omnium iudex esse debet, neque ejus judicia inferiorum judiciis subjecta esse possunt. Sic in civili Republica cum Princeps suum edidit judicium, finita res est, neque subditis licet quaerere, recte, ne an secus judicaverit. Ac si Pontifex oecumenici concilii decreta confirmat, qui fieri potest, ut quae ab eo statuta sunt probanda, improbandae sicut ab illis, qui ei sunt subjecti, quique ejusdem indigent confirmatione, ut sua decreta rata firma habeantur? Haec de appellatione ad Concilium OEcumenicum ex judicio Summi Pontificis opinio in animis insedit eorum, qui Concilium Pontifici praestare putant; secus enim absurdum esset ex judicio superioris provocare ad inferiorem. Sed ut ii, qui Summum Pontificem infra Concilium ponunt, vehementer errant, sic pari in errore versantur, qui ab illius judicio concilium appellandum censent. Revera si supremum judicium, hoc est summa potestas concedatur non uni, sed pluribus, hoc est Episcopis omnibus simul congregatis, non

monarchicum, sed aristocraticum erit Ecclesiae regimen; quod est a Christi institutione alienissimum (1). Scio quod dici solet, Episcopos concilio congregatos Ecclesiam universam repraesentare, Pontificem vero singulis Ecclesiis distributive praeesse, collective tamen, hoc est universae Ecclesiae, non praeesse, sed subesse (2). Verum qualis erit Catholica Ecclesia sine Romano Pontifice, hoc est sine uno omnium Capite, centroque unitatis, a quo cuncta membra conjungantur, et copulentur? Erunt quidem Episcopi singularum Ecclesiarum Antistites, sed Ecclesiam, quae necessario una est, referre universam non poterunt, nisi inter eos fuerit Summus Pontifex; hoc est commune unitatis centrum, quo distinctae illae inter se potestates conjungantur (3),

(1) Videndus Nicolaus Coeffeteus in libris quatuor apologeticis pro sacra monarchia Ecclesiae Catholicae, Apostolicae, et Romanae adv. Rempubl. M. Antonii de Dominis, et videndus in primis est Mamachi Orig. et antiquit. Christian. tom. 5., qui toto fere volumine Aristocraticos episcopos, diligenterque refellit.

(2) Id vero non a catholicis modo, sed etiam a Protestantibus animadversum est. Jo. Laurentius Moshemius in dissert. de Gallor. appellat. ad Conc. univers. Eccles. unitatem Eccles. visib. tollent. scribit haec: » Quod » universis, sive singulis Ecclesiis praeesse Pontificem dicunt, non uni- » versae Ecclesiae, id tam mihi scitum videtur, ac si quis affirmaret, mem- » bra quidem a capite regi, non vero, quod ex membris constat, corpus » aut urbes quidem omnes, villas, et praedia subesse Regi, non vero, quas » hic continetur, ipsam provinciam. » Samuel Pufendorfius de habit. Relig. Christian. ad vit. civit. §. 38. » Concilium, inquit, esse supra Pa- » pam thesis est . . . sed quod isti quoque hanc propositionem asserere » velint, qui Sedem Romanam omnium Ecclesiarum centrum, ac Papam » OEcumenicum Episcopum agnoscent, id quidem non parum absurditatis » habet; cum status Ecclesiae Romanae monarchicus sit, ista autem the- » sis meram aristocratiam oleat. »

(3) Confer Ballerinium de potest. eccles. Summor. Pontif., et Concil. general. cap. 4. §. 3. pag. 56. et seq. edit. Augustae Vindelic., nostraeque Institutiones Jur. Canon. cap. 2. §. 21. et seq. tom. 1. pag. 20. edit. Romae 1792.

§. II. Si qui detur veritati locus, tota illa de Concilio superiore Summo Pontifice disputatio, quae saeculo XIV. ex medio schismatis incendio erupit, cum alia usque ad eam aetatem fuisset sententia Majorum nostrorum (1), quaeque inde nata est tamquam filia abortivae opinio de appellatione ad concilium OEcumenicum excogitata est, ut Sedes Apostolica in invidiam rapiatur, cum revera contra Summum Ponti-

ficem stare non possit Ecclesia, aut Concilium, quod vere oecumenicum sit. Ecquod enim erit hoc Concilium, seu Congregatio totius Ecclesiae, cum procul est Romanus Pontifex, hoc est Caput, et pars praecipua, ac nobilissima Ecclesiae? Erit quidem collectio membrorum Ecclesiae sed nisi simul sit omnium caput, quod haec membra conjungat, et co- pulet, una catholica Ecclesia haberi non poterit. Hinc firma semper immotaque fuit Catholicorum omnium sententia, ju- dicio Summi Pontificis omnes subjectos esse oportere, neque ullam ab eo permitti appellationem posse. Longum esset omnia colligere antiquitatis monumenta; paucis contentus ero, in reliquis ad insignum virorum testimonia, qui hoc argumenti genus egregio pertractarunt, digitos intendam (2). Sic igitur Hadrianus II. ad Romanae Synodi Patres, quae verba subinde lecta, et inserta fuerunt gestis VIII. Concilii OEcuménici (3), quaeque hujusmodi sunt: „ Romanum „ Pontificem de omnium Ecclesiarum Pontificibus judicas- „ se legimus, de eo vero quemquam iudicasse non legimus. „ Licet enim Honorio ab orientalibus post mortem (cum „ scilicet non amplius actu Pontifex erat) anathema sit „ dictum, sciendum tamen est, quia fuerat super haeresi „ accusatus, propter quam solum licitum est minoribus ma- „ jorum suorum motibus resistendi, vel pravos sensus re- „ spnendi; quamvis et ibi (in casu Honorii) nec Patriarcha- „ rum, nec ceterorum Antistitum cuipiam de eo quamlibet „ fas fuerit proferendi sententiam, nisi ejusdem primae Se- „ dis Pontificis consensus praecessisset auctoritas. „ Atque VIII. Synodi Patres ita certum habebant, fas esse nemini sententiam ferre contra Summum Pontificem, ut ne ipsis quidem oecumenicis Conciliis hanc potestatem tribuendam putaverint. Sic enim illi: „ Si qua vero oecumenica synodus „ collecta de Romana etiam Ecclesia controversia extiterit, „ oportet venerabiliter, et cum decenti reverentia de propo- „ sita quaestione sciscitari, responsumque admittere, et sive „ juvari, sive juvare, non tamen impudenter contra senio- „ res Romae Pontifices sententiam ferre. (4) „ Non id pro- fecto OEcuménici Concilii Patres impudentiae, ac temeritati adscriberent, si in Pontificem sese auctoritatem habere cre- derent, ut sententiam ferre possent contra iudicium, quod ab eodem Pontifice latum est.

(1) Quadrat in hanc novam opinionem illud Tertulliani *de praescript.* cap. 31. pag. 213. edit. *Fenet.* 1744. : « id esse dominicam et verum, » quod sit prius traditum, id autem extraneum et falsum quod sit posterius » immisum. » Videndi praeter ceteros sunt Ballerinius *de potest. eccles. Summor. Pontif. et Concil. general.* cap. 5. numer. 20. et seq. pag. 84. et seqq. edit. cit., et Veith *Richarii system. confut. sect. 2. cap. 1. art. 3. §. 25. seqq.* pag. 114. et seq. et art. 3. pag. 29. et seq. pag. 143. et seq.

(2) Confer Ballerinium loc. cit. cap. 5. pag. 66. et seq. Auctorem *Libri quis est Petrus ? par. 3. cap. 2. pag. 311 seqq.*, *Charles de libert. Eccles. Gallican. lib. 8. cap. 14. tom. 1. pag. 116. seqq.*, et in *append. ad eund. tract. observ. in epistol. Episcop. Tornacen. tom. 3. pag. 283. seqq.* edit. Romae 1720., Thomassinum *dissert. 18. in synod. Roman. an. 532. num. 110.*, Petitdierum *dissertation sur l'infalibilité des Papes §. 5. pag. 22. seqq. ed. Luxemburgi 1725.* Librum cui titulus *Responsio Historico-Theologica ad Cleri Gallican. de potest. eccles. declarationem art. 3. pag. 86. seqq.* edit. Colon. Agrippin. 1683.

(3) Allocutio tertia Hadriani II. act. 7. *Concil. Oecumenic. VIII. tom. 10. Concil. col. 597.*

(4) *Ibid. can. 21. col. 646.*

§. III. Ante hanc aetatem, quae pertinet ad IX. Ecclesiae saeculum, jam Gelasius, qui saeculo V. Pontificatu Maximo functus est, omnes appellationes ad quodcumque etiam generale Concilium vetitas esse declaraverat his verbis : „ nec „ taceamus, quod cuncta per mundum novit Ecclesia, quoniam „ niam quorumlibet sententiis ligata Pontificum Sedes B. „ Petri Apostoli jus habeat resolvendi, utpote quae de omni „ Ecclesia fas habeat judicandi, neque cuidam de ejus liceat „ judicare judicio, siquidem ad illam de qualibet mundi parte „ te canones voluerint appellare, ab illa autem nemo sit appellari „ pellars permissus „ (1). Aut annos plusquam mille trecentos Pontifex Gelasius ad Episcopos scribens testatur, quod cuncta per orbem Ecclesia noverit; Sedem Apostolicam jus habere de omnibus judicandi, de ejus autem judicio nemini fas esse judicare. Quam Gelasii sententiam laudat, ac sequitur Synodus Romana anni 1074. (2). Concinunt Bonifacius I. (5), cujus verba sunt haec : „ umquam licuit de eo rursus, quod semel statutum est ab Apostolica Sede, tractari, ac rursus. „ Nemo unquam Apostolico culmini, de cujus judicio non licet retractari, manus obvias audacter intulit, nemo in hoc rebellis extitit, nisi qui de se voluerit judicari, „ et Nicolaus I., qui ita scribit : „ Quoniam cum secundum canones, ubi est major auctoritas, judicium inferiorum sit

„ deferendum, ad dissolvendum scilicet, vel ad roborandum,
 „ patet profecto Sedis Apostolicae, cujus auctoritate major
 „ non est, iudicium a nemine fore retractandum, neque cui-
 „ quam de ejus liceat judicare iudicio (4). „ His aliisque
 „ Summorum Pontificum, et Conciliorum decretis inhaerens
 „ Martinus V. in publico, et generali Consistorio decrevit quod
 „ Nulli fas est a Supremo Jdice, videlicet Apostolica Sede,
 „ seu Romano Pontifice, Jesu Christi Vicario in terris appel-
 „ lare, aut illius iudicium in causis fidei, quae tamquam ma-
 „ jores ad ipsum, et Sedem Apostolicam deferendae sunt,
 „ declinare (5). „ Cum vero in ipsa Synodo Constantiensi Po-
 „ loniae Legati, qui omnem operam dabant, ut Joannis Falken-
 „ bergii libellus damnetur, neque id a Summo Pontifice impe-
 „ trare potuissent, sese ad Concilium provocatos minarentur,
 „ Pontifex eos silere jussit, allata Constitutione, qua hujusmodi
 „ appellationes interdictae sunt, quod ut noverunt Legati, de
 „ sententia destiterunt (6). Callistus quoque III. an. 1457. (7),
 „ et Pius II. (8), inflicta poena excommunicationis in Conventu
 „ Mantuano an. 1459. hujusmodi appellationes damnavit, et ne
 „ impunita scelera remaneant, adversus primam Sedem rebel-
 „ lio nutriatur, libertas delinquendi concedatur, et omnis
 „ ecclesiastica disciplina, et hierarchicus Ordo confundatur. „
 „ Quas easdem rationes in Moguntino Conventu Rodolphus
 „ Wormatiensis Decanus urgebat adversus Dytherum Mogun-
 „ tiae Archiepiscopum. „ Quem appellasti, ajebat, iudicem,
 „ quem provocasti tuae causae cognitorem? futurum Conci-
 „ lium, dicis, appellavi: et ubi est futurum Concilium? Pul-
 „ chra inventa, ut impunita sint scelera, ut liceat sine metu
 „ judicia aliena invadere, is iudex appellatur, qui numquam
 „ reperitur (9). „ Eandem Pii II. constitutionem confirma-
 „ runt Sixtus IV. (10), et Julius II. (11), anathematis poena
 „ constituta adversus eos, qui a Summo Pontifice Concilium
 „ appellant, quae Sixti constitutio jussu Ludovici XI. solemniter
 „ in Galliis fuit promulgata (12), ac postea qui secus sense-
 „ rant solemniter ejurarunt sententiam suam, atque errati ve-
 „ niam postularunt (13).

(1) Gelasius I. ep. 13. ad Episcop. Dardan. apud Labbaeum Concil.
 tom. 5. col. 328.

- (2) Synodus Romana cap. 23. tom. 12. Concil. col. 576.
 (3) Bonifacius I. ep. 13. ad Rufum Thessalon. apud Constantium col. 1036. et ep. 15. col. 1042.
 (4) Nicolaus I. ep. 8. ad Michael Imper. tom. 9. Concil. Labbael col. 1339.
 (5) Martinus V. apud Schelestratem de sens. et auctor. decret. Constant. Concil. dissert. 3. cap. 4. pag. 201. seqq. edit. Romae 1686., Charles de libert. Eccles. Gallican. observat. in epist. Episc. Tornacensis tom. 5. pag. 282. edit. cit., Auctor libri quis est Petrus cap. 21 art. 21 §. 5. pag. 333. edit. Ratisboni 1791.
 (6) Vide Schelestratem loc. cit. pag. 206. et 208.
 (7) Calistus III. apud Raynaldum ad. an. 1457. num. 55. et seq. tom. 10. pag. 120.
 (8) Pius II. Const. execrabilis 5. tom. 3. Bullar. par. 3. pag. 97. edit. Mainardi.
 (9) Confer Gobellum comment. rer. memorab. Pii II. lib. 6.
 (10) Sixtus IV. Const. cum superiori apud Raynaldum ad an. 1483. num. 18. tom. 11. pag. 43. ejusd. Bullar.
 (11) Julius II. Constit. hac generali apud Raynaldum ad an. 1509. num. 13. tom. 11. pag. 538.
 (12) Raynaldus ad an. 1483. num. 22. pag. 45. d. tom. 11.
 (13) Raynaldus ad an. 1509. num. 14. pag. 534 loci cit.

§. IV. His addenda sunt testimonia Gallicanae praesertim Ecclesiae, ex qua sumimus Avitum Viennensem Episcopum, qui in causa Symmachi ejusdem Ecclesiae sententiam profert, atque omnium Galliae Episcoporum nomine conqueritur, quod in ea causa congregata sit Concilium iniquiens, quod: „ si saecula primum fuerat accusatus, Consacerdotum suorum solatium potius asciscere, quam recipere debuisset iudicium, „ et rationem subjicit „ quia sicut subditos nos esse terrenis potestatibus jubet arbiter coeli, staturos ante Reges, et Principes in quacumque occasione praedicens; ita non facile datur intelligi, qua vel ratione, vel lege ab inferioribus eminentior judicetur (1). „ Eadem habet Hincmarus Rheunensis his verbis: „ Quibus omnibus demonstratur, „ quia Synodus comprovincialium Episcoporum iudicia, generalis autem Synodus comprovincialium dijudicationes, si- ve dissensiones vel probet, vel corrigat. . . . Apostolica vero Sedes et comprovincialium et generalium retractet, refricet, et confirmet iudicia; sicuti epistolae Leonis, atque Gelasii ceterorumque R. Pontificum, et Sardicensis Synodus evidenter ostendunt (2). „ Et eadem Ivo Carnotensis de Paschale II. Pontifice „ Caritatem, inquit, redolentibus li-

„teris admonendus mihi videtur, ut se iudicet, sint factum
 „suum retractet. Quod si fecerit, reddamus Deo gratias . . .
 „Si autem in hoc languore insanabiliter aegrotaverit, non est
 „nostrum iudicare de summo Pontifice (3). „Atque alio in
 „loco Quoniam, *inquit*, iudicia Romanae Ecclesiae a nemi-
 „ne foris retractari posse eadem Ecclesia Romana docente di-
 „dicimus, si qui aliquando se praegravatos illius Ecclesiae
 „auctoritate conqueruntur, hoc eis consilium damus, ut non
 „descendant in Aegyptum. propter auxilium, sed ad ipsam
 „confugiant, et inde expectent levamen, unde se conque-
 „runtur accepisse gravamen (4). „Denique S. Bernardus ita
 „Romanos Pontifices alloquitur. „Quis mihi faciet iustitiam
 „de vobis? Extat quidem tribunal Christi, sed absit, ut ad
 „illud appellem Itaque recurro ad eum, cui datum
 „est iudicare de universis, hoc est ad vos; vos appello ad
 „vos; iudicate et me, et vos (5). „Praeter Christi, et pro-
 „prium tribunal, non aliud agnovit Bernardus, quod a iudicio
 „Summi Pontificis fas esset appellare. . .

(1) Avitus Viennensis *ep.* 31. apud Sirmondum *op. var. tom. 2. col.*
47. edit. Venet. cit. In eadem Symmachi causa, de qua loquitur Avitus,
 audiendus quoque est Ennodius Ticinensis in *apol. pro Synod.* apud eundem
 Sirmondum *loc. cit. tom. 1. col. 978. edit. ejusdem.* „Ajunt enim vera est, in-
 „quit, Episcoporum assertio, Sedis Apostolicae Praesulem minorum numquam
 „subiacuisse sententiae, cur ad iudicium districta conventionem productus
 „est? „Et post laudata Pontificis humilitate, qua „venerando Concilio
 „auctoritatem etiam contra se, si meretur, indulsit „Summi Pontificis causas
 „Deo ipso suo iudicio reservatas affirmat; „aliorum forte hominum
 „causas Deus voluerit per homines terminari. Sedis istius Praesulem suo si-
 „ne quaestione reservavit arbitrio.

(2) Hincmarus Rhemensis *de divor. Lothar. lib. 1. pag. 461. edit.*
Paris. pag. 462.

(3) Ivo Carnotensis *epist.* 253, *pag. 99. par. 2. edit. Paris. 1647.*

(4) Idem *ep.* 159, *pag. 67.*

(5) S. Bernardus *ep.* 213. *oppi tom. 1. pag. 86. edit. Venet. 1765.*

§. V. Firma haec semper fuit, ac certa sententia eorum,
 qui pietate, ac doctrina Gallicanam Ecclesiam illustrarunt;
 sed recentiori aetate graves in eo Regno turbae exarserunt,
 cum a Clemente XI. Paschasii Quesnelli liber per Bullam
Unigenitus damnatus est. Fuerunt aliqui ex Gallicanis Epi-
 scopis, qui Quesnello faventes, et Pontificium decretum aegre
 ferentes ad oecumenicum Concilium provocarunt. Sed pars

maxima firme, graviterque retinuit Majorum doctrinam (1), ac demum postquam ipse Princeps adversae sententiae Cardinalis de Noailles Archiepiscopus Parisiensis suam agnovit, et ejuravit errorem, omnes in eandem ivere sententiam: a dogmatico iudicio Sedis Apostolicae nefas esse appellare (2). Ante hanc aetatem et alia quidem occurrunt similium appellationum exempla, e quibus duo sunt vocanda hoc nomine, et in iis qui insistant rubore suffusitacere potius, quam ea memorare deberent. Primum est Pelagianorum, qui saeculo V. oblata Zosimo P. fidei professione ab eo petierunt, ut eandem expenderet, sibi que indicaret, si quod in eo erratum deprehenderet; secus oecumenicam synodum sese appellaturos declaravit. Haec sane horum haeticiorum appellatio non pura, simplexque fuit, sed conditionem habebat, si a Pontifice iustitia dedegaretur. Alterum exemplum est Lutheri, qui saeculo XVI. incredibili audacia a iudicio Leonis X. a quo dominatus fuerat, ad generale Concilium provocavit. Cetera, quae proferunt, exempla minime ad hoc genus pertinet. Petrus de Marca (3), qui appellationem ad Concilium vocat: „ novam quamdam rationem in Ecclesiam in-
 „ vectam ab iis, qui se Romanae Curiae censuris premi exi-
 „ stimabant „ primum omnium, qui appellatione ad Concilium
 usus est, fuisse putat Fridericum II. At hic non a solo Papa, sed a Concilio generali Lugdunensi appellavit (4). Provocarunt etiam Galli pro Philippo IV. Galliae Rege a Bonifacio VIII. P., sed hunc legitimum Pontificem non esse existimabant, quia suspectus fuerat vivo Coelestino V., qui se Pontificatu abdicaverat. Erat quidem inanissima haec exceptio, cum duabus Constitutionibus, altera ipsius Coelestini V., altera Bonifacii VIII. a tota Ecclesia receptis, ac descriptis in VI. Decretalium (6), statutum fuisset, licitum esse Summo Pontifici sese Pontificatu addicare. Sed inani hoc argumento utebantur Galli, ut gratificarentur Philippo Regi, quem inter, et Bonifacium gravissima dissidia existebant. Verum per hanc appellationem a Bonifacio ad Concilium certi, verique Pontificis auctoritatem nullo modo labefactare voluerunt, idque adeo verum est, ut illi ipsi Gallicani Antistites, qui contra Bonifacium facinus patraverant, consensum requirerent Summi Pontificis, ut synodi decreta vim obtinerent. Nam in

libello a Bonifacii accusatoribus oblato Clementi V. aperte significatur, quod ad damnandam Bonifacii memoriam opus non esset generali Concilio, sed una sufficeret Pontificis auctoritas, huiusmodi allata ratione. „ Estis enim vos, Pater „ Sanctissime, Jesu Christi Vicarius totam Ecclesiam repraesentans, qui claves Regni Coelorum habetis; nec congregatum totum generale Concilium sine vobis, et nisi per vos potest cognoscere de negotio (7). „

(1) Coffer Auctorem libri de *Sto. Pontificis auctoritate Ecclesiae Gallicanae senectutia* lib. 2. cap. 6. tom. 2. lib. 2. cap. 6. pag. 51. seqq. edit. Avinion. 1747.

Hujus Constitutionis historiam accurate descripsit Petrus Franciscus Lestien cum titulo *Histoire de la Constitution Unigenitus*.

(3) Petrus de Marca concord. *Sacerdot. et Imper.* lib. 4. cap. 17. num. 1. et seq. pag. 166. edit. Roboret. 1763.

(4) Matthaeus Paris. in *Henric. III.* ad ann. 1145.

(5) *Preuv. des liber. de l'Eglise Gallican.* cap. 3. apud Charles de libart. *Eccles. Gallican.* tom. 3. observ. in epist. Episcop. Tornacensis pag. 284. edit. cit.

(6) Cap. 1. de renunciat. in 6.

(7) Vide Ballerinium de *potest. ecclae. Sum. Pontif. et Concil. general.* cap. 5. §. 2. num. 17. pag. 81. edit. Aug. Vindob. 1770.

§. VI. A vero, certoque Pontifice Martino V. Legati Regis Poloniae ad Concilium appellarunt, sed jussu ejusdem Pontificis tacere debuerunt, uti supra narravimus, et tunc decreto, cuius est facta mentio, sancitum fuit, ut a iudicio Summi Pontificis ad Concilium appellare liceret nemini. Gestae haec sunt omnia in conspectu Patrum, qui ad Concilium convenerant, et licet omnium maxime interesset pro illius propugnare auctoritate, tamen eorum nemo contra Martini decretum, aut pro Legatis Polonorum verbum ullum fecit; imo omnes silentio, et obsequio probarunt quod a Martino actum, ac decretum fuerat. Itaque huiusmodi appellatio egregie confirmat Romani Pontificis auctoritatem; tantum abest, ut de ea quidquam detrudere posse videatur.

§. VII. Denique inter eos, qui nulli hominum, sed soli Deo, Romani Pontificis iudicium obnoxium habuerunt, omittendus non est Philippus Saviae Dux, qui de Imperio cum Imper. Othone certabat. Is cum in Romanam Ecclesiam, Summumque Pontificem diu contumeliosus fuisset tandem ve-

ritate cognita rediit in bonam mentem, deditque litteras ad Innocentium III. obsequii, et reverentiae plenas, quibus diserte confessus est, non ulli homini, sed soli Deo ejus judicium esse subjectum. Scribit enim (1): „ Si nos in aliquo vos, vel Romanam Ecclesiam offendisse videamur, nos pro honore Domini nostri Jesu Christi, cujus vicem in terris geritis, et ob reverentiam B. Petri Principis Apostolorum, cujus vicarius estis, et ob salutem nostram nos ad satisfaciendum vobis supponimus. Si vero vos in aliquo nos, vel Imperium laesisse videmini, conscientiae vestrae super iis vos relinquimus. Cum enim nos pie credamus, et ante passionem, et post passionem Dominum nostrum Jesum Christum B. Petro claves regni Coelorum contulisse, et tradidisse jus ligandi, atque solvendi, scimus, et protestamur, quod vos, qui in locum suum cum plenitudine potestatis successistis, in hujusmodi articulis ab homine non estis judicandus, sed judicium, et examen, quod sibi soli debetur, nobis non quaerimus usurpare, „

(1) Has Philippi litteras describit Raynaldus *ad an.* 1206. *num.* 16. *pag.* 238. *tom.* 2. Ceterum de hoc argumenti genere late disputant Bellarminus *de Roman. Pontif. lib.* 2. *cap.* 21. *et* 26. *opp.* *tom.* 1. *pag.* 330. *et* 336. *edit.* Venet. 1721., Raynaldus *ad an.* 1460. *num.* 10. *et* 35. *seq.* *tom.* 10. *pag.* 222. 232. *seqq.* *edit.* Lucas, Ballerini *de potest. eclez.* *Sum. Pontif. et Concil. general. cap.* 5. § 2. *pag.* 74. *seqq.* *edit.* cit., Charles *loc. cit.* *pag.* 283. *seqq.*, Auctor libri *quis est Petrus par.* 3. *cap.* 2. *art.* 1. *pag.* 351. *seqq.* *edit.* cit., Cartier *Auctor. et infallib. Sum. Pontif. cap.* 9. *pag.* 235. *seqq.* *edit.* August. Vindelic. 1738., Auctor libri *de supram. R. Pontificis auctoritate tom.* 2. *lib.* 2. *cap.* 6. *pag.* 51. *seqq.* *edit.* Avenion. 1747., Orsius *de R. Pontificis in synod. oecumen. et eorum canones potest.*

Finis Tomi Tertii et operis,



RECENSIO TITULORUM

LIBRI III.

Tit. I.	<i>De Judiciis.</i>	Pag. 1
Tit. II.	<i>De Foro competente.</i>	17
Tit. III.	<i>De libelli oblatione.</i>	50
Tit. IV.	<i>De mutuis petitionibus.</i>	62
Tit. V.	<i>De Litis contestatione.</i>	66
Tit. VI.	<i>Ut Lite non contestata non procedatur ad testium receptionem, vel ad sententiam definitivam.</i>	69
Tit. VII.	<i>De Juramento calumniae.</i>	71
Tit. VIII.	<i>De Dilationibus.</i>	76
Tit. IX.	<i>De Feriis.</i>	80
Tit. X.	<i>De ordine cognitionum.</i>	95
Tit. XI.	<i>De plus petitionibus.</i>	100
Tit. XII.	<i>De Causa possessionis, et proprietatis.</i>	102
Tit. XIII.	<i>De Restitutione spoliatorum.</i>	107
Tit. XIV.	<i>De Dolo, et contumacia.</i>	112
Tit. XV.	<i>De Eo qui mittitur in possessionem causa rei servandae.</i>	119
Tit. XVI.	<i>Ut Lite pendente nihil innovetur.</i>	122
Tit. XVII.	<i>De Sequestratione possessionum, et fructum.</i>	126
Tit. XVIII.	<i>De Confessis.</i>	132
Tit. XIX.	<i>De Probationibus.</i>	141
Tit. XX.	<i>De testibus, et attestationibus.</i>	147
Tit. XXI.	<i>De testibus cogendis.</i>	153
Tit. XXII.	<i>De Fide instrumentorum.</i>	156
Tit. XXIII.	<i>De Praesumptionibus.</i>	161
Tit. XXIV.	<i>De Jurejurando.</i>	164
Tit. XXV.	<i>De Exceptionibus.</i>	171
Tit. XXVI.	<i>De Praescriptionibus.</i>	177
Tit. XXVII.	<i>De sententia, ei rejudicata.</i>	188

Tit. XXVIII.	<i>De Appellationibus, Recusationibus, et Relationibus ;</i>	198
Tit. XXIX.	<i>De Clericis peregrinantibus.</i>	216
Tit. XXX.	<i>De confirmatione utili , vel inutili.</i>	218

RECENSIO CAPITUM APPENDICIS.

Cap. I.	<i>De Appellationibus.</i>	235
	Jus appellationum inhaerens, et insitum est in Romano Pontifice Ecclesiae Capite.	
Cap. II.	<i>De Concilio Nicaeno, et Antiocheno,</i>	248
	Horum neutrum omnem Judiciorum potes- tatem Synodis attribuit.	
Cap. III.	<i>De Concilio Constantinopolitano , et Chalcedonensi.</i>	254
	In his duobus conciliis minime agitur de Romanis Appellationibus.	
Cap. IV.	<i>De Concilio Sardicensi.</i>	259
	Ab hoc concilio repetenda non est origo Romanarum appellationum , neque in eo actum de simplici causae revisione. Ejus canones ab Orientalibus recepti. Sardi- cense Concilium OEcumenicum fuit. Sardicenses canones pro Nicaenis habiti.	
Cap. V.	<i>De Observantia.</i>	284
	Constans omnium aetatum consuetudo de appellationibus ad Sedem Apostolicam.	
Cap. VI.	<i>De Appellationibus a Judicio Dogma- tico Rom. Pontificis.</i>	349
	Abnormis, et illicita est appellatio a judi- cio Summi Pontificis ad Concilium	

